


417619

總理全集

漢文敬署



上海民智書局發行

總理全集

總理全集第二集目錄



一文電

自巴黎致民國軍政府電

自海外歸國時致同盟會諸同志電

與清室議和之要電

爲粵事致廣東各界電

救民疾苦之通電

附就臨時大總統後所發布之各種重要通令

推荐袁世凱爲總統之各電

致袁世凱辭大勳位電

錢幣革命之通電

第 三 集

目 錄

勸袁世凱辭職電

請各省一致聲討袁氏之通電

促各省協力討袁電

令各省討袁軍罷兵之要電

致黎元洪請斥龍濟光電

致黎元洪請規復約法尊重國會電

致英相請勿加懲慮中國加入協約電

關於加入協約事致北京參眾兩院電

爲二百二十萬匯款事致泗水中華商會電

主張護法之通電

主張護法致陸榮廷電

護法之役致川滇黔湘各省要電

致湘鄂各將領電

總 理 全 集

致黔督劉顯世電

致雲南章太炎唐繼堯王文華等電

致川滇黔靖國軍各軍將領電

護法之役致上海本部各電

致譚延闓程潛請釋畢同電

團結川滇一致抵禦北軍之通電

致李純陳光遠論和平電

大元帥時代致川黔粵各省電

致章太炎等電

致四川盧錫卿黃復生等電

致貴陽王文華劉顯世電

致汕頭陳炯明許崇智等電

討莫之役致滇湘黔閩浙粵各省當局要電

第 三 集

目 錄

致唐繼堯電

致長沙周震麟譚延闓等電

致貴陽王文華劉顯世電

致福州李厚基電

致杭州盧永祥電

致粵軍陳炯明暨各路司令前敵諸將領電

致鄂西各將領弔唁高固羣烈士電

辭大元帥職之通電

退出軍政府覆國會議員電

討伐陳炯明之通電

和平統一之通電

爲和平統一事致林建章電

爲曹錕乞和致孫洪伊電

總 理 全 集

東江之役覆劉震寰電

東征時致胡漢民電

討伐曹吳致段祺瑞盧永祥電

致段祺瑞電

致盧永祥電

北伐軍興致唐繼堯劉顯世電

致唐繼堯電

致劉顯世電

曹吳失勢後與段祺瑞商議國事之各電

自天津行轅致各報館電

二 函札

上李鴻章書

目 錄

第 三 集

目 錄

倫敦被難時之書簡

由日本經香港致港督書

敬告同鄉書

鎮南關之役致各同志之要緘

致宮崎萱野各書

欽廉之役致鄧澤如書

致南洋同志請籌巨款書

在暹羅致鄧澤如等緘

在星加坡成立南洋支部之通告

南下至吉隆坡等處致鄧澤如諸同志書

赴歐洲前致鄧澤如等緘

抵歐洲以後致各同志書

赴歐途中自馬賽致吳稚暉書

總 理 全 集

在歐時致吳稚暉書

將由歐去美時致吳稚暉書

到美後致各同志書

致日本萱野氏書

廣州新軍之役致美洲同志請助餉書

廣州新軍之役致美國紐約同志書

由日本抵星加坡後致同志及鄧澤如書

由美經日至南洋時致吳稚暉書

由檳抵日後致美洲紐約同志書

在檳榔嶼致美洲紐約同志書

再赴歐美前致鄧澤如等書

再赴歐美途中致鄧澤如等書

致滔天宮崎萱野各書

第 三 集

目 錄

在巴黎將去美國時致倫敦吳稚暉書

到美國時致吳稚暉書

甫到美國致吳稚暉書

在美致吳稚暉各書

黃花崗起義前致李源水鄭螺生書

廣州之役失敗後自美洲致各同志書

由南洋再赴美國後致吳稚暉書

在美致吳稚暉各書

由美回南洋時致吳稚暉書

旅歐途中致宮崎萱野各書

由歐返國時致鄧澤如之書

武昌起義後由美到英訪吳稚暉於倫敦所留之緘

致袁世凱辭大勳位書

總 理 全 集

覆參議會論國旗書

覆民生國計會贊成移民就墾書

覆女界共和協贊會書

要求自由禁烟主權致英國國民書

致南洋同志書

邀容閼歸國書

勗南洋各同志書

爲二次革命捐款事致南洋同志書

討袁之役致鄧澤如各書

討袁之役委鄧澤如爲財政部長及南洋籌餉事

致鄧澤如述范鴻仙被殺事

致南洋同志書

組中華革命黨致李源水書

第 三 集

目 錄

爲籌餉事致鄭螺生李源水書

委託南洋同志變賣庇能房屋書

派許宋赴南洋致鄭螺生等書

通告洪門改組支部函

通告海外國民黨各支部改組函

在日本組織中華革命黨致鄧澤如書

答朝日新聞記者書

討袁之役致南洋同志書

覆鄧澤如談討袁與籌款事

討袁之後與鄧澤如各書

致鄭螺生等論討袁事

爲中日交涉覆北京學生書

致馮國璋請釋秦毓鎰書

總 理 全 集

致黎元洪辭顧問緘

通告國內外同志之兩書

通告黃克強先生逝世函

通告華僑從軍經過及遣散情形函

通告黨員儲金章程函

通告海外各支分部職員暫不改選函

通告釀資安葬陳君英士函

再復李村農論借外資書

爲對德參戰問題復段祺瑞緘

率海軍開府廣州致南洋同志及鄧澤如各書

督軍團倡亂致鄧澤如各書

軍政府改組致國會及各方面之要緘

覆港商陳賡如函

第 三 集

目 錄

致陳競存函

莫榮新抗命致李烈鈞書

勗討莫各軍書

辭大元帥職後通告海外同志書

留別粵中父老昆弟書

爲粵事致胡漢民鄒魯書

辭總裁覆國會各議員書

覆在滬國會議員論南北和議書

覆蔡元培張相文討論編輯民國史事

護法之役致林修梅書

覆美洲葛崙埠分部長吳東垣函

致滔天書

護法之役覆何成濬書

總 理 全 集

護法之役致川中何民畏書

創辦英文報致三藩市林直勉書

與海外國民黨同志書

發起中央籌餉會致李源水書

討陳之役勗蔣介石守福州書

關於勸告裁兵事覆全國商聯會書

緘促議員南下

致胡漢民楊庶堪各書

致胡漢民許崇智書

北伐致蔣介石各書指示關於分配槍械與練兵等事

關於處置商團事件致蔣介石各書

總理全集

總理全集 第三集



一文電

自巴黎致民國軍政府電（辛亥年）

民立報轉民國軍政府鑒文已循途東歸自美徂歐皆密晤其要人中立之約甚固惟彼邦人半未深悉內情各省次第獨立略致疑怪今聞已有上海會議之組織欣悉總統自當選定黎君聞黎有推袁之說合宜亦善總之隨宜推定但求早鞏固國基滿清時代權勢利祿之爭我人必久厭薄此後社會當以工商實業爲競點爲新中國開一新局面至於政權皆以服務視之爲要領文臨行叩發

自巴黎致民國軍政府電

自海外歸國時致同盟會諸同志電

一

自海外歸國時致同盟會諸同志電

(民國元年二月二十七日)

同盟會諸兄大鑒弟離國十餘年匆匆過港又不克與同志諸兄握手深以爲憾茲派黃君芸蘇張君藹雲爲宣慰委員更與我同志接洽一切黃君爲金山同盟會長張君盡瘁黨事有年因特專函卽問義安孫文

與清室議和之要電（民國元年三月一日）

（一）北京蒙古聯合會蒙古王公鑒電悉帝制已除合五大民族爲中華民國幸福無涯中外同慶來電薦舉袁慰庭君徵執事等言文豈忘其私約因今日始得接清帝遜位之詳電當即報告參議院提出辭表並推薦袁君之功能衆俱信服文之推讓非祇尙賢亦以爲國區區此意凡我國民當共鑒之專覆孫文

（二）西安陝西都督張鳳翔鑒清帝已經退位南北一致今日袁慰庭君來電云請電知陝西移軍西向專防升允北軍退出潼關決不西進僅留隊伍防堵土匪餘均開回北方防堵奉聞特此通知宜相機防戰爲盼總統孫文

（三）奉天張總營務處廣水陳統領張家口何統制北京馮軍統天津張軍門徐州張軍門穎張倪先生北京姜軍門由專制變爲共和實項城維持之力更諸將士贊其功四萬萬受福無窮深堪嘉佩從此南北一家同心協力竟破壞之功開建設之緒羣我共和國之前途增我五族人民之利樂所仰望於諸將士者尤非淺鮮專此電賀並盼教言孫文

爲粵事致廣東各界電（民國元年二月二十六日）

（一）陳都督省會商會軍團協會報界公會鑒大局已定袁慰庭南來文與精衛漢民俱可返粵并可籌借鉅款爲粵經營布置請公等維持現狀勿使目前有所動搖切切總統孫文印

（二）香港陳席儒楊西巖廣州陳都督省會各界團體公鑒家兄之事文期期以爲不可前已有電勸家兄及電省城各界矣昨再電粵許令精衛漢民俱回請省會毋庸另舉他人汪胡兩人未返之前仍應由陳都督代理理想我粵父老聞之當可稍慰總統孫文印

（三）陳都督并各界公鑒革命功成民國統一胡都督不日可回原任精衛亦能同回助理請毋庸另舉他人現狀維持統祈暫爲盡力總統孫文印

（四）萬急廣州陳都督鑒前廿二日電令胡漢民回任汪精衛同返次日漢民面陳力辭故廿三日再電委任汪精衛督粵俟袁世凱來寧精衛即返未到任以前由陳督代理兩電想先後到粵自以廿三日電爲實以精衛督粵陳督代理其廿二日漢民回任之令取消特此電聞并轉各界知之總統孫文廿六印

（五）萬急報界公會轉惠軍統領王和順鑒聞惠軍在省與督部新軍有衝突事陳督設法處置民軍自爲今日治粵必然之策且分別留遣并無一律解散之說君等宜遵守約束共維大局須知世界各國之軍隊皆不能講平等而命令必出於一是倘以猜嫌之故致啓紛爭驚擾居民誰任其咎特此正告我愛國之民軍

總理全集

知之總統孫文印

(六)陳都督省議會商會軍團協會各報館各團體會鑒連得軍商各界團體挽留陳都督之電數十通足知輿情所嚮公論所存無以易也王和順之種種不法各界具知之該督爲地方治安計不憚爲難而行其苦心當爲各界共諒當此大局初定內亂初平陳督斷無輕卸責任而去之理惟君子難進而易退陳都督志行高潔本總統所素知苟社會爲少數人所簸弄不復詳其苦心則宜有抑鬱思去之志矣本總統責備賢者自不能聽陳都督之輕辭然徒托虛言慰藉究非所以安陳督所企吾粵父老兄弟知任事者之苦衷於是非所在辨之至明絲毫無惑萬衆一心交相維繫以圖我粵久安長治之局則陳督將欲去而不忍去各界能體此意大局之幸也孫文印

爲粵事致廣東各界電 救民疾苦之通電

救民疾苦之通電（民國元年四月五日）

各省都督鑒臨時大總統孫令此次改革原爲救民水火乃自各省光復以來各地方行政長官及帶兵將領良莠不齊每每憑藉權勢凌虐鄉里有非依法律輒入人民家宅搜索銀錢衣物書籍據爲己有者有託名籌餉強迫捐輸甚且虜人勒贖者有因挾微嫌而擅行逮捕人民甚或鎗斃籍沒以快己意者排擠傾陷私欲橫溢官吏放肆民人無依若不從嚴締治將怨鬱之極挺而走險恐非地方之福現在地方官制尙未頒行各省都督具有治兵察吏之權務須飭所屬勿許越法肆行一面出示曉諭人民有前項疾苦者許其按照臨時約法來中央平政院陳訴或就近向都督府控告一經調查確實立予盡法懲治并將罪狀宣示以昭警戒本總統雖解職在即然念及民衆塗炭國本所關不敢自暇願我各都督百僚有司共勉之此令二十八日孫文印

附就臨時大總統後所發布之各種重要通令

（一）滿清末年仕途腐敗已達極點親貴以財賄招誘於上士夫以利祿市易於下奔競弋謀相習成風脂葦突梯恬不知恥以致君子在野自好不爲事無與治民不聊生踵循不悛以底滅亡民國成立萬端更始舊日城社掃除略盡肅整吏治時不可失然而法制未頒考試未行干進者有乘時竊取之心用人者有高下隨心之便一或不慎將有甚於滿清之季者治亂之分端在於此言念前途能無兢兢南京臨時政府草創之

總理全集

際各處奔走疏附來求一地位者當不乏人以此苟得之心遂開詐僞之習或本舊吏而冒稱新材或甫入校而遽號畢業蒙混誣枉得之爲能雖轉瞬統一政府成立此地各官署立即取消然使不肖者得持此以爲進身之具其遺患方來何可數計爲此令仰該部總次長等於用人之際務當悉心考察慎重銓選勿使非才濫竽賢能遠引是爲至要又查各部薦任各員每有以一人而兼兩職者殊非慎重職務之道薦者不知是爲失察受者不白是爲冒利胥無取焉以後除有特別緣故不得兼職以肅官方而飭吏治切切此令

(二)方今民國初基首在任用賢能掃除弊蠹近歲以來是非倒置黜陟不公致鑽營奔競之風大開謹厚者或貶節以求全巧滑者益趨炎而忘耻官方既紊職守全墮傾覆之由多在於此此等惡習自應痛加漸滌務絕根株爲此通諭百僚須知凡屬官員皆係爲民服務官規具在莫不負應盡之責任而無特別之利益何得存非分之希冀而作無謂之營求况佐治需才果有寸長奚患淪棄自今以往該管長官毋得以好惡爲取舍喜怒爲進退如有此等情形屬員准其申訴倘屬員對於長官再有鑽營奔競情事必當重加懲戒以肅官常維我同官各宜清白乃心束身自愛毋負本大總統殷殷誥誡之意此令

(三)鴉片烟爲害歷歲久遠年來訂限禁絕幸覺悟者日多稍免荼毒乃軍興之後禁令漸弛復有滋蔓之慮亟宜重申嚴禁責成各長官將從前禁種禁運禁吸各辦法繼續進行毋得稍有疎懈并當剴切曉諭俾知禁烟爲除害救民之要圖凡我國民尤宜視爲酖毒互相勸懲不得圖一時之利而忘無窮之害此令

(四)據該部呈稱擬另刊新模鼓鑄紀念幣就中一千萬元上刊第一期大總統肖像流通遐邇垂爲美

第 三 集

附就臨時大總統後所發布之各種重要通令

二

談其餘通用新幣花紋式樣亦應一律更改請將花紋酌定頒發分令各省造幣廠鼓鑄以資遵守等情前來查幣制改良新民耳目自屬要圖所請以一千萬元上刊第一期大總統肖像以爲紀念一節應准照行其餘通用新幣花紋中間應繪五穀模型收豐歲足民之義垂勸農務本之規爲此訓令該部即便遵照速將新模印就分令各省造幣廠照式鼓鑄可也此令

(五)近世各國刑罰對於罪人或奪其自由或絕其生命從未有濫加刑威虐及身體如體罰之甚者蓋民事案件有賠償損害回復原狀之條刑事案件有罰金拘留禁錮大辟之律稱情以施方得其平乃有圖宣告之輕便執行之迅速逾越法律擅用職權漫施笞杖之刑致多枉縱之獄者甚爲有司不取也夫體罰制度爲萬國所屏棄中外所譏評前清末葉雖懸爲禁令而督率無方奉行不力頃聞上海市裁判所審訊案件猶用戒責且施之婦女以滬上開通最早四方觀聽所繫之地而員司猶踵故習則其他各省官吏難保無有乘民國初成法令未具之際復萌故態者亟宜申明禁令迅予革除爲此令仰該部速行通飭所屬不論司法行政各官署察理及判決民刑案件不准再用笞杖枷號及他項不法刑具其罪當笞杖枷號者悉改科罰金拘留詳細規定俟之他日法典此令

(六)頃據上海太晤士報載南京之兵士現象均係實情該報向表同情於民國今爲懇切之忠告若不切實警戒約束不惟貽笑外人後患何堪設想該報所載下級軍官及高級之官終必同受其危險者誠非過慮爲此令仰陸軍部速即頒行軍令令責成各軍司令以下將校切實奉行以後各負其責任並附譯該報所

總 理 全 集

論之文給與各軍將校傳閱須知紀律嚴明訓練有素然後能保軍人之名譽壯民國之干城我金陵軍隊不
乏愛國健兒斷不容以少數不規則之行爲致壞我軍人全體之名譽也速將此義通告知之

推薦袁世凱爲總統之各電

推荐袁世凱爲總統之各電（民國元年）

（一）致廣州各界電 民國元年二月二十一日萬急廣州都督臨時省會軍團協會總商會報界公會鑒因推舉袁君爲第二臨時總統紛接來電相爭其詞頗多誤會恕不能縷縷見復謹將括舉其要以相答諸君盡其心力與各省同志左右挈提覆滿清而建民國今目的已達以此完全民國歸諸全體四百兆人之手我輩之義務告盡而權利則享自由人權而已其他非所問也至於服務之行政團若總統者皆我目由國民所舉用之公僕當其才者則選焉袁君之性情不苟於然諾當其未以廢君爲可也則持之及其既以共和爲當也則堅之簡諾甚濡其言彌信彼之布告天下萬世有云不使君主政體再發生於民國屢次來電自承爲民國一公民不受亡清之委任於既被選舉之日猶僅任維持北方秩序亦可謂能知大義者矣至彼知委曲求全予亡清以優待亦隱消同國之戰爭功罪弗居心迹自顯前日之袁君爲世界之一人今日之袁君爲民國之分子量才而選彼獨賢勞正我國民所當慰勉道歉責之以盡瘁愛之以熱誠者總統既非酬庸之具袁君卽爲任勞之人宜敬觀其從容敷施以行國民之意使民國之根基由臨時盡力維持而完固焉公等其鑒文之微忱也孫文印

（二）致袁世凱電（民國元年三月一日） 北京袁慰庭先生鑒畏電及唐轉來真電具悉清帝辭位執事宣言贊成共和民國從此大定不勝忻慶蓋全國人民之幸福也現卽報告參議院提出辭表推荐執事至

總 理 全 集

共和政府不能由清帝委任組織若果行之恐生莫大枝節執事明於理勢當必知此請即速來甯以副衆望如慮一時北方無人維持秩序當可由執事舉人電知臨時政府畀以鎮守北方全權謹佈候覆併表歡迎之至意孫文

北京袁慰庭先生鑒今日文偕各部總次長到參議院辭職已得承諾以新總統接事爲解職期同時文推荐執事爲臨時大總統明日二時參議院開選舉會先此電聞秩庸少川已到寧孫文

上海陳都督其美鑒粵督刪電用意專在反對臨時政府設於北京今參議院既決定仍在南京之議則粵督疑慮可釋矣此復總統孫文

(三)致陸榮廷電 廣西陸都督榮廷鑒電悉十五日參議院於本總統及內閣總理解職後即選定袁世凱爲臨時大總統仍以南京爲臨時政府地點須袁親來接任而舊政府始能解職若將來之大總統及國都則須俟民選議院成立及舉行全國大選舉乃可決定今仍號以臨時名義於臨時大綱未嘗不合也總統
孫文

致袁世凱辭大勳位電

一

致袁世凱辭大勳位電（民國元年十月十九日）

奉真電特授文大勳位無任悚惶去歲民軍起義東南十餘省已次第光復文甫歸自海外其時因國內同胞感情尚有隔閡須急謀統一組織臨時政府勉從衆議承乏南都後賴我公以救國決心力全大局幾經艱苦乃有今日文始終因依其間實無功可述今承大命特授殊榮中夜捫心適以滋愧且文十餘年來素持平民主義不欲於社會上獨占特別階級若濫膺勳位殊與素心相違務乞鑒茲微悃收回成命實深感荷孫文元叩

錢幣革命之通電

北京參議院各省都督省議會全國國民暨各報館鑒竊聞遇非常之變當出非常之方以應之今者俄人乘我建設未定金融恐慌而攫我蒙古以常情論之我萬無能抵抗之理在俄人固知之素而審之熟故甘冒不韙行之我國人皆知蒙亡國亡與其不抗俄屈辱而亡孰若抗俄而爲壯烈之亡故舉國一致矢死非他也以文觀之民氣如此實足救亡惟必出非常之策事乃有濟非常之策維何請爲我政府國民言之第一行錢幣革命以解決財政之困難今日我之不能言戰者無過於財政困難自南北統一後則謀借外債以救我金融之恐慌然至今六國之借款無成若一有戰事則更復無望然則就財政上言之無論有戰無戰財政問題之當解決必不容緩也文於謀革命時卽已注意於此定爲革命首要之圖乃至武昌起義各省不約而同寢而北軍贊和清帝退位進行之順適迥出意表故所定方略百未施一民國大定後財政雖困以爲皆可以習慣之常理常法以解決之便不欲以非常之事而驚國人也不圖借債無成而俄禍又起存亡所關不能不出非常之策以應之也錢幣之革命者何現在金融恐慌常人皆以爲我國今日必較昔日窮乏其實不然我之財力如故出產有加其所以成此貧困之象者則錢幣之不足也錢幣維何不過交換之中準而貨財之代表耳此代表之物在工商未發達之國多以金銀爲之其在工商已發達之國財貨溢於金錢千百萬倍則多以紙票代之矣然則紙票者將必盡奪金銀之用而爲未來之錢幣如金銀之奪往昔之布帛刀貝之用而爲

第

三

集

錢幣也此天然之進化勢所必至理有固然今欲以人事速其進行是謂之革命此錢幣革命之理也其法維何卽以國法令所制定紙票爲錢幣而悉貶金銀爲貨物國家收支市廛交易悉用紙幣嚴禁金銀其現存錢幣之兌金銀祇准向紙幣發行局兌換紙幣不准在市面流行如此則紙幣一出必立得信用暢銷無阻則財運可通矣但紙幣之行用無論古今中外初出時甚形便利久之則生無窮之流弊必至歸天然淘汰而後止此其原因則紙幣之本質價廉而易制不比金銀之本質價昂而難得故紙幣之代表百貨也其代表之性質一失則成爲空頭票若仍流行於市面則弊生矣而金銀之代表百貨也其代表之性質雖失而本質尙有價值尙可流行市面而無弊此兩物代表百貨之功用同而性質不同故流行之結果有別昔人多不知此理故無從設法防其流弊今我人旣明此理則防弊之法無難其法當設兩機關一專司紙幣之發行一專司紙幣之收毀紙幣之功用旣爲百貨之代表則發行之時必得代表之貨物或人民之担負而紙幣乃生效力今如國家中央政府每年賦稅應收三萬萬元稅務處旣得預算之命令卽可如數發債券於紙幣發行局該局如數發給紙幣以應國家度支至期稅務處當將所收三萬萬元租項之紙幣繳還紙幣消毀局取消債券如是發行局於得稅務處之債券如數而發出紙幣此等紙幣以有人民之担負成爲有效力之紙幣名之曰生幣及稅務處於所收稅項如數繳贖債券之紙幣爲失效力之紙幣因代表賦稅之功用已完名之曰死幣故當毀之也如收稅之數溢於預算之數則贏餘之紙幣效力尙可再流轉市面無礙也以上爲國家賦稅保證所發之紙幣至於供社會通融之紙幣則悉由發行局兌換而出當紙幣之存在發行局爲未生效力之幣必需

總 理 全 集

以金銀或貨物或產業兌換之乃生效力如是紙幣之流於市面悉有代表他物之功用貨物愈多則錢幣因之而多雖多亦無流弊發行局發出紙幣而得回代價之貨物其貨物交入公倉由公倉就地發售或連他方發售其代價祇收紙幣不得收金銀此種由公倉貨物易回之紙幣因代表之貨物去其效力立成爲死票凡死票悉當繳交收毀局毀之如此循環不息則市面永無金融恐慌之患而紙幣亦永無流弊之憂一轉移間而全國財源可大活動不必再借外債矣如國家遇有非常之需祇由國民議決預算表如數責成國民担任或增加稅額或論口輸捐命令一出錢幣發行局便可如數發出紙幣以應國家之用按期由稅務局收回紙幣此款便可抵消若論口捐輸每人二元全國之數八萬萬元若收金銀則必無此數若收紙票則必易行因政府已將所定額先期發出行用市面泉源已加多此數人民或以工取或以貨易求之市面必能左右逢源非若金銀之祇有此數一遇減少必成恐慌中國人或更埋之地中外國人必然輸之海外如此則緊急正需金錢之時而金錢因之愈乏適成窮上加窮而各國銀業奸商遂從而壟斷之人民雖激於義憤欲報效國家然如苦無金錢愛莫能助徒喚奈何耳此吾中國現在之境況也若行錢幣革命以紙幣代金錢則國家財政之困難可立抒而社會之工商事業亦必一躍千丈由此觀之紙幣之行用有方流弊不生既如彼而利益之大又如此況值非常之變非先解決財政問題必不能言戰乃有熱血之士徒責政府之無能而不爲設身代想殊不共諒當局人爲難之甚也當此強鄰逼處實行瓜分之秋非徒大言壯語所能抵禦非有實力之對待不可是宜政府與人民同心同德協力進行錢幣革命以救今日之窮在政府當速行立法一籌備設立鑄幣

第

三

集

局製出一元十元百元千元四種之紙幣五毫一毫之銀幣五仙一仙之銅幣以輔之其本位可做日本以金爲定制製出若干之時便可發命令頒行限期將市面現銀之幣收換過期有仍用舊幣者如數沒收充公並嚴罰其受授之人二籌備設立公倉工廠以便人民以貨換幣或以工換幣之地三籌備設立紙幣收熨局此各種機關立法必臻完善方可無弊在人民當一面設立救窮會鼓吹其道以助政府實行錢幣革命此事成功之後金銀既貶爲貨物則金銀出口毫無影響於經濟界因我不以此物爲錢幣縱全國無金銀我之經濟事業亦能如常活動況我既行紙幣則財貨必流通工商必發達出口貨必多於入口貨而外貨不能相敵必有輸其金銀珠寶以爲抵者金錢一物我既不以爲錢幣祇有作爲器皿或貯之外國以供全國之借貸而我爲債主以享其利子而已此錢幣革命之結果也總之一經此次革命之後我之財政立可活動第二謀不敗之戰略以抗強鄰而保領土語曰能戰而後能和惟我今日不能戰故俄敢公然侵我領土若徒然與辦交涉與之言仲裁悉歸無效必也照第一策先行解決財政問題然後乃能言戰而戰必期於不敗乃能言和不敗之道若何必備屢戰屢敗而氣卒不撓乃能求最終之一勝語有之知己知彼百戰百勝今俄有常兵百萬戰時兵五百萬我現在練兵五十萬民兵無量數就俄之現勢而觀六個月之內必難出至五十萬之兵而我則於此期之內可出五十萬於外蒙北滿六個月之後又可加新練之兵五十萬然以此而敵俄在第一年之戰勝負未可知惟第二年我當出兵二百萬意料中當可逐俄出滿蒙之野而復我黑龍江沿海州之侵地然萬一仍敗則第三年當出兵四百萬若猶不能得利則第四年當出兵六百萬則未有不勝者也在此期內俄必

總 理 全 集

有財政之恐慌革命之起義與我可乘之隙者甚多若彼猶不屈服則期第五年之大舉必出兵至八百萬或至千萬必直抵莫斯科聖彼得堡而後已或疑此作戰之計畫爲萬不能行之事不知此乃以常理而言耳若出以非常之力則未有不能行者也近世戰鬥之力每以金錢爲限吾先既已行錢幣之革命則不受金錢之限制矣而以四萬萬人之人工物力而供給千萬之兵五年之餉實綽綽有餘也證之以南非杜阿二國以四五十萬人口之國能出兵五六萬以抗英支持三年之久而謂我不能出千萬之兵作五年之戰有是理耶又證之以太平天國與滿清戰爲期至十五六年而兩方前後合計皆出兵千餘萬五六十年前中國國內之戰已有三倍之長期三倍之兵數而當時人工物力尙能給之無待取助於外債而謂今日則不能乎無是理也況今日乃舉國一心生死與共遠非往昔惟知自相殘殺者之可比耶今日民國成立已一年而列國互相阻難無一國肯首先公式承認而蒙古一域之獨立俄乃首先承認之各國不以爲難此非故爲瓜分之餘地乎與其俯而聽人之瓜分何如發奮一戰以勝強俄而固我國基於萬代之爲愈也況當此民氣正盛國體方新戰有必勝之道不戰爲必亡之階孰利孰害不待智者之決也縱以常理論之今日戰亦亡不戰亦亡與其屈於霸道強權而亡不如一殉人道公理而亡一戰不獨不亡而更可揚國光衛人道伸公理於世界也望我政府我國民當仁不讓毅然以非常之力應非常之變先行錢幣革命而後定作戰之計畫民國幸甚全球幸甚

孫文叩

勸袁世凱辭職電（民國二年）

北京大總統鑒文於去年北上與公握手言歡聞公諄諄以國家與人民爲念以一日在職爲苦文謂國民屬望於公不僅在臨時政府而已十年以內大總統非公莫屬此語非對公言之且對國民言之自是以來雖激昂之士於公時有責言文之初衷未嘗少易何圖宋案發生證據宣布愕然出諸意外不料公言與行違至於如此既憤且懣而公更違法借款以作戰費無故調兵以速戰禍異已既去兵燹仍挑以致東南軍民荷戈而起衆口一辭集於公之一身意公此時必以平亂爲言姑無論東南軍民未叛國家未擾秩序不得云亂即使云亂而釀亂者誰公於天下後世亦無以自解公之左右陷公於不義致有今日此時必且勸公乘此一逞樹威雪忿此但自爲計不爲民國計亦未爲公計也清帝辭位公舉其謀清帝不忍人民塗炭公寧忍之公果欲一戰事宜用於效忠清帝之時不宜用於此時也說者謂公雖欲引退而部下牽掣終不能決然人各有所難文當日辭職推荐公於國民固有人責言謂文知徇北軍之意而不知顧十七省人民之付託文於彼時屹不爲動人之進退綽有餘裕若謂爲人牽掣不能自由苟非託辭卽爲自表無能公必不爾也爲公僕者受國民反對猶當引退況於國民以死相拼殺一不辜以得天下猶不可爲況流天下之血以從一己之欲公今日舍辭職外決無他策昔日爲任天下之重而來今日爲息天下之禍而去出處光明公復何憾公能行此文必力勸東南軍民易惡感爲善意不使公懷騎虎之慮若公必欲殘民以逞善言不入文不忍東南人民久困兵革必以前此反對君主專制之決心反對公之一人義無反顧謹爲最後之忠告惟裁鑒之孫文

總 理 全 集

請各省一致聲討袁氏之通電（民國二年）

北京參議院衆議院國務院各省都督民政長各軍師旅長鑒江西事起南京各處依次響應一致以討袁爲標識非對於國家而脫離關係亦非對於北方而睽異感情僅欲袁氏一人辭大總統之職遂不惜犧牲其身命以求達之大勢至此全國流血之禍繫於袁氏一人之身聞袁氏決以兵力對待是無論勝敗而生民塗炭必不可免夫使袁氏而不違法則東南此舉無能左袒今袁氏種種違法天下所知東南人民迫不得已以武力濟法律之窮非惟其情可哀其義亦至正且即使袁於所謂違法有所自解然今者決死反對之人民遍於六省人民心理之表見既已如是爲公僕者即使自問無愧亦當謝職以平衆怒微論政體共和卽君憲國之大臣亦不得不以人民之好惡爲進退有如日本桂太郎公爵以國家柱石軍人領袖重出而組織內閣祇以民黨有所不滿卽毅然引去以明心迹大臣風度固宜如是况共和國之人民公僕爲人民荷戈以逐而願流天下之血以保一己之位置哉使袁氏而果出此非惟貽民國之禍亦且騰各國之笑迴憶辛亥光復清帝舉二百餘年之君位爲民國而犧牲當時袁實主其謀亦以顧全大局不忍生靈罹兵革安有知爲人謀而不知自謀者更憶當時文受十七省人民之付託承乏臨時大總統聞北軍於贊成共和之際欲舉袁氏以謀自安文卽辭職向參議院推荐袁氏當時固有責文知徇北軍之意而不顧十七省人民付託之重者然文之用心不欲於全國共和之時尙有南北對峙之象是以推讓袁氏俾民國早得統一由是以勸袁氏不宜藉口

第 三 集

請各省一致聲討袁氏之通電

二

於部下之擁戴而拒東南人民之要求可斷言矣請公維持民國爲人民所攸賴當此存亡絕續之際望以民命爲重以國危爲急同向袁氏說以早日辭職以息戰禍使袁氏執拘不聽必欲犧牲國家與人民以成一己之業想諸公亦必不容此禍魁文於此時亦惟有從國民之後義不反顧臨電無任迫切之至孫文

促各省協力討袁電（民國四年）

（一）致漢口田桐山東居正香港朱執信電 文回滬後已宣言與各方面協同一致聲討國賊此時袁逆負隅戀棧而南方義軍勢力猶薄各地方進行彼此不相協則更使袁賊得間請兄體察此意一切事宜務求於討袁各派協同進行以收羣策羣力之效至於旗幟雲貴桂浙均已一致遵用五色旗吾黨亦宜一律沿用俾不致同一討賊之軍而有猜疑至於武力進行爲目前唯一方針請諸同志更加意努力以期早除國賊而奠國基孫文

（二）致滇黔桂浙粵都督及各軍司令電 奸人竊柄顛覆民國公等討賊聲振天下且維持約法尊重民意尤見愛國至誠惟袁逆戀棧負隅意猶叵測際茲時局一髮千鈞文近自海外歸來誓從國民之後滅此朝食已分電告各同志取一致之行動吾人志在鋤奸當集羣力猛向前進決不使危害民國如袁逆者生息於國內文惟知憂國甚願盡力所能至爲公等助惟公等有以教之孫文

（三）致岑都司令電 聞公已任兩廣都司令以疾惡至嚴之人持滅此朝食之志南方健兒素稔順逆得公提挈鼓行而進壯偉何似誦公宣言有不分黨派省派之語實獲我心主義目的既合符節允當共力進行粵省獨立以前義師先起聞至今猶與濟軍相持大敵當前而內紛不息事甚無謂文已電同志俾泯猜虞併力求事實上之一致請公亦正告濟軍一方務嚴約束勿復生釁庶幾同心戮力共伸天討公德隆望重有

第 三 集

促各省協力討袁電

所指導允孚衆望文知憂國甚願盡力所能至爲公等助謹以電聞孫文

二

令各省討袁軍罷兵之要電（民國五年六月十四日）

（一）致朱執信電 香港朱執信兄鑒袁死政局一變我應罷兵孫文蒸

（二）致居正電 滙縣居覺生兄鑒袁死政局一變我宜按兵勿動候商黎大總統解決孫文蒸

（三）致福建革命軍電 福州轉展南松溪政和崇安各軍袁死政局一變可望平和已佔領地方倘人不來攻我宜按兵勿動維持秩序未舉兵者宜停止進行政治問題候商黎大總統解決孫文元

（四）致黃克強電 東京黃克強兄鑒兩軍舉義多數揭去袁復約法召國會爲的袁死黎能復約法召國會當息紛爭事建設以昭信義固國本兄見何如孫文元

（五）致吳大洲薄子明電 周村吳大洲薄子明兄鑒袁死內外情勢變我宜按兵勿動維持地方秩序候商黎大總統解決孫文

（六）致四川革命軍司令石青陽電 松坎戴總司令義勇隊盧團長請轉石青陽兄鑒袁氏暴斃局勢一變我宜按兵勿動靜候黎大總統解決與護國軍方面聯絡協進唯沿用五色國旗粵魯閩等省已照行矣
孫文宥

令各省討袁軍罷兵之要電 致黎元洪請斥龍濟光電

致黎元洪請斥龍濟光電（民國五年六月二十八日）

比見唐紹儀等請除龍濟光電實爲天下公言龍在粵三年無惡不作粵人惡龍甚於洪水猛獸此人不
去粵無噍類政府與民更始維新萬不宜留此奇凶以禍百粵况龍目不識丁而性獨狡詐忽而獨立忽而取
消祇圖自保毫無政治上意味大總統依法繼任民望所崇惟能執法秉公斯天下莫敢離異西南諸省今方
喁喁待命無事招携如龍反覆小人尤不能令有所憑藉溯昔胡陳督粵龍偏促轅下其時尚無外江壯士等
名目自袁氏倚爲爪牙龍乃恣睢縱惡名器假人可爲前車龍近已於韶州橫開兵禍陷粵糜爛是其本懷即
望收回成命立予嚴懲毋以一人之故而失粵三千萬人之心非惟一方之幸孫文宥

致黎元洪請規復約法尊重國會電（民國五年六月十一日）

（一）公以首義元勳夙繫人望民國創始文漸薄德與公追隨今聞於陽日依法就職良爲國慶中邦專
制歷數千年共和方新忽被摧挫去亂圖治願力反前人所爲有如規復約法尊重國會尤不容緩民國總統
職曰公僕一切僭制妄作宜即屏除庶幾氣象一變目前紛糾若定前途希望無窮尤企公本高尚之旨趣宏
大之規模勇毅之精神精密之條理與國民從事建設天下幸甚孫文佳

（二）洽電敬悉文前電請規復約法尊重國會二事爲根本要圖覆電已承嘉納願經過旬日尙未施行

總 理 全 集

此間傳聞謂因審慎手續其實約法停廢國會解散俱係前人越法行爲今日宜言承認遵守不過以適法之命令變更不法之命令其間毫無疑義內外期望惟此最先一切糾紛宜令速解願公無復顧慮辱公明問文謹申前言以當芹曝囑派代表一節稍緩當更電告再者文以公依法就職逕電居吳朱諸人及福建民軍息戰靜候解決旋讀十六日申令飭各省撤兵停戰具見至仁大公無任欽佩惟得最近報告張懷芝等乘機侵害屠戮臨胸安邱似此顯違明令應請嚴電懲究併電閩粵軍官須謹奉命令不得縱兵殃民以維大局孫文效

致黎元洪請規復約法尊重國會電 致英相請勿加慈惠中國加入協約電

一

致英相請勿加慈惠中國加入協約電（民國六年一月）

文中國之愛國士也且曾賴英國保護得以保全生命亦英國之感友也責任所在不敢不以英國駐華官員運動中國加入協約大不利於中英二國之情形爲閣下告焉英人常有以中國加入協約之問題囑文討論者文審慎研究竊以爲中國破壞中立適與兩國有害蓋中國乃一幼稚之共和國恍若甫入憲政醫院之病夫不能自行照料尙須善爲看護扶助是中國未可視爲組織完善之國家其能自全者僅賴國民嗜好和平之習慣與感情耳但若異見一生則大亂隨之中國人民從前極信任英國之實力與其最後之勝利但自意雖不惡識則太短之英人鼓吹中國加入之說生英字報且有主張派華兵數師赴美索波太米亞作戰者自此而後此種信任心遂大搖動矣若中國果入戰局則必妨害中國之國家生活且傷損英國之遠東威嚴蓋自中國人視之協約國欲中國加入之一念適爲協約國自認不能與德對抗之一證也段總理報告總統謂協約國要逼中國加入此說甫傳中國執政者之間已生內訌意見不合將爲亂階而仇外派與回教徒爲中國境內勢力強大而有危險之兩大部份者皆將被激而起自起義以還仇外感情已見消滅惟仇外精神終未泯滅一旦有機可乘安知拳匪妄殺外人之舉動不再見於今日戰事一開無知之輩對於外人何能分別孰友孰敵推其結果各國胥受其害而在東方利益更大之英國受害自必愈重再回教徒亦正未可輕視蓋向聖地作戰自回教徒觀之乃大不敬也且恐中國內亂或致引起協約國間之內訌內訌一生則與協

總 理 全 集

約國之主義大有妨礙此誠中國內亂之極惡結果也依此情形處此時機中國除嚴守中立外不能望有他種行動文之曉然於閣下之前者不獨志在保全中國以免離亂亦因對於英國感情極深有所感而發也

文
電

二

關於加入協約事致北京參衆兩院電

一

關於加入協約事致北京參衆兩院電（民國六年一月）

北京參衆兩院均鑒外交問題關係至大文亦國民一分子於此不能不貢一言今日主張加入協商諸君有以利害言者謂加入之後可以一躍進爲頭等國外交從此順利言之自成理有以人道公理言者謂德恃強權必須懲創義不能坐視公理淪亡雖以國殉亦所不辭其精神尤可欽但文以爲一國之地位能否上進須視自力加入之結果於中國有紛亂之虞無改善之效則頭等之想像恐未可幾且爲中國損者同時又使協商諸國之弱點暴露將致發生他種困難則欲爲人道助者恐反爲德人所利也且歐戰本爲利害之爭我國事與彼殊不必以人道爲由自驅入並文於中國加入一事再三熟慮審察南方情況灼知加入以後必起兩種危險其一爲排外之盲動也一爲回教徒之離叛華人排外性根久伏遇隙必發一旦開戰則必有國內敵人損傷及我之事其圖報復者將不辨國籍恣行殺戮第二之團匪彈指可見回教徒在中國勢力不可侮若與土戰彼必循其宗教之熱狂起而反抗中國從此大亂危亡指日而見此豈徒中國之不利而已協商諸國引入中國以圖強助殊不可得而團匪之禍先被之更恐以中國內訌將有一二國以他一二國之行動爲與已有妨協商國之團結將形危險此實於中國與協商國兩無利益之事但此兩危機協商國人未能察及誠使了悟必不勸誘中國蹈此危機文處南方察之最審昨已以此意電英國首相勸其打消此議英相賢明於此必能曉悟但恐彼國際行動已經發表不能等於兒戲遽爾收回轉圜之方仍視我國今者報稱政府

總 理 全 集

已決加入此或有迫而然諸公代表民國責無旁貸務望審察堅持轉圜樞紐惟在諸公勿以中國投之不測之淵庶幾不負國民重託孫文

文
電

二

爲二百二十萬匯款事致泗水中華商會電

一

爲二百二十萬匯款事致泗水中華商會電（民國六年一月三十日）

泗水中華商會鑒閱報載貴會電財政部云前交文欸二百二十萬係助政府之用未望償還請拒文要求等語查文此次爲維持共和推翻帝制曾借日本商人日金一百萬元華僑日金英洋共一百七十四萬四千三百一十八元一角二仙內祇有泗水劉亞泗古宗堯經手匯東京十九次共日金一萬六千二百四十元由陳鐵五匯回英洋二千七百元統共日金英洋一萬八千九百四十元均經由本黨財政部發出收條並無二百二十萬之說當帝制議盛之際文遣人至貴會陳說大義約共擁護共和貴會首鼠兩端不肯爲絲毫之贊助何處有二百二十萬交文以助政府荷屬自開戰以來限制帶現銀出口凡有大筆銀錢來往必經銀行匯兌會否匯欸一查卽知匯欸幾何不能誣捏貴會如果曾經匯欸與文則必應有中華革命黨收據試問貴會收據何存如謂欸已匯出未得收據則由何人經手交某銀行於某年某月某日匯至何處交何人收應有銀行單據可憑卽應提示以便追查銀行總之文雖收過泗水一萬八千餘元並非貴商會經手貴會所稱二百二十萬文未收過一錢文所經手借債二百七十餘萬元均經約定國體鞏固卽予償還故以實情聲之政府貴會未經借過一錢於此事無須容喙若貴會果有此二百二十萬曾經撥匯則文並未收到顯係貴會辦事人從中侵蝕虛報圖損他人名譽必應控追如貴會未嘗經手有此二百二十萬元卽係貴會濫用商會名義虛構事實誣捏他人尤不可容法律具存公等應知自惕若謂電文非由貴會所發則假冒商會名義發電

集 全 理 總

必有其人若不從速電部更正澈查冒名主謀依法控告則責任有在亦難爲公等曲恕尙望審思電覆孫文

文
電

二

主張護法之通電（民國六年九月）

前者段祺瑞主使叛黨蹂躪約法解散國會文與西南諸將帥痛共和之中絕懼民國之淪胥率先主張護法討逆旋與海軍艦隊南下號召并申請國會議員在粵開非常會議僉謂戡定內亂恢復約法必須組織軍政府以資統一而利進行文與陸唐兩公同被舉爲大元帥責以興師討賊之任由是滇軍奮起西蜀聯翩湘南舉兵兩粵扶義不辭勞瘁躬効馳驅聯合西南師旅僇力同心共謀約法國會之恢復區區爲國之誠當爲天下所共見近以西南將士用命克奏膚功傳逆潛逃段賊解職於是有主張調和以解決大局者惟此次西南舉義既由於蹂躪約法解散國會則舍恢復約法及舊國會外斷無磋商之餘地文雖不敏於擁護約法維持國會實具犧牲之精神則除依照軍政府組織大綱非至約法完全恢復國會職權完全行使時斷不廢止其有襲段祺瑞故智敢與約法國會爲仇者一息尙存豈容坐視諸公匡時愛國具有同情尙祈一致主張堅持到底民國前途實利賴之臨電迫切無任神馳孫文巧

主張護法致陸榮廷電

（民國六年七月三十一日）

馬（二十一）電奉悉清室遜位本因時勢張勳強求復逆亦屬忠忠叛國之罪當誅戀主之情自可憫文對於真復辟者雖以爲敵未嘗不敬之也今張勳雖敗而段祺瑞等以僞共和易真復辟其名則美其實尤竊民國之號雖復而禍亂之機方始與公倡義護國之旨相反已甚國會者民國命脈所存託名民國獨去國會則凡百措施皆爲背法彼叛人既不利有國會我護法者必當擁護之是以文到粵後即電請國會議員來粵自由集會將來再由國會以決凡百措施布置既周乃以海陸軍護送國會至國都然後可使基礎不搖成一勞永逸之計不然則今日外人已認民國爲未有合法之政府將來危險更不堪言我公再造民國勳在宇宙救國之畫必有早定既承勉以共濟尙乞協力主持孫文敬

主張護法致陸榮廷電

護法之役致川滇黔湘各省要電

一

護法之役致川滇黔湘各省要電（民國六年）

（一）致湘鄂各將領電

（一）衡州劉鎮守使探轉林德軒先生鑒豪電悉知擬率所部北伐熱忱毅力至堪嘉慰望即與覃理鳴君妥爲策畫與在湘各軍接洽勉事進行以樹大勛譚兼督處已另行電告矣此覆孫文六日

（二）長沙程省長轉襄陽黎師長荊州石師長均鑒近讀通電知舉義荆襄宣言討賊爲大江義師樹之風聲威稜所播足褫逆膽方今滇黔聯軍已先克渝關湘桂諸師亦進規岳陽荆襄控扼大江西連巴蜀得諸君指揮其間從此左提右挈共清中原匡復之功良可預竣所望努力進取勉膺難艱先電馳賀續盼捷音孫文十一日

（三）零陵劉鎮守使鑒近據譚石屏先生自滬來電稱前派畢同至湘號召義軍作西南之聲援嗣聞忽因事被逮羈押零陵囑代電尊處請爲省釋等語查畢同返湘舉義志有足多其後因事逮羈倘果情有可原尙請量予省釋以厲國民好義之氣希裁酌電覆爲荷孫文禡

（四）長沙三井洋行轉余建光探轉林谷凡旅長鑒簡電誦悉近日少數人狃於私圖率主張和議陸幹卿且密電兩粵議取銷自主嗣莫代督以衆意反對抑不實行態度頗極曖昧文以爲現在西南既以護法爲宗旨則無論如何必貫澈始終爲止况重慶已得荆襄繼起倘能竭力堅持必可益望發展嶺南方面文當力

總 理 全 集

任維持之責望兄與湘中及前敵各將領互以此意相勉使勿誤於緩兵之護致廢一簣之功時事多艱吾人尤宜奮勵也孫文敬

(五)衡州程總司令趙師長林旅長林民政處長永州劉鎮守使均鑒段逆竊柄國法攸斁衡永首義萬方警省既開天下之先已褫奸人之魄會師武漢直在指顧疆場賢勞曷勝系念茲林祖涵馳往存問藉致拳拳戀奸回之逆我武維揚繫國本於苞桑共拜嘉貺孫文弼印

(二)致黔督劉顯世電

(一)貴陽劉督軍鑒頃奉歌電知我軍已克重慶捷報遙傳無任忻慶渝關控扼大江夙稱天險今既爲我有則順江東下孰能禦之望促莫帥及電輪司令尙部署稍定宜即會率精銳逕趨宜萬應荆襄創義之師則豫洛淮泗之郊必有起而景附者挽回氣運在今日惟左右圖之孫文七日

(二)貴陽劉督軍鑒報載公通電援湘義正詞嚴足寒逆膽敬佩之至段賊肆厥暴力近更謀軍器借款乞靈外人冀逞殘殺狼子野心罪不容死西南共起義師非實力聯合不足以抗兇鋒而紓國難黔界川湘雙方均宜顧及援湘即所以保黔而和川尤可以規鄂尙希與唐陸兩帥互相提挈以奏討逆之功軍府居中策應必當竭力援助後有規畫幸時惠教孫文

(二)致雲南章太炎唐繼堯王文華等電

(一)雲南督軍署轉行營章太炎先生鑒申密江電奉悉陸此次出兵本在攫取湘權長沙既得其欲已償故一再電馮停戰而未及舊國會之應恢復對於岳州北軍亦無驅除之意於軍府始終無誠意之表示致馮意益肆局勢至此危險實甚現幸黎石兩師舉義荆襄聞聯軍亦下重慶大江脈絡可望貫通此實一大轉機望促莫帥渝事稍定即分兵東下武漢三鎮桂所必爭倘能爲我所有即形勢略定文於皖洛之郊亦稍有布置屆時當可並起相應此間征閩軍已定協和統滇軍競存統粵軍悅卿統海軍玉堂任聯軍總指揮一星期內可有一部出發此後局勢不無挽回之望惟在吾人奮勉而已孫文七日

(二)雲南督軍署轉行營唐元帥並郭王劉段諸君鑒申密宇鏡兄等支電奉悉正議遠慮甚佩陸主停遙傳欣喜何極渝關控扼大江實爲天險今既爲我所有則義軍旌旗可以直指東趨壹刻日督師出陝聯合荆襄傳檄大江以慰國人之望軍旅賢勞臨電馳念孫文八日

(三)雲南督軍署轉行營唐元帥並郭王劉段諸君鑒申密宇鏡兄等支電奉悉正議遠慮甚佩陸主停戰議和全出於自便私圖故於近日荆襄舉義概稱之爲暴動其態度可見惟各方對於此舉多未贊同現海軍及滇粵軍已於佳日開始向閩省出發荆襄及南陽已先後舉義滇黔聯軍已克重慶文於黃河流域亦有大部兵力布置不久即可次第發動望莫帥迅出宜昌東下進據武漢則長江以北將悉屬軍府範圍屆時陸

總 理 全 集

雖單獨議和亦無能爲也知念特覆孫文十日

(四)雲南督署轉行營唐元帥章太炎先生均鑒申密太炎先生魚電奉悉滇海粵軍定日內出發赴閩黃河流域文亦均有布置望冀帥速出宜昌趨武漢下游響應者必羣起陸雖單獨搆和無爲也債券安南難通過刻派滇軍護送由桂赴滇共三百七十萬分裝五箱計三百二十五冊內三百萬歸冀帥撥用又二十萬交太炎先生五十萬交黃復生先此電聞孫文十一日

(五)雲南劉護督並轉行營唐元帥均鑒申密刻特派黃嘉梁爲雲南勞軍使隨同本府委員秦天樞馬德貴護送公債收條三百七十萬共大小六箱及滇軍十餘人日內取道粵桂至滇望尊處通令滇省與廣西接境各官廳軍隊特別保護沿途關卡迅速放行並同時電粵桂大吏飭屬一體保護驗放爲要先此電聞仍盼見覆孫文刪

轉章太炎先生鑒真電奉悉此間並無派趙端爲招撫使倘有假名招搖踰越軌範舉動請商由冀帥酌予處置滇川事得左右及冀帥主持川事又委黃盧辦理文亦何樂紛歧事權以生掣肘想亮及之孫文刪

(六)雲南督署轉行營唐元帥鑒申密頃據林參議鏡台自重慶來刪電內開頃聞劉鍾均決心附義已派員赴渝接洽不日可到等語林君於川事素有聯絡果如所言於川局前途殊多進步究竟現在情勢如何望約與一商當不無裨益又林君來電並稱現川滇黔將士均極服從左右調度應請酌派勁旅二大隊一出宜昌一下漢中以收奇功此事是否可行文未遙度並希裁酌見覆爲荷孫文巧(十八日)

第 三 集

護法之役致川滇黔湘各省要電

五

(七)雲南督署劉護督並轉行營唐元帥均鑒茲派雲南勞軍使黃嘉梁及委員秦天樞馬德貴隨帶滇軍十名弁目一名於本月二十日內外由廣州啓程經桂赴滇解送債券七箱共四百二十萬其較前數增加之五十萬一箱係託劉護督留交寧遠張午嵐總司令者到時請電致寧遠以便張處派員來領並望尊處仍通飭滇省與桂省接境之各官廳軍警一體特別保護爲要孫文

(八)雲南督署轉行營唐元帥章太炎先生均鑒申密前因運送內國公債收條事曾經電達擬於二十日左右由粵起運惟近據私訊陸有令兩廣取銷自主之說雖未徵實然訛言繁多運送程途在兩粵境內非三星期不能抵滇且爲數又有七箱之多中間恐難安全現在正式債券三四星期內可以造完不如待造成後如兩廣無甚變動當逕以正式債券解送以保道途之安全并免以公債收條更換債券之手續重複想尊意亦以爲然也知關注念特此電聞孫文

(九)雲南唐行營章太炎先生鑒申密效電悉北軍內訌黎石奮起此時用兵之地適在中原倘滇軍能順流東下會師武漢則長江下游黃河流域必更有響應者斯時破竹之勢已成其所獲視之瀘州損失奚啻倍蓰况滇爲首義具軍安頓於一偶至勞師之病且瀘州雖拔兩軍廣續開戰所損實多與其重惡感於蜀人曷若就歡迎於湘鄂望告莫帥早撤駐瀘之師鼓行而東期與黎石聯絡破敵必矣不然困頓於瀘非計之得也文沁

(十)雲南唐行營轉章太炎先生鑒申密漾電悉瀘州已拔甚慰能不與川軍爭持剋取東下大局庶有

總 理 全 集

裨益昨得密告北軍仍廣南來議和必非誠意李秀山態度漸近明瞭聞有派兵浦口截諸北兵之事西南益不孤矣所示三事張積怨已深無可排解程潛處已復電聯絡并表同意韻松經出兵兩團攻閩競存得兵十餘營不日亦可向閩出發如秀山能於中部獨立則北方援師已絕破閩必矣林德軒等起兵湘西有兵二團令其改用靖國軍名號請告冀帥轉飭前敵將士與之提挈爲禱文勘

(十一)雲南行營唐元帥貴陽劉督軍鑒劉軍漾養兩電均悉熊鎮守使電舉滇川黔三省總副司令爲統一指揮起見文極贊同責望所關兩公毋以撝謙自許望早就職以慰衆心文豔

(十二)萬急雲南行營唐元帥鑒申密日議員菊池昨電云俄國內亂由俄之德俘煽成恐有中國煽動擾東亞平和者對支政策一變昨閣議決定與協商國商議使南北妥協中國早歸平和南方須多讓步勉求東亞大局一致此際認爲必要至急派遣西南各省之人於日代表南方各派以在日有信用之張繼汪兆銘爲宜等語查此次石井使美梁士詒赴日段充赴歐助戰監督皆與日本此舉有關國脈將以此終不得不急圖救濟文以爲南北和議本不容外國干涉但恐爲強有力者所制是爲可慮并聞協商國利用中國人衆物力以攻俄之說對德宣戰已鑄成大錯今并禦俄德亡國必矣今擬照派張汪二君赴日陳述意見藉圖挽救倘荷贊同希將尊旨見示俾早啓行并轉告儒舟青陽復生錦帆諸公爲盼文艷

(十三)雲南督軍署唐萍廣先生鑒義密請譯轉李文字鋌止塘靜庵諸兄伯蘭來電云段氏復出馮之政策一遵段轍其所承認某某條件皆敷衍一時之計今軍借款又由馮相接向某國要人交涉成立國家必

第 三 集

護法之役致川滇黔湘各省要電

七

由漸趨滅亡況苟且言和馮段合謀挾中央以臨長江西南諸公必無幸免此間已與贛寧秘密商定確已密下動員令抵抗北軍北方各省內潰已甚我軍能堅持不特段倒馮亦隨之應請冀公速通電二事一恢復舊國會一政府宣誓守法兩事已準再議其他條件以爲將來根本解決之備並以爲贛寧之聲援並速分兵下宜昌馮段窘或有明令停戰但我軍萬勿輕以承認致貽後患此電係代陳贛寧之意伏乞垂察洪伊宥謹轉達文陷

(十四)雲南行營唐元帥鑒申密伯蘭敬日電云段復出局勢大變北兵陸續南下並決議先取南京寧督已悟調停無望且藉調停以緩我師決以寧力抵抗日昨已密下動員令軍隊已由浦口出發事機迫切請轉唐莫譚三督及西南各軍迅速一致進行勿令寧督陷於孤立岳州北軍已有退讓之意天相民國機不可失又電云此間與各方接洽已決議徹底解決長江戰事恐不在遠亟望粵軍攻閩湘軍速攻岳州以公言之此機萬不可失以私言之寧贛竭誠助我護法決不可坐視其危自翦羽翼等語查此間所得各路消息寧已動兵已成事實但恐孤立無援長江或爲北軍所蹂躪深望貴埠軍剋日東下以分北軍之勢武漢北軍久無鬥志事必有成協和競存攻閩之師已繼續出發若共和有幸得以保全破賊必矣文陷

(十五)雲南唐元帥轉章太炎先生鑒義密冬電悉唐帥決心北伐贊同軍政府先生此行益資固結良用嘉慰文猥承大任義必堅持國會諸君時相接洽均能和衷共濟可副雅懷陸帥陳督近因利害共同聯絡已趨一致分路出師計可實行尙望時慰箴言以匡不逮孫文陽印

總理全集

(十六)雲南唐元帥鑒義密程玉堂總長由南寧返粵陸帥決心討逆已有誓約兩廣可歸一致軍府聲威繫於諸帥公負海內重望早經誓帥北伐務請首先來電宣布就職陸帥自未便獨異軍府一臻固結不待戰事開始外交即可認爲交戰團體此中關鍵諒已洞囑不勝盼切孫文庚印

(十七)雲南唐元帥轉章太炎先生鑒義密程玉堂總長由南寧返粵陸帥決心討逆已有誓約兩廣可歸一致外交承認關鍵在視諸帥是否就職先生望重海內唐必能見聽除另電請即宣布就職外務望速爲勸駕唐就陸必不辭勢難再緩幸力圖之孫文庚印

(十八)雲南唐元帥鑒申密譯轉章太炎先生鑒效電敬悉競存前因陳督收其親軍故在惠招集舊部嗣聞梁士詒亦適喉莫擎宇張天驥等在惠獨立謀粵競存乃急止所部舉動梁段謀遂敗故惠事驟發即定聯梁說實訛傳此間仍與陳督協議撥回前親軍陸陳意亦漸接近本日派溥泉謁陸商方略俟稍妥協即分別出師先此奉覆以後倘來電有關粵事請改用申密孫文有

(十九)雲南唐元帥鑒申密川事非得民軍相助不足以資提挈黃復生盧帥諦在瀘組織四川國民軍茲已任命黃爲該軍總司令盧爲副司令石青陽在綦江亦組民軍已任爲川東招討使關於牽制逆軍及調和川軍此三人均可爲用請量予援助並電前敵各軍長轉飭各師旅團長知照互相接洽以資連絡是幸
孫文

(二十)雲南唐元帥轉行營章太炎郭王劉段平諸先生鑒申密電悉僞政府利用此間弱點搗亂粵局

第 三 集

護法之役致川滇黔湘各省要電

九

粵桂如起內訌於援湘卽生障礙西南全局或致動搖卽軍府亦難立足此理至明人所共見惟陸陳始終不晤近派溥泉使陸請其承認軍府文必降心相從卽退讓亦無不可茲又派漢民往梧訖未得其答復粵對陳感情太惡其中情形複雜雙方皆有通北之嫌甚至玉堂之態度亦頗難測日間決裂之勢益形岌岌軍府既無實力無從發言所幸海軍尙能自保唐帥旣已親自督師理應卽日宣布就元帥職以壯軍威並電促陸使其自覺孤立非與軍府固結則將爲粵人所逐自可審度利害就我範圍舉足重輕繫於唐帥惟諸君圖之孫文真印

(二十一)雲南唐元帥鑒申密陽電悉段逆謀軍械借款外兵以殺國民賣祖國而利一己實爲世界之公敵亦卽日本所鄙棄日本朝野一致主張中日親善豈有助段逞逆而能與我國民親善之理試觀其輿論之反對卽知段逆狡謀之難成公擬聯名致電日本洞中肯要文極端贊成請列鄙名由尊處拍發以免遲緩及電碼重譯之誤孫文印

(二十二)雲南唐廣先生梧州陸幹卿先生均鑒莫廣先生佳電敬悉北逆勢驕且挾外力西南局勢渙散若無具體之聯合恐不足以資抵抗原電似有聯合西南之意但苦無具體辦法宜卽時發起西南聯合會議務期聯西南各省爲一大團體兵家所謂先爲不可勝者是也如蒙贊同卽希公決集會地點及時期以便聯名招集佇候答覆孫文寒印

(二十三)雲南督軍署轉行營唐元帥鑒申密迭奉文巧皓各電敬悉聞趙黃顧各軍在川屢獲大捷義

總 理 全 集

職所臨足落逆膽至可欣賀望藉屢勝之威卽就元帥之職以慰國人之嚮望則西南基礎益形鞏固前途發展當可預期粵局始以陳督不理於衆故內情頗極紛糾現陳已退職此後繼任者倘能公忠衛國共濟艱難則各方必可捐蠲嫌怨協謀抗敵文志在救國固毫無芥蒂之私也協和兄主張組織軍事聯合會及政務委員會各節足收同力共舉之效鄙意亦甚贊同望由尊處分促進行爲荷日內訊段逆確已辭職軍械借款或能中止否則卽由敝處體察情形聯名電日特此奉覆孫文箇

(二十四)雲南督軍署轉行營王電輪師長鑒殿密效電敬悉知督率勁旅進赴前敵至爲欣慰石青陽部并承補助尤感此次滇黔聯軍攻川屢奏大捷倘江津得手望卽會攻重慶然後順流東下直趨武漢則長江之形勢定矣軍旅多勞臨電神馳孫文禱

(四)致川滇黔靖國軍各軍將領電

(一)雲南督署轉重慶靖國第一軍顧總司令鑒支電悉執事戮力戎行力摧強敵捷書遙布無任欣慶望乘新勝之銳厲義武之衆直趨大江則國人必有羣起應之者然後略定武漢進規宛洛逆軍不足平也臨電馳念續盼捷音孫文刪

(二)東川專送寧遠靖國第七軍張午嵐總司令鑒傳君暢和來粵備稔近狀知阻勉不懈佩慰何窮寧遠控扼南服旁通川邊形勢之區正可力籌發展茲加任兄爲川南鎮守使望竭誠規畫以樹勛業傳君明於

政理才識優裕茲亦任爲建昌道尹想能相得益彰也聞尊處軍需稍形支絀特於日內派員解送內國公債收條五十萬計五十冊裝成一箱至雲南劉護督於該債券到時卽由尊處派員備文赴滇領解應用並盼電覆孫文

(三) 荊州靖國第一軍石總司令傅參謀長朱劉兩旅長胡孫李謝各團長均鑒頃讀蒸電知義幟應舉共誓討逆露布傳來欣喜何極吾人此次舉義西南本爲護法衛國知非以武力爲國法之保障則無以促成平和之勢而固民國之基文自以受國會所付託數月以來夙夜自厲懼無以副國人之望賴海內志士後先相應西南將領戮力同仇用能屢克名城疊摧大敵全國風動逆燄沮喪國人矯首引領以待者有日矣今果宣義荆沙爲大江師旅樹之先聲從此西通巴蜀南連三湘提挈左右共規大計會西南之雄銳清河洛之氛祲俾國法得速期恢復國是得漸臻治理以竟吾人救國之初志所望勗勵力籌進取大局實利賴焉日內除已派張伯蔣文漢兩君赴荆慰勞外特電奉賀續盼捷音孫文

(四) 雲南督署轉唐行營轉永寧黃盧總副司令鑒申密元電悉改任兩兄爲四川靖國聯軍總副司令一節前據唐帥電業經加委電令知照在案近聞赴畢商承唐帥策畫進行極爲嘉慰劉鐘如不向南敘瀘必當恢復根本既固始克東下望卽積極準備提挈川中各軍渝瀘寧遠分道並出與滇黔共圖進取川中前觀望各將領苟可轉圜幸勿深拒想兩兄必能酌畫得宜也滄白尙居滬已據兄處及渝電促來粵商定辦法後再行赴川青陽已改委川北招討使張熙任川南鎮守使傅暢任建昌道尹并聞孫文

總理全集

(五)雲南督軍署轉重慶石青陽朱之洪宋輯先林鏡台諸君鑒同密蒸元兩電悉唐行營無同密特將蒸電由此間譯轉以後毋再用同密電唐所陳辦法自由切要之圖惟當從唐帥宣布就元帥職入手近日龍已宣布就巡閱使職陸即通電交卸又電莫督取消自主莫及在湘各桂軍將領抑不奉行一面海陸軍又聲討龍氏此中固別有機緘然粵局終恐生變動故唐帥就職尤爲時勢所不可緩青陽改任川北招討使業經電令知照擴充兵隊固屬要圖械彈實無法購運目前缺乏由青陽請滇黔接濟較順而易得滬當電促來粵議然後赴川鏡台暫毋來粵川中情形希隨時電告復生錫卿改任四川靖國軍總副司令午嵐任川南鎮守使傅暢和任建昌道尹附聞孫文

(六)荊州石總司令朱副司令暨全體軍官均鑒咸電悉黎君天才有功民國素所欽佩此次與諸君互相提挈宣布自主益見護法衛國之誠今由諸君公推爲湖北靖國聯軍總司令極所贊同尙祈積極準備尅日會師直搗武漢扼長江之形勝聯西南之義軍殲滅醜類用竟全功所至望焉孫文

(七)雲南督署轉重慶熊鎮守使及各將領均鑒頃誦元電知護法衛國深具苦心佩慰何似此次西南興師純爲擁護國家大法故不惜舉國之兵以爲根本廓清之計執事素懷忠於謀國此次斡旋川局維持地方秩序使義師所至七嚮無驚尤見策畫之密望即獎率軍旅統籌大計努力進取貫徹始終川滇黔唇齒相依誼等一體執事又與莫帥爲體戚相共當此協同救國之時務宜通力合作以厚實力會師東下進規歸宜荆襄之聲息既通豫洛之士氣益振則勘亂濟危詎異人任耶軍旅賢勞臨風馳念專電布悃續盼捷音孫文

第三集

護法之役致川滇黔湘各省要電

一三

簡

(八)雲南劉護督唐衛戍總司令並轉行營唐元帥顧庾黃趙各軍長各將領均鑒乙丙之交逆袁叛國帝制自爲國人悚於淫威暴力相顧屏息時冀帥僻處南疆不忍坐視共和淪胥與諸君率先聲討勞師數萬轉戰於數千里間斷脰糜踵後先相繼海內始羣起應之卒使逆袁窮蹙以死餘逆解體民國始克危而復定追維匡復艱難允宜同申慶祝今屆紀念之辰又當民國漂搖之際冀帥及諸君正戮力戎行感念前功責彌艱鉅所望力完靖國之業成民國三造之功俾此光輝赫弈之紀念日與民國永永無極此則國人所所夕以禱者也專電馳賀不盡區區孫文漾

(九)襄陽黎聯軍總司令丁總參謀杜總參議並轉第二軍張總司令李副司令陸參謀長各路梯團司令參謀暨全體將領均鑒前荊州石總司令電知執事以衆望所歸由各將領公推已就湖北靖國聯軍之職當卽復電致賀茲接來電護法衛國辭旨凜然執事自辛亥革命以來屢著勛勤有功民國此次宣布自主抗義討賊於江漢流域樹之風聲壯我軍威益寒敵膽逆軍之在川湘者已師徒奔命將吏逃遁而奸人猶狡焉思逞厚集兵援思欲再戰執事據荆襄重地扼江漢之形勝南與滇黔川湘桂軍互爲聲援合力併進以成腹背夾攻之勢則必勝之算操自我手若復東取武漢斷敵歸路而西南大兵奮擊於前更可使逆軍正馬隻輪不返前此失在姑息除惡未盡以致奸人迭出變亂頻仍今茲務定澄本清源之策爲一勞永逸之計尙希積極進行貫徹始終盡殲醜類永奠民國軍事勤勞諸維自珍孫文宥

總 理 全 集

(十)襄陽靖國聯軍黎總司令荊州石總司令鑒湘中同志林德軒張學濟周則范胡漢前承文令起兵湘西德軒有精兵三千餘人餘衆相若經集合於常澧等處合之周張諸軍兵力甚厚常澧接鄰鄂境足爲貴軍之助希妥爲接洽互相提挈毋任切盼文勘印

(十一)雲南唐元帥貴陽劉督軍重慶熊鎮守使鑒湘中同志林德軒張學濟周則范胡漢前承令起兵湘西德軒有兵三千餘衆相若集合於常澧合之張周諸軍計湘西有兩師以上決計與荊石師聯絡護法軍現令改稱靖國軍以歸劃一請轉告前敵各將官妥爲聯絡是所厚望文勘

(十二)零陵劉鎮守使長沙林旅長修梅鑒湘中同志林德軒張學濟周則范胡漢前承文命起兵湘西各路合計有兵兩師均屬慣戰之士與兩公誼屬舊交又爲同志維持桑梓須具同心現擬進窺武漢希妥爲接洽互相提挈毋任切盼文勘印

(十三)長沙譚督軍程總司令鑒敬電悉忠勇至誠溢於言表苟且言和非所夙許所示各節豈不贊同頃得滬電知北軍陸續南下甯已下動員令戰事當不遠望卽率勁旅迅攻岳州分其勢力文以護法始以護法終必殫竭棉力以相援助望諸公共勉之孫文陷

(十四)上海楊滄伯先生鑒陽日寄上任命盧師諦川西招討使石青陽川東招討使各狀茲得滬電復生函稱已在瀘組國民軍可得有械八支隊請任總司令盧爲副司令此後委者均歸復生節制等語卽照委狀仍寄兄轉前寄盧招討使狀卽取消但石仍照舊是否合宜應否宣布盼速電覆致方師長電已送孫文

護法之役致川滇黔湘各省要電

一五

(十五)瀘州趙軍長轉黃復生盧師諦石青陽三君鑒茲悉已組成四川國民軍卽任命復生爲總司令師諦爲副司令該軍稱中華民國軍政府四川國民軍青陽在綦江另任命爲中華民國軍政府川東招討使除分電唐帥劉督量予援助並轉各軍師旅團長知照外望卽妥速接洽共策進行狀另寄孫文

(十六)雲南督軍署轉行營黔軍游擊軍司令石青陽轉林參議鏡台鑒元電悉川中贊同義軍大局之福刻冀帥已親赴前敵指揮倘重慶早下宜急趨大江則形勢成矣袁君勇略可佩應加委何職請電告以憑核辦諸將士戰爭勞苦望隨時宣布軍府軫念之意孫文禱

護法之役致上海本部各電（民國六年）

（一）上海國民黨本部轉伯蘭請告李督如南京宣布獨立軍艦當可一致相助文或乘之來滬以取淞浙爲李督後援請李放膽做去斷不致孤立也寺內決定方針使中國南北調和利用我人衆物力以攻俄國此事若成中國其高麗矣一國之亡當亡得轟轟烈烈萬不可因馮段之私遂曖昧斷送之也此時救亡妙策在南北分離庶不致爲寺內利用劫持中央以臨各省我能分立寺內無所施技中國不與寺內一致寺內當不敢建攻俄之策蓋除中國之人衆物力世無足以禦德俄者文決日美之敗更速於英法也望將此意設法傳布國人孫文

（二）上海國民黨本部諸同志鑒日議員菊池昨云俄國亂由俄之德俘煽成恐有人中國煽動擾東亞平和者故日對支政策一變昨閣議決定與協商國商量使南北妥協中國早歸平和南方須多讓步勉與東亞大局一致云云石井使美梁士詒赴日段充準備赴歐助戰監督皆與日本此舉有關國脈將以終請告甯贛兩督協力救亡電末云此際須急派代表西南各省之人於日代表南方各派以日有信之張繼汪兆銘爲宜等語此間經電冀廣徵求同意一俟復電即請精溥二兄赴日陳述南方意見文

護法之役致上海本部各電

致譚延闓程潛請釋畢同電

一

致譚延闓程潛請釋畢同電（民國六年）

長沙譚聯軍總司令程總司令均鑒頃據畢同祁陽來電稱奉譚石屏命返湘組織義軍現被拘留請爲挽救等語畢同事文固未詳第其扃事之始旣以鼓厲民氣協同討逆情實尙有可原倘所犯輕微望卽飭令宥釋以厲國人勇義之風並盼電覆孫文十二月三日

團結川滇一致抵禦北軍之通電（民國六年）

自督軍壤法國會解散民國淪亡建樹義聲擁護約法實惟西南是賴川黔之門本由誤會北兵入蜀禍等燃眉唐督軍扶義北征心無固我而熊鎮守使周師長亦贊成西南義舉力拒吳軍川滇黔之和解既有端緒此後當以一致抵禦北軍爲主旨三省形勢相依軍事行動宜求統一鄙意謂宜設川滇黔三省靖國軍總司令由唐公擔任統率既歸於一庶指臂之效可期除將此義函告三省國會議員請其在非常會議趕請公決外特此電如陳荷贊同請合詞推舉俾早收統一之效孫文印

團結川滇一致抵禦北軍之通電 致李純陳光遠論和平電

一

致李純陳光遠論和平電（民國六年）

（一）南京李督軍並轉南昌陳督軍均鑒本日李白兩君來粵備述尊旨甚欽偉略方今欲息紛爭但在恢復舊國會約法餘事關懷民瘼維持調護深佩苦心尙望始終主張斯義挽救難危國事幸甚臨電馳念孫文十四日

（二）南京李督軍鑒元弼兩電均悉執事本息事寧人之忱負排難解紛之任人同此心詎能持異西南各將帥皆素以維持大局爲心相見以兵勢非得已今日重慶雖下師未加於宜昌潮汕雖平卒不逼於閩境荆襄雖獨立甲冑未接於武漢不可謂爲無意於和商榷調停本自不難就緒然北方政府今任段芝貴長陸軍命龍濟光擾西粵近且聞任曹錕張懷芝爲征南總副司令汲汲備戰不遺餘力舉措如斯何以推誠西南諸省縱不言進取勢不能不謀自衛執事又將何以教之文以爲解決國內之爭祇在法律二字辦法本極簡易執事負調停之責全國屬望所歸西南將帥尤所欽重當望示以良規力求持平庶文亦足以將此中委曲告之諸將士以期糾紛立解有以副執事憂國公忠之意也孫文敬

大元帥時代致川黔粵各省電（民國七年一月）

（一）致章太炎等電

（一）火急重慶熊鎮守使轉章太炎先生鑒申密真密敬悉道途勞瘁極爲系念妥抵渝城欣慰無已劉存厚既與鍾體道抗命不悟勢非聲討不足以固吾軍根本克武兄兵力既厚又得人心洵吾黨難得之士望執事勵其破除顧忌提兵進取國安乃所以保川也謝慧生來言得電川中同人公推克武兄爲川軍總司令業於青日就職不審確否前經唐帥電商軍府嘗委任黃復生盧師諦爲川軍總副司令聞復生現亦在渝如公推屬實則軍府應加委任請召熊黃兩兄妥商辦法密復爲禱去年十一月手書奉悉略有商榷之處已另函奉覆寄渝孫文叩銑

（二）重慶章太炎先生鑒申密養日通電西南各省說明文之主張當已達覽軍政府能鞏固與否不特爲民黨之死活問題亦實民國存亡之所繫望聯合川滇黔同志盡力主持倘莫帥能就職則一切問題解決過半聞蜀中同志主張遙戴黃陂護法各軍不能力圖鞏固根本惟以利用爲事恐他日失敗亦與聯段攻袁聯馮排段等尊見如何盼覆孫文梗

（二）致四川盧錫卿黃復生等電

(一)盧錫卿司令鑒申密頃接署銜川南民軍總司令何紹城一二梯團長鄭鳴九徐鑒臣支日由叙州來電稱東日在長甯獨立即日就職連日克復興文古宋江安等語軍政府不悉紹城等爲人如何係受何人委任該軍內容實力系統如何統希查明速復以憑核辦孫文養

(二)黃總司令盧副司令鑒申秘並轉石青陽夏亮工朱叔癡宋紹尊黃聖祥陳鳳石顏德基陳炳堃蕭敬軒李靜安丁厚堂陳華峯呂漢羣向育仁諸君鑒頃接資州徐考剛鍾體道兩君篠電稱加入西南一致護法積之三十一日通電推賢讓能舉錦帆主川軍等語查劉電此間未得而川督一職亟應解決諸君主持大計或縮兵符究應何人督川始能適當諸君迅速秘商推定由此間卽予任命以謀統一而定川局無任盼禱
文梗

(三)石招討使鑒同密林君鏡台返粵備聞近狀知血戰勞苦勛績爛然甚爲欣慰現呂司令既下成都兄軍行止如何宜速決定聞川中各軍隊復生錫卿外顏德基袁祖銘陳鳳石陳炳堃呂超皆與軍府表示接近兄宜竭力聯絡使得有力之輔助庶川局能大發展於將來北伐影響尤大也至兄處困難此間深悉現方力謀設法接濟俟籌妥後再告現成都既下此後主持川局以何人爲宜望商推電告以憑核辦其血戰有功各將士應如何獎勵之處亦望開列名姓電告爲盼現粵莫督對軍府頗能聽命長江及西北一帶亦漸發展馮段等勢已窮蹙我黨各能決心奮鬥結果必較辛亥丙辰爲良望激勵諸將士努力進取收最後之成功國事庶可根本解決也孫文徑

總 理 全 集

(四)急順慶石招討使鑒同密並轉永甯黃總司令盧副司令呂司令重慶袁旅長綏定顏司令保甯陳司令大竹陳司令均鑒林君鏡台返粵備聞諸君在川戰績極爲欣慰今成都既下川事可望統一尙望互相團結一致進行使川中布置稍就即可協同北伐也現粵莫代督與軍府頗形融洽地方高等審檢所及廣州交涉員均係軍府所任命粵軍陳總司令炯明率三十餘營分駐潮汕滇軍亦有兩旅駐汕即可向閩開始攻擊長江方面寧贛兩督軍亦有漸趨中立之勢馮旅長玉祥已在武穴宣布不願與南方作戰陝西則曹胡兩司令已包圍西安聞陳樹藩已經潛遁山西河南吉林黑龍江等處亦紛紛舉義大局日趨發展軍政府勢力日趨擴張此後但在吾軍界同志協力同心期收最後之成功而已諸君在川勞苦情形文所深悉甚思設法相助希仍努力進行剏造偉業爲民國國史之光所厚望也軍旅賢勞至深悵念軍事近况仍望隨時電告爲盼孫文徑

(五)急順慶石招討使鑒同密轉成都呂漢羣司令鑒克復成都勞苦功高一切善後事宜統望妥籌辦理並望隨時電告文宥再轉復生錫卿德基鳳石炳堃亮工勃山諸兄望與青陽兄一致贊助漢羣共維川局文宥

(六)順慶石招討使鑒同密轉成都衛戍司令鑒據本府王參議安富昨自銅仁電稱已由部下公推爲四川靖國軍西秀黔彭總司令現擬擴充軍旅會攻武漢等因自應酌委軍職望即擬定名稱電請任命以免紛歧而使編制希速電覆孫文儉

(三)致貴陽王文華劉顯世電

(一)貴陽探送王電輪總司令鑒殿密支電誦悉謀慮周詳尤所深佩文自去年南下鑒於護法各省無正當之統一機關內無以號召全國外不能交際友邦故主張組織政府會諸君亦鑒於時勢之必要一致贊成遂有軍政府之組織選出大元帥元帥爲對內對外之統一機關惟軍政府成立以後元帥及各部總長皆不就任與軍政府共處一地之粵督陳炯明尤嫉視甚深百端阻撓力謀破壞以護法之人爲蔑視國會之舉使愛國國民失所趨向時局至今混沌咎誰屬乎夫欲求外交之勝利必先謀內政之修明今內部既分裂如是何能得國際之承認故自軍政府成立以後非外人不承認軍政府實文鑒於軍政府內部未經組織完全西南各省又未協同一致故始終未嘗通告各國求其承認耳然今日各國對軍政府已表尊崇如日前西南聯合會議欲求外交團承認各國領事聞其條例未經國會通過軍政府承認乃謂此無異天津督軍團而拒絕之現莫代督及粵省長官將吏已稍有覺悟對軍政府之態度漸趨接近廣州交涉員及高等地方審檢所職員亦均分別受軍政府委任前途現象日趨光明倘西南各省能同有此覺悟一致擁戴軍政府承認大元帥則國內團結既固對外發言効力自強斷不患外交團之否認及交涉之不勝利也兄素悉外情此中關係當瞭然倘能由兄處主張聯合黔滇川各省軍民長官及諸將士一致主張表示擁戴軍政府承認大元帥則一切困難皆可迎刃而解抑文猶有言者唐莫元帥爲護法最熱誠之人衆亦以此相推然所謂護法者護國

會之本身及其議決之法律也今非常會議之在廣州實際上即係行使國會之職權軍政府又係國會所產出行使中華民國之政權今莫帥於非常會議及軍政府猶未正式表示承認被選爲元帥亦未就職尊處接洽較近望以此意轉達請其即日宣布就元帥職則護法旗幟鮮明益足以堅國人之崇信矣兄處所需債券除飭財政部照辦並另行電覆外專布鄙忱並盼惠覆孫文真

(二)貴陽劉督軍鑒齊電誦悉北派主戰甚力南方自不可誤於和議之說致懈戰備尊論積極準備誠爲不易辦法現在此間攻閩之舉所以固粵防且促浙動以閩如不得手浙力萬難自動也至大局根本問題在由國會自行召集正式國會依法解決國事則其餘支節不難迎刃而解矣孫文元

(三)劉代督軍鑒同密據報載陳遐齡寄北京電稱甯遠張司令照兵敗傷重斃命又據鹽源衛戍司令黃以鏞暨王君汝光自麗江郵緘稱自鹽源敗退率餘衆數百駐滇邊謀恢復近日情形如何及尊處援甯計畫望密復孫文鑒

(四)致汕頭陳炯明許崇智等電

(一)汕頭陳總司令鑒頃接劉黔督齊電謂馮既宣戰和議恐難成事實我軍宜積極準備戰事川黔滇聯軍刻方向資簡方面前進期早將成都攻下即東出會師惟攻閩之軍能否分出湘中仍請日玉競協諸公酌核辦理云云文意此時攻閩軍力如太單薄恐難制勝分兵出湘一節似不宜行且攻閩之舉既以固粵防

第 三 集

大元帥時代致川黔粵各省電

六

亦以促浙動故務宜力圖至大局根本問題當使國會速自行召集正式國會則一切問題皆可依法解決等語復之矣特此奉聞孫文元

(二)汕頭陳總司令鑒據確實報告奉天張作霖派兵南下援閩已有六百名於諫日由秦皇島出發其餘尙有一百六十名有船卽行輸送閩事關係全局北方陸續加兵愈遲則敵力愈厚望速進行文皓

(三)汕頭陳總司令鑒競密頃接滬電馮玉祥王汝賢范國璋李奎元閻文等商同一致行動馮簡日在武穴宣布自主脫離中央關係寧亦備攻倪王范甯事請秘勿宣俟彼處確實宣布後再電告也文養

(四)汕頭陳總司令鑒養日通電西南各省說明時局情形及文之主張可否由尊處再以此意通電西南多一人主持則多一分効力如何盼覆文梗

(五)競存兄鑒改組一事萬不可贊同蓋其初西南聯合會本以圖外交承認而打消軍政府也乃其事告成而通告外國之時爲美領事所反對惟此爲西南督軍團勾結違法之機關美國政府及國民決不承認小伍於是問計於美領事領事乃告以人必與軍政府聯爲一致得國會之通過乃可此改組之說所由生也小伍來商之文文直以違法拒絕之後彼再請唐來省調和唐出改組條例文順筆改其聯和二字爲軍政府唐始有難色乃持歸示伍甚滿足次日立欲國會通過稱爲經文修改者以惑衆衆多爲所動幾敗乃事矣爲時過促不能通過後各議員來問文文以實答之故國會擱之爲懸案張開儒聞改組之說立就陸軍總長之職所以明示反也兄當與張一致以維軍政府於不墜可也此覆孫文弼

總 理 全 集

(六)汕頭陳總司令鑒競密頃據汝爲敬電稱夏述唐所部柏李兩營脫離夏氏來歸由兄委吳忠信統領乃伍旅毓瑞來潮稱奉李總指揮之命接收柏部當答以應俟電請尊處示遵等語前來而協和方面亦得伍旅長電對於汝爲頗有微詞似此兩方各訐恐成誤會究應如何處置文以未悉真相不便遙斷望由兄就近查明辦理務以有利於軍政府之進行爲主孫文宥

(七)潮州許崇智司令鑒佳密養宥兩電均悉夏述唐所部兩營來投粵軍一節事前此處未據陳明究竟出閩計畫因此有延滯否收納叛亡是否有誘起部下之邪心而致違令督叛之虞此處無從懸揣現李協和對此頗形憤激軍政府若取爲親軍交吳統帶未必彼方應允徒損威信又滋口實故前電陳總司令請其就近查明辦理務以有利軍政府進行爲主希體此意商承陳總司令命迅妥辦結具報孫文勘

討莫之役致滇湘黔閩浙粵各省當局要電（民國七年）

（一）致唐繼堯電

（一）兄既具最大之決心前途光明準可實見文已加電各處力促協力援助惟急待商者如下一次
事變名爲莫榮新助逆實則陸榮廷以老奸巨猾之手段行其破壞護法竊據西南投降復辟首領之豫定計
畫不幸莫等勝而協敗陸則統有兩廣必擁李根源返滇與兄爲敵卽協勝而莫等敗陸則以罪名加莫等而
自處調和地位仍不失其兩廣地盤故此舉必具決心以剿平游勇奠定西南爲唯一之目的無調和之可言
二爲達最後目的必須合川滇黔全力圖之然熊克武不去則不能紓後顧之憂去熊計劃已命呂向石顏黃
盧劉廖各同志早作準備想已與兄接洽今當促其速舉請兄電令駐川滇軍助而促之熊可一麾而去也熊
去則督率川省所有之衆可指揮如意矣三競存決行動員因方聲濤妨害後方故稍稽遲來電云求韻松共
起爲助殆未知韻松近來墮落此後如致電韻松宜令其顧全大局毋滋紛擾四悅卿爲人不如玉堂而海軍
動需巨款今欲使其出力祇有給錢取其可用者用之文已着手運動五三電王殿輪協同湘南大舉兄對於
軍事計劃希隨時電告此復寒電孫文篠

（二）莫廣兄鑒港函協和以侵日抵肇興莫等散布協允調停之說故各方稍持觀望來電以全權委協
和辦法甚是惟協和近爲桂軍印軍包圍消息不通無從接洽潮澄伍旅又被劉志陸逼令繳械解散今所特

以救協和者各路民軍耳非有正式大軍以持其後民軍力薄能救協和與否尙不可必近聞陸復派兵至永州派代表至貴陽有收復湘西民軍勢力之計劃請致電湘西各軍勿爲所誘要之老賊心一而力齊我則兵衆而號令動作皆不一致前途利鈍未可逆料又川事當卽解決卽使不能遽行移兵而去熊亦大足爲粵聲援不宜置於粵事之後報載尊處又出師百色此誠上着亦救協和之急着如尙未行者宜火速舉行兄果出兵百色文必促競存同時入粵及令欽廉速起制之則游勇可滅也孫文

(三) 肇廣兄鑒協和此次以維持兄之威信故問道出肇興所走之路與廣韶鐵道爲平行線桂賊利用鐵道之便爲攔頭抄側尾追之攻擊協和能脫險而至肇興實天幸也然肇興亦絕地桂賊今尙用數倍之衆困而攻之非速救恐仍不免昨接兄漾電具體之言只有已以全權委托協和一語夫協和冒九死一生而蹈絕地實爲兄也當此千鈞一髮之時所望於兄者火速出兵耳非全權也况滇軍已有一部附李根源則權已分裂尙何全之足云文爲大義計爲兄並協和計已着競存出兵相救惟桂賊對於競存早有戒備競存一路恐難達目的查桂賊之衆現分二大部一圍攻協和一防制競存其老巢則甚空虛聞桂賊之意爲兄之兵力皆在川粵且多爲李源勾結其中必有不爲兄用者彼料雲南必不能出兵故對兄有此輕侮之舉兄爲自救計宜火速出兵百色其數無論多少必能奪其胆氣而搖其根本蓋此爲彼之弱點也如兄百色之兵已動文必令欽廉鄉團並起以擾之而絕西江之交通如此則彼攻協和防競存之兵不能不回救老巢而競存之阻可消協和之圍可解便可合攻廣州廣州一下逆軍必解體矣兵法云攻其所必救今撲其老巢非兄莫屬

第 三 集

討莫之役致滇湘黔閩浙粵各省當局要電

三

而勝負亦在此一着桂賊滅而兄之威信乃可復也望勇決圖之勿遲疑幸甚孫文

(二)致長沙周震麟譚延闓等電

(一)周道腴先生鑒道密沁日魏邦平以所部及江防艦隊進省與海軍李福林聯合限莫賊二十四時退出聞莫尙抵抗省垣已有戰事惟湘贛各軍應早入粵邊吾輩望之如歲請促其兼程並進北江空虛已甚可以順流而下此時形勢若祇遙爲聲援非所望也孫文艷

(二)周道腴先生鑒道密轉譚總司令鑒據李國柱來信曾迭請出兵攻桂查李從事革命有年極爲可靠該部組織煞費苦心今當桂賊猖狂之際多一份兵力即多一份功效况聞該部已有編併計劃意即可令其協同攻桂俾使向外發展於粵於湘兩得其益諒可行也再據港電自魏李獨立海軍同時逼莫離省全局當可解決乃有倡調和之說莫利用之以緩兵且要求條件離間粵人以遂狡計除由文與唐伍諸公電告魏李速驅莫賊以安粵局外特恐賊心不死重以糜爛粵人實不堪命請念救兵如救火之義迅飭所部直下北江驅除桂賊豈惟粵人受賜全局實利賴之孫文東

(三)長沙周道腴先生道密轉譚總司令趙總指揮鑒歌電悉王育寅原電此間尙未接到究竟內容如何無從懸揣惟前者粵桂戰事發生之時湘中將領多主張援粵討桂育寅亦曾派人來此接洽願率所部前驅以其嚮義心切當即囑其與各將領聯絡進行並派林君修梅前往查察是否出於誠意茲接來電似與前

總 理 全 集

項事實稍有歧異如果育寅仍係依據前情出師援粵似未可指爲悖謬且其人前以復父仇行動稍有踰軌於情尤有可原應請兩公體察情勢勿遽加兵並將育寅原電迅速轉示以便商處一面仍由文逕電林君從速查復特此電聞並希見覆孫文

(四)長沙省議會鑒庚電悉此次粵人驅逐桂匪實迫不獲已貴省人民及統兵長官多數主張出師援粵義聲所播溥海同欽目下戰事正在進行匪勢仍未潛銷所望共抒互助精神以清西南餘孽上月王育寅派員來稱願率所部攻桂以抒粵患頗嘉其知義當囑務與湘中將領一致進行並派林君修梅前往察看助理矣護法軍興擾攘數載民生之憔悴亦甚矣願欲減縮痛苦之期限惟有相率而起速清內奸桂匪禍粵非名言所能罄湘人好義實出自第二天性尙乞督促進行不勝盼禱孫文侵

(五)長沙趙總指揮宋廖魯旅長林處長各司各團營長周道腴李懋吾先生各報館均鑒粵軍討賊義師景從然寇勢雖窮尙未去粵倘鄰省同張撻伐何難殲厥渠魁前據周君震鱗等電稱貴省各軍多主張出兵援粵近復徵諸輿論則更對於援粵萬衆一心卽譚總司令仗義執言亦有粵人治粵之魚電夫桂匪非能容納人之忠告若不臨以武力直所謂對盜賊談仁義也文竊以爲不然曩者王育寅派員前來自請援粵文以其頗知大義遂令林修梅親往該處視察一切頃據來電公推林修梅爲湘西靖國軍總司令林修梅就職後復有攻桂之通電湘中民氣素有激昂慷慨之稱林君起義衡州艱難百戰今又勇於討賊登壇誓師此湘軍之光榮亦前民之矩矱望贊此義舉毋使林君獨爲其難且樹之風聲尤能得民意之助他日盪滌瑕穢

討莫之役致滇湘黔閩浙粵各省當局要電

五

攘除姦凶公等之功皆在民國矣孫文有

(六)長沙湖南省議會議員諸君均鑒新成密元電計達竊此次粵人力謀自決與湘中軍士力謀援粵而助其自治皆人類最合理之衝動實爲中國政治之一綫生機貴省當局亦既有魚電與粵人之自主矣然桂匪始終不悛則湘人爲維護人格計託林君修梅回湘肩此重任並電致趙師長等勸其與林君一致今惠州石龍雖已克復然桂匪之占據粵境備極殘暴者其地尙廣粵人現視桂匪之在粵比虎疫蝮蛇之近在盤區枕席間者尤甚爲今之計惟有速求解除粵人此等恐怖觀念縮短其時間縮小其區域勿使再爲一晷一寸之延長故不得不亟望湘人之互助且此舉亦正惟平昔富於公義心勇敢心之湘人及湘軍乃能堪之故甚望貴省軍事當局勿再有所瞻徇與林君爲一致之行動尤望貴議會代表人民之真意促進貴省行政當局維持其宣言庶美國國會宣言助歐之名譽不能專美於西方也人類倫理上之最高善意決不能以孤立之抽象名詞代表之亦非與世推移所能取得惟能及時努力抵抗或征服社會所公認之惡魔如桂匪者乃真善耳惟諸君實利圖之孫文廿六

(七)雪竹兄鑒我軍艱日克復廣州莫林沈諸逆俱逃馬濟擬率殘部繞道北江回桂粵事當可稍定岑張見難再容於西南遂公然降北庭亟欲假統一以借外債爲征服異己之圖遂致護法各省之主張中外共認之和會於不顧悍然以僞總統一紙命令宣布統一此不獨視西南爲一二桂賊所私有蔑視我護法團體之人格外人不察濫予援助北庭愈有所恃以遂其毀法賣國之私和平將永無望故某等爲護法救國計不

得不有十月三十一日之宣言組菴護法決心至所佩仰前滬報載其反對桂系單獨搆和義正詞嚴尤足懾服羣奸此次對於北庭統一僞令想必有堅決之表示以慰羣望會間希爲致問并盼示覆孫文

(三)致貴陽王文華劉顯世電

(一)貴陽王殿輪總司令鑒殿密足下主張正義欣慰之至但婉勸莫督以大局爲重則是未知桂賊之用心此次事變名爲莫榮新助逆實則陸榮廷以老奸巨猾之手段行使其破壞護法竊據西南投降復辟首領之豫定計畫假如莫等勝而協和敗兩粵完全爲陸勢力恐根源亦爲李耀漢第二何有於國會軍政府卽協和勝而莫等敗陸則歸罪莫等而自處調和地位仍不失兩粵地盤強盜用心肺肝如見故爲今之計惟有以剿平桂賊奠定西南爲唯一之目的足下逼近賊巢一舉足以衝破桂賊之腹刻下競存實行動員先收湘南廣肇方面湘南居韶州上游與桂軍積有惡感若足下就近電促湘南將領率軍南下直抵韶州非惟解協和之危且制廣州之命其他欽廉方面亦可搖動南寧巢穴者亦着着進行甚望足下統率精銳就近與唐劉二公協商出師方略西南成敗在此一舉若舍此不圖貽誤滋大希察納賜復此復元電孫文

(二)貴陽劉督軍鑒頃接湘電稱陸榮廷派兵至永派代表赴湘商改編湘西靖國軍歸其勢力未知確否此次莫榮新挾李根源抗命破壞西南形同叛逆陸榮廷佯爲不問實欲借此驅逐滇軍取消國會軍政府單獨投降近且益肆猖獗令劉志陸攻圍潮州贛軍繳械解散以杜粵軍歸路屯軍永州挾譚延闓以杜湘西

討莫之役致滇湘黔閩浙粵各省當局要電

七

靖國軍之攻桂林狼子野心志不在小文已電令在粵海軍同志起救協和共除桂賊我公爲大局計爲莫廣並協和計若令一軍出柳州以衝其巢穴則彼直無所逃命耳前此廖湘芸失敗文命其重張旗鼓復出洪江以收永桂並祈我公電令駐湘西各將領如遇廖軍到處希妥爲接洽協同動作以期早靖桂氛而定西南大局是爲至盼如何望復孫文

(四)致福州李厚基電

(一)余田侯參議鑒籌密轉呈李督軍鑒漾電敬悉王旅及廈門方面軍隊已出發助防俾粵軍先無後顧之憂銘佩奚似此次粵軍回粵屢戰獲勝俱賴尊處接濟援助之力已深感荷惟我師轉戰月餘不無疲乏而桂賊則盡傾兩省之兵死力相抗故惠州未能卽下今王旅以精兵助我聲威立壯尤企早清內患卽趕至前方閩粵合兵一得惠州則廣肇各地不成問題矣今日得湘省禡電云湘贛兩軍已出發在途計五日內必入粵邊云云此亦可分敵人兵力知注并及孫文敬

(二)培之督軍鑒此次競存回粵得公之助故能所向無敵桂賊喪胆四方響應至虎門爲民軍佔領以後海軍亦改態度助粵於是魏邦平李福林乃得佔領廣州而莫榮新降服粵事本可從此解決獨惜競存不能同時以大軍至省而莫賊乃生狡獪正圖離間粵人海軍亦以是生心欲由海軍全握粵權於是有以海圻艦長湯廷光爲粵督之議而紳商各界只圖苟安多附和之魏李本爲部下所迫今有調和之說正中彼懷倘

此事終成事實則不獨競存苦戰四十餘日之功終歸幻影而公一番玉成之力亦等空談且海軍必得隴望蜀借調和而收拾桂系殘部大唱閩人治閩主義而與公爲難矣今日爲競存挽回九仞之功非有一師以上之生力軍助戰不能殲滅東江之敵此股一滅則桂力全消而魏李不能不就競存之範圍海軍亦必隨風轉舵如此則粵局可定而閩局亦安矣若公以爲然請速令王旅兼程取道大埔梅縣以赴前線並速令臧師取道潮汕助我左翼則勝算必操可無疑義救兵如救火不能一刻或延如何急切盼覆孫文冬

(三)福州督署余田侯諮議鑒密譯轉李督軍後海軍各艦決意北歸開向廈門與北艦合力以圖佔領馬江各要塞現已準備出發等語查北廷買收海軍屢用巨款以閩籍人多圖閩之說亦早有所聞最近桂賊慮海軍助粵更多用賄賂與之聯絡恐將次第見於事實此間已電省港同志竭力設法阻止俟得當再報惟海軍中人素來胆怯且無陸軍爲助則更退縮觀望其在詔安汕頭坐觀粵軍攻取潮汕不敢爲桂賊及方聲濤之助可見一斑近日惟見粵軍形勢稍鈍陰謀又露其易爲利用易爲威攝如此今日爲閩粵共存之計惟有催促臧帥王旅同時併進火速攻破惠州使桂賊重兵潰敗粵垣大局定見解決則海軍無援其勢亦必不敢逞兵法有以攻爲守者此類是也若非擴張目前之勢力使彼不敢相逼而我僅言自守則北方有反對我者不難於其時以一紙命令買海軍之歡心此時我亦失先發制人之機矣事勢萬急而勝算在我故急電奉聞望速裁定以挽大局孫文

(四)余田侯參議鑒密轉呈李督軍鑒前電諒達左右未蒙賜答至切懸盼粵省局以海軍徘徊故魏李

討莫之役致滇湘黔閩浙粵各省當局要電

九

不能急攻遂莫桂賊知後方搖動則亟以死力反攻粵軍欲令我軍受創且不能分力援省彼乃回兵圖魏李故連日粵軍不甚得手此爲成敗緊急之關頭蓋彼已首尾受敵我有全勝之勢惟粵軍久戰甚疲彼亦窺我弱點若粵軍援助則彼賊得伸縮自如渡過難關轉敗爲勝目前救急之着專在麾下有如歐戰美國援師一到德人卽潰敗無餘以兩方久戰俱疲故生力精銳之援師成功至大閩粵安危一體臧師王旅早辦助防開往前線助戰只須更進一步臧師善戰尤爲桂賊所畏懼臧師長王旅長亦素秉承麾下意旨決心殺賊敬望麾下卽速電令臧師出發開至前線粵軍得此則破賊無疑若彼賊前方大兵潰敗省局亦迎刃而解成敗得失祇數日間事想我公此時必不忍使粵事敗於垂成而吝此最後之援助事機至迫惟企速行專電陳請立盼捷音併祈覆電再北京已無力約束各省公以銳師破惠大局竟解決彼必不敢責難而臧王旅在外適可而進公固不患無詞以相抵也孫文

(五)子蔭兄鑒轉臧致平師長鑒自閩粵交涉以來深荷援助至爲緬感競存入粵幸不辱命俱麾下之力近頃粵垣發生巨變桂賊後方動搖因拚命力戰以牽制我師而圖自救我軍久戰疲乏故攻惠未能得手聞麾下已請命李督開前助戰蓋籌勝算良足斡旋大局今得閩電知李督亦已同意許麾下助戰殺賊計粵桂合戰後甚疲一得精銳參加成功必大况麾下謀勇兼優豈惟破惠直可由茲抵定百粵師行貴速敬盼露布捷音孫文

(五)致杭州盧永祥電

(一)杭州督署石小川先生鑒覺密譯呈盧督軍大鑒粵垣因各方面之障礙魏李未能急用武力驅除莫氏自非由粵軍勦除桂系在惠州之重兵使其失恃全局未易解決此次培督節節相援實賴執事間接助力至爲感荷最近臧師長更決定開赴前線與粵軍合力討賊惟聞子彈不甚充分求尊處爲之接濟此舉關係重大粵軍久戰稍疲一得精銳參加破惠無疑而省局亦迎刃可解三省誼切同舟早在洞鑒望即趕撥賊師所需子彈俾得助戰以成大功有如歐戰美國援兵一到德人即潰敗無餘兩方合戰俱疲有生力軍援助其效力至大事機迫切專電陳請立盼明教孫文佳

(二)佳電想已達典籤頃得競存來電言七九子彈告乏閩督已無可撥請求尊處濟以百萬解由閩督轉交此事不落痕迹而粵軍受惠至大故敢代陳幸爲援助無任感盼併候覆教孫文真

(六)致粵軍陳炯明暨各路司令前敵諸將領電

(一)汕頭粵軍陳總司令鑒請轉粵軍各路司令暨前敵諸將領均鑒得悉陳總司令電知粵軍分路進兵所向大捷連得名城險要使敵聞風而潰良由執事等指揮素定謀勇兼優捷報傳來欣喜無量由此綏定百粵預祝最大之成功孫文箇八月廿一日

討莫之役致滇湘黔閩浙粵各省當局要電

一一

(二)老隆陳總司令競存鑒真電悉甚喜此時宜乘勢撲滅麻子以振軍威而寒賊胆傳聞桂賊欲將惠州交與李根源調回林虎馬濟以對李魏有從桂軍中來者云日擊桂軍士氣沮喪已極戰鬥力差極若我軍能再振作士氣仍取攻勢則最後之勝利必歸諸我也昨日李純自殺於南京張作霖兵逼京津曹錕南逃將有復辟之舉真日林保懌藍建輻通電南北海軍統一此最近南北之變局也孫文冬

致鄂西各將領弔唁高固羣烈士電（民國七年）

夔州黎輔丞先生施南柏烈武先生吳厚齋兄及鄂軍各將領均鑒皓電驚悉高君固羣被狙殞命高君起義元勛有功民國陡聞凶變曷勝悲痛前此蔡君幼香旣已被戕今茲高君重復遇害以鄂軍所在地迭出殘害有功之人兇暴橫行誰尸其咎卽希窮究主名以昭法紀而慰英靈孫文漾

致鄂西各將領弟晤高固羣烈士電

辭大元帥職之通電

一

辭大元帥職之通電（民國七年五月廿一日）

文前以國會正式開會有期各省亦先後表示援助護法大責負荷有人文亦得以卸去微責故於五月四日向非常會議辭去大元帥之職並於同日通電略罄鄙意茲於臨別之際惓惓之懷猶難自己謹再盡忠告於邦人君子之前幸垂察焉國於天地必有興立民主政治賴以維系不敝者其根本存於法律而機樞在於國會必全國有共同遵守之大法斯政治之舉措有常軌必國會能自由行使其職權斯法律之効力能永固所謂民治所謂法治其大本要不在此自民國成立以來國會兩遭非法解散以致大法陵夷邦基阨隕此則秉政者徒知以武力相雄長嫉法律爲束縛之具國人又懼於強力不自盡其護法之責也然武力角逐勢難持久競權力於始逞意氣於後其極非至犧牲國家同歸於盡而不止卽有大力者起強能併弱衆能暴寡悉除異已然恃其暴力欲以恣睢爲政治以刀鋸爲法律其極也必至民生嗷嗷不可終日亦必爲國民所共棄而一蹶不振陷於勢窮力絀之境徵之袁氏前鑑匪遙今茲之役國人既知護法爲急務則務以貫徹終始使舊國會能回復其効力其向不滿於舊國會者亦宜摒其固我之見曉然於舍恢復舊國會以外更無可以解決國是之方亟圖補過又豈云晚倘雙方能凜國事之危迫知民意難違各蠲其權利之爭忿噓之見咸自納於法律軌轍之中則何莫非護法元勛又誰得而非之也國會諸君負代表民意之責際危急存亡之秋民國一線之命脉實賴諸君維繫而護持之尤冀排除障礙力膺艱鉅使正式國會依期開會以慰國人喁喁之

總 理 全 集

望則共和前途實式賴之時變亟矣長此相持國將不國心所謂危不敢不告臨行惓惓謹布惓惓維諸君子
實圖利之孫文馬

文
電

二

退出軍政府覆國會議員電

退出軍政府覆國會議員電（民國十年）

林子超先生轉劉治洲並各先生公鑒電留甚感文以護法之局無望特脫離軍政府得以自由行動另圖根本之救國耳非置國事於不顧也所望諸公行使最高職權毅然取消誤國之軍政府毋使強盜利用以致一誤再誤庶不負國民之所托也如公等能此文當惟力是視以從公等之後而圖根本之解決也孫文冬

討伐陳炯明之通電（民國十二年一月五日）

廣州汕頭香港各報館轉廣東全省人民公鑒陳逆炯明叛國之罪擢髮難數半載以來倒行逆施綱紀蕩然驕兵悍將貪官污吏以百姓爲魚肉尤復陰弛賭禁操縱金融以致民生憔悴不可終日禍粵之罪更不容誅近更野心不戢肆毒隣省西則對於駐桂滇軍及桂軍窮極挑撥離間之技誘使相攻以爲得計東則對於福建居心吞噬不惜勾引贛兵以施行夾攻計劃窮凶極惡實爲國民所同憤文自昨年八月離去廣州卽分命諸路將士同心討賊茲據西路討賊諸軍報告滇軍總司令楊希閔會同桂軍總指揮劉震寰於昨年十二月二十七日克籐縣隨於二十八日會同粵軍第三四師克梧州整軍東下直指肇慶并得沈總司令鴻英協同動作軍威遠振賊勢不支聞報之餘深爲嘉慰諸軍將士奮勇殺賊爲民除害凡我粵人務宜敵愾同仇以成撥亂反正之功近聞賊軍布散流言謂客軍入境亡省可虞此等譫言出於賊軍之口乃其平日譸張爲幻之慣習不足置辯須知此次討賊諸軍深明大義恪從命令爲國家除叛逆爲廣東去凶殘純以人道國法爲依歸絕無部落拘墟之見討賊功成諸軍各有任務或盡瘁國防或服務鄉土奉公守法惟日且不暇給豈屑如陳逆等之惟知盤踞地方以土豪自命乎我廣東全省人民既備受陳逆之毒害必深知陳逆之詐僞際此義師奮發叛徒喪膽當急起直前以人心爲士氣之後盾俾膚功早奏四境乂安有厚望焉孫文支

討伐陳炯明之通電 和平統一之通電

和平統一之通電（民國十二年一月二十六日）

北京黎宋卿先生張敬輿先生馮煥章先生天津段芝泉先生奉天張雨亭先生保定曹仲珊先生洛陽吳子玉先生南京齊撫萬先生杭州盧子嘉先生並各省農工商學各界各報館轉全國國民鑒文於往年八月十五日發表宣言對於國事主張使護法問題完全解決以和平方法促成統一對於國事主張討伐叛國禍粵之陳炯明以申國法而靖粵亂今者討賊諸軍已逐去陳逆而戡定粵局則障礙既除建設斯易文於撫輯將士及綏靖地方外當盡心力以敦促和平統一之進行並務以求達護法事業之圓滿結束如是庶幾六年以來之血戰卒得導民國於法治之途凡諸為國犧牲者可得代價而少慰而此分崩離析之局面亦卒得歸於統一文始獲與國人雍容討論以圖治惟曠觀全國以北京政府尙未純踐合法之塗轍故猶多獨立自主省分北京命令不能遽及統一之業仍屬無期回憶年來南北紛爭兵災迭見市廛騷擾閭閻為墟盜匪乘隙縱橫靡忌百業凋殘老弱轉徙人民顛連困苦之情狀悚目惻心竊以為謀國之道苟非變出非常萬不獲已不宜輕假兵戎重為民困茲者西南起義特因護法之故不得已而用兵於今日則各方漸有覺悟信使往來力求諒解較之昔時已為進步曩者法統之復亦可為時局一大轉捩誠得西南護法諸省監護匡助以底於成此時之中國已入於法治之軌徒以陳逆叛變護法政府中斷而北京政府所為遂致任情而未及澈底且以毀法之徒謬託於恢復法統國會糾紛及今未解而於人民所渴望之裁兵廢督諸大端反言行相違不

總 理 全 集

復稍應其求而增兵備戰之消息乃囂塵上不知兵日益增政日益弊長此不悛匪特求治無期助亂速禍實未知所止今之大病固在執政柄兵者未有尊重法律之誠心而國中實力派利害不同莫相調劑亦其致此之緣故試舉今日國內勢力彼此不相攝屬者估較計之可別爲四一曰直系二曰奉系三曰皖系四曰西南護法諸省此四派之實際利害果何以衝突亦自難言然四派互相提攜互相了解開誠布公使率歸一致而皆以守法奉公引爲天職則統一之實不難立見文今爲救國家危亡計擬以和平之方法圖統一之效果期與四派相周旋以調節其利害在統一未成之前四派暫時畫疆自守各不相侵內部之事各不干涉先守和平之約以企統一之成儼蒙各派首領諒解斯言文當誓竭綿薄盡其所能及必使和平統一期於實現而和平之要首在裁兵未有張皇武力濫行招募而可昌言和平以餽人者誠知卒多之足以亂國禍民則滅之惟恐不速不容藉端推諉以黷武之私衷爲強國之替論各派首領不乏明達見義勇爲當仁不讓其間當大有其人在也當此謬說有謂須俟統一後始可議及裁兵者此未免爲怙亂之談何者兵不裁則無和平無和平則難統一蓋擁兵以言政則政紊擁兵以言法則法執強權盛則公理衰武力張則文治弛此必至之期國人所身受語焉能詳者也不裁兵而言和平猶挾刃以談揖讓不和平而言統一猶視鬥爭爲求友好愚者且竊然嗤之而況並世之賢豪豈復昧此而謂國人可欺耶然而非徒責難之談墮空之論其裁兵辦法可以坐言起行者文籌之已審其綱要有三一本化兵爲工之旨先裁全國現有兵數之半二各派首領贊成後全體簽名敦請一邦爲佐理籌畫裁兵方法及經費三裁兵借款其用途除法定監督機關外另由債權人並全國農

第 三 集

和平統一之通電

三

工商學報各團體各舉人監督之其詳細條目則由專員妥訂諸公朝贊成則夕可商諸施行此在諸公一轉念間而國民將咸拜嘉賜文亦當率西南諸將敬從諸公之後不敢有避統一成而後一切興革乃有可言財政實業教育諸端始獲次第爲理國民意志方與以自由發舒而不爲強力所蔽障其爲統一則永久而非一時精神而非形式國人同處於法律範圍之內而無特殊勢力之可虞蓋兵者所以防國而非私衛及假以竊權之具也能如是乃真民治重符共和盛軌以與列強共躋於平等之域百世實利賴之不然者民意可畏不戢自焚文愛國若命將不忍坐視淪胥弗圖振救諸公之明當不復令至此語曰「人之好善孰不如我」諸公當代賢謀國有素其一聆鄙言而決然許之毅然行之乎此實誠惻之忠言期代人民呼籲而冀諸公相與爲實踐以矯虛與委蛇之失而塞河清難俟之譏也敬布區區願聞明教孫文

爲和平統一事致林建章電（民國十二年五月十日）

海軍林司令鑒佳電遲至昨午始達朗誦迴環欣慰无量以爲此時全國兵士皆如在滬海軍袍澤其將領皆如執事者則和平統一盛業不難指揮立定年來國事蝸蟻由於一二軍閥之憑藉武力恣行攘奪實由於多數軍人昧厥衛國保民之天職甘爲強權所利用而供無主義之犧牲尊論一語破的讀之令人快慰方今和平統一已爲全國人心所傾向少數冥頑之徒乃必背道而馳於川閩粵諸省均已屢試其技野心未達而吾民顛沛流離之苦已增至不忍見聞矣文迭次宣言標明主旨凡贊助和平統一者皆吾友反抗和平統一者皆吾仇如執事之明達與在滬海軍之澈悟文當竭其綿薄相與戮力同心共紓國難南來海軍諸將士亦極表同情幸勗前途以竟全功臨電欽遲至深企禱孫文陽印

爲和平統一事致林建章電

爲曹錕乞和致孫洪伊電

一

爲曹錕乞和致孫洪伊電 民國十二年七月二十日

上海孫伯蘭兄鑒轉來仲珊齊電已悉前此我揭出和平統一之主旨仲珊亦嘗贊和乃其見諸事實者則亂閩禍川擾粵以及種種行動無一而不與和平爲敵今茲云云其既有所覺悟耶抑猶是前日之敷衍也我與人以誠不能逆億不信然不直則道不見主張武力誰爲戎首咎無所歸徒務空言天下其就能聽之請卽本此意以答仲珊孫文侵

東江之役覆劉震寰電（民國十二年）

萬急飛鵝嶺劉總司令鑒營密宥函電悉敵人當然有計劃所幸其數不多自易擊滅紹基已親率五千精銳出擊淡水兄之後方斷無危險少泉聞博羅被圍非常焦急已徵集所有趕速出發大約兩日後可到信之亦以全部來援大約三日後其他西北江各隊亦陸續調來今日省城已運到米糧四十餘萬斤當陸續運來此次東江之事無人不焦急萬分斷無見危不救想不出十日賊必消滅我俟各軍出發後當再來梅湖親督攻城故望兄急調一隊至白沙堆一以絕敵人後路二可保我航線聞敵人食糧輜重皆在風門均附近若兄能照此行事可悉奪之則博圍可解我軍實亦加利莫大也幸速圖之孫文

東江之役獲劉震寰電

東征時致胡漢民電

一

東征時致胡漢民電（民國十二年九月十一日）

速由無線電傳令永豐艦長澳頭我軍退却但兩日後可恢復現楊總司令希閱親率滇軍由龍岡出擊淡水平山之敵該艦長搜擊海上偷渡之敵毋使漏網并相機與楊總司令聯絡協同動作若無線電不通着鹽運使派安北艦傳令并助永豐擊敵再紹基已赴龍岡淡水矣可慰也

討伐曹吳致段祺瑞盧永祥電（民國十二年）

一 復段祺瑞電

頃誦佳電本悲天憫人之懷申伐罪弔民之意仁言周浹義聞昭宣曹吳禍國窮兵殘民以逞甘爲戎首舉國痛心文已移駐韶關宣告邦人出師入贛期與浙奉義軍一致討賊公志存匡國誼切同仇推己飢己溺之仁作同澤同胞之氣驅共同之障礙建民國之新元辱荷德音彌殷企頌文皓

（二）致盧永祥電

杭州盧督辦鑒支電奉悉義正詞嚴邦人誦仰曹吳禍國稔惡貫盈除暴鋤奸咸同斯願文已宣布國人一致聲討躬率師旅以爲前驅與師偕作用尋白馬之盟敵愾同仇直抵黃龍之洞佇聞奇捷以集大勳文蒸

討伐曹吳致段祺瑞盧永祥電
北伐軍興致唐繼堯劉顯世電

一

北伐軍興致唐繼堯劉顯世電 民國十三年

(一) 致唐繼堯電

(一) 民國俶擾垂十三年大盜恣橫亂國竊位西南頻起義師皆以動止參差大功不立近者奉浙興師討賊戰端既開吾輩揭櫫大義倡率天下已非一朝尤宜及時奮興以定大難但軍長怒剛等來粵具述偉略實慰夙懷爰於本日招集政務軍事聯合大會僉謂執事勤勞國家功勛丕著宜有崇號以重戎行是用推公爲副元帥一惟提挈之日以成康濟之助文聿求友聲欣茲多助知樂推之有在信吾道之不孤羣情喁喁未可謙讓望卽宣布就職以慰企望之誠將率三軍北伐中原願共馳驅以建大業專電奉達佇望新猷孫文眞

(二) 頃電以衆志樂推請早就職計已達覽川滇黔三省軍隊久在指揮之下宜正名號以資統率擬川滇黔聯軍總司令請公担任一切出師計劃均請就近主持文旣移駐韶關誓師北伐望早定大計尅日興師偉畫所關並望指示孫文眞

(二) 致劉顯世電

如淵先生麾下張代表(張瑞麟)來攜致手書至欽偉抱西南頻起義師犧牲至巨大功未立國步日艱曹吳竊國窮兵又爲國人共棄近復甘爲戎首肆虐東南討賊興師實在今日文已移駐韶關誓師入贛期

集 全 理 總

與奉浙聯軍一致聲討滇黔屹若長城精銳所存足當一面願奮遠猷共張撻伐張西南之義幟建民國之新元偕作同仇實資碩畫餘屬張代表面盡

文
電

二

曹吳失勢後與段祺瑞商議國事之各電（民國十三年）

（一）天津段芝泉先生大鑒大鑒既去國民障礙從此掃除矣建設諸端亦當從此開始公老成襄國定有遠謀文擬即日北上晤商一切藉慰渴慕並承明教先此奉達諸惟鑒照是荷孫文感印

（二）段執政賜鑒東電敬悉溯自去歲十一月十三日文發廣州曾對於時局發表宣言主張以國民會議爲和平統一之方法而以預備會議謀國民會議之產生迨十七日抵上海二十一日向神戶三十日向天津途中在各報電聞欄內獲知執事於十一月二十一日發表召集善後會議及國民代表會議之主張而未得其詳及十二月四日抵天津爲肝病所困許君世英造訪臥榻出示馬電全文及善後會議條例並云『此條例已於國務會議通過』當時曾就鄙見所及竭誠相告想承轉達自思屢思於入京晤對之際繼續抒其衷曲無如病久未愈遷延至今屈指自接東電至今已逾半月距善後會議開會之期已近夫今不言雖欲張皇補苴亦將無及故強支病體罄其所欲言惟垂察焉

善後會議於誕生國民代表會議之外尙兼及於財政軍事之整理其權限自較預備會議爲寬而構成分子則預備會議所列人民團體無一得與夫十四年來會議之開屢矣其最大者有六年之督軍會議八年之南北會議而皆無良果揆其原因實由於會議構成份子皆爲政府所指派而國民對於會議無顧問之權既不能選舉代表參列議席甚至求會議公開而不可得坐視會議與人民漠無關係人民不得不仍守其漠

總 理 全 集

視國事之故習而人民利害絕不能於會議中求其表現且政府所指派之人物類皆爲所謂實力派之代表且各自之利害情感雖然互殊往往苦於無調濟之術故會議之不能得良果亦固其所說者謂會議若不爲實力派所左右恐會議之結果不能實行文則以爲會議之能收效與否全視實力派能聽命會議與否爲斷設以巴黎會議言之法國福煦將軍戰時統法國之兵不下四百餘萬協約國陸軍亦歸指揮英國海克將軍統兵三百餘萬美國巴星將軍統兵二百餘萬其實力在國內洵無倫比然一日戰事平息釋兵歸伍對於和平會議絕無干預其權限分明如此故能大有造於國家由是言之此次共同反對曹吳各軍誠爲勞苦功高苟於會議之際退處無權將益增其榮譽謂必欲左右會議夫豈其然惟當國是紛擾期間不能以歐美先進爲例且當國民革命之初步有賴於武力與民意相結合故預備會議以共同反對曹吳各軍及政黨與人民團體平等同列此卽求脗合於武力與人民相結合之言也

使預備會議而能實現則國內智識階級如教育會大學校學生聯合會等生產階級如實業團體農工商會等皆得與有軍事政治之實力者相聚於一堂以共謀國家建設之大計既可使此會議能表示全民之利害情感復可導國民於通力合作之途民治前途必有良果善後會議所列構成分子則似偏於實力一方而而於民意方面未免忽略恐不能矯往轍成新治此鯁鯁之慮所爲不安者也固知於善後會議之後尙有國民代表會議在然國民代表會議由善後會議所誕生則善後會議安可不慎之於始况其所論議者尙廣及軍制財政耶

第 三 集

曹吳失勢後與段祺瑞商議國事之各電

三

文籌思再三敢竭愚誠爲執事告文不必堅持預備會議名義但求善後會議能兼納人民團體代表如所云現代實業團體商會教育會大學各省學生聯合會工商農會等其代表由各團體之機關派出人數宜少以期得迅速召集如是則文對於善後會議及善後會議條例當表贊同至於會議事項雖可涉及軍政財政而最後決定之權不能不讓之國民會議良以民國以人民爲主人政府官吏及軍人不過人民之公僕曹吳禍國挾持勢力壓制人民誠所謂冠履倒置今欲改絃更張則第一着當令人民回復主人之地位而使一切公僕各盡所能以爲人民服役然後民國乃得名副其實也

凡此所陳固以爲國家前途計亦以執事與文久同患難敢附於知無不言言無不盡之義尙祈俯察爲幸
孫文十七日

自天津行轅致各報館電（民國十三年十二月卅一日）

各報館均鑒文此次北行目的曾有宣言諒蒙鑒察抵津以來執政招待殷渥期望綦切京津各團體盛意歡迎所以勗勉之者良厚至深感荷原擬早日入都共圖救國不意肝疾偶發濡滯兼旬茲承醫生勸告即日與疾入都選擇醫療在醫療期內惟有暫屏萬慮從事休養以期宿恙早痊健康早復俾得發抒志願仰副厚望專此電達敬祈鑒察爲荷孫文世

總理全集

總理全集 第三集



二 函札

甲午（一八九四年）上李鴻章書

宮太傅爵中堂鈞座 敬稟者竊文籍隸粵東世居香邑曾於香港考授英國醫士幼嘗游學外洋於泰西之語言文字政治禮俗與夫天算輿地之學格物化學之理皆略有所窺而尤留心於其富國強兵之道化民成俗之規至於時局變遷之故睦鄰交際之宜輒能洞其竅奧當今風氣日開四方畢集正值國家勵精圖治之時朝廷勤求政理之日每欲以管見所知指陳時事上諸當道以備芻蕘之採嗣以人微言輕未敢遽達比見國家奮籌富強之術月異日新不遺餘力駸駸乎將與歐洲並駕矣快艦飛車電郵火械昔日西人之所恃以凌我者我今亦已有之其他新法亦接踵舉行則凡所以安內攘外之大經富國強兵之遠略在當局諸公已籌之稔矣又有軺車四出則外國之一舉一動亦無不週知草野小民生逢盛世惟有逖聽歡呼聞風鼓舞而已夫復何所指陳然而猶有所言者正欲乘可爲之時以竭其愚夫之千慮仰贊高深於萬一也

竊嘗深維歐洲富強之本不盡在於船堅礮利壘固兵強而在於『人能盡其才地能盡其利物能盡其

第 三 集

甲午（一八九四年）上李鴻章書

二

用貨能暢其流』此四事者富強之大經治國之大本也我國家欲恢擴宏圖勤求遠略仿行西法以籌自強而不急於此四者徒惟堅船利礮之是務是舍本而圖末也

所謂人能盡其才者在『教養有道鼓勵以方任使得法』也

夫人不能生而知必待學而後知人不能皆好學必待教而後學故作之君作之師所以教養之也自古教養之道莫備於中華惜日久廢弛庠序亦僅存其名而已泰西諸邦崛起近世深得三代之遺風庠序學校遍布中國人無貴賤皆奮於學凡天地萬物之理人生日用之事皆列於學之中使通國之人童而習之各就性質之所近而肆力焉又各設有專師津津啓導雖理至幽微事至奧妙皆能有法以曉喻之有器以窺測之其所學由淺而深自簡及繁故人之靈明日廓智慧日積也質有愚智非學無以別其才才有全偏非學無以成其用有學校以陶冶之則智者進焉愚者止焉偏才者專焉全才者普焉蓋賢才之生或千百里而見一或千萬人而有一若非隨人而施教之則賢才亦以無學而自廢以至於湮沒而不彰泰西人才之衆多者有此『教養之道』也

且人才不一其上焉者有不徒苟生於世之心則雖處布衣而以天下爲己任此其人必能發奮爲雄卓異自立無待乎勉勗也所謂豪傑之士不待文王而猶興也至中焉者端賴乎鼓勵以方故泰西之士雖一才一藝之微而國家必寵以科名是故人能自奮士不虛生逮至學成名立之餘出而用世則又有學會以資其學學報以進其益萃全國學者之能日稽考於古人之所已知推求乎今人之所不逮翻陳出新開世人無限

總 理 全 集

之靈機闡天地無窮之奧理則士處其間豈復有孤陋寡聞者哉又學者倘能窮一新理創一新器必邀國家之上賞則其國之士豈有不專心致志者哉此泰西各種學問所以日新月異而歲不同幾於奪造化而疑鬼神者有此『鼓勵之方』也

今使人於所習非所用所用非所長則雖智者無以稱其職而巧者易以飾其非如此用人必致野有遺賢朝多倖進泰西治國之規大有唐虞之用意其用人也務取所長而久其職故爲文官者其途必由仕學院爲武官者其途必由武學堂若其他文學淵博者爲士師農學熟悉者爲農長工學練達者爲監工商情講習者爲商董皆就少年所學而任其職總之凡學堂課此一業則國家有此一官幼而學者卽壯之所行其學而優者則能仕且恪守一途有陞遷而無更調夫久任則閱歷深習慣則智巧出加之厚其養廉永其俸祿則無瞻顧之心而能專一其志此泰西之官無苟且吏盡勤勞者有此『任使之法』也

故『教養有道』則天無枉生之才『鼓勵以方』則野無鬱抑之士『任使得法』則朝無倖進之徒斯三者不失其序則『人能盡其才』矣人既盡其才則百事俱舉百事俱舉矣則富強不足謀也秉國鈞者盍於此留意哉

所謂地能盡其利者在『農政有官農政有學耕耨有器』也

夫地利者生民之命脈自后稷教民稼穡我中國之農政古有專官乃後世之爲民牧者以爲三代以上民間養生之事未備故能生民能養民者爲善政三代以下民間養生之事已備故聽民自生自養而不再擾

甲午（一八九四年）上李鴻章書

四

之便爲善政此中國今日農政之所以日就廢弛也農民祇知恆守古法不思變通墾荒不力水利不修遂致勞多而獲少民食日艱水道河渠昔之所以利農田者今轉而爲農田之害矣如北之黃河固無論矣卽如廣東之東西北三江於古未嘗有患今則爲患年甚一年推之他省亦比比如是此由於無專責之農官以理之農民雖患之而無如何欲修之而力不逮不得不付之於茫茫之定數而已年中失時傷稼通國計之其數不知幾千億兆此其耗於水者固如此其多矣其他荒地之不關山澤之不治每年遺利又不知凡幾所謂地有遺利民有餘力生穀之土未盡墾山澤之利未盡出也如此而欲致富不亦難乎泰西國家深明致富之大源在於無遺地利無失農時故特設專官經略其事凡有利於農田者無不興有害於農田者無不除如印度之恆河美國之密士其昔汎濫之患亦不亞於黃河而卒能平治之者人事未始不可以補天工也有國家者可不『急設農官』以勸其民哉

水患平矣水利興矣荒土闢矣而尤不能謂之地無遺利而生民養民之事備也蓋人民則日有加多而土地不能以日廣也倘不日求進益日出新法則荒土旣墾之後人民之溢於地者不將又有饑饉之患乎是在急興農學講求樹畜速其長植倍其繁衍以彌此憾也夫天生人爲萬物之靈故備萬物爲之用而萬物固無窮也在人之靈能取之用之而已夫人不能以土養而土可生五穀百果以養人人不能以草食而草可長六畜以爲人食夫土也草也固取不盡而用不竭者也是在人能考土性之所宜別土質之美劣而已倘若明其理法則能反礮土爲沃壤化瘠土爲良田此農家之地學化學也別種類之生機分結實之厚薄察草木之

總 理 全 集

性質明六畜之生理則繁衍可期而人事得操其權此農家之植物學動物學也日光能助農物之生長電力能速農物之成熟此又農家之格物學也蠹蝕宜防疫癘宜避此又農家之醫學也農學既明則能使同等之田產數倍之物是無異將一畝之田變爲數畝之用卽無異將一國之地廣數國之大也如此則民雖增數倍可無饑饉之憂矣此『農政學堂』所宜亟設也

農官既設農學既興則非有巧機無以節其勞非有靈器無以速其事此農器宜講求也自古深耕易耨皆藉牛馬之勞乃近世製器日精多以器代牛馬之用以其費力少而成功多也如犁田則一器能作數百牛馬之工起水則一器能灌千頃之稻收穫則一器能當數百人之刈他如鑿井濬河非機無以濟其事墾荒伐木有器易以收其功機器之於農其用亦大矣哉故泰西創器之家日竭靈思孜孜不已則異日農器之精當又有過於此時者矣我中國宜購其器而仿製之

故『農政有官』則百姓勤『農務有學』則樹畜精『耕耨有器』則人力省此三者我國所當仿效以收其地利也

所謂物能盡其用者在『窮理日精機器日巧不作無益以害有益』也

泰西之儒以格致爲生民根本之務舍此則無以興物利民由是孜孜然日以窮理致用爲事如化學精凡動植礦質之物昔人已知其用者固能廣而用之昔人未知其用者今亦考出以爲用火油也昔日棄置如遺今爲日用之需要每年入口爲洋貨之一大宗煤液也昔日視爲無用今可煉爲藥品煉爲顏料又糞沙以

甲午（一八九四年）上李鴻章書

六

作玻璃化土以爲礬精煉石以爲田料諸如此類不勝縷書此皆從化學之理而得收物之用年中不知裕幾許財源我國尙能推而仿之亦致富之一大經也格致之學明則電風水火皆爲我用以風動輪而代人工以水冲機而省煤力壓力相吸而升水電性相感而生光此猶其小焉者也至於水作汽以運舟車雖萬馬所不能及風潮所不能當電氣傳郵頃刻萬里此其用爲何如哉然而物之用更有不止於此者在人能窮求其理愈明而用愈廣如電無形無質似物非物其氣附於萬物之中運乎六合之內其爲用較萬物爲最廣而又最靈可以作燭可以傳郵可以運機可以毓物可以開礦顧作燭傳郵已大行於宇內而運機之用近始知之將來必棄其煤機而用電力也毓物開礦之功尙未大明將來亦必有智者究其理則生五穀長萬物取五金不待天工而由人事也然而取電必資乎力而發力必藉乎煤近又有人想出新法用瀑布以水力生電以器蓄之可待不時之用可供隨地之需此又取之無禁用之不竭者也由此而推物用愈求則人力愈省將來必至人祇用心不事勞人力而全役物力矣此理有固然事所必至也

機器巧則百藝興製作盛上而軍國要需下而民生日用皆能日就精良而省財力故作人力所不作之工成人事所不成之物如五金之礦有機器以開則碎堅石如礬粉透深井以吸泉得以闢天地之寶藏矣織造有機則千萬人所作之工半日可就至縷廢絲織絨呢則化無用爲有用矣機器之大用不能遍舉我中國地大物博無所不具尙能推廣機器之用則開礦治河易收成效紡紗織布有以裕民不然則大地之寶藏全國之材物多有廢棄於無用者每年之耗不知凡幾如是而國安得不貧而民安得不瘠哉謀富國者可不講

總 理 全 集

求機器之用歟

物理講矣機器精矣若不節惜物力亦無以固國本而裕民生也故泰西之民鮮作無益我中國之民俗尙鬼神年中迎神賽會之舉化帛燒紙之資全國計之每年當在數千萬此以有用之財作無益之事以有用之物作無用之施此冥冥一大漏卮其數較鴉片爲尤甚亦有國者所當並禁也

夫物也者有天生之物有地產之物有人成之物天生之物如光熱電者各國之所共在窮理之淺深以爲取用之多少地產者如五金百穀各國所自有在能善取而善用之也人成之物則係於器機靈笨與人力勤惰故『窮理日精』則物用呈『機器日巧』則成物多『不作無益』則物力節是亦開源節流之一大端也

所謂貨能暢其流者在『關卡之無阻難保商之有善法多輪船鐵道之載運』也

夫百貨者成之農工而運於商旅以此地之贏餘濟彼方之不足其功亦不亞於生物成物也故泰西各國體恤商情祇抽海口之稅祇設入國之關美之爲民生日用所不急者重其稅貨之爲民生日用所必需者輕其歛入口抽稅之外則全國運行無所阻滯無再納之征無再過之卡此其百貨暢流商賈雲集財源日裕國勢日強也中國則不然過省有關越境有卡海口完納又有補抽處處歛征節節阻滯是奚異遍地風波滿天荆棘商賈爲之裹足負販從而怨嗟如此而欲百貨暢流也豈不難乎夫販運者亦百姓生財之一大道也百姓足君孰與不足百姓不足君孰與足以今日關卡之濫征吏胥之多弊商賈之怨毒誠不能以此終古也

甲午（一八九四年）上李鴻章書

八

徒削平民之脂膏於國計民生初無所裨謀富強者宜急爲留意於斯則天下幸甚夫商賈逐什一之利別父母離鄉井多爲饑寒所驅經商異地情至苦事至艱也若國家不爲體恤不爲保護則小者無以覓蠅頭微利大者無以展鴻業遠圖故泰西之民出外經商國家必設兵船領事爲之護衛而商亦自設保局銀行相與倚恃國政與商政並興兵餉以商財爲表裏故英之能傾印度扼南洋奪非洲並澳土者商力爲之也蓋兵無餉則不行餉非商則不集西人之虎視寰區憑凌中夏者亦商爲之也是故商者亦一國富強之所關也我中國自與西人互市以來利權皆爲所奪者其故何哉以彼能保商我不能保商而反剝損遏抑之也商不見保則貨物不流貨物不流則財源不聚是雖地大物博無益也以其天生之材爲廢材人成之物爲廢物則更何貴於多也數百年前美洲之地猶今日之地何以今富而昔貧是貴有商焉爲之經營爲之轉運也商之能轉運者有國家爲之維持保護也謀富強者可不急於『保商』哉

夫商務之能興又全恃舟車之利便故西人於水則輪船無所不通五洋四海恍若戶庭萬國九洲儼同閩閩關窮荒之絕島以立商廛求上國之名都以爲租界集殊方之貨實聚列國之商氓此通商之埠所以貿易繁興財貨山積者有輪船爲之運載也於陸則鐵道縱橫四通八達凡輪船所不至有輪車以濟之其利較輪船爲尤溥以無波濤之險無礁石之虞數十年來泰西各國雖山僻之區亦行鐵軌故其貨物能轉輸利便運接靈速遇一方困乏四境濟之雖有荒旱之災而無饑饉之患故凡有鐵路之邦則全國四通八達流行無滯無鐵路之國動輒掣肘比之癱瘓不仁地球各邦今已視鐵路爲命脈矣豈特便商賈之載運而已哉我國

總 理 全 集

家亦恍然於輪船鐵路之益矣故沿海則設招商之輪船於陸則興官商之鐵路但輪船祇行於沿海大江雖足與西人頡頏而收我利權然不多設於枝河內港亦不能暢我貨流使我商運也鐵路先通於關外而不急於繁富之區則無以收一時之利而爲後日推廣之圖必也設於繁富之區如粵港蘇滬津通等處路一成而效立見可以利轉輸可以勵富戶則繼之以推廣者商股必多而國家亦易爲力試觀南洋英屬諸埠其築路之資大半爲華商集股利之所在人共趨之華商何厚於英屬而薄於宗邦是在謀國者有以乘勢而利導之而已此招商興路之扼要也故無關卡之阻難則商賈願出於其市有保商善法則殷富亦樂於貿遷多輪船鐵路之載運則貨物之盤費輕如此而貨有不暢其流者乎貨流既暢則財源自足矣籌富國者當以商務收其效也不然徒以聚斂爲工捐納爲計吾未見其能富也夫『人能盡其才則百事興地能盡其利則民食足物能盡其用則材力豐貨能暢其流則財源裕』故曰此四者富強之大經治國之大本也四者既得然後修我政理宏我規模治我軍實保我藩邦歐洲其能匹哉

顧我中國仿效西法於今已三十年育人才則有同文方言各館水師武備諸學堂裕財源則開煤金之礦立紡織製造之局興商務則招商輪船開平鐵路已後先輝映矣而猶不能與歐洲頡頏者其故何哉以不能舉此四大綱而舉國並行之也間嘗統籌全局竊以中國之人民材力而能步武泰西參行新法其時不過二十年必能駕歐洲而上之蓋謂此也試觀日本一國與西人通商後於我仿效西法亦後於我其維新之政爲日幾何而今日成效已大有可觀以能舉此四大綱而舉國行之而無一人阻之夫天下之事不患不能行

第 三 集

甲午（一八九四年）上李鴻章書

一〇

而患無行之人方今中國之不振固患於能行之人少而尤患於不知之人多夫能行之人少尚可借材異國以代爲之行不知之人多則雖有人能代行而不知之輩必竭力以阻撓此昔日國家每舉一事非格於成例輒阻於羣議者此中國之極大病源也

竊嘗聞之昔我中堂經營乎海軍鐵路也嘗屑爲之焦舌爲之敝苦心勞慮數十餘年然後成此北洋之一軍津關之一路夫以中堂之勳名功業任寄股肱而又和易同衆行之尙如此其艱其他可知矣中國有此膏肓之病而不能除之則堯舜復生禹皋佐治無能爲也更何期其效於二十年哉此志士之所以灰心豪傑之所以扼腕文昔日所以欲捐其學而匿跡於醫術者殆爲此也然而天道循環無往不復人事否泰窮極則通猛劑遽投膏肓漸愈逮乎法釁告平之後士大夫多喜談洋務矣而拘迂自囿之輩亦頗欲馳域之外觀此風氣之變革亦強弱之轉機近年以來一切新政次第施行雖四大之綱不能齊舉然而爲之以漸其發軔於斯乎此文今日之所以望風而興起也

竊惟我中堂自中興而後經略南北洋孜孜然以培育人材爲急務建學堂招俊秀聘西師而督課之費巨欸而不惜遇一藝之成一技之巧則獎勵倍加如獲異寶誠以治國經邦人才爲急心至苦而事至盛也嘗以無緣沾雨露之濡叨桃李之植深用爲憾顧文之生二十有八年矣自成童就傅以至於今未嘗離學雖未能爲八股以博科名工章句以邀時譽然於聖賢六經之旨國家治亂之源生民根本之計則無時不往復於胸中於今之所謂西學者概已有所涉獵而所謂專門之學亦已窮求其一矣推中堂育才愛士之心揆國家

總 理 全 集

時勢當務之急如文者亦當在陶冶而收用之列故不自知其驚下而敢求知於左右者蓋有慨乎大局蒿目時艱而不敢以巖穴自居也所謂乘可爲之時以竭愚夫之千慮用以仰贊高深非欲徒撰空言以瀆清聽自附於干謁者流蓋欲躬行而實踐之必求澤沛乎萬民也

竊維今日之急務固無逾於此四大端然而條目工夫不能造次舉措施布各有緩急雖首在陶冶人才而舉國並興學校非十年無以致其功時勢之危急恐不能少須何也蓋今日之中國已大有人滿之患矣其勢已岌岌不可終日上則仕途壅塞下則游手而嬉嗷嗷之衆何以安此明之闖賊近之髮匪皆乘饑饉之餘因人滿之勢遂至潰裂四出爲毒天下方今伏莽時聞災荒頻見完善之地已形覓食之艱凶祲之區難免流離之禍是豐年不免於凍餒而荒歲必至於死亡由斯而往其勢必至日甚一日不急挽救豈能無憂夫國以民爲本民以食爲天不足食胡以養民胡以立國是在先養而後教此農政之興尤爲今日之急務也且農爲我中國自古之大政故天子有親耕之典以勸萬民今欲振興農務亦不過廣我故規參行新法而已民習於所知雖有更革必無傾駭成效一見爭相樂從雖舉國遍行爲力尙易爲時亦速也且令天下之人皆知新法之益如此則踵行他政必無撓格之虞其益固不止一端也

竊以我國家自欲行西法以來惟農政一事未聞仿效派往外洋肄業學生亦未聞有入農政學堂者而所聘西儒亦未見有一農學之師此亦籌富強之一憾事也文遊學之餘兼涉樹藝泰西農學之書閒嘗觀覽於考地質察物理之法略有所知每與鄉間老農談論耕植嘗教之選種之理糞溉之法多有成效文鄉居香

甲午（一八九四年）上李鴻章書

一二

山之東負山瀕海地多砂磧土質磽劣不宜於耕故鄉之人多游賈於四方通商之後頗稱富饒近年以美洲逐客檀島禁工各口茶商又多虧折鄉間景況大遜曩時覓食農民尤爲不易文思所以廣其農利欲去禾而樹桑遂爲考核地質知其頗不宜於種桑而甚宜於波畢近以憤於英人禁烟之議難成遂勸農人栽鴉片舊歲於農隙試之其漿果與印度公土無異每畝可獲利數十金現已羣相仿效家家試栽今冬農隙所種必廣此無礙於農田而有補於漏卮亦一時權宜之計也他日盛行必能盡奪印烟之利蓋其氣味較公土爲尤佳迥非川滇各土之可比去冬所產數斤凡嗜阿芙蓉之癖者爭相購吸以此決其能奪印烟之利也必矣印烟之利既奪英人可不勉而自禁英國既禁我可不栽此時而申禁吸之令則百年大患可崇朝而滅矣勸種罌粟實禁鴉片之權輿也由栽烟之事觀之則知農民之見利必趨羣相仿效到處皆然是則農政之興甚易措手其法先設農師學堂一所選好學博物之士課之三年有成然後派往各省分設學堂以課農家聰穎子弟又每省設立農藝博覽會一所與學堂相表裏廣集各方之物產時與老農互相考證此爲辦法之綱領至其詳細節目當另著他編條分縷晰可以坐言而起行所謂非欲徒託空言者此也文之先人躬耕數代文於樹藝牧畜諸端耳濡目染洞悉奧窔泰西理法亦頗有心得至各國土地之所宜種類之佳劣非遍歷其境未易週知文今年擬有法國之行從游其國之蠶學名家考究蠶桑新法醫治蠶病並擬順道往游環球各邦觀其農事如中堂有意以興農政則文於回華後可再行游歷內地新疆關外等處察看情形何處宜耕何處宜牧何處宜蠶詳明利益盡仿西法招民開墾集商舉辦此於國計民生大有裨益所謂欲躬行實踐必求澤之沾

總 理 全 集

沛乎民人者此也惟深望於我中堂有以玉成其志而已

伏維我中堂佐治以來無利不興無弊不革艱鉅險阻猶所不辭如籌海軍鐵路之難尙毅然成之況於農桑之大政爲生民命脈之所關且無行之之難又有行之之人豈尙有不爲者乎用敢不辭冒昧侃侃而談爲生民請命伏祈採擇施行天下幸甚肅此具稟恭叩鈞綏伏惟垂鑒文謹稟

函
札

一三

丙申（一八九六年）倫敦被難時之書簡

（一）幽禁使館中致康德黎小簡 逕啓者予於前星期日被二華人始則施以誘騙繼則復驟加強暴將予幽禁于中國使館中一二日後使館將特僱一船解予回國回國後必被斬首奈何孫文敬啓

（二）使館釋出後謝英政府及報界書 予此次被幽於中國公使館賴英政府之力得蒙省釋並承報界共表同情及時援助予於英人之崇尚公德力持正義素所欽仰身受其惠益堪徵信且予從此益知立憲政體及文明國人之真價值敢不益竭其愚以謀我祖國之進步並謀所以開通我橫被壓抑之親愛同胞乎爰馳寸簡敬鳴謝悃孫文緘於波德蘭區覃文省街四十六號

（三）致香港道濟會堂區鳳墀書 啓者弟被誘擒於倫敦牢於清使館十有餘日擬將弟細綁乘夜下船私連出境船已賃備惟候機宜初六七日無人知覺弟身在牢中自分必死無再生之望窮則呼天痛癢則呼父母人之情也弟此時惟有痛心懺悔懇切祈禱而已一連六七日日夜不絕祈禱愈祈愈切至第七日心中忽然安慰全無憂色不期然而然自云此祈禱有應蒙神施恩矣然究在牢中生死關頭盡在能傳消息於外與否耳但日夜三四人看守窗戶俱閉嚴密異常惟有洋役二人日入房中一二次遞傳食物各件前已託之傳書已爲所賣將書交與衙內之人密事俱俾知之防範更爲加密而可爲我傳消息者終必賴其人今既蒙上帝施恩接我祈禱使我安慰當必能感動其人使肯爲我傳書次早他入房中適防守偶疏得乘間與他

第 三 集

丙申（一八九六年）倫敦被難時之書簡

二

關說果得允肯然此時筆墨紙料俱被搜去幸前時將名帖寫定數言未曾搜出即交此傳出外與簡地利萬臣兩師他等一聞此事着力異常即報捕房即稟外部而初時尚無人信捕房以此二人爲癡狂者使館全推並無其事他等初二日自出暗差自出防守恐漏夜運往別處初報館亦不甚信迨後彼二人力證其事之不誣報館始爲傳揚而全國震動歐洲震動天下各國亦然想香港當時亦必傳揚其事倫敦幾乎鼓噪有街坊欲號召人拆平清使衙門者沙侯行文着即釋放不然則將使臣人等逐出英境使館始懼而放我此十餘日間使館與北京電報來往不絕我數十斤肉任彼千方百計而謀耳幸天心有意人謀不臧雖清虜陰謀終無我何適足以揚其無道殘暴而已虜朝之名從茲盡喪矣弟現擬暫住數月以交此地賢豪弟遭此大故如蕩子還家亡羊復獲此皆天父大恩敬望先生進之以道常賜教言俾從神道而入治道則弟幸甚蒼生幸甚

總 理 全 集

庚子（一九〇〇年）由日本經香港致港督書

竊某等十數年來早慮滿政府庸懦失政既害本國延及友邦倘仍安厥故常保守小節禍恐靡既用是不憚勞悴先事預籌力謀變正以杜後患不期果有今日之禍當此北方肇事大局已搖各省地方勢將糜爛受其害者不特華人也天下安危匹夫有責先知先覺義豈容辭某等觀此時艱亟思挽救竊恐勢力微弱奏效爲難政府冥頑轉圜不易疆臣重吏觀望依違定亂蘇民究將誰屬深知貴國素敦友誼保中爲心且商務教堂遍於內地故某等不嫌越分呈請助力以襄厥成願借殊勳改造中國則內無反側外固邦交受其利者又不特華人已也一害一利相去如斯望貴國其慎裁之否則恐各省華人望治心切過爲失望勢將自謀禍變之來殆難逆料此固非某等所願當亦非貴國之所願也時不可失合則有成如謂滿政府雖失政於先或可補救於後則請將其平素之積弊及現在之凶頑略爲陳之朝廷要務決於滿臣案政弄權惟以貴選是謂任用私人文武兩途專以賄進能員循吏轉在下僚是謂屈俊傑失勢則媚得勢則驕面從心違交憐憤技是謂尚詐術較量強弱恩可爲仇朝得新歡夕忘舊好是謂瀆邦交外和內很匿怨計嫌釀禍伏機屢思報復是謂嫉外人上下交征縱情濫耗民膏民血疊剝應需是謂虐民庶鍛鍊黨罪殺戮忠臣杜絕新機閉塞言路是謂仇志士嚴刑取供獄多瘦斃寧枉毋縱多殺示威是謂尚殘刑此積弊也至於現在之兇頑此後尙無涯涘而就現在之已見者記則如妖言惑衆煽亂危邦釀禍奸民褒以忠義是謂誨民變東亂既起不卽剿平又借

第三集

庚子（一九〇〇年）由日本經香港致港督書

二

元兇命爲前導是謂挑邊釁教異理同傳道何罪唆聳民庶屠戮逞心是謂仇教士通商有約保護宜周乃種禍根蕩其物業是謂害洋商睦鄰遣使國體攸關移礮環攻如待強敵是謂戕使命書未絕交使猶滯境圍困使署囚禁外臣是謂背公法平匪全交乃爲至理竟因忠諫慘殺無辜是謂戮忠臣啓釁貪功覬覦大位不加誅伐反授兵權是謂用債帥裂土瓜分羣雄耽視暗受調護漠不知恩是謂忘大德民教失歡原易排解偏爲挑撥遂啓禍端是謂修小怨凡此皆滿政之的確罪狀苟不反正爲禍何極我南人求治之忱良爲此矣某等深知今日中外安危之所關滿漢存亡之所繫是用力陳利弊曲慰同人南省亂萌藉知稍緩事宜借力謀戒輕心上國遠圖或蒙取錄茲謹擬平治章程六則呈覽懇貴國轉商同志之國極力贊成除去禍根聿照新治事無偏益利溥大同惟是局緊機危時刻可慮望早賜覆以定人心不勝翹企待命之至

計開

一、遷都於適中之地

如南京漢口等處擇而都之以便辦理交涉及各省來往之程

二、於都內立一中央政府以總其成於各省立一自治政府以資分理

所謂中央政府者舉民望所歸之人爲之首統轄水陸各軍宰理交涉事務惟其主權仍在憲法權限之內設立議會由各省貢士若干名以議員以駐京公使爲暫顧問局員所謂自治政府者由中央政府選派駐省省總督一人以爲一省之首設立省議會由各縣貢士若干名以爲議員所有該省之一切政治

總 理 全 集

徵收正供皆有全權自理不受中央政府遙制惟於年中所入之款按額撥解中央政府以爲清洋債供軍餉及宮中府中費用省內之民兵隊及警察隊部俱歸自治政府節制以本省人爲本省官然必由省議會內公舉至於會內之代議士本由民間選定惟新定之始法未大備暫由自治政府擇之俟至若干年始歸民間選舉以目前各國之總領事爲暫時顧問局員

三、公權利於天下

如關稅等類如有增改必先與列國妥議而行又如鐵路鑛產船政工商各業均宜分沾利權教士教堂旅店一律保護

四、增文武官俸

內外文官廩祿從豐自能廉潔持躬公忠體國其有及年致仕者給以年俸視在官之久暫定恩額之多少若爲國捐軀則撫養其身後

五、平其政刑

大小訟務仿歐美之法立陪審人員許律師代理務爲平允不以殘刑致死不以拷打取供

六、變科舉爲專門之學

如文學科學律學等俱分門教授學成之後因材器使毋雜毋溫

第 三 集

庚子（一九〇〇年）由日本經香港致港督書

四

甲辰（一九〇四年）敬告同鄉書

此書當時發表於檀埠隆記報館

同鄉列公足下公等以爲革命保皇二事名異而實同謂保皇者不過借名以行革命此實大誤也天下事名不正則言不順言不順則事不成夫常人置產立業其約章契券猶不能假他人之名况以康梁之智而謀軍國大事民族前途豈有故爲名實不符而犯先聖之遺訓者乎其創立保皇會者所以報知己也夫康梁一以進士一以舉人而蒙清帝載恬特達之知非常之寵千古君臣知遇之隆未有若此者也百日維新言聽計從事雖不成而康梁從此大名已雷動天下此誰令爲之孰令致之非光緒之恩曷克臻此今二子之逋逃外國而倡保皇會也其感恩圖報之未遑豈尙有他哉若果有如公等之所信彼名爲保皇實則革命則康梁者尙得處於人類乎直禽獸不若也故保皇無毫厘之假借可無疑義矣如其不信則請讀康有爲所著之最近政見書此書乃康有爲勸南北美洲華商不可行革命不可談革命不可思革命只可死心踏地以圖保皇立憲而延長滿洲人之國命續長我漢人之身契公等何不一察實情而竟以己之心度人之心以己之欲推人之欲而誣妄康梁一至於此耶或曰言借名保皇而行革命者實明明出諸於梁啓超之口是何得謂誣曰然然而不然也梁之言果真誠無僞耶而何以梁之門人之有革命思想者皆視梁爲漢仇耶梁爲保皇會中之運動領袖閱歷頗深世情浸熟目擊近日人心之趨向風潮之急激毅力不足不覺爲革命之氣所動盪偶

第 三 集

甲辰（一九〇四年）敬告同鄉書

二

而失其初心背其宗旨其在新民叢報之忽言革命忽言破壞忽言愛同種之過於其恩光緒忽言愛真理之過於其師康有爲者是猶乎病人之偶發囁語耳非真有反清歸漢去暗投明之實心也何以知其然哉夫康梁同一鼻孔出氣者也康既刻心寫服以表白其保皇之非僞而梁未與之決絕未與之分離則所言革命焉得有真乎夫革命與保皇理不相容勢不兩立今梁以一人而持二說首鼠兩端其所言革命屬真則保皇之說必僞而其所言保皇屬真則革命之說亦僞矣又如本埠保皇報之副主筆陳某者康趨亦趨康步亦步既當保皇報主筆而又口談革命身入洪門其混亂是非顛倒黑白者如此無怪公等向之以爲耳目者混革命保皇而爲一也此不可不辯也今幸有一據可以證明彼雖口談革命身入洪門而爲保皇之中堅漢族之奸細彼口談革命者欲籠絡革命志士也彼身入洪門者欲利用洪門之人也自弟有革命演說之後彼之詐僞已無地可藏圖窮而匕首見矣若彼果真有革命之心必聲應氣求兩心相印何致有攻擊不留餘地始則於報上肆情誣謗竭力訾譏竟敢不顧報律傷及名譽若訟之公堂彼必難逃國法繼則大露其漢奴之本來面目演說保皇立憲之旨大張滿人之毒燄而痛罵漢人之無資格不當享有民權夫滿洲以東北一游牧之野番賤種亦可享有皇帝之權吾漢人以四千年文明之種族則民權尙不能享此又何說其尊外族抑同種之心有如此其甚者可見彼輩所言保皇爲真保皇所言革命爲假革命已彰明較著矣由此觀之革命保皇二事決分兩途如黑白之不能混淆如東西之不能易位革命者志在倒滿而興漢保皇者志在扶滿而臣清事理相反背道而馳互相衝突互相水火非一日矣如弟與任公私交雖密一談政事則儼然敵國然士各有志

總 理 全 集

不能相強總之畫清界限不使混淆吾入革命不說保皇彼輩保皇何必偏稱革命誠能如康有爲之率直明來反對雖失身於異族不愧爲男子也古今來忘本性昧大良去同族而事異種捨忠義而爲漢奸者不可勝計非獨康梁已也滿漢之間忠奸之判公等天良未昧取捨從違必能審定如果以客帝爲可依甘爲萬劫不復之奴隸則亦已矣如知冰山之難恃滿漢之不容二百六十年亡國之可恥四萬萬漢族之可興則宜大倡革命毋惑保皇庶漢族其有豸乎書不盡意餘詳演說筆記中容出版當另行呈政此致卽候大安不旣

弟孫逸仙頓

第 三 集

甲辰（一九〇四年）敬告同鄉書

四

丁未（一九〇七年）鎮南關之役致各同志之要緘

（一）澤如兄暨同志諸君惠鑒五月七日曾發第十八號函想已收到比維文明進步憂國思潮與時俱長爲慰弟前函云數月以來兩廣革命軍已豎旗起義破城略地電報紛傳想我同志諸兄聞其概矣今更以詳情一一述之弟自南來即欲經營大軍在欽廉發起以東西兼顧沛然進取躬自經營者數月有餘又得海外同志之協力聯合好義敢死之士輸運新式槍械百事俱備乃於中曆七月二十四與虜兵戰於欽州之王光山大破之法蘭西新聞論之曰此處革命軍不知用何戰術能一戰而去敵兵四分之三可稱奇捷云云可見革命軍之名譽矣二十七日乘勝進攻防城縣一鼓破城生擒知縣等官責其不知大義身爲漢奸盡誅之安撫居民秋毫無犯民心大悅釀金備錢猪炮竹以歡迎義軍各鄉之民携械從軍者萬餘人即晚全軍出城進取欽州虛圍其城以誘虜兵來救八月初三日全軍直趨靈山初五六兩日連破橫州永淳兩縣（皆廣西省南寧府屬）十日之內全軍二萬餘人連破數城軍威甚壯虜兵不戰而降或一戰而潰現在全軍進取南寧府城以南寧爲廣西之中心點得南寧則北取桂林以出湖南東取梧州以出廣東革命之基礎可固惟虜廷亦十分提防現盡調廣西之兵往救南寧又調廣東之重兵以駐欽廉欲以兩廣之全力與革命軍決戰我革命軍亦盡銳相持以決勝負若能破其救兵則南寧可得南寧既得則兩廣易定因現時兩廣之兵皆聚於南寧一帶若南寧既破則前無強敵大軍所至迎刃而解矣此爲勝負之關頭革命軍第一級之著手處也今

第 三 集

丁未（一九〇七年）鎮南關之役致各同志之要緘

二

日接電報虜廷既已調湖北軍來會戰夫以新起之革命軍敵三省之兵聞者或代爲憂慮然弟已夙計及此早爲豫備不日廣東將有義起而響應使虜朝東西不能兼顧至於湖北之兵恐長江有事不敢遽來若其果來則長江義師乘虛而起愈爲得手此可無足憂慮者今之所急惟在盡力幫助攻取南寧之革命軍使得早日破敵耳夫虜廷既合兩廣之兵力以救南寧我同志亦必合全體之力以接濟南寧之革命軍然後可以必勝現今革命軍好義有勇人心堅定固可以進取無前惟必須接濟軍需使其軍械足用軍餉不缺然後聲威大振勢力增加此爲目前最要之事披堅執銳血戰千里者內地同志之責也合力籌款以濟革命者海外同志之任也今內地同志既爲國民出死力以求自由切望

同志諸兄慷慨仗義籌款接濟以充拓革命軍之實力使得一戰破敵斯則同志諸兄之責任而國民之所屬望者也弟已與各國鎗礮廠約定新式槍砲隨時可以購買而近日革命軍已占領欽州沿海岸隨時可以運送軍械今所缺者爲購械之款耳望我

同志諸兄接此信後即照弟前函所言由同志中舉出妥員專任運動籌款之事當此義聲霆震之際不獨同志踴躍盡力即平日來當聯合之人亦必樂於助義宜不分畛域以期迅集巨款能於信到後七八日內籌得以濟軍需則革命軍知海外同志之熱心公義且衛顧同盟兄弟如手足之相救唇齒之相依必然勇氣百倍奮力立功以慰海外同胞期望之殷而且軍需既裕則兵精糧足必能打破此勝敗關頭虜兵既破南寧既得則兩廣指日可定有兩廣以爲根本治軍北上長江南北及黃河南北諸同志必齊起響應成恢復之大功立

總 理 全 集

文明之政體在此一舉我

同志諸兄籌餉之功必與身臨前敵者共垂千古而不朽矣南寧破後弟即於該處建立軍政府使各道革命軍有所統系屆時必詳定章程凡捐資助款者計期必厚利償還從豐報酬其助餉尤巨者並於國中開濬各種利源特優給以權利弟知

同志諸兄急公好義必不因報酬之有無以爲輕重惟報施之道本宜如此且亦可對外而勸捐請兄舉定妥員後凡捐資助餉者皆由經理員給回收條電匯香港上環德輔道三百零一中國日報胡展堂收即由胡君一面發回收條一面電匯弟處將來軍政府成立後即照總收條以爲報酬皆可豫爲

同志諸兄告者此也附呈兩廣革命軍布告海外之同胞多張祈印廣布各埠華商以資觀感當前國民革命已觀萌芽祈

同志諸兄鼎力同心以慰國民之望堅革命軍之志不勝盼切專此奉託敬請

公安

弟孫文謹啓九月二日

(二)澤禽同志仁兄大人足下久未相見敬維文明福禮爲慰弟經營兩廣革命軍事自七月廿六日破防城以來聲勢甚盛各報登載想兄必已覽及周知故未馳書奉告今者義軍崛起已閱五月根據堅定屢破清兵滿洲政府傾兩省重兵聚於一隅而皆不能與義軍敵則革命軍之勢力可知矣弟謀事十餘年以爲如此機會實不易再得今革命軍盡心戮力已足以對國民所望者各省之響應與海外之接濟耳各同志皆已

第 三 集

丁未（一九〇七年）鎮南關之役致各同志之要編

四

實力豫備乘機繼起以爲響應海外同志度必熱心屬望其成功弟前派汪精衛兄（民報主筆偕弟南來參畫革命軍事）赴河內海防西貢星加坡暹羅各埠會見同志報告軍事勸募軍需各同志多慷慨仗義籌資匯濟今精衛兄由暹回星弟特函約鄧子瑜兄與精衛兄同赴庇能吉隆坡及各州府與諸同志面商設法速籌鉅款接濟軍需子瑜兄於庚子惠州之役及今年惠州之役皆爲主謀盡力之人與精衛兄同爲弟所信任祈與

同志諸兄盡心商榷同籌善法以慰國民之望堅革命軍之心是所切盼專此敬請

義安

弟孫文謹啓

丁未（一九〇七年）致宮崎萱野各書

（一）宮崎先生足下久未作書以事方進行無以告慰也萱野君歸國把晤當可暢談一切近日西軍已發一舉破防城縣衆數千人極得民心現已全軍北趨以取南寧黃君興於同志方面結合得一新勢力此時尙持重俟機乃發如一發則兩軍合併廣西不難定也南來苦意經營數月始得此結果此軍初起而勢力甚固地位甚穩專俟一取南寧則革命軍之基礎已成廣東長江等響應之師相繼而起事可大有爲也現弟急欲籌妥軍餉軍械外交等事始入內督師關於日本之運動弟在東京時曾託足下全權辦理而足下謙讓固辭及弟去東京後聞平山北和田諸人與足下衝突當時弟意以爲諸人意見不合非有大故故於來書所述欲得全權辦理之事慮平山北和田等既挾意見不能和衷故第五十四號函中有『於各人才力所及之範圍內各有全權』之語不料平山北和田等不顧公義爲弟之所不及料非惟無以維持團體之精神增進團體之勢力且立意欲破壞團體既將日本人的方面破壞無餘且進而侵入內部幾致全局爲之瓦解前託萱野君回國購械與足下謀議事已垂成而機洩於此數人之手凡此皆不法之舉動公義之蠹也弟以後不復信任此數人其關於日本之運動當託足下全權辦理宜秘密行事不特平山北和田數子不可使之聞知本部中人及民報社中人亦不必與之商議專託足下一人力任其難如有所商酌可直接函電弟處其在日本之助力以犬養毅君爲最適宜今繕一函致犬養毅君祈卽轉交相與謀議現時最急者軍餉軍械兩大宗望

第 三 集

丁未（一九〇七年）致宮崎萱野各書

二

悉力籌畫以相接濟欽州海面已爲吾黨勢力所及輸運軍械較前容易矣專此奉託即請
俠安

弟孫文謹啓八十八號九月十三日

萱野君想已到東祈轉告西軍已發東軍之事望速經營至以爲望

（二）萱野先生閣下前月聞閣下駕經返港歸日本因有書寄三上君並與閣下述械事諒已達覽矣頃得精衛兄來書乃知閣下以關於東事會以西十一月廿六電問而此間回電不明閣下有不釋然之點云云查西十一月廿六日得精衛電其文云『暹電已收否昨到當偕鄧往各地運動今乃居無聊且未得回書欲回來如何辦法祈詳電』當接此電時以爲精衛自述在星無聊不指他人而十一月十二日此間曾致一電與精衛其文云『日本來函必欲派一人回東以維報局而因人心已與克展兄詳議電復公等勉支報事精衛準西年底回東籌欸如何電復』故廿六日電所謂回東如何辦法亦卽爲精衛問伊自己回東理整報事維持東京團體辦法遂覆電與精衛云『收偕往及得欸回可再商回東事近事複雜無關運動故未回書（其時亦得精衛星坡書未回）德事略滯待急』所謂近事複雜無關運動者乃指在西所圖之事複雜變幻而進步甚少無能有益於精衛之經濟的運動故未與精衛書也今得精衛最近來書乃知前電係爲閣下而問原電有『萱久居無聊且未得回書欲回東云云』萱久二字誤電作今乃詞意不明遂致兩俱誤解殊出意料之外此間若不接精衛此次來書尙不明此電爲閣下而發而精衛至今亦當尙未明此處之電之意也至於此間得閣下倩精衛代作之書其時已了然於東事之失敗其責任全在許雪秋一人夫閣下之任務以

總 理 全 集

能使軍械載迅速送至目的地即爲完全無闕而許氏乃遇事倉皇偵候不明不知有兵艦預備不用不能僱備大船報告不實（指李子蔚之報告日船）以致雖已運送到目的地之軍械而仍不得其用故曰其責任全在雪秋一人也而且雪秋關於潮事至此已三度失敗矣伊自乏條理而其左右如李子蔚林鶴松輩才尤劣下故此後各事不敢復信用於雪秋而軍械處置問題及其他之事則弟實欲閣下一來河內面商其辦法故致電精衛『遲欸及萬當邀荳鄧同來』即係欲邀閣下商辦東械各事而所以待欸者則因閣下來函述及吉田等回來之措置及再來之方法均非得有數千金以上之欸則各節問題均難解決之故弟見精衛在西貢運動頗稱得手以爲遲亦易得手而萬元之欸不難欸一得而邀閣下同來則可相議東事之辦法而軍械可得其着落詎精衛到遲籌欸不多自遲返過星加坡寄來十一月廿六之電此間以爲精衛自言歸東既覆電後二日精衛再來一電云『荳得電決即回東』此得電云云猶疑爲閣下別得東京之電而不悟爲得此間之電也是以此間於前得閣下星加坡書時未作覆者以爲各事非面商不能妥善而渴待精衛之籌欸於遲有獲且以爲精衛自遲必經星加坡而後返河內則良晤不遠無待覆書及精衛於遲所獲不多歸星加坡不數日而遂得閣下歸日之電尙以爲於日本東京或神戶有電催閣下歸故始作書寄三上及閣下而前此未嘗覆書者則純以上之理由而絕無所疑於閣下之行事者也雪秋權責在接收軍械而舉軍於惠潮閣下之權責則在於運輸軍械至於目的地雪秋既不能接械而其所經營之地點亦復不能再舉則事實上其權責已歸消滅閣下運輸至目的地責仕無虧然以運回日本之故因而更生新之權責但解決如何輸入日

第 三 集

丁未（一九〇七年）致宮崎萱野各書

四

本及如何領收之問題非弟智能所及惟有聽閣下次度之報告而弟所急亦聽之又其介紹書乃閣下與胡言之再之以許行既不可阻又必強邀閣下去因慮許氏言不踐實許瀕行謂『到星加坡萱野君一切費用我均任之』而胡不信也故爲閣下作書致張陳等使爲東道主其書因言閣下係與許氏來籌款云亦不得軍械輸入領收之安全與否至若既得安全領收則乞以電報知現時經濟問題雖未能解決然欲商爲由日本運至澳門附近之海面由他人請負轉至目的地如此則日船之再度運來無何等危險其事較易今雖未商定何處海面地點爲中途第一次接收之處然望一得日本之消息電知弟等俾易於商量爲如何再來他舉之計畫而後茲所倚託於閣下之事正多願閣下更爲鼎力賜助是幸專此卽叩

俠安

弟孫文謹啓十二月廿六日

戊申（一九〇八年）欽廉之役致鄧澤如書

（一）澤如同志仁兄足下去臘星加坡同志匯來

兄所捐軍費壹千元已收續得精衛子瑜兩君之報告書備悉

兄之熱心好義實深感慰弟自攻破鎮南關之後默察廣西全局大有可爲月來所圖較前極有進步蓋我軍苦戰八月未嘗少挫軍心堅定無慮渙散而各鄉人民視革命軍如親友不獨鄉民爲然即各團練亦多暗附以軍心民心而論誠可無憂蓋革命軍之根本已立矣而目前更有千載一時之機會則以廣西邊兵多暗約來降也自軍興以來虜廷調兩廣之兵聚於欽州南寧龍州三處兵數雖近六萬而能戰者甚鮮客兵既不習戰巡防各營則久已有心歸附其能任戰者惟陸榮廷部下四千人而已此四千人者皆百戰悍卒屯駐邊防昔日我軍破鎮南關之時陸榮廷傾其部下之衆來戰時我軍僅數百人而陸軍共四千人相持七晝夜我軍死者二人敵兵傷亡數百其後我軍赴欽廉革命軍之約趨往十萬大山以相會合共取南寧而陸榮廷軍遂得藉口以言復關自經此役之後無論廣西各營兵聞風膽寒即陸軍亦心折我軍之堅勁而我軍中人多有與陸軍將士爲舊時兄弟以是之故我軍百端運動陸軍將士遂漸傾心且虜朝待人無信當我軍攻破鎮南關時虜下令廣西巡撫提督及諸統領謂十日內不能復關一律斬首如能克復當有重賞乃我軍血戰七晝夜後棄關前進陸軍收復所有前此花紅重賞一概不與以致全軍怨望而陸榮廷諸將尤怨虜之濫刑吝賞

第

三

集

戊申（一九〇八年）欽廉之役致鄧澤如書

二

故我軍中將士得以乘間而運動奏敗現時陸榮廷部下之兵多來約降弟許以若每人攜槍及子彈來降破龍州南寧後每人予賞一百元而各兵則謂來降之時即求賞三十元俟破龍州南寧再領厚賞云云其所要求亦不爲奢弟料此軍來降則龍州南甯確可以必破因現時除此軍外實無他軍足以任戰也惟來降之初每人給三十元以四千人計之爲費當在十餘萬以上夫費十餘萬之款而能兵不血刃以取南寧龍州爲革命軍之根據地可謂難得之機會無如軍餉奇絀末由立集此數故弟決意來星加坡一行即專爲此事而來也現時陸軍已有約降之意則內地一二月內可無須惡戰故弟得抽暇來此一行倘能得款二十萬或十餘萬則大事之成已在把握中矣語云爲山九仞功虧一簣今革軍苦戰八月始得造成今日之機局無異九仞之山所望者南洋同志不吝一簣之勞耳

兄素抱熱誠祈爲我籌之陸弼臣翁前與弟晤談數次與語革命之事弼臣翁極爲贊成惟以須先立根據乃可從事故勸弟宜先營鑛務等等厚集資財而後用之今者革命軍轉戰如是之久兵力如是之勁可云根據已立矣而又有千載一時之機會如此煩兄晤陸弼臣翁時可善爲說辭以觀其意倘弼臣翁有贊成之心祈即電知弟可來會此外

兄可以爲力之處祈不憚勞瘁以底大業於成是所切望以後如有回音或電報祈照下開住址發來爲要此上專請

義安

弟孫文謹啓西三月七號

總 理 全 集

(二)澤如仁兄同志足下前接

復函誦悉一切弼臣翁處弟意欲專託吾

兄爲我善爲說辭今有致弼臣翁書一封祈

兄撥冗專爲此事一行以熱誠感之以大利許之或能有效也最好在說弼臣翁函邀弟來訪更易說話來書論許以利權各節誠爲有見弟書先問其欲得何等之利權俟其回答如何再爲商量此事總望費神非異人所能任也弟不日復遣精衛君來芙蓉與

兄相會面籌一切先此奉復致候

義安

弟孫文謹啓四月一日通三十八號

(三)澤如同志仁兄鑒刻接精衛應培兩同志函備述足下熱心革命力任籌餉以濟軍需欽佩無極現下我西路義師在欽廉連戰大勝聲勢大張廣西邊防營勇之思反正以爲義師內應者甚衆今有數營已經定約與我廣西別軍同時起事急需花紅並月餉萬元精衛來函謂足下處力能籌五千如此當可尅期集事務望足下早日籌便付來以便轉匯軍前令立行事若於此時廣西能大活動以爲欽廉義師之聲援則西路大局可定而東路惠潮亦可豫備再舉矣雲南之局亦有布置廣西得手則雲南之師亦可隨之而動如此則兩廣雲貴可期恢復而革命軍之根本固矣全局關鍵係於廣西邊防營勇之響應而響之遲速又係於籌款之成否今得足下力任一臂事可無憂矣惟機局之來難得而易失今誠千載一時之機若不致遲延錯過則

函 札

三

第 三 集

戊申（一九〇八年）欽廉之役致鄧澤如書

四

南方基礎可定而破竹之形成矣懇爲留意幸甚得欸請匯星加坡張永福兄代收便妥張兄住址列下此致
卽候

義安不一

各同志統此問好不另

弟孫文謹啓西四月十七日

（四）庇勝同盟列位義兄大人均鑒鄧彬兄來星帶到澤如兄一函盟表二十張軍費銀壹千元俱已收妥據彬兄等稱述各同志極熱心愛國現已竭力推廣勢力以爲陸續籌欸以助革命軍之地步聞風欽佩感慰無量大爲漢族前途賀矣弟此次南來籌欸已得三數埠同志捐集多少故欽軍得有近日之活動連戰大捷軍威爲之一振今又得貴埠及芙蓉各同志贊成前途更有大望矣現時廣西邊防營勇已約降而雲南之布置又已妥當可隨時發起所待者欸耳刻下有最急之需而不容緩者有廣西營勇約降之花紅及餉需萬餘元有雲南待舉之接濟需萬餘元有欽軍之加補子彈需二萬餘元此三宗統計不過五六萬元耳若能立得此數則兩粵雲南三省相連數千里之地可以同時活動則虜兵雖有百萬之衆亦必難首尾兼顧矣况彼虜兵傾國不過十餘萬之弱卒耶廣西雲南兩省一起則欽軍無後顧之憂可以長驅進取而東路惠潮之義師可以再起福建漳泉可以響應如是則南七省之局定矣此時則北軍必可起於燕齊中軍必可起於吳楚此弟數年之計畫也無如財力不充每不能爲所欲爲加以近日用兵欽廉廣西等窮荒之地爲時既久所費過鉅昔時同志已成強弩之末所以有今日青黃不接之憂而區區五六萬之欸亦無從挹注也今幸得公等

總 理 全 集

之新力則九刃之功或不致虧於一簣矣顧今日之得失成敗在於能速得此款否耳得此款則吾軍之勢力可立增十倍達此目的則基礎可固乃能持久一能持久則軍政府可以成立軍政府一成立便可因糧於內地借債於外國此時自可左右逢源雖數千萬數萬萬之軍餉國用可以無憂矣惟當此得失之交爲吾漢族存亡所關不能不望公等竭其能力以任此急需也

公等之力再能担任幾何乞爲預示以備打算並懇將續集之款早日匯來以便趕付軍前應急至緊至緊革命軍定章凡出資助餉者軍政府成立之後一年期內四倍償還卽萬元還四萬元也並給以國內各等路礦商業優先利權及列爲爲國立功者與戰士勳勞一體表彰公等爲義而起自不以此爲計然軍政府酬庸之典則爾也公等從此向各地勸勵殷商助力皆可以此爲則若更有大財力者願得他種之特別利權亦亦有權可以允許定約順此並望公等力任其難爲國立功是爲禱祝此致卽候

義安不一

弟孫文謹啓西四月廿二日

(五) 澤如
心持

盟兄鑒吾黨財政之困難眞爲十餘年來所未有前各函電已屢述之自雲南義師起後更急如星火茲得河內總機關處來函更知非急得十萬之款則不能進取裕如今將原函抄來一閱便知其詳矣惟此十萬大款將從何得其能爲力者捨弼翁實無其人日來函電相托游說之俱未獲復示想事未易入手也惟持之以堅忍出之以至誠而懇求之則終未有不動心者若屢求而屢却而求者之望仍不失則終必有應之時也但前者兄等之竭力以助革命軍實出於熱血出於大義耳若問革命前途有何把握則兄等自問

第 三 集

戊申（一九〇八年）欽廉之役致鄧澤如書

六

亦茫然也。今有河內來函讀之，必瞭而觀火。從此兄等之出而說人，必更有把握矣。既有此詳細事實，以爲運動之資料，弟是以有更望兄等接此信時，再三向弼翁游說，必得承諾而後已也。蓋此事所關非小，吾黨今日成敗得失，則在於此。此實爲數千年祖國四萬萬同胞一線生機之所係也。故必欲兄等再三四而圖之，必抵於成而後已也。惟運動之方面，必隨時而變，先當動之以大義，不成矣，必再動之以大利。想此兩方法，兄等必已試之而無驗，然更有一法，則當動之以情誼。兄等與弼翁相往來，有年交誼自然，而深用此爲游說之具，或比二者爲尤有力也。惟用此法，必得多人合力，方易成事。於此弟想陸秋傑君必可合力，惟此又必要先得陸君之深信。此事之有把握，彼乃肯合力以說他人及自出力以助革命軍。弟素聞陸君老誠持重，不輕然諾，若一得彼之諾，彼必言出惟行。今於革命之事，吾陸君非無其心，惟不詳知革命事業之內容，聞日來吾黨所傳布雲南革命軍之事，彼亦不大深信。蓋以西報不多論其事也，而不知雲南與此地關係甚少，故英報不甚注意。又西報之言中國事者，其新聞多傳自北京，今清政府力禁雲南之事，外傳故西報少知也。自雲南起事後，北京只傳過一電，係西五月五日由北京發往上海者，言清軍已復回河口，此後則無言矣。復回河口一事，乃滇督虛報，因當時吾黨尚未大進兵，故滇督猶可欺蒙也。而北京政府只報勝而不報敗，故各國西報寂然無聞也。惟安南法報密邇，故多論雲南革命軍，然英報不譯也。（大約無法文之譯者亦未定）惟香港南清早報（英字報）有特派訪員在河內，其五月十二號新聞有訪函（五月九號來函）言雲南軍事頗詳，盛稱吾黨之文明，河內離河口不過十二點鐘，火車電報息息相通。北京五號之電言復回河口，而河內訪員五月九

總 理 全 集

號函猶稱革命軍一面守河口一面分兵攻蠻耗蒙自等處今蠻耗亦已破矣此訪較之北京尤確而且日子更遲茲將五月五號北京報收復河口之西字新聞並五月九號河內訪員報香港之新聞二紙寄上請代呈陸君一看使彼先信雲南之革命軍已起確有其事不是虛傳然後請將河內來函致彼一觀使彼深知革命軍今日之局面有如此把握乃可望之協力也若秋君或弼翁肯任此十萬當酬以雲南全省之礦權專利十年也望如法先說肯秋傑君然後同彼協力以說弼翁事當有成也祈早示復幸甚此致候

義安不一

弟孫文謹啓

(六)澤如盟兄大人鑒四月五日來示並則單千元及譚德棟翁信一函一概收妥隨復一電想已達覽茲付上收據兩張並譚翁信一函祈爲

代交日來我雲南軍所至皆捷清兵之歸降者已盈四千有餘每日糧食軍火甚鉅必當源源接濟至破雲南省城之後乃能自給現正待濟甚急之時弟前日連有函電詢及弼翁肯否助力未審如何此翁一諾則大事成事方今吾軍正在聲威大振之時望足下與心持兄竭力動之如能成就則足下等之造於革命軍功德實無量也前所謀加補欽廉軍火及招納廣西營勇兩事皆以雲南之急未有餘款兼顧實大滯動機如欸項足以招呼三處同時大活動則清虜之滅易如反掌矣望爲圖之並祈賜復此致即候

大安不一

列位同志統此候好不另

弟孫文謹啓西五月十二

戊申（一九〇八年）欽廉之役致鄧澤如書

八

（七）澤如兄暨列位同志公鑒寄來二千元已得收到雲南軍事以人多餉少不能進步前月二十四日大勝一仗之後則行收隊不守鐵路河口等處此弟前日函電已詳言成敗之機係乎接濟所以有託兄等力說弼臣翁之舉也今事已如此不禁爲之痛惜夫以十萬元便能得雲南全省吾人之力猶不能辦此尙復何言今復之計惟有各埠合力另創善法先集備大欸然後舉事乃可乘勝趨利若如已舉事後方籌欸接濟莫講籌不得即使籌得亦多遲延失機也所幸雲南之事自破河口至收隊入山一月以來傷亡極少河口又於退後三日清兵乃至元氣毫無所傷大欸一得再舉甚易也惟刻下辦善後事宜尙需欸二萬元乃可集事夫當吾軍大勝之時籌欸已如此其艱今事不成則必更難矣貴埠同志將何以教我書不盡言此致卽候大安不一

弟孫文謹啓西六月九號

（八）澤如先生大鑒來書敬悉赤兄匯來仟元收到後卽照來單所列寫回憑據今早由郵局担保寄去該件收到望爲示復有無遺失易於查察軍情詳細具於前函專此敬頌

義安

弟孫文謹啓西歷六月十三

（九）澤如仁兄同志鑒前接來電悉匯銀五百元並麻坡認銀二百元今日接手書並銀則一幀經收妥緊急之際得兄助我一臂感慰無似第所慮者星坡同志現無可設法而河內銀行日內到期欠欸共五千元之多雖不能全還至少亦須還其半數方足以再求展限今所籌者尙未足半數焦急何似

兄書中有云『如蓉埠各同志再竭力籌得多少隨卽匯來』則尙有一線之望煩轉語蓉埠諸同志爲

總 理 全 集

大局辛苦設法挪借二千元以濟眉急準於年內籌欸特不能急若有同志先借出二千元以還急債而於年內籌還之想必可辦到祈爲注意至望此上卽請
公安

弟孫文謹啓八月一號

函
札

九

第 三 集

戊申（一九〇八年）欽廉之役致鄧澤如書

一〇

戊申（一九〇八年）致南洋同志請籌巨款書

國民盟長並列位同志仁兄大鑒敬啓者前上一函請各同志籌款接濟香港機關爲長流經費以得辦事無滯想已達覽施行矣乃者時機日逼外而高麗既滅滿洲亦分中國命運懸於一線內而有釘門牌收樑稅民心大變時有反抗吾等新軍之運動已普及於雲南廣西三江兩湖機局已算成熟加之黨中財政日困雖香港一隅或得檀埠同志之接濟而他方則仍無法可設也且長貧難顧待之非策弟今承內地各地同志之催促並有辦事領袖人員到此商議已決策定計不久再舉此次機局較前尤佳且有弟就近指揮策畫一舉必可成功決無疑義也惟預備之費當要十萬元乃足布置周密而策萬全今欲合南洋檀美各地同志之力在此一兩月之內籌足此數但南洋各埠華人雖多而風氣閉塞所有之同志前曾屢次盡力幾成強弩之末此次之款總望檀美同志担任一大分也弟提倡革命以來至今日爲第一好機民心歸向兵士倒戈所缺乏者祇此區區之財力十萬元不過檀銀四五萬耳若檀山同志出錢能似內地同志捨命之勇則此區區之數檀地同志亦能獨力任之而有餘無待弟更向他求也見信之日務望向衆宣布即日舉行開捐事前預備軍費無論會員非會員凡我漢人皆當助成此事有力者多盡力無力者亦盡其所能衆志成城衆擎易舉如能籌足此數則決無失敗之虞也故此次事之利鈍則全視海外同志之盡力與否耳內地同志既不惜身命苦心焦慮竭盡其力乃能達至此地步今祇待海外同志一臂之助則大功立可告成如葡萄牙近日之偉業

第 三 集

戊申（一九〇八年）致南洋同志請籌巨款書

二

矣望爲勉力以竟全功幸甚幸甚信到之日限兩個月期內籌集收齊匯出大埠支部理財員彙匯弟收暫由理財員發給收條俟匯到弟處弟即着籌餉局人員發給憑據收執以昭大信茲付上籌餉局約章一紙請統爲宣布於衆是荷此候

義安不一

弟孫文謹啓西十月十六號

戊申（一九〇八年）在暹羅致鄧澤如等緘

澤如
赤霓

（一）心持三兄公鑒覆書已讀前議之件蒙兄等堅持力任勉爲其難必踐所得佩甚感甚慶家子母相繼死亡人心必大動時局可爲惜財力不足赴之於目前想同人等亦爲扼腕而歎弟况欲急於從事適得暹羅消息知緘念甚佳遂定於今午四點偕漢民兄弟往暹（聞徐勤以遞解出境往暹推想彼逋逃之餘陳景華已足對待之不足搖惑人心也）想必得一當到暹欸事如何當以電告如有與弟之要信可寄暹羅華暹新報陳景華轉交於弟至關於團體通常之事則弟留同志鄧慕漢在星亦能料理日昨以保黨聯高全領事邀人罷工誌哀廢帝而吾黨則反對之上午何心田開店邊被爛人無數擾亂並投石飭其妻女警察捕去多人然華人爲保黨所惑輔政司又以吾人勢力大黨徒多以爲有心挑撥感情轉爲地方妨害乃妥弟彈壓所部使無有舉動弟辭以在坡人衆口說爲勞惟有出訓示告之警察長唯唯認可今日已着人印刷多張公然宣布（張永福兄被）知爲吾黨任事之人輔政司兼責成之而弟適要動身往暹故使永福兄用（其名我印布）亦一奇事想保黨及滿奴見之轉爲駭然英政府既認弟爲有在呈管束團體之力則吾人勢力多有可藉此而謀擴充者弟行匆匆未及發揮要可將來利用耳附及順叩

義安

弟孫文謹啓

戊申（一九〇八年）在暹羅致鄧澤如等編

二

（二）澤如仁兄同志大鑒弟在暹得收

兄寄欸後當有書報告一切弟偕漢民以十四號歸星加坡連日冗忙故未暇修柬該件談判在進行中效果尙未能決定各省同志因虜家子母之死各派專員來星洲以取進止弟以機局固佳然吾人財力未充此次當爲大舉爲一勞永逸之計吾人仍要養足實力以待之且此時海內人心已大動搖惟彼虜亦自張皇戒備倘稍遲半載則吾人蓄銳方周而彼虜戒嚴已懈益易圖也中興報可望支持過年然來歲則擬爲擴充股份之辦法因今年資本不足屢次臨渴掘井故報務甚爲支絀非得資本較充不能從事於改良進步今年文章議論頗愜人心而經理則多不善擴充之舉想兄亦必贊成候訂好規則再爲寄上專此卽請大安

弟孫文謹啓十二月十九號

戊申（一九〇八年）在星架坡成立南洋支部之通告

啓者近年以來南洋各處同志日多各就所處結合團體以實行宗旨發展勢力真有蒸蒸日上之勢殊可慶慰今在星架坡設立南洋支部欲使南洋各處團體互相聯絡以成統一夫欲聯絡情誼必以消息相通爲主消息通則情誼洽情誼洽則協力相扶同心共濟而黨力滋偉成事可望故特定通信辦法三條如左

（一）今將各處團體通信住址開單寄覽以後至少每二個月互相通信一次

（二）各處團體通信住址有移換時須即通知南洋支部

（三）以後如續有新立團體即由南洋支部（支部長胡漢民）發信通知各處接信後即寄書新立之團體賀其成立且勉勵之

以上三條望留心照辦以團結同志之精神廣通各處之情誼是所至囑此致

澤如同志兄鑒

弟孫文謹啓

中國同盟會分會總章

一、本會定名爲中國同盟會直接受支部之統轄

二、本會以實行贊助中國革命事業爲職志

三、本會會員須謹奉宗旨親寫盟書當天宣誓以表其誠

第 三 集

戊申（一九〇八年）在星加坡成立南洋支部之通告

二

一、本會公舉如下職員以司理會中事務

正會長一名 中文書記 名 理財 名 調查員 名

副會長一名 英文書記一名 核數一名 幹事員 名

一、本會職員定例每年選舉一次并每遇會員增至一倍時選舉一次

一、本會員皆有選舉權及被選舉權

一、當地會所及一切經費由會員均分担任

一、凡會員皆有介紹同志入會之權

一、凡會員能解釋宗旨明白者皆可任爲主盟人隨時隨地收接同志入會

一、凡主盟人收接同志入會後須將盟書繳交書記註冊由書記彙交支部收存發給底號收執爲據

一、凡會員既完盡一己之義務領有底號者至革命成功之日得列名爲中華民國創建員以垂青史而永

誌念

一、凡會員能介紹及主盟新同志十人者記功一次百人者記大功一次至歲終計功由會長宣勞嘉獎並由支部代請本部總理給功牌表誌至革命成功之日得與軍士一體論功行賞

一、本會欲使會衆團體密切聲氣靈通特仿革命軍軍隊編制之法以組織會衆其帙如左（此條請即施之實事）

總 理 全 集

以八人爲一排 內自舉排長一人 共八人

以三排爲一列 外自舉列長一人 共二十五人

以四列爲一隊 外自舉隊長一人 共一百零一人

以四隊爲一營 外自舉營長一人 共四百零五人

一、以各列長隊長營長等人員爲會衆之代表人

一、本會辦事各種詳細規則並特別專條可隨時由職員招集各代表會議訂立

一、本會各等規則專條總以不違背支部號令及本會章程爲圍範

注意組織會衆爲營爲隊爲列爲排一條爲極緊要有此則會員之感情乃能密切團體乃能堅固不致如散沙會中有事由職員通傳於各營長或各隊長各轉傳於其所屬之隊長或列長則一人不過走報四人知列長不過報三個排長排長則報七人知如此工夫易做若收月費收會費會員交於排長排長交於列長各列長交與理財員亦事簡而效大也若不行此法則他日每埠人多至一千或數千則無人能遍識會員而分會機關之職員亦無從遍知各人之住址行蹤也故必當爲排列一排長識其所交好之七人不爲難一列長識三個排長更易由營而隊而列猶身之使臂臂之使指節節腦筋相連靈活也

戊申（一九〇八年）南下至吉隆坡等處致鄧澤如諸同志書

（一）澤如心持赤覓我兄同志大鑒弟等於昨日由吉隆坡來巴羅以下午五點半鐘到埠在吉隆坡已收到芙蓉轉來之信乞勿介意該要件弟已與陸秋傑兄面商秋傑兄亦極贊成以爲欲大事之易舉非此不辦即關於許與外人之利益渠亦無甚疑義惟預出數千欸項一節則彼自云現在窘鄉經濟之困難有非外人所喻者其各僑之餉無所出已將物業押於王家而月付九厘息口又其花園亦以支持爲難已擬出租故此事爲彼心意所極贊成而彼力量則有所不副云云在吉隆坡人亦頗有知秋傑窘狀者其所言當非藉詞推諉故此事尙不能得良好之結果於吉隆坡聞心持兄日間親至吉隆弟亦與秋傑道及或心持兄別有良法以處此只可俟與他埠同志再商之或有一當耳現時弟經行之埠以諸君子之勇毅芙蓉新氣自不待言吉隆坡雖亦有熱心之人而團體散漫弟已與各同志謀其改良擴充以求其進步至巴羅則遠勝吉隆其進步殊速論其精神尙可並駕於芙蓉也恩恩先白餘事續陳即頌

公安

弟孫文謹啓西十一月三日

（二）澤如我兄同志大鑒弟等抵巴羅後曾將在吉隆坡時情形函告想已閱悉矣巴羅小駐三夜即往庇能昨日下午五點鐘到埠在此處擬駐三日即回星洲也在巴羅時接星洲來函云曾發電至芙蓉託心持兄轉交此電今未遞到惟函內已詳言之續又得星洲來電言河內收藏軍火之事洋行須立交一千五百元

第 三 集

戊申（一九〇八年）南下至吉隆坡等處致鄧澤如諸同志書

二

即速電匯云云電內並云已電芙蓉心持兄轉交想心持兄處連得二電必已輾轉寄來故今未得收到也該千五百元之件弟已與螺生源水兄等熟商並告以收藏軍火之緊要螺生兄等已悅允擔任日內籌得即行電匯故與法人商借一千萬之件雖與螺生兄等商量但祇詢其意見並未囑其担任盤費因螺生兄等境况非裕既竭蹶以應千五百元之急需勢難再有餘力以顧他事也容與庇能同志謀之成否再復後日精衛隆生搭船赴仰光弟與漢民亦擬後日搭船回星加坡也餘俟續陳專此敬請大安

弟孫文謹啓戊申十月十一日

澤如
(三)心持三兄公鑒在庇能曾將到坦羅情形略告一切想已入覽庇能同志亦甚熱心惟運動聯絡之赤霓

人不及芙蓉坦羅弟因另派定主持各人爲推廣團體事將來可全發達至於捐款之件則吳勢榮黃全慶二君皆以生意十分支絀無力担任自是實情（其經濟困難之狀弟等所目覩）適得暹羅同志書招往彼埠又星洲同志陳君武烈（陳於暹羅極有勢力）亦適往暹羅大約此件須於暹圖之因該埠生意無何等之牽動熱心而有實力者不乏其人數千之欸籌措可得亦在意中弟於星洲尙有事未了（如與德進行涉訟等事）將令漢民兄先往兼挈帶尊處所已籌得之欸而行一因在暹羅一籌足數即可同匯越南免於週折二因既有得半之數則對於彼方同志可示信而愈堅其心也故專函奉白望

兄等見信即將惠諾之欸速匯來星俾漢民得以即發到暹速成其事不勝感幸八號由庇能往仰光聞該處

總 理 全 集

會黨私門頗烈惟粵人皆渴望精衛到彼想運動自是易事知閣廬注附及專此卽請
公安 並祈覆示

弟孫文謹啓西十一月十號

函
札

己酉（一九〇九年）赴歐洲前致鄧澤如等緘

澤如
（一）心持我兄大鑒弟定於十九號離星往歐洲一遊此行以財政外交爲兩大注意問題英法荷等國赤寬

各種外交俱必於彼祖國政府運動方能得力至於財政問題即前日借款要件前途催往共商如日已久不能復緩也弟行後仍望公等以熱力鼓吹同志增進團體爲一日千里之象南洋支部弟託諸漢民君料理各事均可如常通知商辦近旬日內漢民有要事暫往香港想未幾即能返星或伊有未暇兼顧之時囑託人代理亦屬漢民君之權責爲此專告即頌

公安

弟孫文謹啓三月十七日

另有一書致譚樂亭乞爲轉交並囑小心加慎爲荷

（二）澤如仁兄鑒中興報前由弟代請湯伯令君來坡辦理改良各務乃伯令君到坡後因意見與永福君不合致小有衝突伯令遂決然辭去而永亦有推却一切責任之事惟中興報於大局甚爲有關不能不竭力維持弟今再代請本坡林義順君出來司理一切而吳悟叟副之日內已開辦註冊事務惟各地所認之股多未交來而中興報前日用了後日錢前貴處寄到之千元爲債務及日需已用盡今又告急矣各埠散股非待註妥冊成爲有限公司發出股票未易收也未知貴處能否再將其餘股分千元速行寄來以應燃眉之急

第 三 集

己酉（一九〇九）赴歐洲前致鄧澤如等稿

二

中興報若能過了此次之關頭便可無憂矣蓋註冊後擬即製就股票四千張前已有股者即行發給此次認股者亦給股票收銀所餘者即託各同志散買如此則股本可立集矣而目下則急望貴處先行設法維持幸甚

又弟久欲速往歐洲決奪重要問題以遲維所承任之旅費尙未寄到故不能成行其所以遲遲之故只因一領袖同志以米較生意不前幾有破產之憂故牽動一切日前此款幾使弟失望故着漢民向仰光同志籌之前禮拜再待遲維來函云日內當竭力籌交文得仰光來信云該處已有公款千餘盾可以隨時撥用今另向同志加籌籌就一並交漢民帶來有此兩路之預約款則歐洲之行或不致久延而誤絕大之機會也惟現在本坡百務交迫各同志皆陷於窮境多有自顧不暇之勢故弟處已絕糧矣而辦事要人尙有十餘人在此相依而日內又有安徽省與熊成基起事之同志砲隊營管帶洪承典等來星皆不能不招呼故遲仰二款未到之前尙須三百元乃足支月內之用此又不得不懇足下等供給一月之費以待接濟之至也以上二事皆屬緊急而以弟之日給爲尤甚

公等如能兩事並辦最佳否則請從速籌三百元匯來以解在陳之困可直匯至弟處單寫 Chung Lan Or Bearer 卽隨人可收乃便捷也匯單信託担保寄如左之地 Mr. Chung Lan

111 Orchard Road

Singapore

總 理 全 集

此處地步可用至西四月尾過此月則勿用特此聲明

又中興股銀可直匯中興報名義收惟匯單亦宜寄此處以便弟親自交托一切

前因劫案及尤烈事被拿去石山工人同志廿一人日來弟出頭與華民交涉或可望省釋也安南送來之人極難非盡屬革命軍人亦有極壞者在其中破壞人家治安之事所不能免今惟設法別其良莠耳此致
即候

大安

弟孫文謹啓四月六號

(三)澤如仁兄鑒來函並盟書廿一張匯票一紙已即着人收妥矣南洋近況如此真爲大事進行之大阻滯也幸尙有熱血如兄者否則吾等不免有坐困此地之虞矣底號並此付上祈爲照收是荷此請

大安

弟孫文謹啓四月十二號

(四)澤如仁兄鑒盟據十八及郵票五十元俱收漢民兄昨日已搭船回港弟亦擬十九號啓程日前在本坡被拘之十九人已釋放於前日搭船往暹羅矣中興報聞註冊事已經妥當日內可發給有限公司股票云現吳悟叟經理較前差好亦略可稱意南洋大局望兄等及各同志維持勵進爲幸此候

大安不一

弟孫文謹啓西五月十二號

(五)澤如我兄大鑒示悉茲如命書就一函請代交戟門兄爲荷弟以明日起程南洋大局深望公等維持擴張中興報註冊成立有限公司辦妥刻製印股票日內製妥當再遣人往各埠交給並催收未交之股及

第 三 集

己酉（一九〇九年）赴歐洲前致鄧澤如等編

四

發買餘股如有人到望爲贊助一切幸甚此致卽候

大安不一

各同志統此問好不另

弟孫文謹啓西五月十八號

己酉（一九〇九年）抵歐洲以後致各同志書

同志公鑒弟自抵歐以來竭力經營籌畫以期輔同志之望然所謀至今尚未就緒因在南洋時所得前途所擬之條件（即在芙蓉呈覽之件）乃經手人欲從中漁利非資本家之意也弟察悉此情即行婉却經手之人而托政界上有勢力之「韜美」君（即前任安南總督）幫同運動資本家「韜美」君滿意贊成將有成議矣乃不意法國政府忽然更變新內閣大臣「比利仁」不贊成此事而資本家故有遲疑而「韜美」君仍欲與外部大臣再商欲由彼以動新內閣大臣因法資本家非得政府之許可斷不肯投鉅資也即由前之經手人交涉結果亦必如此前經手人一見吾人河口之事實則出條件以示吾人者彼蓋忖知前內閣「居利文梳」必能許可故投機而來也而內閣之變更實爲意外之事否則無論何人說合皆可成事也韜美君游說外務之事至數日前始有回實音云「現在事不能求請遲以有待」等語弟一得此信即於西十月三十號起程往美因該處亦頗有望故一往以觀機局如何也在英京亦找得一路惟現尚未有眉目故未敢詳報此路之條件甚屬便宜利息亦照通常算法並不要求特別之利權惟須吾黨各埠同志出名担保一事耳英路之介紹人現往美國弟到美時當與他再商如得實音當另行詳報但關於出名担保一節弟已思得一法想當可行俟得實音則並奉聞以請大教前借之欸現尙無由歸趙求爲寬限以待此事之揭曉當再報命此致敬候

第 三 集

大安

己酉（一九〇九年）抵歐洲以後致各同志書

二

（再戟門兄五月初三日來示已得收讀統此覆候恕不另函）

弟孫文謹啓西十月二十九號英京發

己酉（一九〇九年）赴歐途中自馬賽致吳稚暉書

稚暉先生足下來示讀悉以旅次無着故未即行奉覆別後事故千緒萬端非筆墨所能罄當俟遲日到倫敦面談一切尊夫人等此時想已安抵英京矣從馬賽港張兄曾托令郎帶上一函當已達覽便請將在留英國各同志詳情相示爲望故人 Mueken 君亦數年未有通信未知邇來 先生有與會面否彼仍在倫敦否並近况如何亦望示知此致卽候

大安不一

弟孫文謹啓六月廿四日

再弟現在秘密行動中無論中西各友如已知弟到歐者務望轉致請爲勿揚並切不可使報館知之爲要

第 三 集

己酉（一九〇九年）赴歐洲途中自馬賓致吳稚暉書

二

己酉（一九〇九年）在歐時致吳稚暉書

稚暉先生大鑒弟定期明午由比京來倫敦明晚（卽七號晚）十時可到 Charing Cross 車站八號
午後當來貴寓詳談如八號或有阻不能到九號午後必到此兩日之午後務請先生留寓一待也弟住倫敦
想不過四五日有船便往美矣然到倫敦後乃與他方通電或有意外之逢則非此時所能知如有此則或暫
留亦未可定餘俟面談此致卽候

大安不一

弟孫文謹啓六號發

第 三 集

已酉（一九〇九年）在歐時致吳稚暉書

二

己酉（一九〇九年）將由歐去美時致吳稚暉書

稚暉先生足下巴黎事機頗有可望惟非立刻可以成功必待暑令後各富者回城搭路人一一見之然後乃能實履地步已至此級弟毋須再留巴黎等候已於禮拜六日來比京同志八九人相見甚歡弟大約於此禮拜之內可以來倫敦相晤也聞曹君亞伯已經遷寓惟未得其新地址故托一函先生轉交此致卽候大安府上各位統此問好

弟孫文謹啓八月二號

函

札

一

第 三 集

己酉（一九〇九年）將由歐去美時致吳稚暉書

二

己酉（一九〇九年）到美後致各同志書

（一）澤如仁兄並各同志均鑒弟由歐抵美已數月所圖之事尚未大就然甚爲有望將來或有成就亦未可知美洲華僑前時多附和保皇今大爲醒悟漸有傾向革命之勢不日當可聯成各埠爲一大團體以贊助吾黨之事業也弟今在美擬一面謀所志之大目的一面則聯絡華僑現已在紐約芝加古舊金山大埠三處設立同盟會人心甚爲踴躍他日進步必有可觀足爲告慰者也

茲有一事奉聞請各同志留意謀之如事在可行務祈設法合辦如事不能行亦請早覆示此即統攬華人所產之錫自運銷於美國弟思馬來半島爲出錫最多之區而美國則爲銷錫之一大市場然錫之轉運向爲倫敦商人所獨攬價格低昂隨彼所定弟意以爲華人若能將所產之錫自運銷於美國中間不經倫敦商人之手當可省一筆經紀之費且價錢不爲倫敦商人所制自當兩有所益弟在紐約曾遇一商場大經紀與商此事彼甚贊成担任銷路但必要大幫倘能包攬馬來半島出產之大半或一半彼能介紹於大資本家立預約合同承銷全年之出產或數年之出產皆可茲將要略開列如左

一 每年能包攬出產幾何

一 每担價錢幾何（長年定價）

一 交易之法如何（此當兩造妥議然公等當可先發意見也）

函 札

一

第 三 集

己酉（一九〇九年）到美後致各同志書

二

荷屬出產亦甚多但此已歸荷政府包攬專賣商人無從過問惟馬來半島華人所產之錫如能聯合成一大公司直與美人交易當能賺回一筆甚大經手之費如不能聯成一公司則先預定一價格與各佛廊立長年合同亦可總之此中情節公等較弟爲熟悉此事可否施行望爲詳查示覆有信寄金山大同日報轉交便妥此致並候

大安不一

弟孫文謹啓正月二十日金山發

（二）澤如仁兄鑒西三月一日由金山寄上一担保函言錫務收攬直接轉買於美商一事托足下查悉各節後覆函寄至大同日報轉交等語弟今適有要務來檀於西三月廿二號由金山動程廿八號早可以抵埠大約在檀有三兩個月之住留後此或再往美或回東方現尚未決前書未知足下已回示否如尚未回示即將函直寄檀香山（地址另列）更爲快捷因近六七日路如已回音亦請多抄一函寄檀因前寄往金山往返若不遇船期必定費得一月之久則再寄一函或較前尤快也南洋近日人心若何黨勢有進步否甚望示悉此候

大安不一

弟孫文謹啓三月廿四號舟中發

再者事又失敗殊爲可惜然弟在外之運動日入佳境不久必有成議現在英美皆有甚有望之路若英路先成則弟再回南洋與各同志切實謀一辦法美事則另有辦法不用費神再及

己酉（一九〇九年）致日本萱野氏書

（一）萱野我兄大鑒正月二十二日來翰早經收到前數週弟道過芝加高曾訪貴親戚大塚太郎甚蒙歡迎惟弟尚未談及欸事因見彼甚爲匆忙無機言之數週之後弟再過芝加高到時如有機緣當言之也弟明日往米京見彼外部大臣並一二元老及其他政界之有勢力者此間人士漸留意於支那問題矣想不日必能得其實力之助也

弟回日本之問題何時可以辦到現聞內閣已更變其後之對支那政策如何望足下詳以告我有信仍照前時地址寄來便妥此候

大安不一

弟孫文謹啓五月二十日寫

（二）萱野君英鑒別後未審近况何似所謀之事能否成就甚以爲念弟與某處交涉中之問題尙未達最終之目的現時在檳榔開居以待君及某處之消息君事之進行如何並東京近事如何政情如何請君時時告我幸甚此致卽候

俠安不一

弟孫文謹啓九月七日

（三）菅原君足下近以事急離京未及告別良用爲憾然日前相約之事想不忘懷也今者聞貴同志已握政權而吾人義兵亦起此真適逢其會千古一時也舉旗至今十餘日連克大敵數破堅城軍威大振人心

第 三 集

己酉（一九〇九年）致日本萱野氏書

二

附從從來舉事成功之速未有及此也惟現下萬事草創人才兵械多形不足今特托足下代轉求貴同志政府暗助一臂之力借我以士官供我以兵械則迅日可以掃除清朝腐政而另設漢家新猷矣務望向伊候星君等力爲言之如蒙允諾暗助卽移駕到橫濱海岸九番地佛國郵船會社通知同志黎煥墀君托他卽用電報通傳爲幸此禱卽候

大安不一

弟孫文謹啓十月廿三日

幸祈將此信秘密切勿登報

庚戌（一九一〇年）廣州新軍之役致美洲同志請助餉書

（一）公璧盟兄足下弟正月初一行抵金山大埠足下寄來之信已得收讀知已匯欸於香港矣我軍於初四日舉義省城新軍六千反正刻尙苦戰勝負未決現港中同志另謀起各府縣之兵以爲響應需欸甚急務望各同志竭力向大衆籌欸蓋今日事已發露不必秘密矣此役於事前欸項太少初二日尙欠欸五千波士項所担任也以未曾匯去故黨軍大隊不能如期進城否則一鼓而下之不必有今日之苦戰矣然吾軍有新軍六千尙大有可爲若接濟及時則成功大有可望救兵如救火各宜努力爲之幸甚

弟孫文謹啓
庚戌正月七日

（二）公璧盟兄大鑒今日得接來電並未奉覆因省城之新軍又歸失敗此次之事不成不過差五千之欸致會黨軍不能如期到省城新軍不得已而發動動後又無欸不能在外起援兵以救之惜哉所幸二三標尙能保全無恙仍可留作後圖弟今擬久留美國到各埠聯絡同志成大團體以籌鉅欸現下大埠加盟者甚盛人心大有可爲良堪告慰此致卽候

各同志大安

弟孫文謹啓
庚戌正月十三日

（三）公璧盟兄足下元月十三日來函已得收讀省城軍事之大略已經奉公函佈告想早達覽貴埠同志如此關懷熱心真屬難得然此次之失敗實因於年底缺欸五千波士項致公堂初許担任五千所寄不過

第 三 集

庚戌（一九一〇年）廣州新軍之役致美洲同志請助餉書

二

一千九百餘元因約致公堂許担任者一文未寄遂至年初二黨軍亦以欠欸而不能作應援之計新軍第一標遂不支退散幸二三標尙無恙可留後圖弟今擬在美久留遍到各埠以聯絡同志藉集大欸然後遲謀再舉現下大埠人心極踴躍經已成立同盟會訂妥章程已抄一份至周超兄處請他招集同志宣佈舉行弟擬在大埠立妥一完善機關然後往他埠演說立會但現在旅費告罄此間新立團體未便以此小故連累未知貴埠同志尙能爲力以籌小欸爲我行動之需否西方一帶立好團體弟再來東方推廣本會於各處也望足下並同志竭力推廣已成之團體務使漢人皆當負一份之責任則事易爲矣此致卽候

大安不一

弟孫文謹啓
庚戌正月二十日

庚戌（一九一〇年）廣州新軍之役致美國紐約同志書

紐約同志公鑒我軍已起獨惜事前欸項大拙於初二日尙欠欸五千故大隊不能如期進城爲一鼓而擒之計初四日新軍反正刻尙苦戰勝負未決急欲謀起外府之兵以爲援應需欸甚急望各同志速向大衆華僑籌捐以救此急接濟及時則成功可望幸毋坐視失此良機倘省城一破則大功告成矣籌有多少速電匯去香港切禱切禱火速弟於初一日行抵金山大埠溪記及周超付來之信已得收到如得捷立日當再報聞此致卽請

年安不一

弟孫文謹啓
庚戌正月七 發

第 三 集

庚戌（一九一〇年）廣州新軍之役致美國紐約同志書

二

庚戌（一九一〇年）由日本抵星加坡後致同志及鄧澤如書

（一）同志公鑒弟於七月十一號從日本抵星加坡自離此地一年有二月適繞地球一週所經五六國所圖之件尙未達最終之目的惟進步較前甚多將來總有大希望也弟至美洲頗蒙華僑歡迎該地之保黨已多歸化革命弟本欲久留該地一年半載以經營團體之事無如祖國情勢日急又遇精衛兄等失事於北京故函欲東回就近親籌一切到日本住有兩禮拜後遇清政府大與日政府交涉諒難久居遂南來此地殊非本意也惟既來此則欲從新整頓團體以求吾黨勢力之進步則於革命前途必有所補貴埠同志熱血過人想必有良策以匡不逮望爲賜教弟現暫寓張君永福花園不日當另覓屋而居有信請寄新長美轉交或寄廣憶昌客棧鄧子瑜君處亦可澤翁兄寄金山並檀埠各一函俱已收到該事容俟面談此候

義安

弟孫文謹啓七月十四號

（二）澤如同志仁兄大鑒六月廿九日來示接悉現下以議改新章各事未定故遲於奉覆然足下處所收盟表既爲日已久則請寄檳城緞羅申街得昌號黃金慶君轉交由弟暫存給號便是以後新章欲一概不收入會費支部辦事費擬由會員隨緣樂捐庶免新進者之畏難退縮未知足下及各同志以爲如何此致並候

義安不一

弟中山謹啓西八月十一號

函 札

一

庚戌（一九一〇年）由日本抵星加坡後致同志及鄧澤如書

二

（三）澤如仁兄鑒茲得貴埠人寄來英文信一通稱爲托足下代寄者然審內外皆一人之筆跡並無足下一言今將原函付上一觀如足下識其人爲妥當則請代弟面覆之彼所欲得英文紙英文書弟現無其物又彼欲知革命之總方針除非彼已爲會員而願出而任職者否則不能相告也或彼欲知者爲革命之宗旨則請足下將所知而告之也彼究爲何如人望足下詳爲復示幸甚此致卽候

大安不一

各同志祈爲問好

弟孫文謹啓西八月十六號

（四）澤如同志仁兄大鑒來函並盟表三十張匯票一紙已得接到茲將底號寄上乞爲分給

至於盟書之改良則殊非捨重就輕乃再加嚴密耳其前之中間四語今改爲三語各包一主義以完其說其前之中國同盟會會員字樣今改爲中華革命黨黨員以得名實相符且可避南洋各殖民地政府之干涉蓋各殖民地有例嚴禁私會而法英兩殖民地前年已公認革命黨爲政治之團體法安南送黨人出境而英殖民地收納之是也若同盟會之名在各殖民地皆未註冊彼官吏可視爲私會非如革命黨之名有案可稽也故盟書用之爲宜（美洲檀島已一律用之矣）至團體與團體之往還兩者俱可並用隨人擇之並付上盟書底稿一張祈爲察照施行

又照新訂分會總章以後免收入會費而多舉主盟人以廣招徠至地方會所之費由會員均分担任而本部及各地支部前者辦法多未妥善今擬重新組織之重要辦事之員議給一定薪水俟將來組織妥當時

總 理 全 集

當定預算表其本部每年經費若干由各地分會分任向各會員捐助至足數爲度其支部經費若干則由所屬地之分會如前法捐助

至月捐一節檳城同志現已舉行每股月捐五角認股多少隨各人惟力是視每月收齊貯於銀行用慈善名義選六人管之他等黨事亦不得提用只關於起革命軍者乃能提用俟此地辦有頭緒之後必將辦法通告他地同志也此致卽候

列位同志大安

弟孫文謹啓八月廿四號

(五)澤如仁兄並列位同志大鑒近日內地因釘門牌收樑稅各處人心不服皆思反抗機局大有可爲吾黨不可不乘時圖大舉惟弟所謀歐美之路皆尙未成就倘今有革命軍起則事亦立可成議也且現時民心軍心皆變亦不須大欸已可舉事若有十萬爲事前之預備費便可敷策畫而計成功矣弟現已發函各埠詢問各可担任幾何者合各埠可籌足此數固佳否則略少亦可冒險一發也貴埠能担任多少並另有何法向他處籌資以助成此舉請爲示知弟事略安頓後當來與各位面商也此致卽候

大安不一

弟孫文謹啓西十月十四號

(六)澤如同志仁兄大鑒夢生代筆信並盟書一百四十八名已得妥收茲編就底號付上祈剪開分交各人可也間有號數寫不明白者可按次補寫唐字以便收者易記更佳自改訂新章大小比叨已大收成效單刺乞一埠願來加盟者甚衆現已收二百多人聞不日可收至千人云茲付上章程數張祈爲察入施行最

第 三 集

庚戌（一九一〇年）由日本抵星加坡後致同志及鄧澤如書

四

要者爲十三欸務望切實舉將新舊人員編爲排列則團體可以固結矣否則仍如散沙也

弟前在美所謀大欸之路近接彼地覆實消息謂不能速成（然非絕望）故弟決意不再外求他人而欲盡吾黨之力以圖再舉按之現在時機之好人心大變軍隊亦從可以不需大欸十萬之數便可預備一發弟親行督師事當無不濟也此十萬之數小呂宋一埠可望担任三四萬之多餘分任於各埠若各同志肯盡一分之義務以衆擎之力想不難集事也貴埠同志能力任幾何若力尙不足宜速行推廣團體以多數人而人各出少資則易爲力此欸冬間當要需用也請與各同志預爲設法 弟現候一地來信一二月內親往小呂宋以集此資或可多得亦未可料也幸協力謀之此致即候

大安不一

列位同志統此候好

弟孫文謹啓

（七）澤如同志仁兄大鑒貴伴李君並民鐸社員楊君到檳接讀來示並二君所言得悉各節足下關切大局之深良足欽感往坤甸一事當俟漢民兄南來與楊君齊往或有成效楊君亦深以爲然且緩圖之弟今另有所見必須足下犧牲數禮拜之時日親來商助則事望可成見信之日無論如何匆忙必請早臨爲禱至急至要餘容面談此致並候

大安不一

列位同志統此問好

弟孫文謹啓十月廿八號

總 理 全 集

(八) 夢生 澤如 兩兄同志大鑒來書敬悉所云澤如兄要一禮拜之後事妥方能惠臨此亦未爲遲也弟當待至此時就是此覆卽候

大安不一

弟孫文謹啓西十一月三號

(九) 澤如 兩兄同鑒 頃羅來信已得收讀源水秋露二君如此踴躍以謀助義軍實堪欽敬各埠同志亦樂意贊成想此次之舉必能達目的也所囑寄書各位已如命行之捐冊亦已多印五十本兄等何日能出星洲弟當同時前往納閩有信來鄧子瑜足見該埠人心多向革命現已有同志百數十人皆埠中之望者未知兄之友尙官該地否如在則兄前去必能大酬心願也楊君錫五據民鐸社中人言確未曾聯盟弟詳查總冊亦未見其名然未聯盟而盡心力以助革命者嘗有其人吾黨亦不必拘拘於此惟楊君自認其已在航葦手行之此以無作有似爲有意作僞殊不可解且聞之彼之同事皆稱彼平日人品平常皆無爲衆所欽仰之行而彼到貴埠則爲兄等所折服如是恐有所爲而爲之又據彼同事所言坤甸之廖李等君實熱心表同情於全黨非對個人有特別感情似較楊君所言亦有不符此中情節請兄等詳審之幸甚蓋世嘗有僞君子之爲患較真小人尤甚也

弟文頓西十一月二十號

第 三 集

庚戌（一九一〇年）由日本抵星加坡致同志及鄧澤如書

六

庚戌（一九一〇年）由美經日至南洋時致吳稚暉書

稚暉先生大鑒八月廿三日來函已得收讀所謀之事尙未大得頭緒下手之處猶費躊躇也聞石貞君現在北先生未知可否與他通信托他一爲調查其方法乎弟現居留檳榔嶼得有好消息卽請通信示知近日粵地及南洋黨勢頗有進步聞美洲亦有進步循是而前他日必有好結果也此致敬候

大安不一 夫人令媛令郎統此問好

弟孫文謹啓九月廿七日

庚戌（一九一〇年）由檳抵日後致美洲紐約同志書

紐約同志公鑒弟於西六月十五號由檳安抵日本現寓東京數日前有一長函寄檳并托檳同志多抄一份轉寄貴埠同志公鑒自該函發後清政府用種種手段與日政府交涉日本外務大臣殊苦其擾大有不欲留弟久居之意惟他大臣多不以爲然但此事全屬外交問題恐他大臣不便過爲干涉則弟或有不能久居亦未可知一二日再開閣議當有分曉如何再報此致卽候
大安不一

再前公璧兄函詢長沙排外事件此純屬飢民舉動不是革命黨所爲此覆

弟孫文謹啓庚戌西六月二十二號

第 三 集

庚戌（一九一〇年）由檳抵日後致美洲紐約同志

二

庚戌（一九一〇年）在檳榔嶼致美洲紐約同志書

（一）紐約同盟會列位義兄公鑒弟由金山往檳前已函達想經入覽今抵檳埠已逾一週前禮拜日同志假坐埠中戲院大開歡迎會到者二千餘人人心極為踴躍大非昔日之比自開歡迎會後每晚在自由新報館樓上開會聯盟惟地方有阻故所請人每晚百數位而到者皆樂於聯盟爭先恐後以足證人心之進步可為革命前途賀也前同盟會各地所訂章程盟書皆當親筆填寫其不能寫字者則由介紹人代寫本人簽名或蓋指模為據今於檳埠每晚來入盟者衆人人要親筆填寫則用數點鐘之時候尙不能寫完其一二晚竟有寫盟書至一兩點鐘故於工商各人殊為不便是以變更辦理將盟書印就聯盟者只填寫籍貫及其姓名日子如此則人多亦能不阻時候此辦法一檳埠為創始以一晚過百人入會亦為他處向來所未有也然今後人心進步日速風潮一日千丈將來各處亦必有如檳地者故檳地之法亦可推行於他方也前寄上盟書底數處可任便照行也檳會單創之初各事未定俟二三禮拜擇舉職員妥當之後當有公函通告也此請即候

大安不一

弟孫文謹啓庚西四月八日

（二）紐約同志列位仁兄公鑒唐麟兄四月二十號來函已得收讀領悉一切詢長沙亂耗此間所聞亦由報紙所傳其未起事之前未有所聞也此是一時暴動之事耳然新軍亦有附和可見此等練軍所蓄之志

第 三 集

庚戌（一九一〇年）在檳榔嶼致美洲紐約同志書

二

久有反對虜廷故無論如何總有利於吾黨精衛君往北京身入虎口欲有所圖不幸事敗被拿昨日得接香港漢民君來電云「精永禁」蓋精衛君已被虜廷定爲永遠監禁也虜不殺之想有顧已心而不敢也然吾黨失一文武兼全之能員殊深痛惜也從此吾黨同志如何自勉以盡一己之份而酬先我而犧牲者之志乎請共勉之。

弟文頓庚酉五月五號

（三）紐約同盟列位仁兄公鑒弟自省城新軍失事之後本欲久留美國遍到各埠聯絡人心以贊助革命大業以革命軍近年舉事皆未曾得外埠同志之大助力故也故每坐財政困乞之失倘海外同志及洪門能聯絡爲一團體以贊助革命則以美洲而計集合三五萬人亦殊不難事而有此數則每人月任一元一年之內亦可積款數十萬也有此一臂之助不患大事不成矣弟在金山大埠正開始經營此事乃檳山同志有急電來催故先往彼地擬兩月後回金惟近復接東方來信知中國內地各情更急遂決於西五月三十號由檳往日本以會同志商辦善後事宜若事妥有暇弟必再到美洲務期達聯絡之目的若不能親到亦必派人來代行事如他日有人受弟而來者望各位權力助之以成此聯絡之舉又來者必帶有弟親筆信函方爲真確倘無此者恐爲冒托無論何人須慎防之也現時美洲各埠華僑漸有歸心革命之趨勢望各同志務要乘機鼓舞使革命思潮日進不已則將來聯絡之事自當易易也省城軍事各位曾助力者請將姓名即數開列前來以便發回憑據收報可也有信暫仍檳山自由新報轉致俟到日本後有妥實地址寄到乃可直寄也各情到東再報此致即候

總 理 全 集

壽安

再鐵夫兄及溪記近日各來一函收妥

弟孫文謹啓庚西五月廿五日檳山發

函
札

三

總 理 全 集

庚戌（一九一〇年）再赴歐美前致鄧澤如等書

（二）澤如
夢生

兩兄惠鑒弟近頃因有要務日間即須動程邁赴歐美此行至速尙可及期返東南洋籌款之事既有頭緒且得吾

兄力任提倡成效必大日前弟電招漢民兄由港前來

各事即以付託望

兄等鼎力與籌務至完善爲禱時機既近吾人決爲破釜沈舟之計經濟多得分即預備多好一分大局情形洞若觀火箇中得失不煩贅述吾黨不乏熱心之士前此以力分而薄且未能先事爲備每有臨時籌款掘井無以止渴之患今此舉全力以經營止是鑑於前車故事之濟否在於經濟問題然此問題之能解決與否則在

兄等之運動負此仔肩勉爲其難此海外賢者對於祖國第一之責任也前因弟尙勾留檀埠故約請登固兄等到埠敍商伊等之行動前則無暇及此可止伊等不來將來各事自可就近與香港辦事人均商方略也專此卽頌

偉安

弟孫文謹啓西十一月廿六號

（二）澤如我兄大鑒日昨有書上呈諒已達覽螺生源水弟已有信寄去秋霞黃子當別爲英文書與之

第 三 集

庚戌（一九一〇年）再赴歐美前致鄧澤如等書

二

納閩一處我

兄友人依然服官則往彼必能得力星洲若得源水秋霞與漢民協力運動成勤亦有可期

兄以知己無多專志於納閩自是辦法茲查出該地同志姓名並略爲介紹書一通去察收雲濤爲炭山土庫
偉廷亦有勢力者推

兄更能得他之同情者則尤佳

兄往該埠見貴友時不必提及捐款之事而利用其交情使人傾動則妙矣關丹林明武叨俱有同志而林明
武叨近日間更有進步夢生兄既有親朋則爲公事一行尤佳茲並將三埠介紹信附上即乞 夢生兄前往
辦理漢民明日即往日厘大約須一禮拜始至由太平頃維往星途中當詣芙蓉與

兄敘晤餘事已詳前函文表等則交妥矣專此奉覆即頌

偉安

此書繕畢與漢民論及關丹林明武叨同志久未通信現時辦事人名及機關所在均須查悉始付夢兄
而利運動想夢兄稍待俟漢民出星查得後將介紹信寄呈再往更佳也

又及

弟孫文謹啓西十一月廿八號

庚戌（一九一〇年）再赴歐美途中致鄧澤如等書

澤如
夢生

並列位同志仁兄大鑒弟以十二月六號發檳城十號晚行抵高浪堡埠寄泊數時即又動程西向此後與南洋相隔以日而遠中途或未便致書必俟抵美或回華後方能再通音問也弟之此行以有特別之外交問題須往英京及預計南洋之欸恐難足十萬有誤大舉之期故順此趕速赴美向華僑籌足此數以應要需此行想可達目的因近半年來美之華僑開通頗衆而所籌之欸爲數不多當易集事也此間之事望兄等竭力圖之以收分途並進之效漢民兄此時想已會面詳籌一切矣此致並候

列位義安

弟孫文謹啓十二月十號

第 三 集

庚戌（一九一〇年）再赴歐美途中致鄧澤如等書

二

庚戌（一九一〇年）致滔天宮崎萱野各書

（一）滔天先生大鑒弟於去夏到貴國既不能居留不得已而往南洋然彼中無大可爲故再往米國爲革命之運動此地甚自由可以爲所欲爲也惟有所不便者則去中國太遠交通甚費時日耳倘先生能設法向陸軍大臣處運動能得許我到日本居留則於交通北洋陸軍甚爲利便弟必即時回日本居住也但恐貴國政策已變既吞高麗方欲并支那自不願留一革命黨在國中也如其不然則陸相之運動必能有效也弟將以此而占貴國之政策焉接信望即賜回示並時時將貴邦時事政情詳示俾知東方時局之變遷幸甚前寄南洋慰母喪之信已得拜讀感謝隆情此致即候

大安不一

萱野君統此問好

弟孫文謹啓

（二）宮崎先生大鑒正月十八日來函並東亞義會會則一紙接讀之下喜極欲狂寺內陸相陸軍將校及民間人士既如此表同情於支那革命之舉則吾事可無憂矣近者英米兩國政府人民俱大表同情於吾黨有如佛國之態度惟英米政府皆疑日本有大野心欲併吞支那者也弟以貴國政府不容居留一事證之亦不能不疑貴國之政策實在如是今見東亞義會發起人多故交舊識心稍釋焉惟未知民黨之力能終勝政府之野心否

第 三 集

庚戌（一九一〇年）致滔天宮、萱野各書

二

弟甚欲再到橫濱駐足如能有法與政府交涉得其允許實爲至幸望 先生及犬養頭山兩翁代爲竭力圖之無限切禱

弟在米所謀機局甚佳不日當可達目的也匆匆此致即候

大安不一

犬養頭山兩翁統此問好

弟孫文謹啓二月十五日

（三）滔天先生足下久未通問夢想爲勞比接克強兄來書述 足下近況窮困非常然而警吏欲賄足下足下反迎頭痛擊之克兄謂 足下爲血性男子困窮不濫廉節可風要弟作書慰謝弟素知此種行爲固是 足下天性無足爲異然 足下爲他人國事堅貞自操艱苦備嘗如此吾人自問慚愧何如弟以此事宜之同志人人皆爲感激奮勵則此 足下天性流露之微已有造於吾人多矣弟安能已於言佩謝耶自與足下握別之後事變萬端革命軍曾於防城南關河口三舉皆未能一達目的無非財力之不逮布置之未週故自河口以後已決不再爲輕舉欲暫養回元氣方圖再發乃自虜喪帝后之後各省人心爲之一變無不躍躍欲動幾有不可終日之勢惟遇吾人財力極乏不能乘時而起殊爲可惜

弟近接歐洲一名商來信云經濟計劃有機可圖問弟何時可到歐洲商議其事此言想非欺我弟本欲早日就道苦以旅費無着難以成行刻已四向張羅日間或望有一路得手倘弟歐洲之經濟計劃可通則其他問題可以迎刃而解而吾人窮苦一生之願力亦有日能酬矣此想 足下所樂聞弟敢預爲告慰也此致

總 理 全 集

卽候

大安

弟孫文謹啓三月二日

(四)滔天兄鑒弟病氣已消今日已出外游行以吸清氣而抒體魄某君前日來見時弟已應言盡言倘能如弟言去辦則於中國前途大有補益也餘則非弟力所能及似可毋庸再見此覆卽候

大安

中山敬覆四月一日

(五)宮崎先生大鑒近聞 先生貧而病弟心殊爲戚戚然客途無力愛莫能助也故久缺音問今僅奉寄日銀百元托橫濱永新祥商店林清泉君代交祈爲察收知杯水車薪莫能濟事不過聊表區區而已幸爲愛照弟近日遍遊加拿大所到頗蒙華僑之歡迎不日當能大達目的也可爲告慰日本近事如何請時時詳示俾得週知一切幸甚此致卽候

大安

夫人公子各人並此問好

弟孫文謹啓四月一日

(六)宮崎先生大鑒前兩月弟曾寄日銀百元托橫濱永新祥商店林清泉君交來未知得收到否弟近日由加拿大到米國明日往米京專爲見彼政界勢力人士想可得好結果也近聞東京內閣變更未知於對支那政策有改換否弟入日本之問題能否向新內閣再開談判邇來東亞大勢如何日本人心如何趨向請時時詳告俾得有所取資決策犬養頭山等公所發起之東亞義會進行如何附和者衆否亦望順爲示知此致卽候

函 札

三

第 三 集

庚戌（一九一〇年）致滔天宮崎萱野各書

四

大安不一

弟孫文謹啓五月二十日寫

（七）
滔天
萱野

兩先生鑒十月五日來書已接讀感謝弔慰近日吾黨窮極無聊勢難久待不得不出大冒險之策以爲破斧沉舟而速圖再舉也弟今重作歐美之行以十二月六日發途數月內當可東還應期舉事北京軍界近亦歸化大表同情於革命故他日之舉決其有成也 足下日本之運動如何某有勢力之當道已歸國否能否援臂一助務望速爲探實以爲預備之策畫如有好音請爲速示寄信照別紙英文便可此致卽候

大安不一

弟孫文謹啓十一月廿七日

庚戌（一九一〇年）在巴黎將去美國時致倫敦吳稚暉書

吳先生鑒昨日先生之意以爲宜將此事和盤托出解第三者之惑而表世界之公道弟再思之 先生之言甚是而世人之所見疑人者多以用錢一事着眼故將弟所發起之三次革命所得於外助之財開列清楚然此適表出以前助者之寡殊令吾人氣短然由前三次推之則一次多一次矣若明明白白表示於人前使新得革命思想者無此疑惑安知下次不更得多助乎前二次助者無幾無甚可對人報銷之事前年第三次之欸多由外助而出欸之人如南洋各埠則零星合集數萬金當爲千數百人之所出也弟此處未有詳細數目然各欸收入與支出弟在安南時多自經手弟離安南後則漢民經手而受欸分給各處用者則河內之五家字號經手以用於欽廉廣西雲南三地其潮惠之欸則由香港同志經手日本辦械租船之欸則由日本殷實商人經手皆有數目列明除所入各欸尙支長萬餘元（卽河內之欠債）弟所開各處之入欸是大約之數因不記詳細所報皆過多而繼無報少也收欸多由精衛支欸則我與漢民也此事弄清則可破疑惑矣除三人經手之外知各欸之來路去路者尙有多數共事之同志卽今巴黎之張驥先生亦其一也請 先生爲長文一篇加以公道之評判則各地新開通之人心自然釋疑而弟從事於運動乃有成效也

所言事實皆當作第三者之言則較弟之自言者更爲有力也留此以作面談今晚有暇請到寓一敘爲望

弟文字

第 三 集

庚戌（一九一〇年）在巴黎將去美國時致倫敦吳稚暉書

二

所攻者以我得名以我攫利爲言

而不知我之經營革命在甲午以前此時固無留學生爲我吹噓也而乙未廣州之事失敗中國舉國之人無不以我爲大逆不道爲亂臣賊子爲匪徒海盜當時如有陶成章想亦不欲得此等之名辭也今日風氣漸開留學之士以革命爲大光榮之事業而陶輩始妒人之得名然我之初意祇在赴大義行宗旨而與共事之同志亦無不如此不期今日乃有以名而始談革命者此故固屬風氣之開而亦道德之退化也以我爲攫利

而不知我於未革命以前在社會上所處之經濟界中固優勝之地位也若不革命則我之地位必不失而世人所欲圖之快樂我無不得之革命攫利云胡哉且當日圖廣州之革命以資財贊助者固無幾人也所得助者香港一二人出資數千檀香山出資數千合共不過萬餘耳而數年之經營數省之聯絡及於羊城失事時所發現之實跡已非萬餘金所能辦者也則人人皆知也其餘之財何自來乎皆我兄及我所出也又庚子惠州起兵及他方經營接濟所費不下十萬餘萬元所得助者祇香港李君出二萬餘元及一日本義俠出五千元其餘則我一人之籌獲而來也自此吾一人之財力已盡而緩急皆賴家兄之接濟而妻子俯蓄亦家兄任之是從事革命十餘年以來所費資財多我兄弟二人任之所得同國人及日本人之助者前後統共不過四五萬元耳若謂我以十餘年之時間而借革命以攫取他人四五萬之資則我前此以賣藥行醫每年所得亦不止萬餘元此固港粵人人所共知共見也而其他之事業投機取利者猶過於此也若爲圖利計我

總 理 全 集

亦何樂於革命而致失我謀生之地位去我固有之資財析我兄已立之恆產耶（兩年前家兄在檀已報窮破產其原因皆以資助革命運動之用浮錢已盡則以恆產作抵借貸到期無償爲債主拍賣其業今遷居香港寄人籬下以耕種爲活而近因租價未完又將爲地主所逐乃陶更誣以在九龍建洋樓夫家兄本爲地主實業家者非我從事革命以耗折之則建洋樓亦尋常事陶等何得多言）此庚子以前我從事革命事業關於一人得失之結果也

自庚子以後中國內外人心思想日開革命風潮日漲忽而萍鄉之事起人心大爲歡迎時我在日本財力甚窘運掉不靈乃忽有他方一同志許助五萬金始從事派人通達湖湘消息而萍鄉軍已以無械而散矣（此事不過乘一時礦工之變而起初未謀定而動故動他方同志多不及助是以不支也）惟有此刺激人心已不可止故定計南行得日人資萬四千元及前述所許五萬元以謀起義初從事潮惠潮黃岡以未期而動事遂不成惠七女湖倉猝應之亦屬無功吾人遂轉向欽廉與該處軍隊相約遂破防城圍靈山惟此時所有之資以買械而盡而安南同志雖陸續集欸以助軍需精衛又親往南洋籌資惟所得不多欽軍統領終以資少不肯如約反正欽事遂不成吾人轉破鎮南關砲台以促欽軍之動事又不成我遂出關而入安南過文淵爲清偵探所悉廣西官吏托龍州法領事到安南查我蹤跡知我寓某街洋樓密告清政府與法政府交涉逼我退出安南我遂往星加坡我到星加坡後則河口之事起占據四砲台誅彼邊防督辦收降清兵陸營本可進取據有全滇惜當時指揮無人糧食不繼遂退自潮洲惠州欽廉鎮南河口五役及辦械運動各費統共

庚戌（一九一〇年）在巴黎將去美國時致倫敦吳稚暉書

四

所用將近二十萬元此欸則半爲南洋各地同志所出爲革命軍初次向南洋籌欸者今計開由精衛向荷屬所籌者約三萬餘元向英屬所籌者萬餘元共約四萬元向安南東京及暹羅所籌者約五六萬元我手得於上述之同志五萬元得於日本人萬四千元河內欠債萬餘元此各項之開支皆有數目皆有經手除梁秀春自行驅去五千及累去船械費數萬又一人驅去千餘及陶成章用去一百此外之錢皆無甚枉費自我一人於此兩年之內除住食旅費之外幾無一錢之花費此同事之人所共知共見也而此期之內我名下之錢撥於公用者一萬四千元家人私蓄及首飾之撥入公用者亦千數百元此我攬利之實跡固可昭示於天下也又以東京同志以官費摺作抵貸錢責我不代籌還此誠我罪矣然家兄亦因以家產作抵而致今日之破產此亦我罪也河內五家作保之萬餘元至今猶未還亦同爲我罪也然此時則無如之何之際聞陶現在南洋托革命之名以斂錢亦爲不少當有還此等債之責也何不爲之

又謂在南洋有出保護票之事此乃荷屬一隅同志所發起行之本屬自由行動至成效如何我全未聞之亦無從代受責任也而陶成章亦在南印發票布四處斂錢且有冒托我名爲彼核數其不爲棍騙乎其無流弊乎問陶成章當自知之今乃責人而不自責

庚戌（一九一〇年）由南洋至歐洲又到美國時致吳稚暉書

稚暉先生鑒到美後已奉一函想已收到先生來示並轉寄來之港函已得收到有勞多謝新世紀尙未見寄到未知已出版否美洲東方一帶自弟抵埠以來似覺有動機或能有漸入佳境之望也學生中亦有十數人贊成革命事業者弟擬從新組織團體若有成效當另詳報以便在歐洲亦可仿行而擴張勢力也此致
卽候

大安不一

弟孫文謹啓 西十一月廿五號烏約發

庚戌（一九一〇年）甫到美國致吳稚暉書

稚暉先生鑒西十一月八號早晨行抵鳥約登岸時亦幸無阻難可爲告慰到埠後已見得二三舊交相談頗歡惟同志尙未多見能否從事聯絡尙不得而知美國政客現皆在華盛頓鳥約所欲見者二人一已於兩月前作古一於前禮拜往歐故祇見其代理者二人雖甚歡接然未能深談也聞美西金山等處華人思想頗開惟被陶布散傳單之後新得革命思想之人對於弟之感情大不善非多少時日未易解釋此種疑惑最妙莫如由新世紀用同人字樣作一函致美西四報館卽「大同」「美洲少年」「中西」及雲哥華之「華英」及檀香山三報館「自由」「民生」「大聲」作爲同業互通消息之誼將陶信內忌功爭名爭利及煽人行殺於弟之口聲之無理處指出並下以公平之評判當較新世紀已言者略詳及勸報中同業不可誤聽一面之詞如外間有人疑惑當按公理解釋維持人道等語此函當由巴黎寄發及蓋新世紀之印據如此則必爲力甚大倘各報館能維持公論則誹語不能遙惑也有新世紀報論更有專函則此事可以銷釋弟不用自解矣請 先生費神爲之弟現住鳥約久暫尙不能決如有賜教請函寄如左此處較前之收信處更爲秘密妥當也此致卽候

大安

弟孫文謹啓西十一月十二日

庚戌（一九一〇年）在美致吳稚暉各書

（一）稚暉先生鑒十一月廿二及廿六兩函並港信及新世紀已得收到新世紀所評陶言甚當而公見者當無不明白可以毋容再發專函於報館矣且東京同盟會近已有一公函致各報館想此亦足以解各人之惑矣近得東京來信章太炎又發狂攻擊其所言之事較陶更爲卑劣眞不足辯陶之志猶在巨欸不得乃行反噬而章之欲則不過在數千不得乃以罪人陶乃以同盟會爲中國而章則以民報社爲中國以民報之編輯爲彼一人萬世一系之帝統故供應不週則爲莫大之罪民報復刊不以彼爲編輯則爲僞民報茲將章太炎檢舉狀寄上一觀此眞卑劣人種之口聲也聞太炎此狀一出則寓東京之人士無黨內黨外皆非之云此足見公道尙存於人心也可否再下公評於新世紀一聽高見裁之

際此胡氛黑暗黨有內鬩誠爲至艱危困苦之時代卽爲吾人當努力進取之時代也倘有少數人毅力不屈奮勇向前支撐得過此厄運則以後必有反動之佳境來也靜觀美國華僑之人心自保黨瓦解人有趨向革命之勢惟所阻礙者卽各埠先覺之士皆受陶謠一時不免疑惑故不能驟得彼等之協助耳俟此惡潮一過則人心必能再合此邦尙有華僑七八萬可引導而從革命者當有一半此亦不無可爲也此地一有基礎則加拿他中美南美古巴等處之華僑必有望風來付者也爲今之計欲從漸以蓄養革命黨之勢力捨此必無他法矣如有進步再報

弟文啓 西十二月四號

第 三 集

庚戌（一九一〇年）在美致吳稚暉各書

二

（二）稚暉先生鑒前寄上一函並附入太炎之日華新報論文一篇詢 先生可否再下公評今得星加坡來信云太炎此論已登於保黨之南洋總匯報且大加痛擊此其立心破壞黨事已不留餘地自不能不與之辯論是非矣請 先生務於下期新世紀再加傍觀之評論使人一見曉然不爲所惑爲好因太炎向負盛名且有上海下獄一事爲世所重彼所立言若不有匡正其失則惑人必衆也請 先生裁之此致卽候大安不一

弟孫文謹啓 十二月十三號鳥約發

（三）稚暉先生鑒前寄上太炎登日華新報之檢舉狀一則想或已加公評於新世紀矣近見星洲來信云此文又登於星洲保黨之南洋總匯報如此則太炎欲破壞黨勢之心已不留餘地想不日美洲各保黨報必有照登不可不有以抵之如 先生前未理會此文望於來期新世紀全錄之而加公評指出其謬以解人惑又弟於到各處如遇有人質問必歷言太炎爲人之狀以對並望先生將劉光漢發露太炎同謀通奸之筆跡照片寄與弟用以證明太炎之所爲庶足以破其言之效力因海外革命志士多以太炎爲吾黨之泰山北斗也非有實據以證彼之非則類於相忌之攻擊弟不欲爲也並附上重行一信及信封一個祈爲轉交此致卽候

大安不一

弟孫文謹啓 十二月十六號波士頓發

（四）稚暉先生鑒今日發一函請將太炎與劉光漢同謀之拍影筆跡寄與弟用一時未有提及寄至何地恐照信面地址寄至波士頓則不對也故再草此請 先生將此件寄往金山大埠留交便可住址另列弟

總 理 全 集

於禮拜一卽十二月廿一號則從波士頓反鳥約在鳥約頂多再住一禮拜便往華盛都住一禮拜便當直往金山大埠矣此候

大安不一

弟孫文謹啓 十二月十六號晚

函
札

一

辛亥（一九一一年）黃花崗起義前致李源水鄭螺生書

（一）源水盟兄足下啓者澤如夢生兩兄來函知我兄於此次之計畫極力贊助並允出親爲勸捐尤所深感兄等既肯效包胥之苦計弟敢不決魯連之志以酬公等乎抑有進者此番決心係由得力各同人默察時機已熟咸願犧牲身命以與虜拚命軍界之人更爲激烈前歲土耳其之革命上月葡萄牙之成功主動力皆原於此我今既具有此雄力安忍聽其軀肉相搏不爲預備以喪我志士乎此澤如兄等所爲發慈悲施願力以爲之者也我兄洞明時局尤切大義知交既廣貿易亦隆必能設法籌措鉅款以成此破釜沈舟之事今試遊法之巴黎美之紐約華盛頓等處其銅像峨峨高出雲表受後世國民之崇拜者豈盡當日之疆場戰士耶當知其中爲破棄財產以充軍實者居其大半古語云不有行者誰捍社稷不有居者誰資糗糧今弟等爲行者自願身當槍劍惟賴兄等爲居者有以提携之則中國事大可爲矣千祈鼎力爲幸叨埠之行至期當再函約沈聯芳兄素熱心黨事聞與兄交情最厚兄若相勸必可得其助力特此先佈卽請

大安

弟孫文謹啓西十一月二十號

（二）源水螺生兩兄惠鑒前者本約弟到星洲與兄共爲運動籌款之事茲因有緊要問題日間卽須動程親往歐美故弟不能分身到星洲前已電招漢民兄來此已至檳埠當令到坎羅同出星坡協辦一切至弟往歐美行動甚速可及期返來今幸南洋籌款之事已有頭緒兄等力任其難則成效必大總之光復之舉在

辛亥（一九一一年）廣州之失役敗後自美洲致各同志書

澤如仁兄並各同志均鑒三月廿六日來書已得收讀足見苦心勞力爲國奔馳欽佩無極也按以來信之時計之去省城失敗之時不過三四日耳追憶當日何以爲情弟亦不勝萬千感慨也然事雖失敗而其爲影響於全世界及海外華僑實非常之大由此所得之效果亦不可勝量以區區十餘萬而做出如此驚天動地之事使吾黨之聲勢飛騰千丈亦甚值矣弟敢決此次失敗之因必定生出他日成功之果也從此之後所謀內外欸路皆易入手弟現在開始經營數路想當有一可成惟時之遲速不得而知耳此足爲告慰者也

又經羊城一役之後外交亦易入手弟曾着人直說美國政府皆大表同情今已使人往英以說彼中權要想必能得當法國政府則向已有通情者也如是吾黨今日可決英美法三國政府必樂觀吾黨之成事則再舉之日必無藉端干涉之舉且必能力阻他國之干涉也此又外交之路因羊城之影響而收效果者也金山致公總堂雖係洪門以反清復明爲宗旨然向多老朽頑錮向無進取之氣故嘗與吾黨之少年勇進之輩積不相寧數月之前猶反對同盟會之籌餉美國華僑十居八九爲洪門之徒致公總堂一反對籌餉則雖熱心革命者亦不敢前故以美國華僑之數所集不過萬餘港銀遠不及加拿大少數華僑之捐款乃至羊城一役之後見吾黨志士捨身赴義英勇絕倫則頑錮老朽之輩亦因而奮感今致公總堂已發起籌餉現已設立籌餉局以專責成想不日必能大收效果也此又羊城失敗之影響也茲付上致公堂籌餉章程一閱弟於月

第 三 集

辛亥（一九一一年）廣州之役失敗後自美洲致各同志書

二

內此處籌餉局規模大定之後當再往東美今冬或再往歐洲以辦外交要件而回東之期尙未定也

南洋人心想亦必以此次之失敗而愈增奮勵也望 兄及各同志竭力維持已聯之人心並鼓吹初醒之民氣倘得合大羣集大力以南洋美洲華僑之財力以濟內地同志之所需自無不足而成功之期決其不遠也幸共勉之

弟家人住榔家費向由榔城同志贖資供給每月百元自弟離榔之後兩女讀書家人多病醫藥之費常有不給故前後兩次向港部請撥公款然此殊屬非宜實不得已也自港款撥後則無向榔城同志取費蓋每月由金慶君散向同志收集亦殊非易事常有過期收不齊者此亦長貧難顧之實情也雖曰爲天下者不顧家然弟於萬里奔馳之中每見家書一至亦不能置之度外常以此縈擾心神紛亂志氣於進取前途殊多窒礙敢請 兄於榔城外之各埠邀合着實同志十餘二十人每人任五元或十元按月協助家費以紓弟內顧之憂而減榔城同志之担任以榔城同志之供給已過半載未免疲勞倘 兄與他埠同志能分擔實爲至感此候
大安不一

弟孫文謹啓西七月十八號金山寄

辛亥（一九一一年）由南洋再赴美國後致吳稚暉書

稚暉先生大鑒頃讀來示並致伯耀君函驚悉篤生君有投海之慘劇殊深悲悼弟觀篤生君嘗具一種悲觀懇摯之氣然不期生出此等結果也夫人生世間對於一己方面此身似屬我有行動似可自由然對於社會方面此即社會之一份子亦不盡爲我所有也倘犧牲此身不有大造於社會者決不應爲也楊君之死弟實爲之大憾焉

自羊城失敗後黃君堇午亦生一憤憤不平之氣決欲行個人主義以與李張等賊拚命吾黨同人聞之無不大驚失色恐再演精衛君之悲劇於是各埠函電紛馳以勸阻之切勿行此茲得黃君覆電謹錄於左

『少年學社及中山致公堂並轉芝加古電函悉弟行此以粵事非先破壞急難下手且不足壯黨氣酬死友今遵諭先組織四隊按次進行惟設機關及養恤費甚鉅茲李準雖傷須再接再勵懇助萬五千元電中國報收乞覆興』按此電先敍彼欲行個人主義之理由次曰今遵諭即允從各埠同志函電之勸阻也蓋黃君一身爲同志之所望亦革命成敗之關鍵也彼之職務蓋可爲更大之事業則此個人主義非彼所宜爲也故未接此電之前此間已有兩同志趕回欲代彼行此也今彼欲組織四隊按次進行大爲同志所贊成昨日已勉匯萬元尙差五千元弟另發函檀香山請將餘款電匯大約可得千元若石君蘅青能速電匯楊君遺款則所差者不過三千元便能足萬五千之數矣黃君實仍居香港惟此事當千萬秘密爲望石君電款可着他

第 三 集

辛亥（一九一一年）由南洋再赴美國後致吳稚暉書

二

由倫敦直電香港中國報收電匯後宜即發一電報通之黃君可用吾黨之秘密A字電碼發去（此碼弟過英時似曾留下一本在 先生處或石君處）如無此碼可用中國電報明碼云電某銀行若干元請交克強（勿用姓）收便可弟於西九月二號離金山往美之北中各省兩月後可再抵紐約通信請照上地址寄便妥此候

大安不一

弟孫文謹啓西八月卅一號

石君衡青統此不另

辛亥（一九一一年）在美致吳稚暉各書

（一）稚暉先生鑒十二月廿一來函已得收讀領悉一切據最近漢民兄來函亦云章氏托瘋癲以行其詐近日之所爲真屬忍無可忍云此可見與 先生之意有不約而同矣 先生欲將彼之行爲術詳爲發覆以正人心甚善甚善此文登報後請各寄二三十份（前號駁陶之件亦請補寄）與紐約並波士頓兩致公堂爲望美東人心大局漸有轉機倘得有人鼓吹之必能成一大勢力也美西想亦有同此景象惜一時有章陶之流言略有小阻耳然無甚大礙弟一到其地必能掃清之望先生同時在新世紀多發闢邪之言以爲助力弟准此禮拜內往金山一帶因有西友電催速與往商大問題或得意外奇逢未可知也到時再報此候大安不一重行兄同此候好

弟孫文謹啓西正月三日紐約發

（二）稚暉先生鑒弟已於十九號午安抵紐約惟沿途海上風波甚惡暈船殊苦爲向來所未遇幸今已過美地情形頗佳目的想可達也弟明日發程往西方效果如何容俟再報匆匆此致即候大安

弟孫文謹啓正月二十號

（三）稚暉先生大鑒弟自離紐約入美西以急於籌款接濟軍用之故日不暇給不能致書前禮拜抵雲哥華則事更匆忙至今日始有片時執筆茲有要事欲對 先生言者弟到金山大埠此間少年之士多以新世紀爲金科玉律殷殷存問 先生弟以在英杜門着書對而少年中國報切欲延致 先生爲之主筆彼等

第 三 集

辛亥（一九一一年）在美致吳稚暉各書

二

想早已有信來請矣而更托致書必期 先生之惠臨弟思南北中美三地有華僑不下數十萬人近皆思想初開多歡迎革命之理者若得 先生之筆以發揮之必可一華僑之志也此事關係於中國前途甚大弟切望 先生爲大局一來美洲千萬勿却少年中國報願奉月脩六十元美金只欲 先生主論說一門日不過千餘字以 先生順手揮來大約不過一打鐘之時其餘尚有暇時以致力於著作也此間居住於華人亦頗便貴眷可以同來於世兄等入學讀書亦有適宜之地 先生何時能來並需旅費若干請詳細示悉少年中國報當爲設法早日奉寄也此致卽候

大安不一

弟孫文謹啓 西二月十二號

（四）稚暉先生大鑒二月廿二日來函已得收到弟近在加拿大西隅之雲高華域多利兩埠及附近數處經營籌欸一月有餘已得所需之半數今尙差一半當往加東各埠籌之加屬行完則再入美國大約一月之後可再入紐約飛島之行尙在無期必俟美國經營之後乃能往也

謝君言精衛之事想是傳聞弟最近得胡展堂來信云近有人入獄見之三人中精衛獨寬鐐鎖在內頗能自由看管者大都可以利使若有錢當不難設法逃脫云現與精衛同事之人已親入北京設法等語觀此則精衛事尙有望也 弟昨日由雲埠東行沿途停留昨晚到 Kamloops 此地有華人四五百甚熱心贊成革命弟擬停此一日明早卽往別地今乘有片時之暇草此數行奉白並候

大安不一

弟孫文謹啓 西三月二十日

總 理 全 集

辛亥（一九一一年）由美回南洋時致吳稚暉書

稚暉先生鑒久未致候遙想旅況多佳弟自抵美西及檀香山二地大蒙華僑歡迎此皆多新世紀 先生辯護之力也弟在該二地已聯絡團體約有千四五百人將來大可進步弟本欲久留該處以圖黨勢之發達乃以祖國情勢日急恐再蹈羊城覆轍故急於東回在日本住有兩禮拜旋於西六月廿五日離日本七月十一號抵星加坡十九號由星乘德郵船往檳榔嶼會同志謀議要件大約一二禮拜當回星埠作略久之寄寓請先生時時賜教爲幸

吾黨今日有一急要問題必須設法解決者爲謀救精衛之事今外間已有担任之人惟苦不詳悉北京近情及精衛在囚之地故先當調查確實乃可行事此必靠北京官場同志乃能爲之此間同志已各就所識請爲盡力然猶恐耳目未週今再 先生就歐洲同志密商如各有所識可靠之人在北京者皆望托之查探現在精衛被囚之法部衙門地方及看管之人詳細情形如何並請他等代爲籌思有何妥法可以救出如查得實在情形及想出妙法望即函示弟知並香港展堂君知爲禱此候

大安不一 李君褚君統此不另 弟高野謹啓 七月二十號

第 三 集

辛亥（一九一一年）由美回南洋時致吳稚暉書

二

辛亥（一九一一年）旅歐途中致宮崎萱野各書

（一）宮崎先生大人足下日前寄英國之書久已收讀欣聞各節所以遲遲不答蓋因早欲東歸諸事擬作面談也不期旅資告乏阻滯窮途欲行不得遂至久留至於今也茲定於六月十一日從佛國馬些港乘 Onkin 號佛郵船回東過南洋之日或少作勾留未定否則必於七月十九日可以到橫濱矣相見在邇不日可復與先生低掌而談天下大事也謹此先布幸少待焉餘容面述即候

大安不一

六月四日寫於佛京巴黎旅館

各同志並祈問好

弟中山謹啓

（二）宮崎先生大鑒弟今由桑港到些路 Seattle 港將轉而往米東十月底可到牛育 New York 矣其後或往歐或過回西米俟到牛育後乃定也近聞日本已換內閣西園寺之政策如何對於支那革命黨取何方針可詳以告我否並望再托木堂先生向新內閣重開交涉請求弟能入日本之便宜如蒙政府允肯請先生速告我我以後之通信處如別紙所載切盼好音此致即候

大安

弟孫文謹啓九月十二日

（三）萱野先生鑒民國統一成功弟亦息肩念我故人盡瘁民國之事窮且益堅百折不懈而日來適館授餐禮猶未備私意殊未愜茲特倩溥泉兄賁上三千元一饋

第 三 集

辛亥（一九一一年）旅歐途中致宮崎萱野各書

左右非敢以爲報伏祈

惠納專候

起居

二

孫文

辛亥（一九一一年）由歐返國時致鄧澤如之書

（一）澤如先生執事承遠道出叨一敘感慰可知惜話別匆匆末由暢談頗以爲憾國內情形抵滬後當詳細奉知將來或有電請 先生回國帮忙幸勿吝玉自接此信之後祈即預備一切隨時可行爲佳弟華明日過港附此卽候

台安

各同志均此恕未另函

弟孫文謹啓西十一年十二月廿號

（二）澤如先生大鑒啓者客秋風雲變幻波濤險惡滬上志士所以有中華銀行之組織也開辦以來救市面之恐慌濟軍旅以餉精勉經營將屆一載頗邀中外之企仰邇日營業發展方謀再求推廣爰於七月之季會衆議決就已立之基改爲完全商辦重訂章程力加擴充並推文爲本行總董任以提倡進行之責際茲國基大定商戰方殷銀行操金融之樞紐爲振商之要品關係國計匪屬細微文不敢不兢兢而受事且值吾國工商實業尙在萌芽輪電路鑛發端伊始惟自有銀行始得借貸推移之便方無艱難窒礙之虞洵乎銀行之推廣刻不容緩也招股員王君奕友日前順道赴閩卽蒙福州商會電認股洋二十萬元海內外各埠亦均極端贊成則基本雄固信用愈昭中華銀行不難成民國中最強大之銀行也

執事僭居異地思念國事夙抱熱腸用敢以義務相挽爲特附奉章程至祈督閱務乞

第 三 集

辛亥（一九一一年）由歐返國時致鄧澤如之書

二

執事担認本行招股員席以資策勵尙希鼎力提倡設法鼓吹並請諄告僑寓諸同胞須知中華銀行爲民國開幕之第一銀行與國同休戚亟應羣策羣力共促進行想我

公之熱忱定荷許爲

玉成也茲特派王君奕友來

前並囑伊會同

執事與陳武烈君就南洋各埠廣招勸募共襄盛舉所有一切手續統俟王君詣前詳述益懇賜以金針指示一切不勝企感之至肅此敬頌

公安

孫文

辛亥（一九一一年）武昌起義後由美到英訪吳稚暉於倫敦所

留之緘

稚暉先生大鑒弟今午從美抵英行動主極端秘密今晚八點到訪聞 先生與張君出外不遇爲悵明晚此時（八點）再來訪請留寓一候爲幸

近日中國之事真是中央大國民之風從此列強必當刮目相見凡我同胞自當喜而不寐也今後之策只有各省同德同心協力於建設則吾黨所持民權民生之目的指日可達矣 弟文謹啓

第 三 集

辛亥（一九一一年）武昌起義後由美到英訪吳稚暉于倫敦所留之誠

一

民國元年致袁世凱辭大勳位書

頃葉君恭綽自京來滬携有關下惠賜之大勳位證書此件文始終不敢領受其理由既於前次電文內詳之今尤有不能已於言者賞位固國家應行之典惟當今國家基本未固尙非國人言功邀賞之時國家所認以爲功者個人方將認爲一己對於祖國所當盡之義務而無絲毫邀賞希榮之心文不敏竊願以此主義爲海內倡此文不欲受此勳位之故也文於乙未年始起革命軍於廣州庚子丙午兩年繼之三次之事皆文親身之所主持而皆無所成同志之以此犧牲其身命財產者甚衆此後各處革命之起大概皆與文有關係而同志之損失其身命財產者極衆故若因此行賞則被賞者其數當甚衆而不可勝計文實無一人獨受榮異之理若此次革命之成功則直全國人心理南北將士和衷之所成就文更無可褒異之處若文徒圖一己之殊榮則歷年共事之人死者不計生者今尙多流離失所者文將何以對之此文不敢受此勳位之故也自文由南京政府解職以來識與不識其以公私關係來求金錢之補助者每月必有百數十起其有關公益者文均量力補助其純屬私人關係者文均一概拒絕以中國人民今日之窮困情形博施濟衆堯舜猶病若文既受勳位及所附年金是文因革命而得金錢則曾經從事革命者以私人之關係前來求助文將無詞以對而有應接不暇之勢此文不能受此勳位之故也若閣下於文個人欲有加惠則竊有一事奉告文有一男名科已入美國大學一媳陳氏又有二女名姪及婉皆在美洲中學據留學章程後三人尙無受官費之資格欲

民國元年覆參議會論國旗書

貴會咨來議決用五色旗爲國旗等因本總統對於此問題以爲未可遽付頒行蓋現時民國各省已用之旗大別有三武漢首義則用內外十八省之徽誌蘇浙則用五色之徽誌今用其一必廢其二所用者必較此爲最良非有絕大充分之理由不能爲折衷定論故本總統不欲遽定之於此時而俟滿清既亡民選國會成立之後付之國民公決若決定於此時則五色旗遂足爲此較最良之徽誌否殆未易言（一）清國舊例漢軍以五色爲一二品大官之旂今黜滿清之國旗而用官旗未免失體（二）其用意爲五大民族然其分配代色取義不確如以黃代滿之類（三）既言五族不平等而上下排例仍有階級夫國旗之頒用所重有三一旗之歷史二旗之取義三旗之美觀武漢之旗以之爲全國之首義尙矣蘇浙之旗以之克復南京而天日之旗則爲漢族共和黨人用南方起義者十餘年自乙未年陸皓東身殉此旗後如黃岡防城鎮南關河口最近如民國元前二年廣東新軍之反正倪映典等流血前一年廣東城之起義七十二人之流血皆以此旗南洋美洲各埠華僑同情於共和者亦已多年用外人總認爲民國之旗至於取義則武漢多有極正大之主張而青天白日取義宏美中國爲遠東大國日出方東爲恆星之最者且青天白日示光明正照自由平等之義著於赤幟亦爲三色其主張之理由尙多但本總統爲非於此時決定則可勿詳論因而知武漢所主者亦有完滿之解說究之革命用兵之際國旗統一尙非所急有如美國亦幾經更改而後定現所行之旗章故本總統

函 札

一

民國元年覆民生國計會贊成移民就墾書

民生國計會總部諸公大鑒手書具悉移民就墾增益田賦等事其旨甚偉惟事關國政應由議院與政府雙方主持僕未便以個人名義逕向政府商議貴會宗旨與此事性質甚合祈努力鼓吹以收倡導之功於民國前途大有利益也

孫文

第 三 集

民國元年獲民生國計會贊成移民就墾書

二

民國元年覆女界共和協贊會書

來書具悉天賦人權男女本非懸殊平等大公心同此理自共和國成立將合全國以一致進行女界多才其人同盟會奔走國事百折不回者已與各省志士比美至若勇往從戎同仇北伐或投身赤十字會不辭艱險或慷慨助餉鼓吹輿論振起國民精神更彰彰在人耳目女子將來之有參政權蓋所必至貴社員等才學優美并不遽求參政而謀聯合全國女界普及教育研究法政提倡實業以協助國家進步願力宏大志慮高遠深堪嘉尚所請開辦女子法政學校應由該社員等呈明教育部核奪辦理並由本處撥助五千元爲該社擴充公益之用該社員等宜力行無倦以光吾國而促進步至女子應否有參政權定於何年實行國會能否准女界設傍聽席皆當決諸公論俟咨送參議院議決可也此復并候公益

孫文

第 三 集

民國元年覆女界共和協贊會書

二

民國元年要求自由禁烟主權致英國國民書

鴉片於中國乃數十年來一大害也其流毒之禍視諸兵戰瘟疫饑荒有過之無不及者方今共和成立
敵國人民無不熱心廣續烟禁急望其速底於成鄙人解任之後亦時常耿耿於禁烟問題而反覆深思之知
禁烟之第一要者固在全國禁種然如不於禁種之時同時禁賣則禁種之令極難施行蓋今日烟價倍增倘
復容人售賣蚩蚩之農必嗜利種烟以中國幅員之廣大時局之多艱不禁賣而禁種甚非易易故必禁賣禁
運然後禁種一事始可望其實行也奈昨年中英訂立鴉片新約與禁賣禁運大有妨礙使我國禁烟一政陷
於進退維谷荆天棘地之中諒非貴國仁人志士之初心也曩者貴國仁人志士協助敵國禁烟感激之忱久
已銘諸肺腑今復掬我仁慈心公義心懇求貴國人士於我國更新之始還我自由禁烟主權俾吾人能剷除
此至酷至烈之毒物而出我人民於孽海焉余確信我國如有權以禁賣其禁種一事定能速具成功故不憚
代四百兆同胞向大英國國民作此呼籲之求也

孫文

民國元年致南洋同志書

南洋諸同志公鑒文以國事奔波久未脩函問候心甚歉然茲有數事堪爲諸同志告者一文歸國之初祇經歷南方諸省迨共和告成國基粗定卽解大總統之職將實行民生事業然論者謂共和形式雖具規模南北猶存意見大局尙不足恃者顧文於前月漫遊燕晉齊魯間見北方人士之傾向共和實有真意不過於行事上新舊之見一時難除彼此遂有悞會文所到之處深受各界歡迎皆有相見恨晚之態度經文數番勸解衆皆翕然從風而南北意見之疑團至此乃渙然冰釋嗣後一道同風共趨正的國事當日有進步也二同盟會改組政黨之後黨勢日見發達而共和黨勢力差堪相埒時因黨見之不同國事頗受影響近有數政團與同盟會政綱相和協同併合定名爲國民黨業於八月間開成立大會設本部總機關於京都時適文抵京之日故得躬親其盛惟思政黨天職在恪守黨綱觀察國情以舒展國民意旨種種應付當剔除偏見一以國家爲前提黨德清澄黨勢必日臻強盛今國民黨基礎已定勢力已宏此後當體督大局情形從穩健上相機行事吾國國基未固勢力衰微是猶大病之後不宜遽投劇劑維持之責是在政黨文不敏甚願與諸同志共相黽勉以求持我黨爲國爲民至大至公之名譽也再國民黨本部當然立於中央政府地點凡分立於各都邑者稱爲支部或分部尊處宜卽日改稱國民黨南洋支部爲要三同盟會既改爲國民黨嗣後同盟會名義雖存已變爲歷史的及社會的團體當居於政黨之外間接以求三民主義之發達惟歷年來旣多代表鼎革

第 三 集

民國元年致南洋同志書

二

之功耗無數心血財力及諸先烈之身家性命以恢復神州名物聲威不容磨滅此間諸同志設於上海設立同盟會俱樂部將保存此種之價值以昭示來茲此舉不獨爲吾黨歷史上之光榮實足增民國之莊嚴歆外人之觀聽想諸同志必樂觀厥成也茲附去緣起及啓事一束祈諸同志量力資助以冀集腋成裘襄茲盛舉紀念垂諸永久規模不可不宏也文近承政府委任籌辦全國鐵道事務綢繆措置忙迫異常一俟部署稍清即將遊歷歐美籌資開辦屆時或道經尊處復將與諸同志握手言歡傾禮道故也海天南望神與墨馳諸維亮管

孫文 十月九日

總 理 全 集

民國元年邀容閔歸國書

容閔老先生偉鑒丁此革命垂成戰爭將終及僕生平所抱之目的將達之際遯聞太平洋對岸有老同志大發歡悅之聲斯誠令人聞之起舞然揆先生其所以羈留至此之源想亦因謀覆滿清之專制而建偉大之事業以還吾人自由平等之幸福致有此逃亡異域同病相憐非僅爲 先生已也卽僕等亦嘗飽受此苦乃今差幸天心眷漢胡運將終漢族之錦綉河山得重見於光天化日之下僕何幸如之雖然吾人蜷伏於專制政體之下迄茲已二百六十餘年而教育之頹敗人民之蒙蔽一旦聞此自由平等之說得毋驚愕咋舌耶以是之故况當此破壞後民國建設在在需才素仰 盛名播震環宇加以太智學識達練過人用敢備極歡迎懇請 先生歸國而在此中華民國創立一完全之政府以鞏固我幼稚之共和倘 俯允所請則他日吾人得安享自由平等之幸福悉自 先生所賜矣 先生久離鄉井祖國縈懷量亦不致掉頭而我棄也臨風濡穎不勝鵲盼之至謹此并請
道安

弟孫逸仙上言

第 三 集

民國元年邀容閱歸國

二

民國二年勛南洋各同志書

同志諸先生道鑒久違道範不勝渴想連奉教言猶深感佩十一月廿六日尊函已拜讀再四黨勢之衰本在意料之中亦非奇也夫連結團體亦猶交友然共患艱難共安樂易而患難安樂皆圖與共不因時勢之變遷勢力之消長而有所短長者則尤難矣所以當安樂之時所交朋友一到生死關頭未有不各尋各路者曠觀天下滔滔皆是不能盡責亦不足責也惟我輩既以担当中國改革發展爲己任雖石爛海枯而此身尙存此心不死既不可以失敗而灰心亦不能以困難而縮步精神貫注猛力向前應乎世界進步之潮流合乎善長惡消之天理則終有最後成功之一日即使及身而不能成四億萬蒼生當亦有聞風而興起者毋怯也此次失敗以後自表面觀之已覺勢力全歸烏有而實則內地各處其革命分子較之湖北革命以前不啻萬倍而袁氏之種種政策尙能力爲民國製造革命黨解散國省議會裁撤南方軍隊自以爲此策得矣不知逆天者必受殃害人者終害己此被裁撤之議員兵士能安然不變乎始皇以蓋世之雄內以坑儒焚書外則築長城以逐胡而乃二世而滅袁氏對內則不如始皇之威也其對外則不如始皇之武也而北有蒙古兵逼長城西有回民揭旗關外而宗社黨亦蠢焉思動徒黨輩復合各爭權時局若此烏能久哉惟是我黨既以改革命中國圖民生之幸福爲目的當此四方不靖之時內外交迫之際不特應聚精會神以去亂根之袁氏更應計及袁氏倒後如何對內如何對外之方策諸先生久居海外當必有洞察全球詳觀宇內一念及也張君靜

第 三 集

民國二年勗南洋各同志書

二

江同志中之健者思想識見超越尋前既早赴貴處想已晤及此次失敗之原因當可稍明端緒矣至於經濟一層不特目前無進行之欸卽同志中之衣食亦都不能顧者前日大雪在東之亡命客中竟有不能向火而致疾者弟雖盡力設法救濟而力微不足以遍過此以往苟不圖一長策則殊無以對此血戰中之苦寒同志矣此層務望同志諸先生深慮而力助之言短意長不克備述海風有便再候德音順頌道安伏維洞察

孫文十二月二十日

民國二年爲二次革命捐款事致南洋同志書

南京獨立之際貴埠同志曾匯款五千元赴滬交吳君世榮轉交軍前嗣款到時已取消獨立款遂留吳君手中未有交出致有用之財化爲無用殊負

諸公一片熱誠可否函致吳君囑其交還此間同志流離失所者尙多衣食且不給而彼輩心志堅銳前途有望倘荷

諸公將款撥助接濟尤感

高誼未悉以爲如何手此奉達卽頌

公安

孫文二月初四日

第 三 集

民國二年爲二次革命捐款事致南洋同志書

二

民國三年討袁之役致鄧澤如各書

(一) 澤如兄大鑒頃得

來書具悉壹是已交黨務部居覺生等詳細答覆俟寄上黨章請

爲分致各埠同志近者夫已氏日失人心海內動機四伏歐洲風雲大起無暇東顧國賊所恃爲外債軍器之接濟者已絕其來源此正吾人奮起之機會南方同志近狀如何念念卽頌

大安

孫文九月一日

(二) 澤如兄大鑒弟自去歲以來恢復大業之志不敢少懈茲遇歐洲戰亂無暇東顧袁氏更無後援祇有待斃此時機會更不可失海內同志已預備進行惟以餉糈極絀未能應時發展亟望

兄等在南洋提倡籌款以爲接濟兄於黨內外信用俱優若得振臂一呼事無不濟尤有懇者不審兄能抽身離南洋否弟欲請

兄到東京本部助理黨中財政事務弟視同人中能勝任愉快者莫如

兄也願兄勿辭幸甚茲寄上軍前籌餉章程敬乞

察照着手組織一切既有頭緒卽來東相助至盼更聞陳競存李烈鈞俱有鉅款約數十萬交陳楚楠林義順兩君經營商業不審確否乞密中一調查報知專此卽頌

函 札

一

民國三年討袁之役致鄧澤如各書

二

大安

孫文九月八日

(三)澤如先生大鑒前數日上一書併附有籌餉章程想已

察收頃得麻坡來信知該處分部已照章成立此皆

足下提倡指導之力惟函內言有同志宋淵源到募福建軍債又李濟民募三民實業公司股票此非統一之辦法流弊滋多故望

先生速與各熱心同志發起籌餉局一面指導海外黨員依章辦事其有未經本部承認而人自爲政或省自爲政者俱宜以此曉之前請

先生來東相助爲理能撥冗速來否念念專此即頌

大安

孫文九月十五日

再者港中頗有人私立名義出外籌款即屬同志併未承奉本部命令則一概不能承認請告同志勿爲所惑所有各處欸項俱流匯至東京本部由本部接濟各專任人員以杜紛歧而收指臂之效 文再及

民國三年討袁之役委鄧澤如爲財政部長及南洋籌餉事

(一)澤如我兄大鑒 十月一日手書敬悉

兄一時未能來東仍可爲本部辦事茲即請

兄以本部財政部長名義在南洋募欸則收欸憑據即可由

兄簽發弟原約

兄來東卽爲辦理財政部事務其東京一部職事弟可暫派人代理南洋英荷各屬均望

提倡辦理籌欸事宜此係爲黨擇人幸勿辭避至於償還期限變通辦理自無不可惟各欸必使直匯東京粵

省閩省軍事用須由東京應付既昭統一辦法亦且弟處不能僅顧一方面也專此卽頌

台安

孫文十月二十日

(二)澤如兄鑒今日展堂交來

手書具悉昨報載港電言洪兆麟起兵惠州宣言獨立又十二日約一千革命黨同時襲破五處兵營（或在省城或在佛山）而仲元等尙未有電來或已入內地故消息反較外人爲遲也弟等行動當視粵事如何若粵事尙不能大起有功則弟欲

兄先來東京一行親視此間黨務情形然後再往香港或南洋設立籌餉局選擇妥人担任籌欸至陸文輝處

第 三 集

民國三年討袁之役委鄧澤如爲財政部長及南洋籌餉事

二

伊前將委任狀寄回東京弟加以解釋重復寄之茲請

兄面詢伊得弟信後能否釋然於心如其尙未釋然即請向伊取回委任狀爲荷以後籌餉委員悉歸兄節制委任狀亦要

兄副署各埠人員請

選擇報告前來當即發委狀寄署然後交去也匆匆卽頌

近安

螺生 兄暨各同志均請問訊
源水

孫文十六日

(三) 澤如我兄大鑒得

手示併附來俠黃書誦悉俠自有書來此間祇契闊聯歡之語耳新政前此數月卽有書來言出資助黨以既占有名城大省聲勢赫濯時始能喚起羣情故緩進之說一出卽中其心由

來書所言對付此派人之辦法甚是先使有志者不爲此等言論所搖動最爲要着也

兄辭財政部長之職不徒謙德可欽亦見處事之卓識茲弟爲名實相副起見改請

兄爲南洋各埠籌款委員長如此既無曠事之嫌亦不必更謙讓矣（在程度至高者說祇盡義務無取名義但以之對於普通人則名義不可少故吾人亦尙引度之而不能避也）專此卽頌

大安

孫文十二月廿八日

民國三年致鄧澤如述范鴻仙被殺事

(一) 澤如我兄大鑒茲寄上委任狀一紙即乞

察收現在

兄未來東卽以南洋英荷各屬籌款事宜相託各屬應如何設置局所分派人員均由兄指揮英屬事定則望往荷屬一行因從前我黨以英屬爲本位而於荷屬尙涉疎懈非以兄之人望不能提挈之也前月范鴻仙君在滬被刺范君係安徽舊同志辦事甚久此次担任上海事已運動北軍過半袁賊一方知其勢不可遏乃懸紅暗殺之花紅六萬元其死與宋教仁相類范死同時上海鎮守使捕殺其北來軍士二百餘人蓋皆與范通而担任代表者又埋攻製造局之炸藥亦被發覺上海本與杭州省城事爲一氣范死浙江事亦有頓挫至上月廿日杭州省城破壞機關五處捕去黨人三十餘軍事主任夏之麒(寅卿)亦與焉夏老成負重望其在江浙屢爲武備陸軍學堂總辦與廣東之趙聲相似而勢力尤大其謀浙事已數月一切俱已準備祇以遷延期日(因款不足)洩漏風聲而我重要人乃俱不能出險殊可傷也現在各同志依然奮勵進行僉謂第一次革命雖由武昌起義而實廣東三月廿九之役爲之先革命不思成功之遲早而患死事之無人有此影響有此模範及於各省則革命之成當甚近耳弟意亦如是第二次革命我黨乃無一死於戰事者范君夏君以流血洗前事之辱卽以種將來之果斷非徒死者也其餘他省機局幸尙

第 三 集

民國三年致鄧澤如述范鴻仙被殺事

二

無甚變失知關廬念附及卽頌

公安

各同志均此

孫文初一日

民國三年致南洋同志書

竊文自東渡以來夙夜以國事爲念每觀大局之顛危生民之塗炭輒用怛惻不能自己因糾合同志宣誓約組織機關再圖革命斬以犧牲之精神盡救國之天職區區誠悃當早爲諸君所洞鑒惟此次立黨與前次辦法頗有不同曩同盟會國民黨之組織徒以主義號召同志但求主義之相同不計品流之純糅故當時黨員雖衆聲勢雖大而內部分子意見紛歧步驟凌亂既無團結自治之精神復無奉令承教之美德致黨魁有似於傀儡黨員有類於散沙迨夫外侮之來立見摧敗患難之志疎如路人此無他當時立黨徒眩于自由平等之說未嘗以統一號令服從黨魁爲條件耳殊不知黨員之於一黨非如國民之於政府動輒可爭平等自由設一黨之中人人爭自由爭平等則舉世當無有能存之者蓋黨員之於一黨猶官吏之於國家官吏爲國民之公僕必須犧牲一己之自由平等絕對服從國家以爲人民謀自由平等惟黨亦然凡人投身革命黨中以救國救民爲己任則當先犧牲一己之自由平等爲國民謀自由平等故對於黨魁則當服從命令對國民則當犧牲一己之權利意大利密且兒作政黨社會學謂平民政治精神最富之黨派其日常之事務重要行動之準備實行亦不能不聽一人之命令可見不論何黨未有不從黨魁之命令者而況革命之際當行軍令軍令之下尤貴服從乎是以此次重組革命黨以服從命令爲唯一之要件凡入黨人員必自問甘願服從文一人毫無疑慮而後可若口是心非神離貌合之輩則甯從割愛斷不勉強務以多得一黨員卽多一黨

第

三

集

員之用無所浮濫以免良莠不齊此吾等今此立黨所以與前次不同者但前因草創伊始同人均以精神爲結合故一切章程規則未經制定邇因黨員漸衆黨務日隆非有準繩無所依據加以海內外紛請章程勸立支部爰定總章用資遵守茲特郵呈左右倘蒙就地開設支部尙祈悉心研究按照總章妥爲辦理惟本總章係規定本黨全體組織故特詳於幹部各支部組織宜按各地情形自訂立章程呈請幹部核定但所宜注意者（一）各支部分科組織不必悉如幹部又不可襲幹部總協理各部局院等名目如幹部中之軍事部政治部協贊部及部內各院支部均不必設立各支部祇宜設部長副部長不宜設總協理各分科辦事祇宜稱科稱股不稱部局院以免淆混而清界限（二）本黨係秘密結社非政黨性質各處創立支部當秘密從事毋庸大張旗鼓介紹黨員尤宜審慎至向來設立之國民黨支部乃係政黨性質與現在之黨並行不悖毋庸改組以免枝節尤當同心同德毋以新舊黨員故存畛域總之此次乃秘密結黨有時或藉國民黨名義爲旗幟或立名目以號召均無不可是在諸君斟酌而妥籌之

孫文

民國三年組中華革命黨致李源水書

源水先生鑒 頃接高維兄來函以

足下業已商允吳世榮君將前匯寧之捐款轉匯東京接濟各貧苦同志厚誼隆情至堪感佩當即電達台端
諒登記室尙祈

早日寄下不勝盼禱之至此間同志困苦顛連備嘗艱苦惟精神團結百折不磨弟初來此間擬重整旗鼓特
組織幹部集合同志各具誓約服從命令以期統一力洗從前散渙之弊各同志均踴躍加入黨勢日隆近頃
幹部支部章程革命方略均已陸續訂定現擬擴充各處組織支部一俟章程刊就即當分寄各埠同志素仰
足下熱誠愛國始終如一刻下此間組織必願贊成倘能擔任組織支部將現國民黨支部內部暗組秘密團
體當將章程郵寄

尊處未審以爲如何尙希

示復專此布復卽頌

日祺

孫文四月十八

第 三 集

民國三年組中華革命黨致李源水書

二

民國三年爲籌餉事致鄭螺生李源水書

(一) 螺生
源水兩兄大鑒

手書具悉

兩兄愛國熱誠始終不懈緬佩奚似歐洲戰事方殷無暇東顧袁氏後援已絕正吾黨恢復大業之時機海外同志有見於此急籌欸項以資接濟足徵毅力現在海內同志俱各籌進行祇以欸絀尙未能應時發展耳今得

兄等提倡內外合力大功之成當指日可待此次辦事弟求完全統一以杜流弊故重訂黨章整頓一切卽現在各部籌餉事宜亦必盡一己函告各同志欸項須統匯本部由本部策應各處若所有一切號稱統籌部及某某機關者俱如某某等之辦法各立名義各籌各用不承認目前已極紛擾將來尤必衝突斷不可行廣東軍事弟已專派鄧鏗擔任經費則由弟處接濟故弟意欲請澤如兄徑往日本至本部經理財政不必到港因港中人既不免複雜澤如兄至彼亦難以主持不若來東在本部辦事弟得收指臂之助也澤如兄素得信用於黨人而才幹亦優望

兄等爲我勸駕專覆卽頌

大安

南 札

孫文九月八日

一

第 三 集

民國三年爲籌辦事致鄭螺生李源水書

二

寄上籌餉章程乞 察照

慎剛

(二)螺生三兄公鑒十月十七日手書敬悉張陳登廣告一事誠莫明其用意所在而南洋之欸遂受無源水

形之阻力伊等實不能不任其過也前以各省紛紛有人運動籌欸實於統一有礙故曾致書澤如處及尊處請統匯東京然後由本部支付各處應用聞粵事緊急已由南洋匯欸萬餘至港此亦爲例外之不得已但須要收欸人寄回收據南洋由

尊處寄來向東京本部換取弟親書收據方合手續

各同志於金錢緊迫之時竭力以助軍需熱誠可敬而

兄等提倡之力尤難能也專覆即頌

公安

孫文十一月初六日

同志各位均此

民國三年委託南洋同志變賣庇能房屋書

南洋同志公鑒自中日交涉經過袁氏賣國證迹昭然內地人心異常憤激我黨當此時局不能不急速進行現在需款甚殷而同志之力甚形竭蹶查辛亥同盟餘款存庇能者（除經手人被吞者之外）尙有二萬餘元置有大屋兩間請即商同庇能同志將此屋業變賣統匯東京本部應用在昔辛亥廣州三月廿九之役溫哥華域多利兩埠俱將致公堂物產變賣以助軍需海內外壯其義舉矧茲存款本爲黨中公積則當務之急以爲軍用更無疑義

見書請即商略執行勿緩爲盼專此即頌

公安

孫文 五月廿六日

民國三年派許宋赴南洋致鄭螺生等書

螺生 仁甫
(一) 源水 八堯同志鑒許崇智宋振兩君自南洋歸備道
孝章 赤霓

諸兄招待盛意無任感謝此間以積極進行刻不容緩故遣許宋黃數君前赴飛律濱羣島一以視察黨務一以籌措軍資事緩之後當再有南洋之行也謹此鳴謝并請

大安

孫文六月十六日

(二) 慎剛 螺生
成就 源水 先生公鑒

七月十九手書誦悉藉諗一切當此商務疲弊之時而

公等能再接再厲鼎力籌捐集成鉅款非

愛國熱誠達於高度何以及此宋黃二君報告書亦述及

林先生深得社會信用此次提倡不遺餘力緬感不置要皆出於

爲國爲黨之公心則非弟私人所敢言謝也精衛兄已有書來言將抵東京矣專此卽頌

公安

孫文八月七日

函 札

一

第 三 集

民國三年派許宋赴南洋致鄭螺生等書

二

慎剛 八堯

(三)

螺生

孝章

我兄暨各同志公鑒許宋二君報告具道

源水

怡益

增波

貴埠同志團結之堅南洋各埠視爲中心悉由

兄等提倡之力曷甚感佩邇來各埠共議集款救亡之策馬六甲麻坡已議定募捐及徵抽生產品店伴工

資之辦法想

貴埠亦已在策劃進行中以

貴埠同志之素養足知收効尤大似此衆擎併舉一致扶同眞民國前途之幸也自中日交涉經過夫己氏

賣國證迹已彰內地人心異常激昂將較滿清末年鐵路風潮爲烈吾人當此時局務必急速進行現在

沿江各省準備頗周若經濟問題稍能解決可如意發展望

兄等速圖之毋失良機專此卽頌

公安

孫文五月廿五日

民國三年通告洪門改組支部函

逕啓者當民國紀元以前我洪門以自由組織繼續活動爲國艱辛垂數百年辛亥一役建虜政權遂覆種族目的完全已達回顧秘密結社之時代尙幸不負初衷有志意成諸公偉力誠不容沒也居未幾袁氏背約竊國擁兵帝制自雄於是促成二次政治革命不幸精神潰散相繼失敗一斑景炎趨勢之徒平日附和革命者盡行揭除面具賊道戕義爲民賊作俚故同胞同志枉遭慘戮者日不勝紀謂非國家法律淪亡是非黑暗當時未設保障人權之道乎茲袁氏天怒人怨舉國公認文以天職所在爰集合同志組織中華革命黨閱年以來機關既備進行亦有端倪惟是此次組織與前不同前此根本未備之經驗今必須妨其覆轍故總章十二條所載首義黨員悉隸爲元勳公民得參政執政之優先權利純爲保障真正革命黨而設且足以鼓勵當時之勇進而表率後來之平準渺微微義幸海內外同胞均能一律鑒及故新進黨員大率類以千萬計我洪門當日主義旣已昭然若揭而後此再接再厲猶應協力並圖况政治革命與種族革命性質旣殊難以自判種族革命無妨多立秘密機關以爲分頭並進之活動政治革命則仗義執言非以堂堂之陣正正之旗不足以聳國民之觀聽而避外鄰之干涉今日無論各種團體均已一體改併萬流匯源實此意也文忝屬洪門一份子以密切關係所在意欲各埠洪門團體急起直追共圖革命事業並全部填寫誓約加入中華革命黨其所存機關外無論懸示何種通信名義不妨悉仍其舊其內部則一律援照總章通則改組中華革命黨支

第 三 集

民國三年通旨洪門改組支部函

二

部以免消息隔闕而收指臂相助之妙用望諸公極力提倡國家主義而破除門戶各立之微嫌迅速籌辦致覆以便正式委任倘天祐民國完全之目的能達則洪門之名譽事功將來益垂無窮矣書不敬意專此奉達

孫文謹啓

民國三年通告海外國民黨各支部改組函

逕啓者凡一國政治之善良純特強有力之政黨以擁護憲制而抵抗少數者之專制也故政黨之作用一所以養成多數者政治上之智識而使人民有對於政治之興味二組織政黨內閣直行其政策三監督或左右政府以使政治之不溢乎正軌此皆共同活動之精神也民國成立以來同盟會以五黨合併組織強有力之國民黨可謂民國第一產兒乃袁氏以武力剷除國會憲制蕩然政治不容人民置喙本黨早已失其作用袁氏即不迫令解散亦已名存實亡茲已解散我輩精神主體克存更不必爲機關名稱惜也政黨之目的凡國事均欲在政治上解決今起視神州赤縣四郊多壘生黎塗炭鋤法臆制非驢非馬繼此以往其能臻完全之法治乎弟觀此現象殊失初衷故於第二次失厥之後即繼續持積極主義統率新舊同志爰謀第三次進行務以武力削彼暴政先破壞而後建設數施方云順序惟組織之初團體務求一致國民黨爲同盟會之產兒同盟爲革命黨之元素其精神主義乃始終一貫者今國民黨雖被解散而一段革命之精神日久彌篤未稍磨滅有今日破壞之能力始有他日建設之餘地因時權宜方不失之膠固故國內國民黨支部交通部凡在各省經政府解散者及其餘駐設租界者均一律秘密改爲中華革命黨支部或交通部加寫誓約遵行新章直接受本部指揮惟海外各支部袁氏命令不逮機關岸在猶存不爲勢屈不爲時懈較之隨波逐流者自當高出千萬然值此風雨飄搖之民國袁氏不足救亡已爲國民共見由是推之黨員心理莫不共以革命

第 三 集

民國三年通告海外國民黨各支部改組函

二

爲前提而以研究政治爲第二之問題也。既溯國民黨之歷史，復徵國民黨之輿情，均與革命事業相維相繫。只以機關名稱隔閡，致未能聯絡一致。茲特公函通告海外各埠國民黨支部交通部，如有未經加入中華革命黨者，務希全部填寫誓約，照總章重行改組。外雖不妨暫仍其名，內必一律厲行其實。或有一部分已先改爲中華革命黨支部者，所餘部分亦望概行改組，或與前所立之支部併合，或另立支部，均聽酌量。各地情形辦理如能依照一定手續，章程辦理妥善，呈報本部當即正式委任，以歸統一。諸公毅力熱忱，多所建白，國步方殷，遇事務求循名核實，新舊兩黨皆文發起，用是不避更張，縷晰披告，以祈實際進行之便利。務望諸公察允，是荷。此啓。

孫文三年十一月日

民國三年在日本組織中華革命黨致鄧澤如書

澤如我兄足下久失通候緣此間在組織黨事擬俟成立而後詳達

台端故爾疏睽茲就緒矣特爲

足下一言弟去年抵此即發起重新黨幟爲捲土重來之計當與同志秘密組織因鑒於前此之散漫不統一之病此次立黨特主服從黨魁命令并須各具誓約誓願犧牲生命自由權利服從命令盡忠職守誓共生死先後已得四五百人均最誠信可靠之同志惟此時來者尙未爲多近頃幹部章程及新革命方略陸續訂立完備此間同志聞風傾慕均踴躍加入計以前同志中重要分子均隸黨籍固不待言又獲得多數銳進同志聲勢益形膨大前此傳聞吾黨分崩之象悉已消滅今後舉事必不蹈前者覆轍當歸第一人統率之下是國事雖未如願黨務將告大成滋可額首也至此次組織其所以必誓服從第一人者原第一次革命之際及至第二次之時黨員皆獨斷獨行各爲其是無復統一因而失勢力誤時機者不少識者論吾黨之敗無不歸於散渙誠爲確常即如南京政府之際弟忝爲總統乃同木偶一切皆不由弟主張關於袁氏受命爲總統一事袁氏自稱受命於隆裕意謂非受命於民國弟當時憤而力爭之以爲名分大義所關寧復開戰不得放任以開專恣橫行之漸乃當時同志咸責備弟且大爲反對今日袁氏竟囑其黨宣言非受命於民國矣此時方悟弟當時主張不爲無見也其餘建都南京及飭袁氏南下受職兩事弟當時主張極力又爲同志反對第二

第 三 集

民國三年在日本組織中華革命黨致鄧澤如書

二

次革命之前有宋案之發現弟當時即力主開戰克強不允卒遷延時日以及於開戰即敗可知不統一服從實無事不立於敗衄之地位故鑒於前轍茲乃力洗從前積弊幸同志多數均以爲然故能至此成效今大致已經就緒即分寄章程前赴南洋歐美各處剝立支部

足下久居南洋聲譽素普諒能本此宗旨設各埠支部以張黨勢故茲特瀝述情形冀望足下贊成其事并爲傳播此旨想

足下必不却其請也至章程一切日間即行寄上手此奉白即頌

近祺

孫文四月十八

民國三年答朝日新聞記者書

茲承貴記者問中國人何以恨日本之深及有何法以調和兩國感情予當竭誠以答並以此告吾日本之故友予向爲主張中日親善之最力者乃近年以日本政府每助吾國官僚而挫民黨不禁痛之夫中國民黨者卽五十年前日本維新之志士也日本本東方一弱國幸得有維新之志士始能發奮爲雄變弱而爲強吾黨之士亦欲步日本志士之後塵而改造中國予之主張與日本親善者以此也乃不圖日本武人逞其帝國主義之野心忘其維新志士之懷抱以中國爲最少抵抗力之方向而向之以發展其侵略政策焉此中國與日本之立國方針根本上不能相容者也乃日本人之見解則曰中國向受列強之侵略矣而日本較之列強無以加也而何以獨恨於日本尤深也嗚呼是何異以少弟而與強盜爲伍以刼其長兄之家而猶對之曰兄不當恨乃弟過於恨強盜以吾二人本同血氣也此今日日本人同種同文之口調也更有甚者卽日本對德宣戰於攻克青島之時則對列強宣言以青島還我乃於我參加歐戰之日則反與列強締結密約要以承繼德國在山東之權利夫中國之參戰也日本亦爲勸誘者之一也是顯然故欲以中國服勞而日本坐享其利也此事以中國人眼光觀之爲何等之事乎卽粵語所謂賣豬仔也何謂賣豬仔卽往時秘魯智利古巴等地墾荒乏人外洋資本家利中國人之勤勞而傭值廉也遂向中國招工乃當時海禁未開中國政府禁工出洋洋人祇得從澳門招工每年由澳門出洋者以十數萬計此等工人皆拐自內地餌以甘言厚利誘以發財

第 三 集

民國三年答朝日新聞記者書

二

希望而工人一旦受欺入於澳門之豬仔館終身無從逃脫矣而豬仔頭（拐賣工人者）則以高價售之洋人轉運出洋以作苦工工人終世辛勞且備受種種痛苦鞭撻殘殺視為尋常是無異乳豬之受人宰食故名此等被人拐賣之工人曰豬仔曩者日本之勸中國參戰而同時又攫取山東權利是何異賣中國為豬仔也夫豬仔之地位固比家奴為尤下也家奴雖賤儻服務勤勞奉命惟謹猶望得主人之憐顧而溫飽無憂也而豬仔則異是是故當時澳門之為豬仔頭者無論如何貪利斷不忍賣其家奴為豬仔也必拐誘休戚不相關之人而賣為豬仔也以中國視之則日本今日尙不忍使台灣高麗服他人之務而已坐享其利也是日本已處中國於台灣高麗之下矣是可忍孰不可忍儻以此為先例此後世界凡有戰爭日本必使中國參加而坐收其利矣此直以豬仔待中國耳尤有甚者昔澳門之豬仔頭亦不過賣人為豬仔而取其利於洋人而已日本今回之令中國參戰也既以此獲南洋三羣島以為酬償矣乃猶以為未足而更取山東之權利是既以中國為豬仔矣而猶向豬仔之本身割取一縷肥肉以自享也天下忍心害理之事尙有過此者乎中國人此回所以痛恨日本深入骨髓者即在此等之行爲也而日本人有爲己辯護者則曰日本之取山東權利乃以戰勝攻取而得者也果爾則日本何不堂堂正正向列國要求承繼山東權利於攻克青島之時而乃鬼鬼祟祟於中國參加歐戰之日始向列強密要為酬償之具也夫中國尙未隸屬於日本也而日本政府竟已對中國擅行其決否之權而且以行此權而得列強酬償矣此非賣中國之行爲而何夫此回歐戰固分為兩方面旗幟甚為鮮明者也其一即德奧土布乃以侵略為目的者其一英法美俄乃以反對侵略為目的者故英美之

軍在歐洲戰場戰勝攻取由德國奪回名城大邑不啻百倍於青島也且其犧牲亦萬千倍於日本也而英美所攻克之城池皆一一歸回原主也日本爲加入反對侵略之方面者也何得以戰勝攻取而要求承繼山東德國之權利耶若日本之本意本爲侵略則當時不應加入協商國方面而當加入德奧方面也或又謂中國於參戰並未立何等勞績不得貪日本之功也而不知此次爲反對德奧之侵略主義而戰則百數十年爲德國侵略所得之領土皆一一歸回原主也彼波蘭捷克二族亦無赫赫之功也而其故土皆已恢復矣我中國之山東青島何獨不然且丹麥猶是中立國也於戰更無可言功而德國六十年前所奪彼之領土今亦歸還原主矣是中國以參加戰團而望得還青島亦固其所也乃日本人士日倡同種同文之親善而其待中國則遠不如歐美是何怪中國人之恨日本而親歐美也日本政府軍閥以其所爲求其所欲而猶望中國人之不生反動舉國一致以采遠交近攻之策與爾偕亡者何可得也是日本今日之承繼德國山東權利者卽爲他年承繼德國敗亡之先兆而已東鄰志士其果有同文同種之誼宜促日本政府早日猛省變易日本之立國方針不向中國方面爲侵略則東亞庶有豸乎

孫文

第 三 集

民國三年答朝日新聞記者書

四

民國四年討袁之役致南洋同志書

(一) 南洋同志公鑒與

兄等睽別以來寒暑迭更而

舊雨之懷未嘗一日去我心曲也國本未固民賊忽張偕黨人避迹於東又兩年矣弟觀祖國之瀕危與海內外同胞所受之苦痛以爲非急倒彼惡政府無以挽救而往事之失則當引爲鑑戒是以一面日圖進取一面重整黨務以企完全負責統一進行比來海內是非漸明人心日去彼而就我加以內地同志奮發不懈海外同志力予扶持民國不亡共和必復此可預決者惟弟與

同志諸兄各居異地雖其間書信往來可以道達情意吾人爲目的而集合孚感在於精神然關於黨事進行各節不獲相聚一處商榷盡言誠爲歉憾且近頗聞有人懷挾私異故作違言此縱不能惑我同志諸兄而中立者間爲所動則亦於大業有妨茲故特倩許君崇智葉君夏聲何君天炯宋君振偕到南洋與

兄等接洽併宣佈弟近日之所懷四君皆黨中要人其歷史不待贅述特各予公函爲證其行專此併頌
各同志公安

孫文三月九日

(二) 澤如兄鑒茲派許君崇智等南來聯絡同志擴張黨勢並報告進行各情到時請爲接洽並帶往各

埠介紹於各熱心同志爲荷又許君等動程時剛值公款支絀所帶旅費無多如有所需望兄處設法籌墊作公款所支支若干即向許君取回收據他日匯款前來本部財政部將收據寄來財政部長當如數發給債票也此致即候

大安不一

各同志統此問好

孫文三月十四日

(三)澤如先生鑒許宋兩君歸備述

欸接之殷公誼私情感銘五內現在時機利在急進而各處零星小欸皆不足以圖大事故復遣許君等前赴飛律濱羣島籌措鉅資約一閱月即當再返南洋冀收成裘之效到時尚須仰仗大力爲之周旋屬在知交不敢言謝弟身體精神強健逾舊洵堪告

慰也專此敬請

大安

孫文六月十六日

民國四年復鄧澤如談討袁與籌款事

(一)澤如仁兄同志鑒六月十三日

惠書并巴城致函均經誦悉巴城另有函來亦同此意刻已作覆并請其即將存款匯東矣南洋各屬得兄鼓吹効力自有可見欸項直接匯滬之說前因事急故允照辦但該方面事非同時有十萬金不濟今既無有仍當匯存此間以爲積集策應較便計算較易也陸軍段總長去職次長被劾皆確有其事北京內訌正烈猜嫌正深及時一舉當具冲天之勢汝爲函來述小呂宋方面認捐踴躍十萬之數冀可達到南洋一帶倘由吾兄加以策勵同時匯集則此間所定計畫當能實現也弟離東之說全屬虛構倘局面仍舊我不至他行也專此敬請

大安

孫文

(二)澤如先生大鑒袁氏自賣國之交涉經過近日竟噬其爪牙公然爲帝政之運動內外人心憤激異常即袁素所親信者亦多叛離吾人手創共和更復何能忍是顧兩年以來謀之非不急任事者亦各致力乃輒因經濟支絀往往功敗垂成今茲擬厚集吾力乘時大起非先籌有鉅宗欸項不辦故派委陳英士君許汝爲君鄧仲原君南行至英荷及暹羅各屬籌措餉需其意尤注重荷屬許鄧二君曾與

先生接洽陳君爲吾黨健者第一次革命於滬上握東南之鎖鑰其功最大至第二次革命後志意極爲堅銳

民國四年復鄧澤如談討袁與籌款事

二

本部成立以掌總務實能代弟任勞任怨茲行望

先生匡勦不逮爲指導一切不勝感激專此卽頌

大安

漢民兄日間亦往小呂宋籌款

孫文十月三日

(三)澤如仁兄大鑒去臘許鄧兩君倉卒言歸許君留滬籌備閩事鄧君獨行東來報告一切日間當再南渡襄助執信經營粵事雲貴獨立後鄂贛蘇杭等處均準備發動其中雖稍有洩破然勢力仍在元氣無傷但長江一帶敵屯重兵且有津浦京漢兩線運輸之利急與爭衡過費資力刻下決注全力於粵省旁及福建閩粵一下與雲貴打成一片南方局勢已足自活沿江各省自然動搖至於北方經營現亦大有頭緒陝西革命軍斷難撲滅而內蒙馬賊與乎宗社黨徒大足爲吾黨牽制使北兵不能多數南下南方軍械補足卽圖大舉北發現在定計大略如此但軍需浩繁非鉅款莫濟去年各處匯款盡用於雲貴川陝及沿江各地方許鄧兩君行後今年南洋來款不如去臘之繼續而以荷屬各地方爲最滯(許鄧兩君行後已担認而未出款匯東者居大半)際此着手施行新策之會萬不可使辦事者雖決心而有棘手致虧全功於一簣務請鼓舞各處籌餉局速催未匯之款使其卽匯東京或香港以裨軍用其已匯齊者則請其竭力再籌源源接濟爲荷專此敬請

大安

五年一月廿日孫文

各同志均此候好

民國四年討袁之後與鄧澤如各書

(一)澤如我兄暨諸同志公鑒比來夫己氏一落千丈自取消帝制以來益無轉圜大局之勢力內外交迫此僉必倒殆已不成問題顧我等責任則由此而益形重大此蓋鑑於辛亥之往事以倒袁為成功者實與往日以倒滿為成功者同一比例非真民黨不能任維持共和振興民國一般官僚復活即與第二第三袁氏無異也今即以粵事言龍氏是何毒物論其罪惡決不稍輕於袁今為四面民黨革命軍所迫乃亦宣告獨立此較之辛亥時張鳴歧之偽獨立尤難假借弟另已面諭主任諸人仍前反對進行勿怠至其他本非民黨氣脉無與創造共和之勞無有保愛民國之誠意者雖其目前為利害所迫且偶得機會遂復囂然自張是亦吾輩所不能信任者逆料中國前途紛糾決未易言驟定故吾輩須不避艱鉅努力赴之弟等在外已較從前易為活動而言念將來則凡百事體皆須以自己之人物為中心國是未定則吾人須有不可侮之實力質言之即是武力如何創有組織或駕馭原有之師旅皆須以敢死得力之同志為本位然後堅固不搖戰勝一切南洋同志久受薰陶且不乏壯勇可造之資是以專函奉託注意速為物色此等人士資遣到東(此時地點尚未確定特先定此計劃尊處同志一面招徠日間當再以地點告知)再加以軍事上之訓練用備他日中下級軍官之選此策甚關重要幸祈加意毋忽至於軍旅之外敢死有為之士正好乘此時機用之而對待毒蟲猛獸須兼用直捷了當功夫亦望物色其人為要粵事詳情港澳當另有函告茲

民國四年討袁之後與鄧澤如各書

二

不贅沿江各省暨東北方面日內當有好消息專此即頌

近安

孫文四月十日

同志諸兄均此

(二) 澤如
卓平

同志仁兄惠鑒三月廿二日惠書誦悉種切簡英甫兄熱心助餉同人欽佩至深前此已疊次寄函獎勵茲讀來書欲於將來粵局大定後舉充粵省實業之職以資格及助力言良堪當選惟此際正軍事倥傯羣賊削平尙須時日此事一俟粵局已定後再爲商酌未晚也龍賊僞佈獨立圖驅一時此中用心路人可見今吾黨繼續進行仍未有已月來頗獲極佳之消息想尊處當亦略有所聞也此外各省佈置亦甚見進步併以告慰專此致覆并候

義安

孫文四月廿六日

(三) 澤如我兄大鑒五月十日手書誦悉收支各節當由財政部詳細函覆庇能欸今日移書新政等另函致怡保督促其辦理矣此欸乃黨中公積原非一埠之事即

兄等亦有責問之權也某某政府自某某當局即趨向夫己氏故有此番秘密關係凡所要求既經承認且除公布外另密約四條所以爲報酬者既如是則夫己氏之求援亦必實踐惟驅逐黨人一節則外交上之黠者不以爲然現時我輩對於某某實無何等奢望第以此地與內國消息較靈取道返國較便現時方着手進行則礙難他去某某國民與政府意見歧而爲二將來若果有事政府即懷惡意亦難實行猶之滿清季

總理全集

年元老本欲干涉我國革命卒以民黨反對而止是其前例也夫己氏於去月曾授意京總商會電詢帝袁之事於滬商會求其同意此後乃未見發表或以內地憤交涉及失敗人心激昂故不敢遽然做去耳專覆卽頌

大安

孫文五月廿六日

(四)澤如先生台鑒七日手書並徵信錄已收到當飭財政部詳細核對另覆此次籌餉獨任艱鉅爲國爲黨皆不能不致謝於我 兄又以十餘年心腹之交殆已忘形欲以言達此忱殆亦不可達惟 兄知我深者當不以此虛文爲重耳張志昇彭澤民二君來帶來手書亦已閱悉所有會館一事既以國外華僑爲主則其計劃自不能不博採衆意但於此際債問題未經決定則提出問題恐亦非宜一面亦欲待我 兄來此一商辦法能來與否希復一音基金多少容俟斟酌乃能決定至於存款留辦會館一層自屬可行請暫爲存貯朱執信經手用欸前經冊報本部所開南洋匯來公慎隆之數與本部匯去各數並無分別列賬只有統收統支俟飭財政部抄寄一份以昭大信周蘇羣之欸如已列有細數亦希交來存查從軍華僑合給紀念功章已託人鑄造但此須鑄造印刷均費手續尙須兩月始可完成請先告各同志並希函譚盛將當日在澳門所開名單寄來以便按名發給免有偏枯其債券功章已託陳肆生君帶去二等叁十枚三等五十枚其餘俟鑄妥再行送上此復卽請

台安

孫文二月四日

第 三 集

民國四年討袁之後與鄧澤如各書

四

(五)澤如先生大鑒英士兄靈柩定於本年五月十八日安葬因經營紀念碑修墓及送葬運柩等件需款頗多豫計須在萬元以外而此處同志人人皆已窮窘至極無從設法以英士爲國爲黨鞠躬盡瘁卒殉其職而死無以葬實吾黨之責故決欲在黨中募集七八千元以充葬費經有通函至各支部請盡力籌措彙交前籌餉局長匯滬此爲對於死友之責任諒兄亦必不辭也然各支分部對於此件雖可決其必各盡力仍有緩不濟急之虞英屬同志務希由兄函促開籌一面請在前存債券尾數項下移撥四千元先行匯滬將來收得再行填補庶可不愆葬期至盼照辦並乞復示即請

台安

孫文啓一月廿八日

(六)澤如先生大鑒敬復者得接十二月二日來書備悉各人於舉辦報館會館各節均極贊成至爲欣慰華僑會館自不能專設一處廣州汕頭廈門等處當然應設分館以利進行章程當於日間草定分發各埠請求同意先此奉復即請

公安

孫文正月七日

(七)澤如先生台鑒茲有浙省特派調查南洋實業專員王君孚川(名廷揚)丁君心耕(名福田)來觀貴埠之光特爲紹介希

妥爲招待並導觀一切且紹介之於

貴埠暨鄰近各埠實業家俾得詳細調查將來歸國報告鼓舞政府振興實業保護華僑之心必大有所助也

總 理 全 集

專此敬達即請

台安

孫文

(八)澤如先生大鑒三月十三日廿九日兩書及四月一日致執信書均閱悉債券存根誓約委狀存根各件均經財政部收妥函復在案王孚川君本浙省所派現浙督雖易人地方人仍甚欲與華僑聯絡開辦實業此行得 兄招接王君將來歸國必可聯絡感情也徵信錄已經收到交財政部查對名單亦已收到俟獎章製造妥當後分寄其上黎總統書亦已交報館刊印矣陳肆生君係緬甸華僑前在山東軍義勇團內出力解散後回埠託其帶至星架坡交 兄收入而來函云尙未收妥恐彼在星有錯交他處情事請向星支部及緬支部一查陳君行蹤即知此復即請

大安 各同志均此

孫文啓四月廿五日

或問緬甸覺民日報陳振便悉陳振即肆生也

(九)澤如我兄鑒匯來二千六百四十兩伸滬洋叁千陸百伍拾壹元四角五分經已收訖此款係屬英士葬費此時不使用黨名發收單當由其家族具謝帖奉寄也請將此函暫存以代收單餘俟後信此復即請
台安

孫文啓四月廿八日

(十)澤翁兄大鑒閱致仲愷書知已通信各埠將所有債券停止發出收回清數敏腕至佩惟荷屬各埠債券吾 兄以未及經手故欲請本部另派員收回並薦林師肇相助一節查林君由港再到上海後旋再赴

函 札

五

第 三 集

民國四年討袁之後與鄧澤如各書

六

北京現尙未歸滬地吾 兄本爲各埠籌款委員長荷屬雖間有直接向本部請領債券者其請領人名號數尙皆可稽此事再四籌維仍以由吾 兄勉任收束爲最妥適收回之券當彙存一處候設法寄回其數目亦須早行結清始免爲償還時之障礙二者皆非吾 兄不能辦妥故仍修函致各支分部籌餉局長委任吾兄經理此件萬望勿辭其許鄧二君經手發出之券及由本部直接寄去者俟抄齊彙寄尊處以便稽核此事辦竣後希速來滬一行關於實業前途有多數問題欲待吾 兄面商解決希望至大萬勿吝一行也此請公安不盡

孫文九月十四日

(十一)各支分部長籌餉局長公鑒敬啓者茲委任鄧澤如君清理債券收據數目各處之債券收據已售者請開列匯交某處若干及經支售券經費若干並存根交與鄧君其已售未交之款亦請隨同交與鄧君以清數目其未售出之券亦請迅即交鄧君點收以便寄回本部彙列準備交涉償還希即照辦每埠辦妥希賜

公安

孫文九月十四

(十二)澤如吾兄台鑒茲有湘省同志欲組織一錫鑛公司於湘南全省中所有錫鑛擇其最佳請求開採並希望華僑入股且欲得南洋同志之在行者親往各鑛察看擇定最適合者始行開採此事既爲國家之利亦爲民間興盛之基南洋志願採錫者至多亦可以酬其宿願望

兄商諸同志推妥要人迅速回國一行以免爲他黨先得茲將湖南同志寄來之節略抄寄此中各鑛均可與

總理全集

現營業者商量取而繼續辦之者也此信到後希即示復以便先復湖南同志此請

大安

孫文啓五月廿九日

(十三)澤如我兄大鑒十月一日來書於前日領收從前寄來之清冊亦已收到交財政部備案功章獎狀請領者紛至此間經已無存日前已緘東京刻日備辦不日可以寄到當即寄上以備分給山口洋欸此間並未收到想係鄭鶴年吞沒請緘知該埠爲望此間辦事情形應爲兄告者前月派胡廖兩君入京一擬主持黨務一擬要求償還華僑借款時適唐君入京擬就職外部胡廖兩君曾擬以兄爲星洲領事後唐爲帝黨力攻遂辭職歸滬並偕展堂同歸仍留仲愷在京專理債事此事必非段氏之所欲惟未能顯示拒絕已開閣議數次或有成議亦未可知如萬一以無欸見拒則擬要求以四川河底機器淘金權相抵川省河底產金至富外人久已垂涎想兄亦有所聞也他如黨務各埠多以規復國民黨爲請弟意亦已決行惟章程手續必求完備則需欸自不能少現在國會雖佔多數而各省會經第二次革命之後已被各地方官蹂躪無遺非再事經營不可以各省論現祇有湖南正誼社成立而他尙闕然此中窘難情況兄諒知之若復黨之議一行則各省須設分部其間應籌交際之費自不能少自解散軍隊停止軍事募債以後此間僅恃美僑匯欸爲挹注而各種費用支銷甚鉅此中衷情兄非外人不妨逕告也東京總部各友均已回滬或以假歸近數日已將兩月辦事情形緘達各埠俾知大要已分人繕寫數日後可寄到星洲一帶矣此復並請

台安

孫文啓

第 三 集

民國四年討袁之後與鄧澤如各書

八

再前緘請兄來滬一商各事如貴冗稍暇仍望即來

(十四)澤如兄鑒 本月五號 尊處交耀平兄由台灣銀行匯來港幣伍千元經已收到除俟清單到時由財政部照發收據外特先奉復並頌

台安

孫文啓十月十九日

民國四年致鄭生螺等論討袁事

慎剛 澤如 螺生 源水

先生暨各同志大鑒袁氏與某某密相結託昨日要求條件悉已通過（其第五項亦非撤回但作爲懸案隨後談判秘密承認以避人耳目）袁旦夕將稱帝已授意北京商會電詢上海商會意見從此中華民國名義亦將歸消滅內地不平之聲甚烈即袁所部如馮段輩亦表示反對觀此嚴詰一電可知外此較滿清末年鐵道國有風潮尤易激動全國間爲吾黨不可失之時機至於沿江數省自前年以來極力籌備至此時運動已成更與機會人心相應黨中重要人物已冒險深入內地急思發動成敗在此一舉不能復待敬望我

同志相助知英屬勢成強弩之末然過此不圖則事勢難料且已派入之人員已佈置之機關及已運動之軍隊會黨亦驟難維持收束也望以此實情轉告有心之同志共籌劃力副我期望幸甚專此即頌

公安

孫文五月初十日

螺生 怡領

源水 熾三 列位同志大鑒比來袁賊於國內信用大失又值歐洲戰亂誠吾黨恢復大業之機維我海外

慎剛 道舜

函 札

一

民國四年致鄭螺生等論討袁事

工

同志熱心不懈故望

兄等能鼎力提倡籌款以濟軍需前寄上籌款章程想已達覽此次吾人辦事鑑於前失要取最統一之辦法庶事無所紛歧事後不致衝突對內對外方有完全之美果所慮舊日同志未見及此一時輒欲爲一方面計出外運動籌款辦事其用心未必盡非而於事實則殊無裨益現在本部統籌全局南洋美洲設局籌款俱直接匯到本部以得本部弟親發收據爲憑其有以他種名義未經本部承認與未得本部收據者將來概不負責僅此通知並乞傳語同志專此卽頌

大安

孫文九月十一日

民國四年爲中日交涉覆北京學生書

得覽手書知君等於勤學之際憂國不忘至足感佩關於此事各方面來書頗多而君等言之尤爲婉摯雖然惜君等未嘗知交涉之內容也知之則必不如來函所云云而憤慨之情將無異弟蓋弟平日愛國家愛平和之志自信不居人後常不惜有重大之犧牲故當第一次革命解職推袁以免流血之禍張方之難身自入都而爲之解宣言十年不預政治俾國人專心信託之卽東遊一月不啻爲袁氏游說也迨宋案發生弟始翻然悟彼奸人非恆情所測且必有破壞共和之心而後動於惡故一念主張討賊以愛國之故不能復愛和平也彼戰勝而驕益無忌憚二年以來莫非倒行逆施國人憔悴於虐政之下至不可言狀歐洲戰爭不遑東顧乃乘間僭帝而求助於日本此次交涉實由彼請之日人提出條件彼知相當之報酬爲不可却則思全以秘密從事迨外報發表輿論沸騰所親如段馮亦出反對乃不得不遷延作態俟日人增加強硬之態度然後承認示人以國力無可如何由日本要求條件觀之如山東如滿洲如東蒙如福建如漢冶萍煤鐵皆爲利權之重大者而袁於未得最後通牒以前固已無甚齟齬至第五項則我國實爲第二高麗城下之盟局外亦訝其者因日本審國民都無戰意而國際上宜取圓滑之手段故假爲讓步謂俟他日協商何期袁氏回答文中乃有左之一節

第五號五項（卽顧問軍器學校病院南滿鐵道宗教五問題）承認日本政府之提案惟民國政府希

民國四年爲中日交涉覆北京學生書

二

望中日兩國永遠平和願將此等一切懸案速爲解決（見萬朝報十二日報）

是山東滿蒙福建廿一條件日人所急欲得者固承認不遑卽其爲暫時之讓步者亦惟恐其不速攫取以去是真別有肺腸者矣上海大陸報云「據北京電報中日條約于公布外有密約四條」蓋倣中俄密約之先例日本報紙亦云「此次條件以條約及附屬公文宣言書三種爲約束條文中一部分從支那政府之希望爲密約不公布」（見十二日時事新報等）就以上觀之則袁氏以求僭帝位之故甘心賣國而不辭禍首罪魁豈異人任傳曰「國必自滅而後人滅之」故有國者恆自愛其國侵略兼併祇視其力所能爲而大盜在室乃如取如攜禍本不清遑言扞外彼方以是爲求擾得擾將莫予毒而乃望以一致爲國相去萬里何止逕庭果然滬上消息傳來則北京商會以功進之言電求滬商會同意新室王莽與拿破崙第三故事不久將復現嗚呼區區民國之名義吾國民以無量數之犧牲而搏得之者亦歸於漸滅尙何言哉尙何言哉辱承來書獎飾更加責備謂不宜忍視甚艱難締造之民國坐致沈淪弟不敏請事斯語專復卽頌

學安

孫文

民國五年致馮國璋請釋秦毓塗書

華甫先生督軍執事東南柱石久佩賢勞咫尺旌麾未承顏色茲啓者自共和再造以來咸予更新共蕩積憾故黎大總統先頒釋罪之令而執事亦疊有省囚之舉江蘇政治罪犯次第赦空惟囚羈吳獄之秦君毓塗典繫之司尙未報請故自由之惠猶稽實施秦君前充南京總統府秘書弟略知其品性其人生長名門行修頗飭反對者周納其詞何所不至今之格於明聽據秦君家屬泣涕來告卽由邑人兩姓某與某散放流言以快私怨今附奉原判印物一紙秦君如有侵佔公款之罪程前督依法必予并科胡爲僅治其內亂之罪此可見當時法庭之真是真非且贛甯往事依反對之聲某則飽颺某則席捲曾屢見於隨意專斷之府令倘秦君附和兵事者至今將遭非法之誣妄而首難如克強協和輩益不免於從新對簿則大獄將興揆之傾覆民國之帝制犯黎大總統與執事猶免其脅從寬嚴稍不倫矣故秦君尙繫蘇獄必所司因其毛細未能及時呈報左右倘因今之進言執事能飭屬卽予省釋則秦君一身永戴明德而報國之士亦愈益奮服又秦君邑人未知子孫戚里將同城百世未可誤造數姓不解之深仇以貽數十百年報復之循環脫不幸而秦君瘦死獄中則大錯鑄矣道路傳聞當民國三四年之交某姓以父喪設弔於故鄉喪儀之盛四方來觀譁傳當道將以秦君由蘇獄解錫斬首於南校場以祭無知男女空巷出探快心之報已極淋漓反問秦君前過止光復時准封私產及因市政毀某姓之垣擴充市街如是而已殺之以相復本未免太過此次如得仁鏡高燭恕秦君之

第 三 集

民國五年致馮國璋請釋秦毓蓀書

二

小過俾罪與恨皆適可而止卽百年以往將誦名賢之大惠矣祇頌勛安不備九月十九日 孫文

民國五年致黎元洪辭顧問緘

得手諭獎飾逾量併以高等顧問相屬執事仁德涵蓋萬方憂國至誠天下共見文雖術慚匡濟志匪隱淪況在艱屯之秋實有風雨同憂之誼豈建設之方始而薊薊之不供但使國家有事謀及庶人文必竭其愚慮以裨高深至於前席隆禮顧問鴻號受者不無短絆之愧評者或生尸饔之譏敢請鑒此惓誠收回成命臨風緬想無任屏營肅請鈞安伏祈垂鑒

孫文

函 札

一

第 三 集

民國五年致黎元洪辭顧問緘

二

民國五年通告國內外同志之兩書

(一)全國各同志均鑒契闊數年相思殊切睽違雲海延跼維勞幸聲氣相同時時感應也返滬以後軍書旁午又無暇箋候起居殊深歉仄惟於各同志愛國之誠動輒銘篆未嘗去於懷也□□熱心爲國凡黨中之動定必所關懷弟謹將六月以後吾黨之目的及辦事大略概括之以爲同志告自袁逆自斃黃陂繼任約法恢復國會再集吾黨不得不宣布罷兵以示吾黨革命志在護法而非爲利黎能守法則吾黨目的經已達到故卽令山東廣東及各路軍隊一律停止迨段氏組織內閣雖位置吾黨數人實非弟之所欲弟唯欲吾黨同人固結不解純取監督政府主義以俟時機發舒吾黨之政策耳故月來所辦之事其一擴充黨務目前在京議員及各埠同志每有規復國民黨之議而國會議員隸國民黨籍者尙居多數雖間有不健全之份子但經此次變亂後竭誠悔過者亦多故於月前托胡漢民君入都主持一切而昔日進步共和兩黨中之一部深信吾黨用心堅忍至公無私日相接近且有圖謀合併之議以北京政爭至烈無暇及此現弟爲黨務擴張計應徇衆議爲復黨之準備是手續須求美備而經費又須寬籌日前通告各支部復收黨員月捐及入黨基金實卽爲此但以勢力之消長言之仍恐杯水車薪無裨擴充計畫此不能不藉兄等之圖維者也其二要求償還華僑債券計自癸丑以後吾黨以袁氏弁髦法律破壞民國無日不以討之爲職志端賴各同志毀家相助俾底於成而歷年以來募集資金爲數至鉅今共和再造應要請政府償還以期符合原議昨已托由廖仲愷

第

三

集

君向黎總統及財政部請照數發還惟中央財政支絀萬分前以五百萬之日本借款幾釀政變恐無餘力再償吾黨歷年之鉅款現仍交涉中如此項債款不能急遽收回則擬要求以別優越之權利相代俾吾黨僑友不至虧折此可爲諸同志告也其三興辦各種實業弟自宣布罷兵之後即擬着手實業以期振興國產杜絕漏卮初念先辦銀行以爲各種實業倡始惟其事體大資本須鉅章程須備規模又須宏敞現正在計議中弟深望此事能成一可利華僑之匯兌二可便華僑之儲蓄三則各種實業胥由之解決惟集資匪易擬就各埠同志能集合之資力共有若干以定通盤籌措請 兄等先就貴埠究能集股多少早日示覆是深切盼又目下華僑歸者每苦無業內地黨人不能自贍者亦多須妥籌安插之法擬先於內地礦產中擇其尤者一二區先籌開辦并擬於長江一帶擇地開墾如辦理得宜獲利必厚刻已派人調查一切俟稍有頭緒當再奉告其四吾黨於滬夙無完善之機關報以至吾黨之用心行事足以爲國利民福者世人莫或知之雖有良善政策無從宣達以起國人之信仰此最爲缺憾者茲當建設伊始自應從事鼓吹以堅吾黨之信用昨各埠多有以設立宏大之機關報爲請者現擬將徐朗西君所辦之民意報從事擴張完全代表吾黨意思發揮吾黨政綱唯非數萬資金不能得其美備擬托 兄等代爲募集其招股章程日內刊就即付郵寄其五擬在上海建立華僑會館爲僑胞與內地交際之機關凡工商事業藉此地以爲調查聯絡之所使華僑盡知內地各種天然利源生財機會庶不致爲外人捷足其會館之規模務期宏大組織務期完備俾海外華僑回國有所問津務希達到合海外華僑之財之智以興發祖國利源之目的將來草就章程當再呈正務望各埠同人協力成之

總 理 全 集

以上五事皆吾黨近日之措施應爲同志諸君告者現在時局阡危民國基礎危如覆卵欲謀奠定非弟一手一足所能爲力不得不仗諸同志之協助前茲種種切望不避煩瑣代爲策謀以冀早收良果裨益國家是所切盼再中國現狀雖似安寧而帝孽伏莽猶遍佈要津張倪諸武人尙敢干預國政妄肆要挾遙遙前路罔知所屆而內閣不盡負責此可爲深憂者知關綺注再以達聞此請

台安

孫文

(二)中華會館列位鄉先生大鑒久仰

山斗景慕殊深昔年渡美以國事縈絜不克繞道南州以從

諸君子遊得收切磋之益至今猶以爲歉昨朱伯元君歸備述

高義力助捐款以濟民國今者共和再造何莫非

諸君子擁護之力更聞有倡辦建造輪船公司航業工藝互有所關此弟所深爲感綴也弟夙昔秉性質直二十年來祇知救國不知其他滿虜已除中間復經衰逆之變使國人流離顛沛無所控告弟用自疚率國人以討之隨蹶隨起數年來未嘗逸豫幸天相中土袁逆自斃黃陂依法繼任恢復約法重集國會弟即宣布罷兵以示前之革命志在護法而非爲利黎能守法則目的已達應令各路軍隊一律止戰一方結合在野同志取監督政府主義一方籌措工商事業以圖國利民福茲將邇來所辦之事撮其要旨以爲

諸君告其一罷兵以後弟即擬振興實業杜絕漏卮初念先辦銀行爲各種實業倡始惟茲事體大必須厚集

第 三 集

民國五年通告國內外同志之兩書

四

資本現在磋商中若此事能成一可以利僑商匯兌二可以便僑商貯蓄三可助各種實業之發達擬集股先自僑友始將來章程編定當即寄上以俾核奪又歸國華僑每苦無業須妥籌安插現欲擇內地礦山之尤者一二區先籌開辦并於長江一帶擇地開墾如辦理得宜獲利必厚經派妥人調查俟有頭緒當以奉告其二擬在上海建設華僑會館爲僑胞與內地交際之機關凡工商事業藉此地以爲調查聯絡之所使華僑盡知各種天然利源生財機會不致爲外人捷足其會館規模必期宏大組織必期完備俾華僑歸國有所問津務希達合華僑之財之智以興發祖國利源之目的將來草就章程當再呈正望各埠同人協力成之其三共和建國雖已五稔所以中經離亂幾至覆墜者類由人民頑視國體爲秦越人之視肥瘠漠不相關非得良善報章爲之鼓吹指導來軫方遑依然危險現擬組織一宏大報館一使人民知共和爲世界最良之政治二使人民知人權之可貴不至仍前放棄被人蹂躪三竭力調查實業供華僑歸國之引導俟招股簡章刊就即付郵寄以上三事均目下切要之圖深望

鼎力爲之協助俾早收良果裨益國家弟實有厚望焉再中國現象表面似屬甯靜惟帝孽伏莽徧布要津張倪諸武人尙敢干預國政妄肆要挾莽莽前路不知所界而內閣不盡負責此爲可隱憂者知關綺注謹以達聞仍望時惠好音是所切禱專此即請

公安

孫文

民國五年通告黃克強先生逝世函

各支部同志均鑒

啓者黃克強先生自創同盟會以來與文同事奔走艱難迄於今日凡我同志諒均知悉前月國慶日突患胃中血管破裂之症吐血數盃暈絕經時卽延德國醫生克禮氏診治據云尙無大礙嗣後胸膈仍覺飽悶至上月下旬更發見肝部腫大之徵候三十日下午五時忽又吐血不止勢極危急由醫注射暫見血止三十一日早二時突再吐血醫再注射旋卽脈停氣絕不可復救嗚呼哀哉以克強盛年稟賦素厚雖此次討賊未得比肩致力而提攜奮鬪尙冀諸異日遽此凋謝爲國爲友悼傷百端謹告 同志共鑒察之

孫文啓民國五年十一月一日

民國五年通告華僑從軍經過及遣散情形函

各支部各同志均鑒啓者此次推翻帝制各埠華僑既捐鉅資以爲軍費而回國效命決死以爲黨軍模範者復踵相接其堅忍勇往之忱誠不可多得者也計此次回國從軍之華僑可分爲兩部其一部爲活動於廣東方面主由南洋英荷法領等地之華僑組織之而美洲及日本等處華僑參與焉他一則爲活動於山東方面者主由坎拿大及北美合衆國華僑組織之而南洋及日本之華僑亦參與焉廣東一部分始僅組織決死隊十餘人謝伯堯羅金蘭主其事攻擊肇和之役死傷者幾半餘亦皆九死一生始得脫險未幾又以數十人往攻汕頭鎮守使署之役先登逐馬存發去之既而莫擎宇來爭汕頭中華革命黨軍不欲自相攻擊遂去歸而組織華僑決死隊其中多各歸其鄉糾率子弟以助大軍如吳業剛李子華等之兩攻江門其功尤著既而以袁世凱死中華革命軍解散一部份仍入石龍助鄧仲元守石龍一部歸入周之貞所統華僑護國軍皆有戰績山東一部始因坎拿大華僑依軍務部命組織團體歸國效命美國同志亦同時有數十人歸濰縣既下各同志陸續編爲華僑義勇團分爲三隊夏重民黃伯度伍橫貫蔡鶴朋等主持之又有一部立志學飛機遂延聘教員組織飛行隊胡君漢賢等十餘人皆日夕練習期於一試雖未見實戰然其聲威已播矣至東北軍解散義勇團及飛行隊亦各領費散歸計廣東華僑成立在先解散亦早東北軍中華僑隊成立較晚解散亦較遲略各支持半年備極辛苦而廣東經戰鬪多華僑中死傷者頗多東北軍幸尙無損傷然華僑之勇氣

熱心益爲同志所敬重世人所驚服矣當解散時廣東欸項至絀每人所給不過數元其曾經戰役者亦不過三十元東北軍遣散費雖較裕而合本部所給與軍隊遣散費亦不過三百元諸人遠道來歸除去再赴美洲之船費外所餘亦在無幾蓋諸同志熱心愛國深明革命原理不避艱險出於天性所惜者袁氏一死大局立變不能再以革命用兵解散之事實出於萬不得已此誠初意所不及料各同志尙多欲仍留軍籍學習軍事學問但以此時情勢我黨不爭政權則華僑諸君留習軍事學亦無所用故力勸各同志及早回埠其有坎拿大華僑未取回頭紙不能回埠者現亦代爲籌畫總之盡力期使有可營謀之機會而已從軍同志以絕頂之熱心決死來歸今日得此結果雖云共和已復帝制已除從軍者皆有無限之光榮而抱勇邁之心無用武之地自難快意其伊鬱覺不滿足自屬人情至可共諒所恨事勢如斯無由解其憂鬱吾人亦無可如何乞

各同志對於從軍華僑已未回埠者均以口或以書信勸勉慰解不使遽爾灰心將來仍可出而爲國家棟梁自致勳業則華僑之光榮卽吾黨之光榮亦卽國家之大幸也專此布達希卽轉知附近各屬同志知悉敬請
大安

孫文啓五年十二月十日

民國五年通告黨員儲金章程函

支部同志諸兄大鑒弟由東返國已三月以中間經過變象殊多難掇拾其片段故簡於箋告比來大局稍稍定矣前日由本部發出通告附有弟到滬後兩次宣言想先達覽吾黨自癸丑以後無日不以討賊爲幟曲突徒薪實爲天下之先導雖天戮袁賊不假手於吾人然專制推翻共和再造我黨原來希望亦思過半矣約法既復黎總統爲依法繼任之人故相勸罷兵示仗義者非爲權利而動至今後對於政府國民監督指導則其責任有容諉避者通告謂「革命名義不復存」亦卽此意弟在滬在杭屢開大會演說專論民國制治之大端而不爲一人一事以立言蓋基礎鞏固則百事皆其後也粵東龍逆毒民最甚故與唐紹儀王寵惠諸人發電攻之適李協和激戰韶州黎總統有令罷龍而未既交代粵人惡龍已久乃共起師圍困省城中央爲息事寧人計現已飭龍早去代者爲陸榮廷現聞已於十日交卸陸於此次獨立名譽甚佳其在廣西亦無貪污劣跡與吾黨亦有聯絡粵事暫得結束國會開會後內閣已得承認現在正從事於制定憲法至於帝制餘孽潛伏北方者尙不少中央不無投鼠忌器之患其他如張倪輩亦依然跋扈如世人所指此時固難操切從事然隱憂未息則國人猶未得高臥也我漢人驅除異族專制建立民國中遭袁逆擾亂猶能絕而復續此皆賴我同志以生命財產權利各種犧牲而購得之今後國中能一遵共和正軌與否事未可知而吾人則貴先事預防有備無患茲與同志擬有蓄金辦法蓋集合全力爲未雨之綢繆如其治安無事自可置而不用還投

第 三 集

民國五年通告黨員儲金章程函

二

之各個人生利之業其不然者則咄嗟立辦無臨渴掘井之虞此事弟籌之頗熟以爲可行故特函奉商併請轉告分部各處同志想俱樂部贊成也區區不盡欲白卽頌

公安

孫文五年九月十日

民國六年通告海外各支分部職員暫不改選函

支部分部各同志均鑒敬啓者各埠屢有函來問滿任職員是否改選查本黨改組在即若重新逐一選舉反形煩瑣請各

支部分部現任職員雖已滿期仍然照舊辦事俟至改組日爲止以歸一律但在接函以前已經舉定新任職員者仍由新舉職員接理此請

公安

孫文

民國六年通告醵資安葬陳君英士函

支部各同志均鑒敬啓者陳君英士功業彪炳志行卓絕去歲爲凶人謀害冤痛未伸現擬由黨中醵資妥爲安葬豫計所費尙需萬元務望同志盡力募集彙交原日籌餉局長匯滬供用葬期擬定五月十八日間已迫信到切望從速籌集交匯以資送葬凡屬同志俱有救恤之誼矧在陳君爲吾黨惟一柱石於此切希不吝賻助至盼覆示此請

大安

孫文六年四月

第 三 集

民國六年通告離資安葬陳君英士函

二

民國六年再復李村農論借外資書

村農君鑒以爲君能受教故前日批答來件不覺言之過長今讀來書反責我誤會適更證明其一知半解之實也所擬之件在於今日中國之人心必無成事知其不成而必欲一試是出風頭也若不知之則愚也以二者揆君其後近似而前日以前擬君誠誤矣君反對外資以爲美英二國不能我法不知此二國在百數十年前尤窮尤弱於我也此兩國離我太遠或爲君所未知今更以近者言之日本也遲遲也又當如何日本以外資外法數十年一躍而爲強國矣遲遲則更窮更弱而且愚三十年前尙入貢於我倚爲上國最後一次之貢使爲海盜所劫始知中國無保彼之能力而翻然以外資外法開發其國之利源今居然成爲亞洲完全獨立國矣是知雖弱國借資亦無害而安南高麗則向來反對外資外法也今如何我之以君爲一知半解者則以君不知外資爲何物也又以君以外資必由政府借也不知外資不盡指金錢若金錢則我亦有之何必更待乎借中國今日所缺之資本非金銀也乃生產之機器也欲興中國之實業非致數十萬萬匹馬力之機器不可然致此機器非一時所能也經濟先進之國以百數十年之心思勞力而始得之經濟後進之國以借外資而立致之遂成富國焉如美國英國是也今日欲謀富國足民舍外資無他道也若如君之意必排外資則必我自造一切生產之機器矣然自造之亦當需機器乃能造機器此機器之母必當購之外國矣以其高利之金錢而購此機器不如以低利而借此機器之爲愈也如人人能明其理知借外資卽借機器耳中國四

第 三 集

民國六年再復李村農論借外資書

二

萬萬若每人需十匹馬力之機器以代勞而作生產之事業則全國需四十萬萬匹馬力之機器若借外資則十年後便可達到目的若欲得資自造則數百年恐不能致也漢陽鐵廠已開辦二十餘年矣能造出機器幾何每年所出之豬鐵數十萬噸尙要運消於出鐵三千萬噸之美國是可知欲謀實業之發達者非謀其一端之可成效也必也萬般齊發始能收效然要其萬端齊發非一二銀行所能爲力亦非一二工廠所能爲功必也廣借外資（即多賒機器）以開發種種之利源互相挹注互相爲用乃能日進千里十年之內必致中國於美之富於德之強也如是則美英日暹等國不得專於前矣然而能致此者必先在智識若智識高遠透切則知外資非獨金錢能借非獨官場當無信手回扣之弊矣能知其則不排外資人人歡迎外資則必能要求政府立公平之法律以保護之則官場不能壟斷回扣矣如是中國乃有富強之希望若君之一意排外資真義和團之思想耳謂爲一知半解者此也

孫文

民國六年爲對德參戰問題復段祺瑞緘

芝泉總理大鑒敬覆者王君亮疇到得奉惠札併由王君道達見邀赴京之意欸篤之情感佩何極文自歸國遇共和底定卽專意開發實業雖屢聞有引中國入戰團之說而以爲總理富於識力尤洞悉德國情形必不輕於挑戰及絕交議起深恐有外力相迫逼故曾以私人名義電英首相告以迫中國入戰團之非利爾時英人皆自辯謂無迫脅中國之舉而日本人亦見告謂日本雖歡迎中國加入決不負引誘中國之責任私心揆度終謂加入有害中國無益協商諸軍終信總理能以絕交爲止境也此次王君來述尊意謂加入事難中止反覆思維未敢贊同美國戰德首助協商國以軍餉軍需數十萬萬然後以海陸兩軍繼之我國無美國之實力而強欲隨美行動反須彼方借款助我是則加入之後適以累英美之軍而已中國積弱無可諱言旣爲弱國自有弱國應守之分比之鄉隣有鬥豈可不自量力強欲參加今以中國參入戰團卽加協商諸國以重累彼方急於財政我乃分其借債拒其賠款使彼財政上加一苦痛彼方以貿易求金融之緩和我乃高其關稅使受重苦在彼實毫無所獲而在我則反藉人道正義之名以求小利此於國家體面有傷於政治道德有背甚非所宜我之加入旣以求利爲歸將來何能博人好感卽有侵損及我之事人亦將目爲自取不復持正義以相扶且加入之後我國不能盡如何之職責將令人謂我之軍隊必須有特別訓練之人我之財政必當處於特別監督之下大局何堪復問中國百無一能惟有自犧牲其領土人民則甚足以滿欲望旣不能盡

其軍事財政上之職責恐將以此代之矣側聞王君言及此次總理主張加入殊非得已欲以此拔出凡百困難之中措國家於磐石之安人誰不愛國家聞此公忠體國之苦衷寧不感動但文以爲福生有基禍生有胎天下困難之來各有原因避之不得其方必且變本加厲譬之中國向守中立本未有困難可言自從提出抗議即覺困難爲避此困難遂曰非絕交不可既絕交矣而困難又較絕交之前爲甚今日乃有非宣戰不可之言宣戰之後困難之劇將又出於意想之外者此時何以處之萬一竟有一種困難發生致非外人代我管理財權軍權不可則將何如使抗議不至絕交則今日之困難自可免今日絕交而未宣戰則將來之困難亦尙可不生欲免今之困難只有懸崖勒馬徐求補救之途否則揚湯止沸畏影却行終無以善其後也此時中國正類病夫旁人方肆饕餮彼獨向隅於是有聳動之者曰非與宴不可既與宴矣遂以停食自覺困苦又見旁人食後運動因又言曰非運動不可元氣未充運動之後轉發他病則又曰非服劇藥不可至於藥發展轉床席求生不得痛苦愈增則惟有曰非死不可而已今日中國尙未至非外人代管財權軍權不可之地位若一不慎則陷於彼非死不可之境何痛如之及今改圖當前之困難決非無可解免者文以公誼論固有竭力以濟國家之責任即以個人道德論既勸政府勿宣戰則必當盡其才智使政府脫此抗議絕交後所生之困難抑且歷考中外開明之主立憲之國苟有大政必詢芻蕘不以執政之威而謂人言爲不足恤其在近代民主之國尤尊重此精神今者總理不棄遐遠而樂聞反對者之意見信有古人之風爲當代政治家所尙況當辛亥改革之際文以南方人士倡立民國而總理以北方軍人贊成之孕育保持竊謂兩俱有責而今者爲危急

總 理 全 集

存亡之會尤不敢不掬誠相告若蒙採納愚見必當束裝北邁敬獻其所懷否則望有以釋其所疑亦自當翕然若兩有未能貿然命駕恐反形未臻融洽而已知惟善人能受盡言故悉告無隱尙希採擇卽頌台綏諸維鑒照不宣

孫文

函
札

五

民國六年率海軍開府廣州致南洋同志及鄧澤如各書

(一)南洋同志諸先生均鑒 啓者七月二十五日已由財政部將弟歸粵近情通告想經

鈞覽月之五日海軍程總長林司令已率艦隊抵粵各界備極歡迎粵人趨向共和羣情一致堪爲告慰國會
議員亦已陸續前來日間齊集當即開會組設最高軍事統一機關出師討逆以達真正共和之目的邇來聯
絡海陸軍士已費不少此後餉項之需尤爲浩大希即從速籌匯以助進行前以香港收欸不便由仲愷兄函
告照常匯滬用廖仲愷名收茲因緊急之秋由滬再轉頗費時日請直電匯粵沙面台灣銀行或廣東銀行交
Suiatu 收若無此兩銀行則匯上海 Siachunghai 收再由廖君轉匯此處可也此請

公安

孫文啓八月十日

(二)澤如仁兄同志惠鑒九月七日致書誦悉一切前匯上海廖仲愷收肆千捌百肆拾捌兩據廖君云
似曾收到請

查上海有無答覆函電此間亦一面函詢上海機關矣廖君已歸粵東二十五日就任財政次長署理總長職
嗣後關於籌欸事宜請逕與接洽以歸簡捷現以軍糈浩繁財源無着已由軍政府提交國會通過軍事內國
公債條例及其他附隨條例兩件現已飭財政部速印債券着手勸募矣行文各埠商會殷商已飭秘書廳照
行此覆并頌

民國六年率海軍開府廣州致南洋同志及鄧澤如各書

二

籌祺并致候

螺生慎剛源水諸兄

孫文啓

附寄公報一份

六年九月三十日

(三)澤如老同志先生鈞鑒敬啓者弟自偕海軍艦隊來粵後曾將各情於八月十日通告想經

均覽去月國會議員相率戾止依先進國之成規開非常議會於廣州議決軍政府組織大綱依法舉弟爲大元帥弟獻身爲國不敢以謙讓鳴高爰於九月十日就職粵中各將士皆表示歡迎西南各省將帥亦皆遙電贊助人心一致成功可以預期惟是義師待發需餉孔殷粵省財賦匱乏難以應付素仰

同志諸先生慷慨爲懷熱誠愛國當茲祖國根本動搖之時正志士毀家紓難之日務懇籌助巨款以濟軍用至軍政府財政總長暫由廖次長仲愷署理總長之職已於廿五日歸粵就任嗣後關於財政事宜請逕與接洽可也專此函達并頌

公安

孫文啓十月十日

附致貴埠商會壹函希爲代轉

商會諸先生公鑒敬啓者自共和恢復國會再開方期南北融和國家長治不料段祺瑞包藏禍心陰謀擾亂喉使逆督稱兵搆難破壞約法迫散國會張勳乘之釀成復辟之變段氏仍不厭亂乘機而起迫逐元首自稱總理借恢復共和之名行攘奪政權之計全國人民無不痛憤文自去年以來避地滬濱不願與聞時政

總 理 全 集

猥蒙海內外同人以救國大義共相督責自以忝爲共和先導際茲國家傾危義無旁貸爰偕海軍嚮義諸將帥來粵冀與西南各省共勦義舉適國會議員亦相率戾止僉以舉兵討賊必先有統一機關乃依共和先進國之成規本國人之公意開非常國會於廣州議決軍政府組織大綱依法選文任大元帥之職文既已獻身爲國敢憚煩勞爰於九月十日在非常國會就職粵中各將領暨駐粵滇海各軍皆表示歡迎西南各省將領亦多馳電推贊人心一致成功可以預期惟是義師待發需餉孔殷粵省財賦匱乏難以應付素仰貴會諸先生熱心愛國當茲國家俶擾之時正義士毀家紓難之日務懇慨捐鉅貲以裕軍實則再造民國之功當永銘於不朽矣臨風佇望無任神馳肅此敬頌

任安唯希

察照不宣

孫文謹啓

中華民國六年十月十日

(四) 澤如先生暨

各同志先生均鑒 敬啓者自軍政府成立以來非常發展四川方面劉存厚已受此間委任爲四川督軍川滇嫌隙業已泯除唐元帥親自督師尅日進取重慶以扼長江上游湖南方面傅賊已逃長沙省城盡爲南軍所有最近段賊軍械借款不惜全國兵權全歸外人之手是以蘇督李純贛督陳光遠等極力反對僞內閣閣員全體辭職昨又以王占元爲援湘總司令段芝貴爲代理鄂督而王占元遂宣佈自主因之西南大局更爲

民國六年奉海軍開府廣州致南洋同志及鄧澤如各書

四

進步第軍餉之需待濟良鉅當此功在垂成之際尤望

速籌鉅款陸續匯來以應軍用民國前途庶幾重有光矣特此通告并頌

均安

孫文六年十一月二十二日

(五)澤如兄大鑒 月來通告及公報已次第付郵想登

記室邇者軍府局面日見增進足紓

遠懷文自光復以還久欲從事發展國內實業奈以政局迭起紛擾竟有志未逮去夏歸國深憫民生凋敝亟欲有所計畫旋以政變又生匆匆以護法歸粵經秋涉春連籌軍事幾無寧晷旁及民生事業現粵勢已稱穩固擬即着手展拓利源設立礦務局以統籌全局礦務所有礦務章程從新改訂以惠商利國爲宗旨近粵中軍民兩政均就軍府範圍趁此時機各事辦理較易而手續上亦不生種種障礙以故敬請

閣下早日束裝歸國董理其事想

閣下才大識高深於礦務且屢年在海外發展鉅業成績至優倘蒙 慨允主持則實業前途不勝厚幸耳臨

穎神馳不盡萬一匆匆亟盼

復音此頌

籌安

孫文啓三月十五日

(六)澤如兄鑒 昨接吳世榮兄自檳來函言病中需用甚急未便向外人挪借請酌量接濟等情茲寄

總理全集

上台灣銀行伍百元匯票壹紙希爲

代收并煩卽交世榮兄收用此託并頌

台安

四月十六日孫文啓

附台灣銀行五百元匯票壹紙

(七)澤如兄大鑒接三月卅號來函對於回粵辦礦一事提出三問題特爲解答如下(一)如設立局所則對於經營礦業自有管理稽核之權且願自行營業以收實效兼示提倡(二)改訂礦章先祇願於廣東實行逐漸推行於各省然祇就廣東一省而論如能辦有成效已可達吾人之目的(三)礦章如已施行則將來議和可提爲條件之一如施行不及亦可日倣一日宜擇速於見效不須大資本之礦開辦自無資本虛擲之虞至現時大局西南各省見軍政府日有發展恐失其地方割據之權已生出最大內閥暗潮軍政府能否無變尙未可知倩兄暫候三兩月爾時軍政府如仍進行勢力必更鞏固兄歸來當更易展其才略而現時所辦南洋之礦亦當能清釐手續矣此復並頌

義安

孫文啓四月二十六日

(八)澤如兄鑒茲特派鄒海濱兄爲文駐港特派員並特派兄爲理財員望兄與海濱相助爲理調和各人意見以期速達減陳目的爲荷此候

大安

孫文十月二十六日

第 三 集

民國六年率海軍開府廣州致南洋同志及鄧澤如各書

六

(九)澤如我兄惠鑒我軍既得福州許黃李三部以所得軍實擴充兵力增加不止一倍滇軍朱張兩大部亦漸趨近西江以此驅除陳賊賊雖狡惡斷難東西兼顧故弟認此爲恢復百粵最好時機茲在港議立辦事機關以爲西江及內地各路之策應卽委

兄管理財政以

兄資望信用爲同志所共知亟望

慨任不辭同時囑海濱兄回港與各方接洽海濱於民黨屢次圖粵均與有力且熟知粵桂等軍隊之情狀關於支用欸項之手續可由

兄存貯於銀行而支用時則必得海濱與

兄兩人簽字乃行交付則對內對外皆妥善矣專此卽頌

近安

孫文十月二十三

總理全集

民國六年督軍團倡亂致鄧澤如各書

(一) 澤如我兄大鑒敬啓者倪逆造叛迫散國會馴至復辟既而奸人內訌復辟事敗而民國固未復也奸人乘位盡棄約法別謀固位擅權之術此而不討中國尙何由自立何以免人吞併民國者吾人所手造今又何忍坐視其淪胥不復我

公與文十餘年之奔走非待言說始足爲重前倪逆造叛時已專函申意想此際必能見義勇爲也向來革命之成敗視海軍之向背此次文實率海軍主力艦隊南來其餘未來之艦亦不爲彼効命我已操制海之權矣國會爲民國根本雖被非法解散仍可自行召集現已陸續來粵不日可足法定人數組織合法政府外人定相承認此時出兵討叛事在必成以西南六省發難而西北東北復有響應之約揚子江流域本多民黨軍隊此真千載一時之會也惟粵省財政向絀此際海軍國會兩項費用固繁將來連政府出師所需尤夥全賴我同志悉力相助庶幾有成至政府立後南方局面略定自可籌借大筆外債先將前二次軍債及此次助款照章償還尙希我

兄致力至籌集有成數卽照舊日辦法彙齊匯到廣東省城沙面臺灣銀行交 S. H. H. 收卽妥若有函件則寄廣東省城長堤實業團轉交爲宜茲乘陳卓平簡寅初二君南行之便併託其周歷各埠鼓吹義舉尙冀協力進行俾鉅款速集而海軍國會等費用有所資不勝至盼卽請

函札

一

第 三 集

民國六年督軍團倡亂致鄂澤如各書

二

近安各同志均此致候

孫文啓八月十日

(二)同志諸公大鑒 逕啓者茲有同志譚君根伍君平一由美洲回道經此間譚君爲飛行大家聲譽著於世界此次帶有飛行機械多件并有學習生二人據稱擬在日本暫應各界招聘俟試演完畢不日前往南洋各埠飛演并擬就南洋演技籌款開辦飛行學校招收學生教育此項人才云云按飛行機爲近世軍用之最大利器譚君既有此志於國家前途均有裨益用特豫爲介紹於

諸同志倘譚君到時尙祈

費神招待并希代爲設法開場試演勸銷入場票位俾得彙集資財成立學校作育真才

諸公熱心公益諒能玉成其志也手此布達卽頌

公祺

孫文二月二十日

(三)澤如兄鑒茲付國民黨改組通告多通請兄轉寄各要地之支部請速舉行以歸統一爲荷如通告不足請多印分寄可也此致

孫文十二月三十日

民國七年軍政府改組致國會及各方面之要緘

(一) 覆國會非常會議書 敬覆者貴會代表居正焦易堂兩君交到貴會議公函並政務總裁證書均已領悉文以德薄能鮮前者早有遺大投艱之懼方謂辭職以後但求盡匹夫之責以衛國或可稍補前愆乃貴會議猶復屬望於文而又委之以重任此心彌覺內疚唯私衷或竊喜者則正式會議早經開會國法之擁護有人一經依法組織政府即所以扶危而繼絕改組軍府一案已屬過去問題國民所屬望於國會者諒不在此其詳已與居焦兩君面談茲不多贅至區區愚忱始終尊重國會且始終因尊重國會而尊重貴會議是以當選證書已謹收受雖不欲再居天下之先亦不敢不請從諸君之後倘稍有未盡之責仍當効其棉薄此復

孫文

國會非常會議

(二) 覆吳蓮伯函 蓮伯先生閣下接奉來函承以文當選政務總裁敦促就職過蒙獎譽愧何克當改組軍府別開生面人心既振運用即靈凡此情形已成過去望期者正式會議既開即可依法組織政府存亡繼絕匪異人任先生前見早經及此豈非以我國民之屬望者固在此耶至於文者身雖辭職猶不敢不盡匹夫之責庶幾來教所謂一致行動者非歟顧己所不欲勿施於人前深者感孤立無援之苦今茲雖不欲再居天下之先亦當請從諸君之後聊盡援助當選證書謹以收受一切囑居焦兩君面達頑軀患目初愈他尚

安適承注並聞順頌

議祺

孫文

(三) 覆伍秩庸 函 秩庸 先生均鑒接奉惠函猥蒙獎譽愧何克當兩公德望爲文所深佩來教尤多

見道之語領誦再三彌殷嚮往嘗聞匹夫慕義何處不勉惟不辭勞怨於前遽敢卸仔肩於後惘惘之愚當能共諒改組軍府爲時勢所趨兩公毅然首允担任洵足使頑廉而懦立至於文者一息尙存不忘救國唯鑒於孤立無援之苦誠不欲再蒙居先之誚然亦當請從諸君之後聊盡聲援之責溽暑賢勞諸希珍攝順頌

台祺

孫文

(四) 致趙其相函 其相先生惠鑒得書推許過至護法之役本於衆志豈區區一人之力所能主持惟衆志之趨向稍涉分歧致護法前途轉生頓挫此則鄙意所歎息者也台旆蒞粵適已赴東未罄所懷惟一日不能忘情國事是以過來滬上居焦兩君邂逅相得悉非常會議屬望之意今已收受證書當取老氏後人之旨以補過固未變其初衷也請釋雅念卽頌

議祺

孫文

(五) 致劉定五函 定五先生惠鑒得書承注諄諄囑言弟之過來滬上亦卽此意至就職問題初無成見唯當茲是非混淆之時質直者動輒得咎老氏所謂常後人者亦可見古與今不甚相遠也居焦兩君交來證書業經收受希釋雅懷尙望與同志諸君爲國奮鬥不盡欲言卽頌

總 理 全 集

議祺

孫文

(六) 覆唐莫廣函 莫廣先生執事前鄧君和卿來粵藉奉惠書具感 殷懃之誼並聞輩緒能應按指揮定矢誠護法義不反顧我公忠勇果毅佩仰益深方今國內大患在乎是非混淆正理不彰以故護法之役將逮一載而大義所在猶未能曉喻於人人非法政府乘之遂得藉手外援肆其負嵎貸金購械以與義師相抗甚可痛也

執事領袖天南民國柱石尙望勉任艱鉅克竣閔業盪滌瑕穢一匡大難以副海內喁喁之望豈勝幸甚文以衰邁前此勉強駑鈍深愧無裨時難雖養疴海上於國民大責未敢云忘苟利於國不敢不勉茲因鄧君返滇順致數言藉申鄙悃南雲在望惟爲國珍重順頌

戎祉不悉

孫文

(七) 覆羅家衡函 緱生先生執事頃奉惠書詞義懇摯甚感眷念之厚文不敏前者勉膺艱鉅亦欲力盡救國之責任徒以德薄能鮮誠信未孚於衆以致孤立無助而貽覆餗之咎退職以還方期効其區區稍盡匹夫之責乃重辱國會諸君之過舉畀以大任力薄責重彌深懷悚而

來教廣譬博喻殷殷以任職相勉文雖駑鈍能不思奮顧反覆思之今日國會既足法定人數已能正式開議倘由此而組織正式政府以挽垂絕之國運振中外之觀聽影響所及成效百倍至若此時所謂軍政府繼續之間爲時已屬甚暫况羣彥畢集壁壘已新顧維衰庸所裨有幾然救國之責未敢弛尊重國會之心不敢懈

函 札

三

第 三 集

民國七年軍政府改組致國會及各方面之要誠

四

重以諸君子殷勤之誼謹當勉盡聲援以從

諸君子之後棉力所及不敢不勉謹布悃悃藉頌

議祺

孫文

民國七年覆港商陳賡如函

賡如先生執事頃奉

台函祇承種切不法軍官橫行閭里蹂躪鄉民至於此極可勝怨憤我

駐港同志僑商激於公憤羣推先生仗義執言不辭遠道來呼將伯文亦鄉人當此宗國垂危里閭不靖俛仰慨歎實有不能已於言者請得爲

左右陳之溯自革命醞釀十有餘年始以中國自滿洲之手還諸國民夫民國既爲國民所公有則關於民國一切設施不可不以國民爲之基礎不幸當時國民於此責任尙未了解於是少數爲民請命之黨人陷於孤立無援之苦況而官僚與盜賊遂從而齟齬之曾不須臾民國政權已操於官僚盜賊之手由是而袁氏稱帝張勳復辟魚爛之禍凡三數見蓋民國之名雖存而其實之亡久矣文竊痛之當發憤欲爲民國一清官僚盜賊之毒以樹立真正之共和故於去歲謬膺大任竭蹶進行非不知去粵日久有同寄寓軍權吏治失所挾持所以直任而不辭者既恃公理亦恃大多數之後援耳艱難支撐一年之久孑然無助徒爲親厚所痛仇讐所快終至於解職以去此誠非文一人之厄實民國之厄也中國今日萬事無一不可蒿目棘心而最終解決仍在根本問題卽如

台函所稱護沙統領救警魂等不法情事夫彼等爲服役之軍官耳馭之得其道未嘗不可束身寡過勉自致

民國七年覆港商陳賡如函

二

於功名之域馭之失其道則放佚恣睢遂成民國之罪人假使今日有賢明之國民以監督政府有賢明之政府以監督地方長官以監督其所屬則彼等之事何致發生即使發生亦可不崇朝而決何致遷延以迄於今然而竊國者侯竊鉤者誰得而誅之此豈尙有望於今之政府與地方長官哉文自大元帥解職以後避居滬上政務總裁尙未就職匹夫在野

台函所稱從嚴懲辦各節不在其位無能爲力深以爲歉尙希

鑒之夫僕役有罪惟主人得而懲治之

諸鄉先生身爲國民卽民國之主人對於惡僕橫行弁髦法紀誠不可不加以制裁監督機關有議會在喉舌機關有報館在宜從各方面着力明事實之真相得犯罪之主名庶幾公憤可申大法得立文亦國民之一分子敢不黽勉以從諸鄉先生之後率布胸臆惟

垂察之幸甚幸甚專覆敬請

台安

孫文

民國七年致陳競存函

競存我兄惠鑒文前自抵東以後鑒於外交方面驟難活動一切計畫未能實行無可奉告故中間久闕致書嗣因目疾待治匆匆歸滬比目疾告痊又患感冒近日始瘥故於粵中消息多未詳晰尊處戰況尤在念也現日本當局仍決心助段遽欲其改變方針事恐大難惟段雖得外援然在北方因欲預儲一部分兵力與直系相角逐不能專力對南故其內容困難亦與南方無異兄身當敵衝後援難恃強敵在前所部又餉械俱乏處此局勢萬難操全勝之算若審慎求全則我之兵力有限敵之增援無窮潮汕一隅勢必陷於重圍不特戰無可戰亦恐守無可守爲兄今日計惟有奮力前進冒險求勝規取閩中而已以實力言粵軍固不如閩以士氣言閩軍亦不如粵前黃崗失守之日正廈門恐慌之時蓋彼以西路屢挫恐汀漳南軍一舉而覆其巢穴也今日粵軍餉械雖乏然努力前進猶有因械於敵之望較之株守待斃得失奚止霄壤况近時閩中志士紛起舉義全省已震彼等亦深盼得有力之後援及統師之人如兄能直向福州方面進發則彼等必紛紛來附聞風響應而閩軍兼顧不暇必致勢分力薄我軍當能大占勝利加以汝爲兄一軍在西路又屢獲勝利以汝爲之志向堅定主義一貫且不競權勢成功不居必能爲兄有力之臂佐助

兄之進行倘能閩中得手則前途大有可爲望悉力圖之也文刻仍暫留滬稍事休息尊處近狀幸時

惠音書俾悉頗末書不悉意并頌

戎祉

函 札

孫文

民國七年莫榮新抗命致李烈鈞書

協和足下前徐君元誥在滬備道兄意甚合鄙懷文當囑其代達一切旋得足下接管滇軍信愈喜復端緘奉覆計今已月餘矣未識已一一入

覽否此次李莫抗順文得報時卽已電令湘閩各方面尅期出援冀廣殿綸諸兄亦來電贊文主張非獨助足下以足下能討桂賊以伸國法援足下亦所以護法也惟以道遠音梗傳聞異辭頗爲焦灼昨盧君元弼來爲言近况知

行旌已安抵始興得免於難廿餘日煩惋乃爲大解不禁稱慶者再望卽持以堅決勿爲調停譚言所惑致負初志足下能爲國除賊苟非賊黨孰不願爲效死千載好機會勉之勿失表同情於足下者決不僅文一人也得便乞

時賜詳情俾資策畫餘維

心照不宣

孫文

民國七年勛討莫各軍書

(一)自先兄鑒來書備悉桂賊盤踞粵省破壞西南實非掃除不可兄本愛國愛鄉之熱念聯絡舊部共襄義舉良堪嘉慰以後如何動作當聽廣東討賊軍總司令命令爲一致之進行庶桂賊不難殲滅也希卽努力準備以待時機策勳不遠至爲勉望此覆卽頌

時綏

孫文

(二)德彰兄鑒來書備悉桂賊罪惡貫盈在所必討兄密集舊部編練陳君自先已得十營之衆救國熱忱良堪嘉慰頃已致函陳君告以以後動作當聽廣東決定協和亦已於六日赴港日內決赴雲南贊助莫廣解決川局川定卽可會師討桂以清內部誣賊粵軍現亦積極準備矣查桂軍實力本不充足我方同時并舉勝算可操至若湘南譚張之戰不過局部之事不至影響和議亦不能牽動我方根本計畫永望兄等極力維持湘南局勢一俟時機成熟協同討桂西南大局乃有轉機兄歷載戎衣備嘗艱苦益希策勵以竟膚功至爲念問此覆

孫文

(三)溶川兄鑒惠書及接晤羅君運閩藉稔一是護法以來歷經艱阻湘西局勢原賴撐持刻下譚張雖開戰衅不過局部之事牽涉大局文曾熟籌西南根本計畫祇須將桂系遏平餘事卽可迎刃而解蓋桂派護法其名爭權其實把持軍柄搗亂全局實爲西南誣賊此派不除吾儕正義的主張終難實現非今日得一城

第 三 集

民國七年勗討莫各軍書

二

明日獲一城之所能奏績也現在川中聯桂之熊克武已被川滇黔各軍攻擊我方迭得勝利桂派右臂已斷川局齊定會師圖桂勢若遺碣至粵東方面桂派實力不充我方布置各皆就緒競存已積極準備矣前日與秩序少川莫廣宣言諒能達覽北方有力者皆表同情當能圓滿解決協和於六日赴港不日即往雲南贊助莫廣解決川局此行必收大效倒桂之舉決可實行尙望秣馬厲兵以待大舉我方根本計畫絕不容譚張局部之戰有變遷也此覆

孫文

(四)伯仙兄鑒討賊軍總司令令已下希爲一致之進行希兄等努力排除困難積極準備屆時大舉必告成功至爲勉望此覆即頌

時綏

孫文

(五)湘丞兄鑒來書備悉兄數年轉戰勞苦功高現值時局愈勢須肅清內患兄能益加奮厲共襄義舉熱心毅力殊堪嘉慰桂賊日偪不可緩圖希即積極準備聽候陳總司令命令一致奮鬥以竟全功是所厚望此覆即頌

戎綏

孫文

(六)廷槐兄鑒來書備悉美洲同志現已意氣融洽至爲欣慰當今祖國危難救國之責端在吾黨非同志協力何以成功各同志皆具愛國熱誠自宜常體斯旨以圖共濟救國儲金業由懇親大會通過甚善甚善飛機公司成立將來致力於國家之處不少俟蔡君到時自當與商辦法岑陸等盤踞粵東破壞護法大業殊

總 理 全 集

可痛恨現與各方面協謀申討以貫徹我黨正大之主張將來大功告成我黨必愈見發揚所望於海外諸同志力爲後盾壯我義聲斯大局不難底定而我黨歷年經營之苦志亦得申展耳此覆卽頌

健祺

孫文

函
札

●

三

民國七年辭大元帥職後通告海外同志書

同志諸先生鈞鑒敬啓者文以五月辭大元帥職離粵赴汕經將去粵情形通告諒塵青鑒溯自去年以護法間關來粵無非欲與諸有志者翦除暴逆納舉國之人於法軌以自進於文明其時護法之聲幾徧國中
文以爲藉此可以拯大法之淪亡寧民國之危厄不期世之所謂護法恆與文異始不過徒飾護法之詞未嘗
以一紙書爲國會謀恢復文所組織之國會非常會議暨謀召集國會開會於粵果有何人爲我贊助前事俱
在非有飾言其所以治兵西南者迹彼用心祇欲分中央專制全國之權俾彼得專制於二三行省故自獨立
而後亂法營私稗政百出甚且縱賭以饜其欲濫殺以示其威以言護法誠不知視中央之毀法者何若有識
者以爲段氏枉法之罪固無可道若以之相衡則段氏且振振有辭矣文早知非可與謀文欲離而去之別求
所以適於吾志者時值改組軍府之議成而文之責任已盡惟有還本匹夫有職之誼以期致力於國家由是
自潮東渡由東歸滬救國主旨未嘗或息伏念文行年五十有二奔走國事者垂三十年無非欲奠定邦家使
臻強富此心此志爲公爲私當爲吾黨所共喻近雖屢遭挫敗而得百折不撓者此非盡文一手一足之力純
恃吾黨諸君子竭力相維故文深信吾黨實繫中國之存亡使吾黨弛而不張則中國或幾乎息是斷不能以
蹶躓而磨滅其壯志猶之操舟逆流須策羣力以相撈拄文深望諸君子之同喻斯旨也歸滬而後益感救亡
之策必先事吾黨之擴張故亟重訂黨章以促黨務之發達並與同志諸君約務期依照黨章繳納年金以供

第 三 集

民國七年辭大元帥職後通告海外同志書

二

總部經費俾文得專力於國事而無窘乏之慮所有各項義捐并期一律匯滬簽還收據謹此布達希爲朗鑒
黨章一俟刊行再爲奉寄順頌

均安

孫文啓八月三十日

民國七年留別粵中父老昆弟書

文常聞國人之所以稱吾粵者矣以爲粵據南海之形勝襟帶三江天產至豐地力至博與海外交通最先工商學子又往往航行萬里遠適異國履艱險闢草萊所以治貿遷而求學術者莫不推粵而從之步趨焉雖然此恆人之辭也文則以爲吾粵之所以爲全國重者不在地形之便利而在人民進取性之堅強不在物質之進步而在人民愛國心之勇猛輓近幾十年來外怵於異國之侵陵內鑑於滿政之竄敗皇皇然有危亡之懼乃悉力畢慮期驅異族建民治爲全國創自乙未以來大小數十役斷首洞胸後先相繼而終不反顧海外僑胞亦復敝衣節食罄其血汗之資以扶義舉數國內革命之軍敢死之士殆往往有吾粵志士從事其間奮其義憤辛亥一役遂滌盪數千年專制之瑕穢而建立民國此則吾父老昆弟大有造於國者也民國既造吾父老昆弟念締造之艱難凜建設之不易猶欲瘁其心志進國家於郅治願以權邪柄國良法美政遏絕不行晦塞之象劇於專制此則吾父老昆弟所疾首太息莫可如何而亦文夙夜所引爲深憾者也文去鄉之日久矣雖奔走國事之頃每念桑梓之鄉釣游之地斯須之間未嘗去懷頗聞數年以來民生日以凋敝物力日以艱難風俗日以偷薄寇盜日以充斥疑以爲傳聞之過迨客歲歸來目擊所謂民政之不修財力之支絀風俗之淫靡賭博之縱恣擄人於郭內而不能禁殺人於通衢而不能救行旅相戒動罹禍患舉全國所未有之惡德亂政無不備之此真吾粵之深恥奇辱而我父老昆弟所宜力爲湔濯者也夫以吾父老昆弟愛國如是

第 三 集

民國七年留別粵中父老昆弟書

二

其殷也進取如其強也而獨於桑梓之鄉日聽其窳敗墜落而不一加拯救者是則我父老昆弟愛國之心過厚而愛國之責太重故雖意不忘故鄉欲曲盡其維護之任而力有所不能顧暴力者乘之遂肆其摧殘剝剝而無以抗也然國者鄉之積也愛國者亦必愛鄉文以數十年奔走在外未能爲故鄉有所盡力夙夜耿耿每用自愧此一載來雖處故鄉顧迫於護法之役備歷艱難獨任勞怨綢繆補苴心力交瘁仍未暇有所助於父老昆弟也今任務稍得息肩方欲藉此一漫游海外略事休養復我元氣俾異日得再効鰲鉅於我父老昆弟臨別惓惓竊欲我父老昆弟深念夫愛國固吾人之天職愛鄉亦吾人義所不可廢吾人既負救國之責而整治鄉邦亦宜引爲己任夙夜孳孳而致力於所謂培養民力增進民智扶持風俗發展自治採人之所長去我之所短以發揚吾粵之光榮永永爲全國之儀型以馳譽於世界如是而我父老昆弟愛國之心乃可云盡救國之責乃可完滿而無憾不然徒舍近而圖遠譬之巨廈第事粉飾外觀不知其內之蠹蝕日積月累必至棟摧樑崩而後已此豈我父老昆弟所忍出也文行矣翊衛桑梓發揚光大重勞我父老昆弟之慮劃溯回珠江瞻望五嶺語長心重不覺翫縷區區之忱維我父老昆弟共鑒之

孫文

民國八年辭總裁覆國會各議員書

蓮伯慧生先生暨諸先生公鑒奉讀支日快郵代電殷殷以抑志勿去相勉期以保存法律統系爲最低限度屬望只此復不能如命良用憎歎文所望於國會者在於代表國民行使最高權驅除不法政府以達民權主義前電已述衷懷非徒自爲痛心亦非但向國會同人致慨也坐言起行還以望之於羣彥至於制憲自是國會本分豈有文之去就能損益於其間哉諸公代表國民先來者以護法而來固有最後之決心後來者以制憲而來亦豈因文辭職而致裹足文甚不欲以此無謂之顧慮輕量暫未來粵諸議員之人格若國會仍有推翻現制之決心勿遽作最低限度之想卽或犧牲於一時尙可伸大義於天下不然者則在文雖有辱可忍無重可負諸公之屬望未免空懸矣專復卽頌決心

孫文九月十日

民國八年覆在滬國會議員論南北和議書

敬復者公函敬悉國會完全自由行使職權本爲文唯一之主張始終無所變更惟此次和議之時軍政府之代表章行嚴屢次對北方聲言國會不成問題切勿以國會問題而阻和議之進行云云以致北方亦無所忌憚况近又聞國會議員紛紛北上與非法國會謀調和因而亦爲人所蔑視是則所謂南方和議代表者既視國會爲無物而國會議員中又間有不知自愛者及不肯奮鬥之人內蠹外邪紛然並起文復奈之何哉况當時改革軍政府者本國會之主張文曾以去就相爭而國會諸君一意孤行不用其言是以文離粵之後本已一切不問嗣以國會同人堅持要求文派遣代表誼難固却因從多數人之請求而派遣之然派遣之時仍再三聲明由大家指揮代表文仍不問時局至五國勸告之時外論亦多不助國會文復有所不忍乃致電美總統請其主張公道承彼贊同因電粵主張請美總統爲仲裁而不與北方議和蓋深知一與議和則南方武人及奔走權勢政客必犧牲國會以易權利也乃國會諸君又不能用其言和議既開遂有今日之現象此後結果可想而知此又國會諸君自植其因自穫其果深可太息者也此時南方代表對國會尙能堅持者祇胡君漢民一人耳其他皆營營於權利復何暇以及此他日倘國會問題爭之不得文祇有囑漢民辭職一途其他亦非文所能爲力也專此奉復並頌

公祉

第 三 集

民國八年覆在滬國會議員論南北和議書

二

民國八年覆蔡元培張相文討論編輯民國史事

子民蔚西先生惠鑒頃誦 惠教述方君寰如函稱國史徵集材料文允爲間日講演此事恐係方君之意文實未之知也然述革命之概略爲信史之資此固文所樂爲者惟以文近方從事於著述欲以政治哲理發揮平生所知與民國建設之計劃暨行易知難之理撰爲一篇以誘導國人俾灼知三民主義最後之意義爲何國民之所宜自力者爲何草創將半再閱數月或可殺青其中一章所述者爲革命緣起至民國建元之日止已略述此數十年革命運動之概略足爲民國史之幹骼至更求其詳當從海外各地搜集材料乃可彙備採擇此事現尚可辦文當通告海外各機關徵集材料然欲彙集其稿恐亦需一載餘乃可也至尊函主國史前編上溯清世秘密諸黨會此意文猶有異同以清世秘密諸會黨皆原起於明末遺老其主旨在覆清扶明故民族之主義雖甚普及而內部組織仍爲專制階級綦嚴於共和原理民權主義皆概乎未有所聞故於民主革命關係究有不同似宜另編爲秘密會黨史而不以廁雜民國史中此事界劃井然亦希注意及之也文所著述之稿現尙未有定名顧卒業以後意在普及國民廣行印刷恐完全由滬印行分運爲艱擬自行籌資由京滬分別印刷執事聞見較詳倘知北京有優良之印局足以印行或完全由滬印行後分運亦便者均望以辦法見示俾得有所折衷甚幸專此奉復並頌

譚社

國 札

一

孫文

民國八年護法之役致林修梅書

浴凡兄鑒魚雁久梗項脰爲痛兩地心情想同此况每湘中人來道及我兄屹立不依之概輒爲悚坐因念忠勇如兄連年護法之志竟屢挫未申孰實使之兄因身歷其境者試一迴溯當無俟文之縷觀亦可了然又未嘗不憤彼窮凶極惡者欲得之而後快也文盱衡時勢覺今日護法首在去彼假護法以實行破法之桂派桂派不去就令飲至燕京終屬拒虎近狼何補於國况內奸未除決難立功於外往年長沙之役卽其殷鑒但既與桂爲敵則凡與吾共敵者應引爲友

尊處對於張督既有所接洽宜壹意奮擊桂敵早除國賊前驅重任舍

兄莫屬時機已迫不容稍緩萬望速合湘南諸將士剋期準備共圖大業有便尙祈時賜好音俾資率履此瀆餘維諒察不備

孫文

第 三 集

民國八年護法之役數林修梅書

三

民國九年覆美洲葛崙埠分部長吳東垣函

東垣兄鑒六月七日及廿八日兩函均備悉我黨停辦數年現復繼續進行辦理艱難固意中事惟僑胞素具愛國熱心對於我黨大多信仰得兄極力倡導贊成者自必踴躍惟望本奮鬥之精神以收人心擴張黨勢本黨大有賴焉救國儲金一時雖難募集惟此舉關係本黨者至大仍望隨時勸誘必可成功英文報欸陸續接各埠來函多已認定今已着手開辦兄意勉訓同志捐助甚善甚善請即實行可也黃花崗烈士建坊捐款及香江晨報股欸皆非由本部經理請直接致函黃伯耀夏重民兩君交涉較為妥便并希解釋此欸之手續不清不能怪及本部各同志不得因此而灰其對黨之熱念也餘不什一此覆順詢

毅祺

孫文

第 三 集

民國九年覆美洲葛崙埠分部長吳東垣函

二

總 理 全 集

民國九年致滔天書

滔天先生鑒兩接手書一祝一弔所祝者尙未確而所弔者已成眞良深痛恨也惠州屢攻不下至今尙在惡戰之中朱執信兄往虎門收降爲敵軍一部所暗算殊爲不值日者廣州已附我惠州當終歸我有可無疑義按今後支那大勢吾黨不獨可以得志於南方且不久可以統一中國英美對我方針近來大表好意白人外患可以無憂此後吾黨之患仍在日本之軍閥政策倘日本仍行其扶舊抑新之手段則中國之內亂未有已期也如此則吾人亦不能不倒行逆施親英美以排日也而其咎則當歸之日本深望日本民間同志有以糾正軍閥之方針不爲同洲侵略之舉而爲同舟共濟之謀則東亞實蒙其福而日本亦終享其利東亞經綸百年大計無愈於此者矣日本同志幸爲圖之此覆並候

大安不一

頭山翁

木堂翁

寺尾翁

統此候好不另

孫文謹啓十月五日

民國九年護法之役覆何成濬書

雪竹兄鑒手書備悉川局未定滇軍自難兼顧粵東惟現在川事已告成功而長江形勢因直皖關係又生變化所以文意戰略上應以攻取長江爲第一計畫此時鄂省主客軍隊甚爲複雜而皖系長江勢力未盡消滅顯有欲罷不能之勢我方若以戰勝餘威速組大軍急出宜昌以圖鄂省乘其混亂之機不難收復一方而面出陝以斷中原現陳樹藩已在懲辦之列勢必歸附我方以取自保此亦絕好機會至於對桂文覺祇以滇中原有軍隊守備桂邊卽堪鞏固而在湘滇軍再由冀公臨時調度或取桂林或由常澧出長江均爲現今急要之圖至若規復粵省粵軍方面猶覺力量未足故尙在猶豫中來書謂暫緩與桂衝突切實整頓文甚贊同倘彼方果逼而挑戰至時當再電冀公商辦耳請以此意代達冀公斟酌進行爲盼關餘本應分配惟自涉訟以來迄未提得尙不知何時可以解決殊惱人也兄跋涉多勞希珍攝爲要此覆並頌

時綏

孫文

第 三 集

民國九年護法之役覆何成濬書

二

民國九年護法之役致川中何民畏書

民畏兄鑒手書敬悉刻迭接川中確報熊氏已走川局自可大定今後惟望主客各軍極端融洽則可分數路出兵一由川中編定大軍東下宜昌進規武漢一由滇中連合貴州出兵百色及柳州一由在湘滇軍直撲桂林如是則南征北伐兩向必勝天下不難定也天與不取反受其咎望轉達冀公速圖之刻下段氏失敗北洋派勢力自斷一股而我方原定目標亦已消滅自我方言之未始非最大利益今彼派既將段氏打倒直奉之爭乃又繼續開幕蓋直曹奉張其野心皆無底極而兩方勢力又莫能相下徐世昌今已爲彼等所卵翼更無涵蓋之能力由此觀之奉直必因權利而衝突而決裂而皖系之餘燼又必不能不附我而圖報復然則乘此皖系未全消滅之時我猝然出兵武漢則凡前之願爲皖謀者皆將爲我効其死力而曹錕恐奉軍之獨占京畿方面又必不敢出兵相救是武漢可探囊而取也蓋武漢主客各軍混亂已極正有可乘之勢過此則直軍內患全清無懈可擊矣至於粵東方面兄所計畫甚妥刻下民軍蠶起江防艦亦已受我運動前日曾動作一次因未同時并舉致有失敗然今猶繼續進行効力甚大競存亦準備進攻粵垣已有風聲鶴唳之勢滇黔以戰勝餘威由百色柳州取建領之勢而在湘滇軍又衝入廣西之腹則桂賊老巢岌焉震動勢必棄粵而逃粵失則廣西陷於夾攻之地亦不能自存矣此又肅清桂賊之好時機也雖數路并舉實力似有不給然就以上情況觀之實已占軍事上種種優勢似無須專以力鬥也尊意以爲然否正密本今特抄上祈察收有何

第 三 集

民國九年護法之役致川中何民畏書

消息希時見告此覆並頌

大安

二

孫文

民國九年爲創辦英文報致三藩市林直勉書

直勉兄鑒本黨創辦英文報及印刷所計畫前經通告諸同志現陸續接到覆函皆極表贊成并多認定股欸足見諸同志對於本黨宣傳主義之舉倍極熱心將來本黨發揚光大皆我黨員同心協力之所致也今因時勢之要求急須開辦而欸項尙未完全認齊故特托衛君一新前來各埠勸募衛君乃芝城老同志向在芝辦理英文報鼓吹黨義聲譽極佳其効力於本黨之處不少故今特托以募欸之重任請 兄卽本照此旨分告所屬各支分部及通訊處妥與衛君斟酌情形儘力將欸認定以成盛舉想我海外同志素抱熱誠今對此急要之圖自必爭先恐後當拭目以觀厥成此致卽詢

毅祺

孫文

第 三 集

民國九年爲創辦英文報致三藩市林直勉書

二

民國九年與海外國民黨同志書

同志公鑒敬啓者迭接海外各支分部來緘均稱黨務日見發達吾黨同志亦正磨礪以須此則足爲吾黨慶也茲有最近弟所計畫舉辦二事請各地同志贊成資助者謹佈如左

一 設立一英文報機關

查芝加哥各同志曾辦一英文月刊雜誌鼓吹本黨宗旨嗣以事故停版然而此志迄未少衰擬將該報移歸中國由本黨幹部繼續辦理弟意以爲吾黨在本國上海設一英文雜誌冀於言論上得與外國周旋同時以吾黨政治上之主張建設上之計畫宣傳於世界殊爲切要之著此其事有關於本黨者甚大姑舉其要略言之本黨同志設立之言論機關如建設月刊星期評論民國日報以及海外各支分部所辦之日報等大聲疾呼功效顯著惟以中國文字外人無從了解其所影響者止於吾國人我黨之精神義蘊無從宣示於外國凡有關於外交上之事動以言論不能發揮之故因而痛受損失者甚多况近日輿論喉舌端在報章試觀各國之各大政黨無不一言既出聳動全球夫豈不藉報章鼓吹之力而我黨獨以缺乏外國文報紙機關之故遂令雖有絕大之計畫亦無由披露於世界是故吾黨苟能設立一英文雜誌其利益誠不可量最少則有下列之三項

一 直接參加於世界輿論將吾黨之精神義蘊宣達於外以邀世界對於吾黨之信仰

第 三 集

民國九年與海外國民黨同志書

二

- 二 生外交上積極的作用（期得精神上物質上之援助）
- 三 生外交上消極的作用（排斥各種侵略主義）

觀以上要點則吾黨之實行設立一英文雜誌爲必不可緩茲因芝加哥同志有將雜誌移歸本部開辦之議現擬實行辦法如下

- 一 開辦費並第一年維持費須二萬元（概算另表開列）
- 二 此項經費擬由各分部酌量擔任總期達到此數
- 三 各埠支分部認定此項數目通知本部後雜誌即行開始所認定本款務請於通知本部後三個月內匯滬以爲經費
- 四 雜誌發行伊始世界未能週知閱者之數未能增長維持生存仍賴各支部各分部每年代銷至若干分至一年後發行增加則此報可以獨立無須捐助

概算表如左

- 一 英文印字機全副連運費約計四千元
- 二 紙價（每年十二期每期印三千冊每冊約一百頁）約計六千元
- 三 印刷工費約計二千五百元
- 四 主筆翻譯及雜役等薪工約計四千五百元

五 郵費約計一千二百元

六 房租約計一千二百元

七 電燈燃料及其他雜用約計六百元

二 創辦最大最新式之印刷機關

本黨向有愛國儲金一項原爲備本黨救國之急需此項儲金應以充最有實效之用途方不負我黨同志拳摯之意若以之充軍餉究非有效之舉蓋現在屬於本黨之軍隊如在四川陝西湖南福建廣東等處不下十餘萬人月餉動需百萬以外謂儲金一項而能供其浩大之餉糈實屬不能抑或僅供一部則受歧視之誚況各處軍隊皆靠就地徵發以自養此又無待於儲金一項若爲將來大舉計則以本黨最近兩次舉事時所得之經驗而論亦非有大宗固定之鉅款不濟儲金之爲助甚微故苟以吾黨同志熱心所集之儲金擇一最爲有裨於黨有益於國之事而舉辦之誠莫如設立一大印刷機關其理由如下

自北京大學學生發生五四運動以來一般愛國青年無不以革新思想爲將來革新事業之預備於是蓬蓬勃勃發抒言論國內各界輿論一致同倡各種新出版物爲熱心青年所舉辦者紛紛應時而出揚葩吐豔各極其致社會遂蒙絕大之影響雖以頑劣之僞政府猶且不敢摻其鋒此種新文化運動在我國今日誠思想界空前之大變動推原其始不過由於出版界之一二覺悟者從事提倡遂至輿論放大異彩學潮瀰漫全國人皆激發天良誓死爲愛國之運動倘能繼長增高其將來收效之偉大且久遠者可無疑也吾黨欲收

革命之成功必有賴於思想之變化兵法攻心語曰革心皆此之故故此種新文化運動實爲最有價值之事最近本黨同志激揚新文化之波瀾灌溉新思想之萌蘖樹立新事業之基礎描繪新計畫之雛形者則有兩大出版物如建設雜誌星期評論等已受社會歡迎然而尙自慊於力有不逮者則印刷機關之缺乏是也夫印刷機關實出版物之一大工具我國印刷機關惟商務印書館號稱宏大而其在營業上有壟斷性質固無論矣且爲保皇黨之餘孽所把持故其所出一切書籍均帶保皇黨氣味而又陳腐不堪讀不特此也又且壓抑新出版物凡屬吾黨印刷之件及外界與新思想有關之著作彼皆拒不代印卽如「孫文學說」一書曾經其拒絕不得已自行印刷當此新文化倡導正盛之時乃受該書館所抑阻四望全國別無他處大印刷機關以致吾黨近日有絕大計畫之著作並各同志最有價值之撰述皆不能盡行出版此就吾黨宣傳宗旨之不便言之至由營利上觀察現在出版書報逐日增加商業告白與時俱進而印刷所依然如前無資力者不能改良機器擴張營業故印刷事業爲商務印書館所獨占利益爲所專而思想亦爲所制近者陳競存兄提倡在廣東設西南大學已有成議大學成後於印刷事業上又增一新市場吾黨不起而圖之又徒爲商務印書館造利綜觀近日印刷之增進其所要求於印刷機關之供給者甚多斷非一二印書館所能供其要求又斷不能任一二家所壟斷試觀日本一國印書館大者何上十數小者正不可勝計其營業之發達乃與文化之進步爲正比例今者我國因新文化之趨勢一時受直接影響者如全國各學校之改良教科編印講義碩學鴻儒之發憤著作等等均有待於印刷事業之擴張至於商場上之各種新式告白需求更切故以現勢度之

總 理 全 集

此種印刷機關營業上必可獲利以故吾人深感現在之痛苦預測將來之需要從速設立一大印刷機關誠不可謂非急務矣果能成事其利如左

- 一 凡關於宣傳吾黨之宗旨主義者如書籍雜誌等類可自由印刷免受他人掣肘
- 二 本黨常有價值券褒獎狀以及各秘密文件圖籍等均不必遠託外國
- 三 本黨自行編譯各種新式教科書以貢獻於吾國教育界
- 四 國內各種有益於思想革新之著作可以代印並可改良告白以益商業
- 五 做有限公司辦法可爲本黨之一營利機關

據上理由設立此印刷機關擬先暫定資本爲五十萬圓擬分作五萬股此項資本擬以愛國儲金充之如不敷此數則各支分部之已辦儲金者請益集多數其未舉辦者請早日極力舉行以本黨在外國數百之支分部計每支分部集千數百元即可成此最有裨於黨有益於國之大事業此而能舉則革命之成功必可操券（此印刷機關絕對不招外股實以吾黨精神貫注之）現本黨極力籌度務祈早日實現如在外同志有印刷上智識及技能足贊助此事者均請將姓名住址開列寄來以便請其回國相助如未有此項熟識之人亦應就近派遣子弟專習種種印刷技術以爲將來此項人才之預備此誠久遠宏大之事望諸同志極力贊助早日成事爲幸

右凡兩端均請貴支分部贊助如荷同意速惠覆音俟本部得各分支部復信後卽行編定詳細章程奉

函 札

五

民國十年發起中央籌餉會致李源水書

源水同志兄台鑒文奔走國事迄數十年困心衡慮冀除暴亂奠我邦家今西南再造響應自治之聲瀾漫宇內吾輩當如何自勉以求償厥素願慰我國民願自治非托諸空言必挾實力以堅其後盾今前敵殺賊義不反顧雖斷脰裂身猶冒鋒衝進文每軫念其勞彼則曰男兒愛國當如是也我父老兄弟姊妹之寄居海外者其誌斯言文終日焦勞冀我海外同志念前敵之艱苦祖國之阡危勃然有作踴躍輸將茲中央籌餉會由發起人等公舉幹事十人主持會務廣設勸捐員一面於國內分別募捐一面函託海外同志擔任募捐之事內外合力共襄進行夫國家興亡匹夫有責今四百兆同胞以重任付託於我同志則共同盡力以解倒懸致民國於福利者即我同志之責也我同志其力圖之臨穎神馳努力自愛

孫文

民國十一年討陳之役勗蔣介石守福州書

介石兄鑒頃見兄致展堂季新書有十日內如毫無進步則無可如何等語吁是何言也吾不能親身來閩而托兄以討賊之任兄何能遽萌退志如此夫天下之事其不如人意者固十常八九總在能堅忍耐煩勞怨不避乃能期於有成若十日無進步則不願幹則直無事可成也就如來信云云子蔭當來滬此事已不成問題則內部之大難題已得解決則進步爲極大矣其他紛繁小故何足介懷縱我無進步而敵則日日退步如敵軍將士之日有覺悟也敵人之團體日形瓦解也百粵人心之恨彼日甚也思我日深也此卽日日之無形進步也由此以觀我能堅持便等進步矣故望兄切勿稍萌退志必期達滅陳之目的而後乃能成一段落非然者則必百事無成也兄前有志於西圖我近日在滬已代兄行之矣現已大得其要領然其中情形之複雜事體之麻煩恐較之福州情形當過百十倍此無怪吾國之志士乘興而往彼都者悉皆敗興而返吾幸而得彼津梁從此可日爲接近然根本之辦法必在吾人稍有憑藉乃能有所措施若毫無所藉則雖如吾國之青年共產黨與彼主義完全相同矣亦奚能爲所以彼都人士只有勸共產黨之加入國民黨者職是故也此可知非先得憑藉不可欲得憑藉則非恢復廣東不可此次廣東一復則西南必可統一如是便可以西南數省爲我憑藉則大有辦法矣此次土爾其革命黨之成功者此也故兄前志之成否則全在福州之一着也能卽進而滅廣州之賊固善如其不能則保守福州而堅持亦爲一進步也蓋有一日福州則我有一日之憑藉

第 三 集

民國十一年討陳之役勛蔣介石守福州書

二

外交內應則可以此爲背景倘並此而無之則我不過爲一租界之亡命客耳奚足輕重故兄能代我在軍中多持一日則我之信用可加多一日故望兄爲我而留萬勿以無進步而去兄忘却在白鵝潭舟中之時乎日惟睡食與望消息而已當時何嘗有一毫之進步然其影響於世界者何如也今則有我在外活動而兄等在福州則爲我之後盾也有此後盾則我之計畫措施日日有進步或者不必待兄等之恢復廣州我計畫已達最後之成功亦未可知也故兄無論如何艱苦煩勞必當留在軍中與我在外之奮鬥相終始庶幾有成外間日之進步非紙墨所能盡仲愷來當能略道一二總之十數年來在今日爲絕好之機會吾人當要分途奮鬥不可一時或息庶不負先烈之犧牲國人期望也千萬識之此候

籌祺

孫文十一月廿一日

民國十一年爲粵事致胡漢民鄒魯書

漢民海濱並各同志公鑒文初本欲廣州一下則立即回粵而以漢民伯蘭季龍爲全權代表以辦護法政府之收束換言之卽爲一議和之機關萬一和議決裂則當再從事於軍事後以漢民以爲在滬無容有此機關我乃改爲我留滬而漢民回粵又轉意以爲最好我能始終不回粵而在上海以應付各方其理由已與漢民詳言之乃漢民去後我在滬便發覺政系與沈氏之詭謀曾電漢民設法圖之此約在江防之變前十日從此之後日日接電非回粵不可我亦以爲來或能消患於無形也不期適起程之日則得江防之變而北京政府態度亦變吳佩孚對吾人之真面目則全露事已至此以爲雖回亦無益矣及滇軍代表夏君到滬詳報一切事變情形及滇軍態度似又應有來之必要惟屢得粵電則吾同志之內部又呈分裂之象今對此分裂之象不能不有以處斷之第一問題若我不必回粵則粵中政事當由兄等全權担任之此所以有任漢民長粵之事第二問題若非我回粵不可則我到粵之後必欲藉粵之機會以試行我五權之制分縣之治並同時澈底澄清粵中積弊如是則吾黨中堅同志決不欲其担任地方行政之事而欲其在我左右以成立一五權機關（此機關未於北京破裂以前不名爲政府而但行政府之實權）吾革命數十年來未曾得遇一自由之地一自由之機以施行我之抱負今若回粵則滿意以爲此其地此其時矣乃兄等不察斤斤以省長財政廳鹽運使爲去就之爭此我大惑不解也現所任命之省長財政廳鹽運使非必以其人皆適當亦斷難保其

第 三 集

民國七年爲粵事致胡漢民鄒魯書

二

無弊惟其人已定於粵事未得手以前今不妨由他一試耳一旦有不稱職則去之可也總之我到粵則必欲兄等在中央機關做事不欲兄等在地方機關做事幸爲諒之

孫文二月十日寫於上海

民國十二年關於勸告裁兵事覆全商國聯會書

由全國商聯會舉出之裁兵勸告代表聶雲台余日章蔣夢麐黃任之四人因鑒於目前情勢之需要已表示接受是項名義并於本年元旦發表通電明示主張昨接奉元旦所發快郵代電勸告裁兵所陳理由既深切著明所訂方法亦切實可行瀏覽之餘至深快慰文於昨年六月六日發表宣言於化兵爲工及制置國防軍諸計劃已有具體方案方期運用戰權貫徹主張以不負國民付託之重猝遭粵變事與願違然耿耿此志始終不渝自維平生建國懷抱格不得行十常八九探其原因雖似由敵黨之頑抗而實由民衆之寡和有以使然國利民福之事國民不自急起直追又不予先驅者以援助則先驅者以勢孤而致蹶後起者以覆轍而寒心坐令奸宄橫行仇讐快意而躬被其禍者仍爲國民言念及此可爲痛心今者全國商會聯合會既以裁兵主張昭示天下又得諸先生之大聲疾呼國民自動之精神渙汗大號足使孤行獨往之士聞之勇氣百倍感甚佩甚顧猶有不能已於言者國民之表示主張自以勸告當局爲第一步然而與虎謀皮久垂明戒故第二步之辦法不可不爲積極之準備以免徒蹈空言當局之膜視輿論摧殘民意久矣非示以實行之決心與毅力必不能使之降心以相從歷史以來無不勞而獲之民權無唾手可成之功業願諸先生勉之并願全國商會聯合會共勉之也專此佈臆順頌台綏

孫文

民國十二年緘促議員南下

議員諸同志惠鑒比歲以來軍閥橫暴破壞紀綱故同志集合倡正義於廣州中途變亂粵局破壞致使各同志流離出走初衷未遂及文移居滬濱仍促國會北上開會力謀國是欲持和平統一化兵爲工之策以定國家之根本以促北方武人之覺悟不意國會方開民八民六問題不定更舉廣州政府數年召集所議之案棄而不顧可知北方軍閥對於國會同人有利利用而決無誠意矣今日軍閥攘位故態復萌視民國二年以兵力挾舉總統民國八年以非法謬竊大位殆尤過之夫今日之所謂北京國會者合法與否尙屬問題再加以非法之行其何以對天下文與國會諸公始終相共務望勸告同人各盡所能力持正義其有以兵力金錢圖竊國權者當以去就相抵抗文必爲諸公後盾粵局日內可定一俟與各方面商定辦法布置妥帖必有函電奉達公請南行今先派劉君玉山來京詳述一切北望薊門風雲昏晦持正愛國是所盼切手此順候時安

孫文拜啓六月十五日自大本營發

民國十二年致胡漢民楊庶堪各書

(一)漢民兄鑒廿七函悉何處有欸收入何項緊要支出未出發前已經批發清楚由各人向各機關催取便能了事至未來之急支卽行時尙未發生問題其斷續發生者卽惟李濟深之欸耳此欸向梅培籌之可着他將備我用之欸移去李軍發餉可也其數約五六萬元近日各機關之收入最有望者爲梅培處大約可敷一個月之例外支出並着梅培預備中央銀行印紙幣費尙欠美金十三萬六千元其他之緊急欸此後繼續發生者由兄審斷應付可也

出兵東江之事已電函交催紹基矣更由兄催之並將顯承各電抄示各人由其各人問心安否而已並先爲彼等告之倘東江不能早日肅清則北敵必再來而彼萬無在粵安享之理如能見機當爲一勞永逸之計也

昨日因風雨所阻至今尙停留石龍大約明早乃可開行往惠到時情勢如何再告
滄白統此不另

孫文十二年七月廿七日

(二)漢民滄白兩兄鑒東江水漲爲向來所未有稻田悉成澤國早稻多已失收軍隊故無從購糧而人民恐不免饑荒刻下最急之事爲着兵站速行運大批米石來博以應各軍之給養並着各籌欸機關火速先籌兵站之米價俾得源源接濟爲要其他各種供應能裁減者裁減之不能裁減者暫緩之可也刻下則務當

第 三 集

民國十二年致胡漢民楊庶堪各書

二

集全力以顧東江之軍米望同事各人皆當注意於此點是爲至要此致
各同事統此不另

孫文十二年七月三十日

(三)漢民滄白兄鑒手機關槍不准各軍定造只造爲衛士隊之用請爲注意切勿再發手令爲荷

孫文十二年九月十七日

以前所發者着即取消

(四)展滄南兄鑒四日來函收悉臧電已批答對滇軍在此候之較有力退回省催之催之之責望兄等竭力做去便可何家猷委任發表亦無妨不過此時不可去接事必俟海南得後乃可大約不出一月也青陽欸一到有法時必助之惠潮下後必有法可爲我先慰之也

孫文四日

民國十三年致胡漢民許崇智書

漢民汝爲兩兄鑒現在軍隊已完全集中韶關務要速發乃能不失時機據探樊鍾秀已得萬安贛南之敵恐慌非常多向南昌吉安移動贛州以南敵力甚薄若我軍快出必可得贛南全部惟出發費尙無着遲恐失機望竭籌十萬便可出發前日着湘芹往電力公司討民國八年以前官股之紅利此等紅利之數列在該公司年結之中但因屢次政變政府無人往問該公司經理亦詐作不知但斷不能不認賬如他處無法立籌卽此一筆欸爲最整最快請兩兄協同設法助湘芹速收取之以應北伐之費至要至要此致卽候時祉

孫文十三年十月十八日

第 三 集

民國十三年致胡漢民許崇智書

二

民國十三年北伐致蔣介石各書指示關於分配槍械

與練兵等事

(一)介石兄鑒新到之武器當用以練一支決死之革命軍其兵員當向廣東之農團工團並各省之堅心革命同志招集用黃埔學生爲骨幹練兵場在韶關故望兄照前令辦理將武器速運來韶以免意外至要至要此意請轉知鮑顧問並請他向各專門家代籌妥善計畫及招致特種兵之人才爲荷 文十月十一日

(二)介石兄鑒槍械運韶既未辦到盡交汝爲而條件今又以環境變遷無施行之必要然則此械兄究以何用爲最適宜請詳細考慮以告我爲望北伐志在必行且必有大影響樊鍾秀所部數日前已破萬安收降卒一團聞敵因此已疲於奔命大軍現尙無欸出發但二日後必令何雪竹隊再出以繼樊之後塵則敵必更恐慌矣趙成梁要求若能得槍二千則無欸亦必出擊江西江西敵甚無鬥志亦無鬥力大軍一出必得江西全省便可補上海之失張靜江有電催出師江西甚力亦有寧棄廣東亦當爲之此可見各省同志之望我不可不有以慰之也此次一出必能成大功可無疑義望兄鼓勵各人速出一由東江擊破陳逆而出福建一出江西則川湘各軍必爭先而出武漢而中原可爲我有否則無論奉直誰勝西南必亡際此時能進則存不進則亡必然之理也望兄萬勿河漢吾言幸甚

孫文十三年十月十六日

(三)介石兄鑒機關槍之數既無前預算之多今又分配無餘而朱益之出發確急需此利器請於學校

民國十三年北伐致蔣介石各書指示關於分配槍械與練兵等事

二

內撥出一枝航空局與甲車隊兩處或撥兩枝或壹枝總共三枝至少亦應給兩枝以勵軍士出發之氣可也並附相當數目之子彈此致卽候

時祉

孫文十三年十月廿四日

(四)介石兄鑒槍械能否抽出三千枝來北伐望兄爲我切實一打算如其能之我便可與趙成梁立嚴重之條件不獨要他北伐且同時要他交回韶關防地爲大本營練兵之用實爲兩利也因槍械一物尙可向前途設法不憂無繼也若此時不把韶關廓清則以後更難如此則吾黨欲得一乾淨土爲練軍及試行民治之地亦不可得故以三千槍(趙二千朱尙要一千)而易一南韶連其利實大請兄爲我酌奪如於練兵計畫無礙則連子彈(每枝配四百)一齊火速運韶何時起運先電告知以便卽與趙朱辦交涉

孫文十三年十月廿六日

(五)介石兄鑒運械來韶如不能立辦到則其次爲分給我同志中之隊伍肯爲我殺奸殺賊者(此指官長與士兵皆一致者而言)請兄與汝爲細查其各部何部有此決心不爲奸商所搖動者如有則合集之要兄與汝爲對彼衆要約立決死之誓必盡滅省中之奸兵奸商以維持革命之地盤此事當要部隊一萬人以上上下一心又要汝爲先有決心毫無猶豫負完全責任爲我一幹便可將黃埔之械悉數給之立即起義殺賊絕無反顧如汝爲不能決斷則無論如何艱難危險仍將械運來韶關以練我之衛隊此事可與汝兄切實磋商立即決斷施行爲要商團之七九彈則運來北伐之用可也

孫文十三年十月十二日

總 理 全 集

(二六)介石兄鑒今日開始練兵猶不能行我所定編制若謂練成之後兵士官長都成了習慣而後再行改制則更難矣此爲我所定之制則欲練成之後可以應我方寸之運用也倘開練之時已不能行我之制則練成之後我亦無心用之矣今爲應我所用之故特托嘉蘭將軍將我衛士練至一營以爲他軍之模範兄謂我編制規模太大若果因此何不練至一營或一團爲最大單位以一營等一團以一團等一旅有何不可我想大家不欲行我之制者則全爲故習所囿也本其日本士官保定軍官之一知半解而全不知世界大勢不知未來之戰陣爲何物而以其師承爲一成不易也因爲此故我更要今日之軍人捨去其故習而服從我之制度斯將來乃能服從我之命令聽從我指揮也如果今日教學生則存一成見教成之後何能使之爲革命軍負革命之任務試觀北洋之軍隊訓練非不精補充非不備而作戰則遠不如敗殘之楊化昭臧致平以彼二人曾與南方稍有革命行動之軍隊接觸而無形中學得一二革命之戰術也此間今日所練之軍隊如果將來能聽我指揮則我必導之去以一攻十或以一攻百也此等任務更非尋常兵法所有倘今日開練之始不行我制待至練成時謂能聽指揮我決不信也此致

軍官學校教員學生同此不另

孫文

並附步兵編制表一分其餘砲兵飛兵(代騎)工兵輜重車機關槍甲砲車未定

革命軍步兵編制

六人 爲一伍 兵數

六 官

○

函 札

三

第 三 集

民國十三年北伐致蔣介石各書指示關於分配槍械與練兵等事

四

六伍	爲一列	全	三六	全	一
三列	爲一連	全	一〇八	全	四
六連	爲一營	全	六四四	全(附二人)	二一
六營	爲一團	全	三、八八八	全(附二人)	一二九
三團	爲一旅	全	一一、六六四	全	三八八
三旅	爲一師	全	三八、九九二	全	一、一六二

此表人數定實官數可酌量再加

(七)介石兄鑒前日命李縻將軍設備鋼甲車四駕北江兩架東江一架佛山一架爲保護車路兼載宣傳隊爲沿途宣傳之用佛山車已備妥次日開始宣傳而兄處派人忽將手機槍並短槍收回致不能照計畫舉行李縻將軍因大爲失望吾亦同此心此事關於黨務軍事之進行甚爲要着且我擬一二日後親往韶關更需此車(二甲)隨行務望照前命令發足手機槍拾八枝駁壳槍二百五十枝切勿延誤爲要此致即候
毅安

孫文十三年九月四日

(八)介石兄鑒函悉今撮要答復如左

一我必要湘軍及朱培德部完全出發後乃能回省大約要十日左右
一大本營決定在韶練兵地址最好在馬壩南華寺之間此地水土衛生極佳

一槍枝之置處當不能照第二議全交汝爲因彼未曾照我所定之計畫施行也（指奸商奸兵同時要對付言）

一練兵一事爲今日根本之圖槍枝處分當以此事爲準若用五千則可以三千爲北伐之用如完全皆爲練兵之用則當不能移作他用汝爲果要一式之槍可着之先整頓其部隊若能汰劣留良得一萬則可給與一萬得二萬亦可給與二萬因俄船已來過此地以後再來當更容易如我確有可靠之兵要槍來用以後不成問題此頭一批之械不過到來一試耳以後只要問我有人耳必可源源接濟也

其他之事兄所見甚是至於北伐出兵此間自樊部出發而後已使贛敵疲於奔命昨日何雪竹部始能繼續出發如此出兵當然犯正兵家各個擊破之所忌然樊鍾秀竟然冒此忌而出未見敵有何能力擊破也吾料湘軍與朱部一出則贛南全部必爲我有也此答

孫文

再留備東江之七九子彈當要撥五十萬爲湘軍出贛之用此物一到湘軍即發幸勿延遲至要至要現在只欠朱部出發費耳若此小款有着則頭一起之北伐軍可完全出發矣又及文

（九）介石兄鑒今早收到專人帶來之信匆匆作答趕車寄回尚有未盡之話兄言兩月內可練一支勁旅如現時已經開始訓練則不必移訓練地到韶因遷移費時則兩月斷難成就果期兩月可用則就現地加工便可又所練之隊爲數幾何五千乎抑八千乎如是五千則所餘之三千槍必要即日運韶以利北伐因趙成梁部在韶已練就徒手兵數千彼要求加槍二千必即日北伐不求出發費李國柱（湖南最熱心之革命

民國十三年北伐致蔣介石各書指示關於分配槍械與練兵等事

六

同志）亦需步槍一千令他編入朱培德部內如此則趙成梁一部有槍四千朱培德一部有槍四千湘軍有槍萬二千此三部共槍二萬（其他不計）向江西進取未有不成功也江西得後則湖南不成問題然後再合滇唐川熊黔袁會師武漢以窺中原曹吳不足平也

兄之新軍兩月練好之後立調來韶聽我差遣若西南局面日有發展當先鞏固西南然後再圖西北且最好能由西南打開一聯絡西北之交通線如陝甘等地則西北之經營乃容易入手蓋西北所欠者在人如無捷徑可通專靠繞道海外殊屬艱難也三千槍能速運來否切望即答

孫文

民國十三年關於處置商團事件致蔣介石各書

(一)介石兄鑒截緝那威商船私運軍械事今晚着鄧彥華率同江固艦來長洲之後更約英國兵船來黃埔協助如遇有事可協商共同一致行動可也

文白八月九晚

(二)介石兄鑒商人有願籌北伐費而討回槍械者此事現交精衛交涉如得完滿結果當要給回一大部與服從政府之商團故欲沾其一部分爲練兵費一節不可施行此幫械如何發落當俟精衛交涉後而定也

孫文

(三)介石兄鑒前李縻將軍要取手機槍拾八枝爲配甲車之用務要照發不可令學生帶來借用一時而又帶回去此殊失李將軍之望李君專長甲車戰術一切須由其配備乃能靈捷且敵人已來窺翁源河頭欲斷我省韶鐵路之交通我日內往韶關則此鐵路之防備更爲急要務望將手機槍同駁壳槍一齊交與盧振柳帶回俾李將軍得以配備後方防衛至要切勿延誤此致

孫文

(四)介石兄鑒請先發朱培德部步槍一千枝子彈配足其餘前令發給各部一概從緩以待精衛與商人交涉妥後另議此致並候

近安

孫文

(五)介石兄鑒據汝爲兄言如果將長短槍交回商團當能得百萬以爲出發費果爾當可取消今日各

民國十三年關於處置商團事件致蔣介石各書

二

令除益之之槍外可悉數還之如何請與汝爲酌奪可也

孫文九月十二日

(六)介石兄鑒聞仲愷說械船到時擬在金星門內起卸以避耳目我以為不必如此若爲避人耳目計則金星門大大不相宜因金星門之對面卽冷汀關該關有望樓有緝艇凡到金星門附近之船無不一目了然實在不能避而反露我們欲規避之心示人以弱恐反招英艦之干涉因英艦已視此等海面爲其範圍一此不可也且金星門外年年淤淺此時之水路當較數年前海圖必差數尺恐致擱淺此二不可也又在該處搬運實花費太多又恐小艇有遇風雨盜賊之危險此三不可也究不如直來黃埔公然起卸爲妙而以此爲一試驗若英國干涉我至少可以得此批到手而不必再望後日如不干涉則我安心以策將來若往他處起卸恐此批亦不可得也

孫文十三年十月三日

(七)介石兄鑒貨物幾種各種幾何務期詳細報告爲荷對於用貨之計畫兄有成竹在胸否鮑顧問意見如何若皆無一定之用途便可將貨運韶關由我想法可也

另有漢民一信請兄發意見俾我參考爲荷此候

毅安

孫文十月七日

(八)介石兄鑒如明日果有罷市反攻之事則商團槍彈亦當與我貨一齊運韶爲革命之用蓋有械豈愁無人運到我自有辦法也酌之

孫文十月十日

(九)介石兄鑒函電皆悉今先答函槍彈運韶決不瓜分各軍乃用來練我衛隊之用汝爲亦不能給以

總 理 全 集

一枝如有必要只可將黃埔前時之槍給他此八千一式之槍一枝不可分散到韶後甚多地方可以貯藏我在此斷無人敢起心來搶也至於運來時途上之保護只在黃沙一段要小心其他一路則甲車與數百人便足可由學生任之黃沙並小坪一帶可用張民達之隊以保護之其法着張假作出發韶關集於車站黃沙大部小坪小部布置妥當槍彈卽上車與學生同來便可至於欸項現當將黃埔學校收束俟到韶關再酌可也答電如下北伐必可成功無欸亦出決不回顧廣州望兄速捨長洲來韶因有某軍欲劫械並欲殺兄故暫宜避之以待衛隊練成再講話陳賊來攻我可放去由爭食之軍自相殘殺可也亂無可平只有速避耳或更邀汝爲同帶其可用之部隊齊來尤好望爲商之如何速答此復卽候

毅安

孫文十月十一日

第 三 集

民國十三年關於處置商團事件致蔣介石各書

四